

*[Faint, illegible handwritten text in cursive script, possibly a title or a list of contents.]*



101

101  
8/26



John Carter Brown  
Library  
Brown University





*Atcher*

SATYRE

MENIPPÉE

DE LA VERTU

DE CATHOLICON

d'Espagne.

ET DE LA TENVE DES

*1173*  
*1173*  
Estats de Paris.

DERNIERE EDITION.

Augmentée outre les precedentes Impressions tant de l'interpretation du mot de HIGVIERO D'INFIERNO, & qui en est l'Autheur, que du Supplément ou suite du Catholicon.

*Avec les pourtraicts des deux Charlatans, & du Seigneur Agnoste.*

Plus le Regret sur la mort de l'Asne Ligueur d'une Damoyfelle, qui mourut durant le siege de Paris.

M. D. C. *1673*

~~Atcher~~

SAITTE

MEMOIRE

DE LA VERTU

DE LA VERTU

DE LA VERTU

ET DE LA TENDRE

DE LA TENDRE

DE LA TENDRE

Argumente entre les prelochers In-  
prelochers tant de l'indignation  
du mot de l'icelle d'icelle  
et de son & de son l'indignation  
que du suppliant de son l'icelle  
l'indignation.

Sur les fontaines de la d'icelle  
tant & de son l'indignation.

Plus le Recteur de l'indignation  
L'indignation d'une D'indignation  
indignation d'une l'indignation.

M. D. C.





L'IMPRI ME V R AV

LECTEUR.

**C**E discours fut fait en langue Italienne par un Gentil-homme Florentin, qui estoit à Paris pendant que les Estats s'y tenoyent, en intention (comme il est à presumer) de le porter à son maistre le Duc de Florence, pour luy représenter l'Estat admirable des affaires de France. Mais il aduint comme il s'en retournoit en son pays, & passoit par Amiens pour aller en Flādres que son palefrenier Breton de nation ne se vouloit hasarder à si long voyage, & ayant reconnu que son maistre n'estoit pas autrement bon Catholique, parce qu'il appelloit le Biarnois, Il Re di Francia, se separa doucement de luy sans luy rien dire qui le fachaist, ne qui le troublaist en son repos: mesmes pour le soulager de la nourriture de deux cheuaux, en emmena le meilleur avec la valize en laquelle estoit l'original de ce Discours. Toutesfois Dieu voulut qu'il fut pris par quelques reli-

gieux du Chasteau Verd, ou Franc muxeaux,  
& mené deuant le Maire de Beauuais, Go-  
din, où il eust esté déclaré de bonne prise, à  
cause de quelque sac de doublõs qui se trouua  
dans la Valize, sinon qu'il leur monstra vne  
once de Catholicon reduit en pouldre, qu'il  
portoit en sa bourse, avec sept grains benists,  
& vne chemise de Chartres, qui auoit de-  
meuré neuf iours & neuf nuits aux pieds  
de nostre Dame sous terre, pour empescher  
les coups de canon & harquebuzades, &  
d'estre prins ny en guerre ny en iustice. Telle-  
ment qu'il confessa librement qu'il auoit lais-  
sé son maistre, apres auoir cognu qu'il estoit  
heretique en ce qu'il appelloit le Biarnois Roy  
de France. Or entre les hardes de sa Valize,  
dont inuentaire fut fait en presence du Maire  
Godin, & du docteur Lucain superiten-  
dant des prises & rançons, se trouua l'origi-  
nal de ce discours Italien que le Marie n'en-  
tendoit pas, & pria le Docteur de le traduire  
en bon François. Dequoy le bon hõme s'excusa  
disant que cor qui sceust bien parler le lan-  
gage de Rome, toutesfois il ne le scauoit pas  
approprier à la naïueté Françoisise, si bien  
qu'on fut contraint le donner à vn petit moi-  
né Romipete, qui le lendemain se desroba

pour la haste qu'il auoit d'estre à Paris à la benediction solennelle & procession generale que deuoit faire le Legat pour la sainte & procession generale que deuoit faire le Legat pour la sainte & catholique entreprise que Pierre Barriere d'Orleãs auoit faite & iuree entre ses mains, d'assassiner sa Maiesté à Melun. Mais il aduint que ce moyne fut pris par quelques Gentils-hommes, & trouuë chargé du mesme Discours: Lequel leur sembla si plaisant, qu'incontinent l'vn d'entr'eux le tourna en François, & de main en main la traduction est venue iusques à moy: qui l'ay fait imprimer, tant pour releuer de peine les curieux de voir toutes nouueautez, que pour picquer ceux qui languissent encor sous le ioug de la tyrannie: Car il faudra qu'ils soient parfaitement ladres clauelz, s'ils ne sentent ce poignant esguillon, & ne iettent pour le moins quelque soupir de leur mourante liberté. Adieu.



## LA VERTU D V

CATHOLICON.

**P**Arce que les Estats Catholiques n'a-  
gueres tenus à Paris, ne sont point  
Estats à la douzaine ny communs & ac-  
coustumez: Mais ont quelque chose de  
rare & singulier par dessus tous les au-  
tres qui ayent iamais esté tenus en Fran-  
ce, j'ay pensé faire chose agreable à tous  
bons Catholique zelez, & servir à l'edi-  
fication de le foy d'en mettre & par es-  
crit vn sommaire, qui comme vn elixir  
& quinte-essence tiree & abstraitte non  
seulement des harangues, mais aussi  
des intentions, pretentions, des prin-  
cipaux personnages qui iouèrent  
sur c'est eschaffaut. Or d'autant que  
les prouinces assignées à longs termes,  
& les assignations par plusieurs fois  
frustrées à cause des escharpes blanches  
qui trauersoyent les chemins des de-  
putez, ne se peurent assembler à iour

*Le Catholicon d'Espagne.*

nommé, véritablement l'assemblée ne fut pas si grande qu'on auoit esperé & desiré : Toutesfois il s'y trouua de notables & signalez Officiers, qui ne cedoient rien en grandeur de barbe & de corsage aux anciens Pairs de France : & y en auoit trois pour le moins de bonne cognoissance qui portoyent calote à la Catholique, & vn qui portoit grand chapeau, & rarement se deffubloit : ce que les Politiques, qui sont encore plus de seze dedans Paris, detorquoyent en mauuais sens, & disoyent que les trois calotiers estoient tigneux, & le grand chapeau auoit la teste côme le Poëte Aeschillus tellemēt que leur commun dire estoit qu'aux dits estats ny auoit que trois tigneux & vn pelé, & si l'inquisition d'Espagne eust esté de bon heure introduite, i'en vey plus de cinq cens, que dy-ie cinq? mais cinq millle qui ne meritoyēt par leur blaspheme rien moins que l'accollade du President Briffon : Mais le sort ne tomba sur aucun d'eux ains sur vn pauure malotru meneur d'asne qui pour haster son miserable



baudet tout errené de coups & du far-  
deau, dist tout haut en voix intelligi-  
ble, ces mots scandaleux & blasmatoi-  
res, ALLONS GROS JEAN AUX  
ESTATS: Lesquelles parolles ayant  
esté prises au bond par vn ou deux  
du nombre du Cube quarré, & dese-  
rees aux deux promoteurs de la foy,  
Marchaut & de Here, le blasphemateur  
fut sainctement & Catholiquement  
condamné à estre batu & fustigé nu de  
verge à la queue de son asne par tous  
les carefours de Paris: qui fut vn pro-  
nostiq infallible & auant-jeu signalé  
pour tesmoigner à tous les peuples as-  
semblez pour ceste sollempnelle action  
que les procédures de tous les ordres  
seroyent pleines de Iustice & d'equi-  
té, comme ledit Iugement: qui fut le  
chantillon de la grande piece de la Iu-  
stice des Estats futurs.

Or pendant qu'on faisoit les prepa-  
ratifs & eschaffault au Louure, ancien  
temple & habitacle des Rois de Frâce,  
& qu'on attendoit les deputez de tou-  
tes parts, qui de mois en mois se ren-  
doient à petit bruit sans pompe ny



*d'Espagne.*

parade de suite, comme on faisoit anciennement quand Porgueil & la corruption de nos peres auoient introduit le luxe & la superfluité vitieuse. Il y auoit en la court dudit louure, deux charlatans, Pvn Espagnol, & l'autre Lorrain, quil faisoit merueilleusement bon voir vanter leurs drogues, & iouer de passe-passe tout le long du iour deuant tous ceux qui vouloient les aller voir sans rien payer. Le Charlattan Espagnol estoit fort plaisant & monté sur vn petit eschaffaut iouiant des regalles, & tenant banque, comme on en voit assez à Venize en la place sainct Marc. A son eschaffaut estoit attachee vne grande peau de parchemin escripte en plusieurs langues seellee de cinq ou six feaux d'or, qe plomb, & de cire, avec des tiltres en lettres d'or portant ces mots, LETTRES DV POUVOIR DVN ESPAGNOLE ET DES EFFECTS MIRACVLEUX DE S'ADROGVE APPELEE HIGVIERO D'INEIERNO, OV CATHOLICON COMPOSE.

à V.



Le sommaire de toute ceste pan-  
chartre estoit , que ce triacleur pe-  
tit fils d'un Espagnol de Grenade,  
relegué en Afrique pour le mahume-  
tisme , Medecin du Cerif qui se fist  
Roy de Marroque par vne espece de  
Higuiero , son pere estant mort, vint  
en Espagne, se fit baptizer , & se mit à  
seruir a Tolledo au college des Iesui-

*d'Espagne.*

tes où ayant appris que le Catholicon simple de Rome, n'auoit d'autres effets que d'edifier les ames, & causer salut & beatitude en l'autre monde seulement, se fachant d'vn si long terme, s'estoit aduise par le conseil testamentaire de son pere, de sophistiquer ce Catholicon, si bien qu'à force de le manier remuer, alambiquer & calciner, il en auoit composé dedans ce College vn Electuaire souverain qui surpasse toute pierre philosophale, & duquel les preuues estoyent deduites par cinquante articles tels qu'ils s'ensuyuent.

I.

Ce que ce pauvre mal-heureux Empereur Charles le quint n'a peu faire avec toutes les forces vnies & tous les Cantons de l'Europe, son braue fils Dom Philippes moyennant ceste drogue l'a sçeu faire en se iouant avec vn simple Lieutenant de douze ou quinze mil hommes.

II.

Que ce Lieutenant ait du Catholicon en ses enseignes & cornettes, il

*d'Espagne.*

entrera sans coup ferir dans vn Royaume ennemy. Et luy ira l'on au deuant avec croix & bannieres, Legats & Primats, & bien qu'il ruine, rauage, vsurpe, massacre, & saccage tout, quil emporte rauisse, brusle & mette tout en desert, le peuple du pays dira, ce sont nos gens. ce sont bós Catholiques, ils le font pour la paix & pour nostre mere Saincte Eglise.

III.

Qu'vn Roy casannier s'amule à affiner ceste drogue en son Escorial, qu'il escriue vn mot en Flandres au pere Ignace cacheté de Catholicon, il luy trouuera homme, lequel (*salua conscientia*) assassina son ennemy qu'il n'auoit peu vaincre par armes en vintg ans.

IIII.

Sice Roy se propose d'asseurer ses Estats à ses enfans apres sa mort, & d'enuahir le Royaume d'autruy à petits fraiz, qu'il en escriue vn mot à Mandoze son Ambassadeur, ou au pere Commolet, qu'au bas de la lettre il es-

*d'Espagne.*

erieue avec *dell' Higuero dell' inferno,*  
*Yoel Rey,* ils luy fourniront d'un Reli-  
gieux Apostat, qui s'en ira sous beau-  
semblant, comme vn Iudas, assasiner  
de sang froid vn grand Roy de France,  
son beau frere, au milieu de son camp,  
sans craindre Dieu ny les hommes: ils  
feront plus ils canoniseront ce meur-  
trier, & mettront ce Iudas au dessus de  
Saint Pierre, & baptiseront ce prodi-  
gieux & horrible forfait, du nom de  
coup du Ciel, dont les parrains seront  
Cardinaux Legats & Primats.

V.

Qu'une grande & puissante armee,  
de piteux & horribles Francois, soit  
preste à bien faire pour la defence de  
la Couronne & patrie, & pour venger  
vn si espouventable assasinat, qu'on  
iette au milieu de ceste armee vne de-  
mie dragme de ceste drogue, elle en-  
gourdira tous les bras de ces braues &  
genereux guerriers.

VI.

Seruez d'espion au camp, aux tran-  
chees, au canon, à la chambre du



*Le Catholicon*

Roy, & en ses conseils, bien qu'on vous cognoisse pour tel, pourueu qu'ayez pris des le matin vn grain de Higuiero, quiconque vous taxera sera estimé huguenot ou fauteur d'heretique.

VII.

Tranchez des deux costez, soyez perfide, & bien que vous touchiez l'argent du Roy pour faire la guerre, n'aigrissez rien, pratiquez avec les ennemis, si vous collez vostre espee dedans vostre fourreau avec du Catholicon vous serez estimé trop homme de bien.

VIII.

Voulez vous estre vn honorable rieur & neutre faites peindre à l'entour de vostre maison, non du feu S. Anthoine, mais des Croix de Higuiero, vous voilà exempt du hoqueton, & de l'Arriaban.

IX.

Ayez sur vous le poix de demy escu de Catholicon, il ne vous faut point de plus vallable passeport pour estre aussi bien venu à Tours, qu'à Mante, à



*d'Espagne.*

Orleans, qu'à Chartres, à Compiègne  
qu'à Paris.

X.

Soyez recogneu pour pensionnaire  
d'Espagne, monopolez, trahissez, chan-  
gez, vendez, troquez, desunissez les  
Princes, pourueu qu'ayez vn grain de  
Catholicô, en la bouche, l'on vous em-  
brassera, & entrera on en deffiance des  
plus fidelles & anciens seruiteurs, com-  
me d'infidelles & huguenots, quelques  
francs Catholiques qu'ils ayent touf-  
iours esté.

XI.

Que tout aille de mal en pis, que l'en-  
nemy auance ses desseins, & ne se recu-  
le de la paix que pour mieux sauter,  
voyant le beau ieu qu'on luy fait, que  
l'Eglise Catholique mesme coure ris-  
que, qu'il y ait peruertissement de tout  
ordre Ecclesiastique ou seculier, à faute  
de parler bon François, semez finement  
vn petit de *Higuero* par le monde, per-  
sonne ne s'en souciera, & n'en osera par-  
ler craignant d'estre reputé huguenot.

XII.

Cantonnez vous & vous installez tyranniquement dans les villes du Roy, depuis le Haure iusques à Mezieres, & depuis Nantes, iusques à Cambrai, soyez villain, renegat ou perfide n'obeissez ny à Dieu, ny à Roy, ny à Loy, ayez la dessus en main vn petit de Catholicon, & le faites prescher en vostre canton, vous ferez grand & Catholique homme.

XIII.

Ayez la face honnie, & le fronc vlcéré, comme les infidelles concierges du Pontheau de Mer & Vienne, frotez vous vn peules yeux de ce diuin electuaire, il vous sera aduis que vous ferez preud'homme & riche.

XIIII.

Si vn Pape comme Xiste cinquiesme, faict quelque chose contre vous, il vous sera permisi, *Illassa conscientia*, de l'exercer, maudire, tonner, blasphemer contre luy, pourueu que dedans vostre encre il y ait tant soit peu de

d'Espagne.

Higuiero.

XV.

N'ayez point de Religion, moquez vous à gogo des Prestres & des sacre- mens de l'Eglise, & de tout droit diuin & humain, mangez de la chair en Ka- resme en despit de l'Eglise, il ne vous faudra d'autre absolution ni d'autre chardonnerette qu'une demi dragme de Catholicon,

XVI.

Voulez vous bien tost estre Cardi- nal? frottez vne des cornes de vostre bonnet de *Higuiero*, il deuiendra rou- ge & serez fait Cardinal, fussiez vous le plus incestueux & amoureux Primat du monde.

XVII.

Soyez aussi criminel que la Mothe Serrant, foyez conuaincu de fausse mō- noye comme Mandreuille, Sodomite comme Senaut, scelerat comme Bussy, Atheiste & ingrat comme le Poëte de l'Admirauté, lauez vous d'eauë de *Hi- guiero*, vous voilà aigneau immaculé & pillier de la foy.

XVIII.

*Le Catholicon*

Que quelque sage Prelat ou Conseiller d'Estat vray Catholique François s'ingere de s'opposer aux vulpines entreprises des ennemis de l'estat pourueu qu'ayez vn grain de ce Catholicon sur la langue, il vous sera permis de les accuser de vouloir tādīs que Dieu s'endormira laisser perdre la Religio comme en Angleterre.

XIX.

Que quelques bons predicateurs non pedants, soient sortis des villes rebelles pour aider a desensorceler le simple peuple, s'il n'a vn brin de *Higuero*, dans son capuchon, il s'en peut bien retourner.

XX.

Que l'Espagne mette le pied sur la gorge de l'honneur de la France, que les Lorrains s'efforcent de voler le legitime heritage aux Princes du sang Royal, qu'ils leur debarent, non moins furieusement que cauteusement ils leur disputent la Couronne, seruez vous là dessus de Catholicon, vous verrez qu'on s'amusera plustost à voir hors de saison quelque dispute de la


*d'Espagne.*

Chape à l'Euésque sur le Perron du Plessis, qu'à traualler à rame & à voiles pour faire lascher prise aux tirans matois qui tremblent de peur. Cest à peu pres la moitié des articles que cõtenoit la pancarte du Charlatan Espagnol, le temps vous fera voir les autres.

Quand au Charlatan Lorain, il n'auoit q'vn petit escabeau deuant luy couuert d'vne vielle seruiette, & dessus vne tirelire d'vn costé & vne bouëtte d'autre, pleine aussi de Catholicon, dont toutesfois il debitoit fort peu, parce qu'il commençoit à s'eunter, manquant de l'ingredient plus necessaire, qui est l'Or, & sur la bouëtte estoit escrit,

FIN GALIMATHIAS, ALI-  
AS CATHOLICON COM-  
POSE POVR GVA-  
RIR DES ECROU-  
ELLES.





Ce pauvre Charlatan ne viuoit que  
de ce mestier, & se morfondoit fort  
combien qu'il fust affublé d'un caban  
fourré tout pelé: a cause dequoy les  
pages l'appelloient monsieur de Pel-  
leué: & pour autant que le charlatan  
Espagnol estoit fort bouffon & plai-  
fant, ils l'appelloient monsieur de  
Plaisance: à la verité la drogue de ces



*d'Espagne.*

Celui-ci estoit souuerain, l'ay veu monsieur d'Aumalle Comte de Boulonné, qu'elle a guari de la iaunisse safrance, dont il languissoit: le Poëte de l'Admirauté en a esté guari de la grabelle, dont il estoit rongé iusques aux os, le Greffier Senault de la caquesanguie, plus de dix mille zelez du haut mal de la corde, & vn millier qui s'en alloient mourir en chartre sans cest *Higuiero*. & si le Concierge de Vernueil eust eu en temps & lieu de ceste drogue, il se fust bien passé de leuer la fierte de Sainct Romain de Rouen, Monsieur du Maine en prend tous les iour dans vn poisson de lait d'asnesse, pour guarir du plus desloyal & malin hocquet du monde. Le Duc de Saouye en aucit aussi prins pour le guarir de la boulimie & gloutonnie, mais il reuomist tout, le pauure homme. Il ya de pires Saincts en Bretagne que le Catholique valet de Monsieur de Fontaines gouuerneur de sainct Malo; qui couppa la gorge à son maistre en son liect, moyennant deux mil escus pour nostre mere saincte Eglise, le de-

*Le Catholicon, d'Espagne.*

uoit Chrestien est par les Bas Bretons  
estimé vn second Sainct Yves, pource  
qu'il n'est iamais degarni de *Higuero*  
& *Catholicon*: en somme tous les cas  
reseruez en la bulle, *In Cæna Domini*,  
sont absous à pur & à plain par ceste  
quinte-essence Catholique Iesuite Es-  
pagnole.

Pourtraict du Seigneur

A G N O S T E .



L'Inventeur de ceste Satire  
Merite bien d'estre connu:  
Ce pourtrait si fort luy retire,  
Qu'il ne peut estre mescognu.

LE COMTE DE S. LOUIS

A. D. 1784



Le Comte de S. Louis  
Mort le 24 Mars 1784  
C'est le portrait de son père  
Qui se voit sur sa tombe

# ABREGÉ DES

ESTATS DE PARIS,

CONVOQUES AV DIXIES-

*me de Feurier 1593. tiré des memoires de  
Madamoiselle de la Lande, aliàs la Bayen-  
noise, & des secrettes confabulations d'elle,  
& du Pere Commelaid.*



Monsieur le Duc de Mayenne,  
Lieutenant de l'Estat & Cou-  
ronne de France, le Duc de  
Guyse, le Connestable d'Au-  
malle, le Comte de Chaligny,  
Princes Lorrains, & les autres deputez d'Es-  
spagne, Flandres, Naples & autres villes de  
l'Vnió, estans assésbles à Paris pour se trouuer  
aux Estats cónoquez au 10. Feurier 1593. vou-  
larét que deuant q̄ comécer vn si saint œeuure,  
fut faite vne processió pareille à celle qui fut  
iouée en la preséce de mósieur le cardinal Ca-  
yeran. Ce qui fut aussi tost fait: Car monsieur  
Roze n'aguerer Euesque de Senlis, & main-  
tenant grand maistre du college de Nauarre,  
& Recteur de l'Vniuersité, fist le lendemain  
dresser l'appareil & les per sonnages par son  
plus ancien bedeau: la processió fut telle,  
ledit Recteur Roze, quittát sa capeluche  
rectorale, prit sa robbe de maistre, és arts  
avec le camail & le roquet & vn hausse col  
dessus, la barbe & la teste rasee tout de  
frais, l'espee: au costé & vne pertuisane



*Le Catholicon*

sur l'espaule : les curez Amilthon, Boucher, & Lincestre vn petit plus bisarrement armez, faisoient le premier rang, & deuant eux marchoyent trois petits moyneons & nouices, leurs robbes trouffees, chacun, le casqué en teste dessous leurs capuchôs, vne rondache penduë au col, où estoient pain-tes les armoires & deuises desdits Seigneurs Maistre Iulien Pelletier, Curé de S. Iacques marchoit à costé, tantost deuant tantost derriere habillé de violet en gendarme sçolastique, La Couronne & l'espee & le poignard, & vne halebarde sur l'espaule gauche, en forme de sergent de bande, qui suoit, pouffoit & haletoit pour mettre chacun en rang, & ordonnance. Puis suiuyent de trois en trois cinquante où loixante religieux, tant Cordeliers que Iacobins, Carmes, Capuchins, Minimes, Bons-hommes, Fueillans, & autres, tous couverts, avec leurs Capuchons & habits aggraffez, & armez à l'antique Catholique, sur le modelle des Epistres de Saint Paul : entre autres y auoit six Capuchins, ayant chacun vn morion en teste, & au dessus vne plume de coq, reuestus de cottes de mailles, l'espee ceinte au costé par dessus leurs habits, l'vn portant vne lance, l'autre vne Croix, l'vn vn espieu, l'autre vne harquebuzze, & l'autre vne arbaleste, le tout rouillé par humilité Catholique : les autres presque tout auoyent des picques qu'ils

*d'Espagne*

bransloyent souuent, par faute de meilleur passetemps, hors mis vn Fueillant boîteux, qui armé tout à crud se faisoit faire place avec vn espee à deux mains, & vne hache d'armes à sa ceinture, son breuiere pendu, & le faisoit bon voir sur vn pied faisant le moulinet deuant les dames. Et à la queue y auoit trois Minimes tout d'vne pareure, sçauoir est, ayant sur leurs habits chacun vn plastron à corrayes, & le derriere descouuert, la salade en la teste, l'espee & pistolet à la ceinture, & chacun vne harquebuzé à croc sans fourchette. Derriere estoit le Prieur des Iacobins en fort bon poinct, trainant la Hallebarde gauche, & armé à la legere en morte paye: le n'y voy ni Chartreux, ni Celestins qui s'estoyent excusez sur le commerce. Mais tout cela marchoit en moult belle ordonnance Catholique Apostolique & Romaine: & sembloient les anciens cranequiniers de France: Ils voulurent en passant faire vne saluë, ou escouppeterie: Mais le Legat leur deffendit, de peur qu'il ne luy mesaduint, ou à quelqu'vn des siens, comme au Cardinal de Cajetan: Apres ces beaux peres marchoyent les quatres mandians qui auoyent multiplié en plusieurs ordres tant Ecclesiastiques que seculiers, puis les paroisses: puis les seize quatre à quatre, reduits au nombre des Apostres, & habillez de mesme, comme on les ioüe

*Le Catholicon*

à la feste Dieu. Apres eux marchoyent les Preuost des marchans & Escheuins, bigarrez de diuerfes couleurs, puis la court de Parlement telle quelle, les gardes Italiènes, Espagnolles & Vvallonnes de monsieur le Lieutenant: puis les cent Gentils-hommes de frais graduez par la sainte Vnion, & apres eux quelques veterinaires de la Confrairie saint Eloy. Suiuoyent apres monsieur de Lyon tout doucement, le Cardinal de Peleuë tout bassement, & apres eux, monsieur le Legat, vray miroir de parfaite beauté, & deuant luy marchoit le Doyen de Sorbonne, avecq' la Croix où pendoyent les bulles du pouuoir. Item venoit madame de Nemours representant la Royne mere, ou grand mere (*in dubio*) du Roy futur: & luy portoit la queuë madamoiselle de la Ruë, fille de noble & discrete personne monsieur de la Ruë, cy deuant tailleur d'abits sur le pont saint Michel, & maintenant vn des cent Gentils-hommes & Conseiller d'Estat de l'Vnion, & là suiuoyent madame la douïairiere de Montpésier, avec son escharpe verte fort sale d'usage, & madame la Lieutenande de l'Estat & couronne de France, suiuite de mes dames de Belin, & de Busi le cleric. Alors s'aduançoit, & faisoit bon voir monseigneur le Lieutenant: & deuant luy deux malsiers fourrez d'hermines, & à ses flancs deux Vvallons portans hocquetons noirs, tous parsemez de croix de Lorraine rouges ayant

deuant & derriere vne deuise en broderie, dont le corps representoit l'Histoire de Phaëton, & estoit le mot. IN MAGNIS VOLVISSE SAT. EST. Arriuez qu'ils furent tous en cest esquipage en la chappelle de Bourbon, monsieur le Recteur Roze quittant son hausse-col, son espee, & pertuisanne, monta en chaire, où ayant prouué par bons & valides argumens, que c'estoit à ce coup que tout iroit bien, proposa vn bel expedient pour mettre fin a la guerre dans six mois pour le plus tard, ratiocinant ainsi: En France y a dix-sept-cens mille clochers, dont Paris n'est compté que pour vn, qu'on prenne de chacun clocher vn homme Catholique soudoyé aux despens de la paroisse, & que les deniers soyent maniez par des Docteurs en Theologie, ou pour le moins graduez nommez, nous ferôs douze cens mille combattâs & cinq cens mille Pionniers. A lors tous les assistans furent veus tressaillit de ioye, & s'escrier, ô coup du Ciel! puis exhorta viuement en la guerre, & a mourir pour les Princes Lorrains, & si besoin estoit, pour le Roy Tres-Catholique, avec telle vehemence qu'à peine peut-on tenir son Regiment de moines & pédants, qu'ils ne s'en courussent de ce pas attaquer les forts de Gournay & saint Denis: mais on les retint avec vn peu d'eau beniste, comme on appaise les mouches & fressons avec vn peu de pouffiere. Puis Monsieur le Cathe-

### *Le Catholicon*

¶ rant acheua par ceste conclusion (*Beati pauperes spiritu, &c.*) Le Sermon finy, la Mef se fut chantee en haute notte par monsieur le rereuendissime Cardinal de Pelvé, à la fin de laquelle les chantres entonnerent ee mottet (*quàm dilecta tabernacula tua.*) Lors tout ceux qui deuoient estre de l'assemblee, accompagnerent monsieur le Lieutenant au Louure, le reste se retira en confusion, qui gâ qui là chacun chez soy.

#### *Les pieces de Tapifferie dont la salle des Estats fut teudue*

**O**R deuant que vous parler des Cere monies, & de l'ordre des seances desdits Estats, il ne sera pas hors de propos de vous figurer la disposition de la salle où l'assemblee se deuoit faire: La charpenterie & eschafaudage des sieges estoit tout semblable à celle des Estats qui furent tenus à Troyes, sous le Roy Charles sixiesme, à l'instance & poursuite du Roy d'Angleterre & du Duc de Bourgogne lors que Charles septiesme Daulphin, & vray heritier de la Couronne de France, fut par lesdits estats, degradé, & déclaré incapable de succeder au Royaume, luy & tous ses adherants & fauteurs excommuniez, aggrauez, & réagrauez - cloches sonnantes, & chandelles estaintes, puis bannis ~~de~~ temples. Mais la tapifferie dont ladite



falle estoit tenduë en douze pieces, ou environ sembloit estre moderne & faite express richement estoffez à haute lisse; & le daiz de mesme, sous lequel deuoit estre assis monsieur le Lieutenant. A vn des costez & pante du daiz par le dedans estoit representé au vif vn Sertorius habillé à la Françoisise parmy des Espagnols, consultant vne biche fee, dont il disoit entendre la volonté des Dieux: En l'autre pante estoit l'effigie de Spartacus haranguant son armee d'esclaves qu'il auoit fait armer & reuolter contre l'Empire Romain: En la troisiésimé estoit le portraict dudit personnage ayant vn flambeau dans la main, qui venoit de mettre le feu en vn temple: & au bas de la pante y auoit escrit *Si aqua non possum, ruina extingam*. La quatriésimé ne se pouuoit voir, à cause de l'obscureté contre son iour. Au dessus de la teste & au fond dudit daiz, estoit vn Crucifix à la stampe moderne de Paris, ayant la main gauche attachée à la croix, & la droite libre, tenant vne espee nuë, où estoit entouuré ce dictum, *Super te & super sanguinem tuum*. Par le dehors des trois pantes de deuant estoient fort bien eslabourees les cheutes d'Icare & de Phaëton: & faisoit fort beau voir les soeurs de ce iouuenceau se metamorphoser en arbres de peupliers, dont l'vne qui s'estoit rompuë vne hanche en courant pour secourir son frere, ressem-

*Le Catolicon*

bloit naïfuemēt à la Douairiere de Montpensier, toute descheuelee.

La premiere piece de tapisserie proche du daiz estoit l'histoire du veau d'or, comme elle est descrite en Ezode 32. chapitre, où Moyse & Aarony estoient representez par le déffunct Roy Henry troisieme, & feu Monsieur le Cardinal de Bourbon: mais le veau d'or estoit la figure du feu Duc de Guyse haut esleué & adoré par le peuple, & les deux tables raportoyent la loy fondamentale des Estats de blois, & l'Edit de Juillet, 1587. & au bas de la piece estoient escrits ces mots, *In die ultionis visitabo & hoc peccatum eorum.*

La seconde piece estoit vn grand pay sage de diuerles histoires anciennes & modernes, distinctes & separees l'vne de l'autre, & neanmoins se raportas fort ingenieusement a mesme perspectiue, au plus haut se voyoit representee la belle entree de nuict que fit le Duc Jean de Bourgogne à Paris. & quand les Parisiens crierēt Noel de la Toussaincts.

A vn des coins estoit la harelle de Rouë, où vn marchand appelé le Gras estoit esleu Roy, par la populace. A l'autre coing estoit la Jacquerie de Beauoisin, avec leur Capitaine Guillaume Caillet: au coing d'embas estoient les pourcelets liguez de Lyon: & à l'autre coin les faits heroiques des anciens Maillottins, sous les Capi-

taines Simonnet Caboche, & Jacques Aubriot, Roys des bouchers, & escorcheurs Et le tout en personages racourcis, ne seruant que de paysage : Mais au fond & milieu de la piece estoient figurees les barricades de Paris, où lon voyoit vn Roy simple & bon Catolique, & qui auoit tant fait de biens & donné tant de priuileges aux Parisiens, estre chassé de sa maison, & assiegé de toutes parts : avec tonneaux & barriques pour le prendre. Là estoient representez plusieurs : braues stratagemes des Sires qui menoyét Tremont, Chastigneraye, Flauacourt & autres batteurs de paué, au lieu d'honneur : & au bas de ladite picce estoit escrit ce quatrain.

*Iupiter de ses tonneaux*

*Le bien & le mal nous verse :*

*Mais par ceux-cy tous nouueaux*

*Il met tout à la renuerse.*

La troisieme picce contenoit l'histoire d'Absaló, qui baricada son pere, & le chassa de la ville de Hierusalem : ayant gaigné & corrópu par caresses indignes les plus abiets & saquins du menu peuple : puis se voyoit la punition qu'il en reçeut, & comment Architophel son mauuais conseiller finit malheureusement ses iours : tous les visages estoýét approchans d'aucuns desdits Estats, & se recognoýssoyent aisémét le Presiden Ianin, Matteau, Ribaut & autres à qui le feu Duc de Guyse faisoit tant

*Le Catholicon*

de bonnadiez aux estats de Blois. Aussi se voyent Choulier, la Ruë, Pocart Senault & autres bouchers, maquignons iusques aux cureurs de fossez, tous gens d'honneur de leur mestier que ledit deffunct martyr baifoit en la bouche par zele de religion.

La quatrième representoit en gros les faits d'armes des anciens & modernes asfacins, autrement appelez Bedoüins & Arfacides, qui ne craignoyent d'aller tuër iusques à la chambre, & iusques au liët, ceux que leur prince imaginere Aloadin, surnommé le vieil des six ou sept montagnes leur commandoit. Entre autres, y auoit deux figures plus apparentes, l'une d'un Comte de Tripoli asfaciné par un Sarrazin zelatur de sa religion, en luy baissant les mains: Et l'autre d'un Roy de France & Pologne, proditoirement frappé d'un cousteau, par un moyne desbauché zelateur en luy presentans à genous vne lettre missiue, & sur le front dudit moyne estoit escrit en grosses lettres l'anagramme de son nom, frere Jacques Clement,

**C E S T L E N F E R Q V I M A C R E E .**

En la cinquième se voyoit la Bataille de Sélis, où monsieur D'Aumalle fut fait Connestable, & luy estoient baillez les esperons aïslez & zelez, par Monsieur de Longueuille, prince politique, & par la Nouë bras de fer, & Giury son suffragant: autour d'icelle estoient escrits ces vers par quatrains.

A chacun nature donne  
Des pieds pour le secourir,  
Les pieds sauuent la personne  
Il n'est que de bien courir.

Ce vaillant prince d'Amalle  
Pour auoir fort bien couru  
Qu'oy qu'ils ait perdu sa male  
N'a pas la mort encouru.

Ceux qui estoient à sa suite,  
Ne s'y endormirent point,  
Sauuant par heureuse fuitte  
Le moule de leur pourpoint.

Quant ouuertc est la barriere,  
De peur de blasme encourir,  
Ne demeurez point derriere  
Il n'est que de bien courir.

Courir vaut vn diadesme :  
Les coureurs sont gens de bien,  
Tremont & Balagny mesme,  
Et congis le scauent bien.

Bien courir n'est pas vn vice:  
On court pour gaigner le prix:  
C'est vn honnestc exercice,  
Bon coureur n'est iamais pris.

Qui bien court, est homme habille  
Et à Dieu pour son confort :  
Mais Chamois & Menc-uille  
Ne coururent assez fort.

Souuent celuy qui demeure  
Est cause de son meschef:  
Celuy qui fuit de bonne heure  
Pent combattre de rechef.



*Le Catholicon*

*Il vaut mieux des pieds combattre  
En fendant l'air & le vent,  
Que se faire occire ou battre  
Pour n'auoir pris le deuant.*

*Qui à de l'honneur en vie  
Ne doit pourtant en mourir:  
Où il y va de de la vie*

*Il n'est que de bien courir.*

Et au coing de ladicte piece, se voyoit Pigenat au liect malade, furieux & enragé de ceste fortune, en attendant la responce de la lettre qu'il auoit escrite en poste à madame Sainte Geneuiefue, bonne Francoise, s'il en fut iamais.

En la sixiesme estoit despeint le miracle d'Arques, où six cents descófortez prests de passer la mer à nage, faisoient la nique, & mettoyent en route par les charmes du Biarnois douze ou quinze mil Rodomonts, fendeurs de nazeaux & mangeurs de charettes ferrees: Et ce qui en estoit de plus beau estoient les dames de Paris aux fenestres, & autres qui auoyent retenu place dix iours deuant sur les boutiques & ouuroirs de la ruë S. Anthoine, pour voir amener le Biarnois prisonnier en triomphe, lié & bague, & comment il leur bailla belle par ce qu'il vint en autre habit, par les faux bourgs Saint Iacques & Saint Germain.

La septiesme contenoit la bataille d'Iury la Chauffee, où se voyoyent les Espagnols, Lorrains, & autres Catholiques

Romains par mocquerie ou autrement. monstrent leur cul aux Maheultres & le Biarnois tout eschauffé, qui a bride abbatuë cheuauchoit l'Vnion par derriere. Il y faisoit beau voir monsieur le Lieutenant, maudissant le dernier & laissant le Comte d'Aiguemôt pour les gages, trompé d'oultre moitié de iuste prix, s'en courir sur vn cheual Turc, pour prendre Mante par le gaichet, & dire aux habitans en notte basse & courte aleine, MES AMIS SAUVEZ MOY ET MES GENS: TOVT EST PERDV, MAIS LE BIARNOIS EST MORT, Sur touty auoit vn merueilleux plaisir d'y voir sagement inuentorier ses coffres & bahuts, & d'en voir religieusement auaindre l'estendart de la foy où estoit peint vn crucifix sur taffetas noir avec l'inscription, AVSPICE CHRISTO: tel qu'on le voit pendant en l'Eglise de Mante. C'est celuy estandart, peuple Chrestien, qui deuoit seruir d'oriflambe à ses successeurs Roys, à l'aduenir, si la corde n'eust rompu. Au coing de ladite rapifferie y auoit vne danse de Bergers & payfans. & aupres d'eux comme vn tableau dedans lequel estoit escrete ceste chanson.

*Reprenons la danse*

*Allons, c'est assez*

*Le printemps commence.*

*Les Roys sont passez.*

### Le Catholicon

*Prenons quelque treue  
Nous sommes lassez,  
Ces Roys de la febue  
Nous ont harassé,  
Vn Roy seul demeure :  
Les sots sont chassé,  
Fortune à ceste heure  
Ioué aux pots cassé,  
Il vous faut tout rendre  
Roys embarrassez  
Qui voulez tout prendre,  
Et rien n'embrassez.  
Vn grand Capitaine  
Vous a terracez  
Allons Iean du Mayne  
Les Roys sont passez.*

Les huitiesme estoit la representation des Paradis de Paris (*in plurali*) dedans lesquels & par dessus le S. Cyboire, estoient les imagés de trois saincts nouvellement imprimez depuis le Kalendrier Gregorien, portans ieufnes doubles : l'un d'iceux estoit habillé de noir & de blanc, en pie griaisches, ayant vn petit cousteau en la main, comme vn coupeur de bouse, tout autre que celuy de Saint Barthelemy : L'autre estoit vestu d'une soutane rouge, & d'une cuirasse par dessous, & vn chapeau de mesme à longs cordons, ayant en la main vne coupe pleine de sang, dont il sembloit vouloir boire, & de la bouche luy sortoit vn escriteau en ces mots:

STATE IN GALEIS POLITE  
LANCEAS, ET INDVITE VOS  
LORICIS. Le troisieme estoit vn  
sainct a cheual, comme sainct Georges,  
ayant a ses pieds force dames & damoi-  
selles a qui il tendoit la main, & leur mon-  
stroit vne couronne en l'air, a laquelle en  
soupirant il aspirait avec ceste devise,  
DIFFICILIA QVAE PVL-  
CHRA. Le peuple leur portoit force  
chandelles, & disoit de nouueaux suffra-  
ges attendans qu'ils fissent miracles, mais  
le vent emportoit & souffloit tout : les  
bordures de ladicte piece estoient des pro-  
cessions blanches, & de Sermons & Te-  
deums renforcez. où se voyent en petit vo-  
lume les faces de Boucher, Lincestre, &  
le petit Fueillant, exhortant le peuple à la  
paix par vne figure nommee Antiphase.

La neuuesme faisoit voir au naturel vne  
grande geante, gisante contre terre, qui a-  
uortoit d'vne infinité de viperes & monstres  
diuers, les vns intitulez Gaultiers, les autres  
Catillonnois, Lipans, Ligueurs, catholiques  
zelez, & Chasteau verds, & sur le front de  
ladite geante estoit escrit. CEST LA BEL-  
LE LVTECE, QVI POVR PAILLAR-  
DER AVEC SES MIGNONS A FAIT  
TVER SON PERE ET SON ESPOUX.  
Madame d'Espagne luy seruoit de sage fem-  
me & de nourrice, pour receuoir & allai-  
eter son fruiet.

*Le Catholicon*

En la dixiesme estoit fort bien historiee la prise de la ville de S. Denis par le Cheualier d'Aumalle, & y paroissoit le sieur de Vicq', & le S. Apostre de France, qui luy fortifioit sa iambe de bois : Et saint Anthoine des chainps, qui mettoit le feu aux poudres pour espouuenter les Parisiens. Au dessus de ladite piece estoit vn escriteau contenant ces mots.

*Saint Anthoine pillé par vn chef des Vnis  
Alla cōme au plus forts'en plaindre à S. Denis  
Qui luy a de ce tort la vengeance promise.  
Vn peu de temps apres ce pillart entreprit  
De prendre S. Denis mais Saint Denis le prit  
Et vègea dessus luy l'vne & l'autre entreprise*

Et au bas estoit l'epitaphe dudit cheualier d'Aumalle, cōme il s'ensuit, fors qu'il ne faisoit nulle mention qu'il fust mangé des rats & des souris.

*Celuy qui gist icy fut vn hardy preneur,  
Qui fist sur saint Denis vne fine entreprise,  
Mais S. Denis plus fin que cest entrepreneur,  
Le prit & le tua dedans sa ville prise.*

En l'onziesme se voyoit au plus pres la piteuse contenance du pauvre President Brisson, & de ses diacre & sous diacre, quand on leur parla de confession, en leur baillant l'orde de l'Vnion : ensemble leur esleuation en greue, & par ce que ladicte piece n'estoit assez large pour couvrir l'huis de l'entree, à icelle estoit attachee vne demie piece de l'apothese, ou cano-



nifation des quatre Euangeliftes & martyrs, Saints Louchart, Ameline, Anroux & Aymonnot, faisant la longue lettre, & à leurs pieds estoit escrit ce quatrain.

*Meschans pendars qui les Iuges pendex  
Impunité par là vous pretendex,  
Mais vous deuez tout le contraire attendre,  
Oncques pendart ne peut son iuge pendre.*

La douziesme & derniere aupres des fenestres, contenoit le portraict fort bien tiré de son long, de monsieur le Lieutenant, habille en Hercules Callicus, tenant en la main des brides sans nombres, desquels estoient encheuestrez des veaux aussi sans nombre: Au dessus de sa teste comme en vne nuë y auoit vne Nymphe qui auoit vn escriteau portant ces mots GARDEZ, VOUS DE FAIRE LE VEAV. Et par la bouche dudit Sieur Lieutenant en sortoit vn autre, où estoient escrits ces mots. IE LE FERAY. Voyla à plus pres ce que j'ay peu remarquer dedans ladicte Tapifferie. Quand aux bancs & sieges, où se deuoient asseoir Messieurs des Estats ils estoient tous couverts de tapis parfemez de croissettes de Lorraine noires & rouges, & de larmes mi-partie de vray & de faux argent, le tout plus vuides que plein, pour l'honneur de la feste.

*De l'ordre tenu pour les Seances.*

**A** Pres que l'assemblée fut entree bien auant dedans la grande salle. appro

**B**

*Le Catholicon*

chant des degrez ou le daiz estoit esleué,  
& les chaires preparees, la place fut as-  
signee a chacun par vn Herault d'armes in-  
titulé Courte ioye S. Denis, qui les appella  
tout haut par trois fois ainsi: Monsieur le  
Lieutenant, Monsieur le Lieutenant, Mon-  
sieur le Lieutenant de l'Estat & Couronne de  
France, montez la haut en ce throsne Royal,  
en la place de vostre maistre. Monsieur le  
Legat mettez vous a latheré. Madame la  
representante la Royne mere, ou grand  
mere, mettez vous de l'autre costé. Monsieur  
le Duc de Guyse Pair de la Lieutenance  
de l'Estat & Couronne de France, met-  
tez vous tout le fin premier pource coup  
sans preiudice de vos droicts aduenir:  
monsieur le reuerendissime Cardinal de  
Pelvé, pair, *ad tempus*, de la Lieutenance,  
mettez vous vis a vis, & n'oubliez vostre  
Calepin: Madame la Douairiere de Mont-  
pensier, comme Princeesse de vostre chef,  
mettez vous sous vostre nepueu. Madame  
la Lieutenande la Lieutenande de l'Estat,  
sans preiudice de vos pretentions, mettez  
vous contre elle. Monsieur d'Aumalle  
Conestable & Pair de la Lieutenance, a  
cause de vostre Comté de Boulonge eri-  
gee en pairie, mettez vous coste a coste du  
reuerendissime, & gardez de deschirer sa  
chappe avec vos grands esperons: haut &  
puissant Conte de Chaligny qui auez cest  
honneur d'auoir monsieur le Lieutenant

*d'Espagne.*

pour cadet, prenez vostre place, & ne craignez plus Chiquot qui est mort. Mōsieur le Primat de Lyon, infalible futur Cardinal de l'Vnion, Pair Chancelier de la Lieutenance, laissez la vostre sœur, & venez icy prendre vostre rang. Monsieur de Buffy le Clerc, iadis grand penitencier du parlement, & grand œconome spirituel de la ville & Chasteau de Paris, mettez vous aux pieds de monsieur le Lientenant, comme grand Chambellan de la Lieutenance. Monsieur du Saulfay, Pair & grand maître de la Lieutenance a faute d'autre, prenez ce baston & vous allez tout doucement seoir en ce siege mollet preparé pour vous. Messieurs les Marecschaux de la Lieutenance Rosne, dom Diego, Bois-Dauphin, & Signor Cornelio, voyla vn banc pour vous quatre, fauue a augmenter ou deminuer si le cas y escheoit. Messieurs les Secretaires, d'État, Marteau, Pericard, des Portes, & Nicolas ceste forme d'en bas est pour vous quatre, si les fesses de monsieur Nicolas y peuvent tenir: Monsieur de sainct Paul Comte de Rethelois a tiltre de pécaire, n'approchez pas si pres de monsieur de Guye, de peur de l'eschauffer & vous tenez aupres du Sieur de Ricux: Messieurs les Ambassadeurs d'Espagne, Naples, Sicile, Lorraine & Comté de Bourgongne, ce banc a main gauche & pour vous & le banc a main droicte, destiné pour les Ambassa-

*Le Catholicon*

deurs d'Angleterre, Portugal, Venise, Seigneurs, Contes, & Princes d'Allemagne, Suisse, & Italie qui font defaut, fera pour les Dames & Damoiselles selon le datre de leur impresion.

Au demeurant que tous les desputez prennent place à raison de leurs pensions, Telle fut à peu pres la séance de Messieurs des Estats, le tout sans dispute pour les prefeances, hors mis que le gardien des Cordeliers, & le Prieur des Jacobins contestèrent quelque peu, à qui irroit deuant, mais madame de Montpéfier se leuant bailla l'advantage au Prieur des Jacobins, en commemoration, comme elle disoit, de S. Jacques Clement. Il y eut aussi vn peu de garbouil entre mes dames de Rosne & de Busfy, à l'occasion que l'une ayant lasché quelque mauuais vent speudocatholique, madame de Rosne dist tout haut à la Busfy. allons procureuse la queuë vous fume, vous venez icy perfumer les croix de Lorraine, mais Monsieur le grand maistre du Saulsay oyant ce bruit, & en sçachant la cause, leur cria le baston eu la main, tout beau mes dames ne venez point cõchier nos estats, comme ma soeur fist n'a pas long temps le bal du feu Roy en ceste salle mesme. Le bruit, & la mauuaise odeur passez, monsieur le Lieutenant commença à parler en ceste façon, avec vn grand silence & attention de Messieurs les Estats.

*Harange de monsieur le Lieutenant.*

**M**essieurs vous serez tous tesmoings que depuis que i'ay pris les armés pour la saincte Ligue i'ay tousiours eu ma conseruation en telle recommandation que i'ay preferé de tresbon cœur mon interest particulier, a la cause de Dieu qui sçaura bien se garder sans moy, & se vanger de tous ses ennemis: mesmes ie puis dire avec verité que la mort de mes freses ne m'a point tant outré quelque bonne mine que i'aye fait, que le desir de marcher sur les terres que mon pere, & mon oncle le Cardinal m'auoyent tracees, & dedans lesquelles mon frere le balafré estoit heureusement entré: vous sçauéz qu'a mon retour de mon expedition de Guyenne que les politiques appellent incagade, i'e n'effectuay pas en ceste ville ce que ie pensoy, a caute des traistres qui aduertissoyent le tyran leur maistre: & ne tiray autre fruiçt de mon voyage que la prise del'heretiere de Caumont, que i'ay destiné pour femme a mon fils, mais le changement de mes affaires m'en fait a present disposer autrement. D'auantage vous n'ignorez pas que ie ne voulu point engager mon armee a aucun grand exploit, ni siege difficile en quoy toutesfois Castillon me trompa, que ie pensoy emporter en trois iours, afin de me reseruer plus entier pour executer mes



*Le Catholicon*

Catholiques desseings. Quand à mon armée de Dauphiné, ie luy fais tousiours faire halte, & me tins aux escoutes, pour attendre si aux estats de Blois, vous auriez affaire de moy. Mais les choses y ayans pris le contre pied de nos souhairs, & attentes, vous vistes en qu'elle diligence ie vous vins trouver en ceste ville, & avecq' quelle d'exterité mon cousin le Conneftable d'Aumale cy present, fit prealablement descendre le saint esprit en haste sur vne partie de messieurs de Sorbonne: Car aussi tost dit, aussi tost fait. Et de là sont procedez tous nos beaux exploits de guerre, de là ont prins origine ces milliers de Saints martyrs François, qui sont morts de glaiue, de faim, de feu, de rage, de desespoir, & autre violence, pour la cause de la Sainte Vnion: De là est venu le chastiment de tant de piasseurs, qui vouloyent faire les galands, & s'accomparrer aux Princes: de là procedent la ruyne & demolition de tant d'Eglises & monasteres qui nuisoyent à la seureté de nos bonnes villes: de tant de sac & pillage que nos bons soldats Francs archers, & nouices ont fait en Maintes villes, bourgs & villages, qui ont seruy de curee pour la foy aux deuots enfans de la Messe de minuit. De tant de belles filles & femmes qui ont sans nopces, & malgré elles, esté saoullés de ce qu'en mariage elles aiment le plus. Et Dieu

ſçait, ſi ces ieunes moynes tout fraiſchement, defroques, & ces preſtres desbauches y ont deuotement tourné les fueilles de leur breuiaire, & gagné planieres indulgences. Bref ceſte eſt la ſeule cauſe du prôpt & zelé decret de meſſieurs de noſtre mere Sorbonne apres boire, qui a faiçt en fin eſclatter force coups du Ciel. Et par noſtre bonne diligence, nous auons fait que ce Royaume qui n'eſtoit qu'un voluptueux iardin de tout plaifir & abondance, eſt de uenu un grand & ample cymetiere vniuerſel, plein de force belles croix painctes, bieres, potences & gibets. Arriué donc que ie fus en ceſte ville apres auoir enuoyé guerrir la ville d'Orleans de trop d'aife, & interdire le commerce de Loyre, qui entretenoit leurs delices, i'en voulu autant faire en ceſte ville: Et bien m'en prit: en quoy madame ma mere, ma ſœur ma femme, & la couſine d'Aumalle, qui ſont icy pour m'en deſmentir m'aſſiſterent fort Catholiquement. Car elles & moy n'eufmes autre plus grand ſoing & ſollicitude qu'à faire fonds pour la guerre, & en ce faiſant ſoulager & deſcharger tous les deuots habitans bons catholiques, de la peſanteur de leur bourſes, & vaguer curieusement de pieds & de mains à rechercher, & nous ſaiſir des riches ioyaux de la couronne a nous appartenans en ligne collateralle, & par forſaicture du Seigneur Feodal

nous trouuâmes force tresors inutiles, nous descouurîmes à peu de frais par la reuelation d'un Catholique maçon, & la sainte innocence de monsieur Machaut, que ie nomme icy par honneur, le beau & ample inuguot de Molan, nonobstant les démons gardiens & ses esprits familiers, que ledit Machaut sceut vertueusement coniuurer, remplissant à cachette d'escus au soleil le fond de ses chausses. Et sans ce diuin secours Messieurs, vous sçauiez que ne sçauions encor de quel bois faire fleches: Dont la sainte Vnion est grandement redevable au soigneux mesnagement dudit Molan qui refusoit si honnestement son maître & tous ses amis de leur aider d'argent pour nous le conseruer si a propos: n'oubliez de luy en faire chanter vn salut, quoy que soit luy promettre vne Messe la main leuee, quand on luy fera faire son testament tout de bout. Je ne veux oublier les somptueux meubles d'or, tapisseries & autres richesses que nous fîmes prendre vendre, & subhaister appartenans à ces meschans politiques Royaux, dont ma cousine d'Aumalle fist fort bien son deuoir fouillant elle mesme dedans les cabinets, & iusques aux fosses où elle sçauoit qu'il y eust de la vaisselle d'argent cachee. Tellement que des lors nostre trescher cousin son mary, elle & son grand page firent grandement leurs besongnes, furent guaris de la iau-

nisse Catholique, dont ils estoient en franchise depuis la guerre de leur Comté de Boulouge, à eux Catholiquement & legitime- ment de voluë par le meritè de leurs patenostres & deuotes Processions, non point par vsurpation & larcin domestique, comme disent les heretiques relaps: Ce fait pour monstrier ma liberalité & magnificence, apres m'estre assure de plusieurs villes, Chasteaux & Clochers, qui aysemēt se l'aissentent persuader aux bons predicateurs, ausquels i'auoye fait part de mon butin: i'ay dressé ceste puiffante & glorieuse armée de vieux soldats aguerris, tous fraichement esmoulus, que i'emmenay avec vn grand ordre & discipline tout droit à Tours, où ie cuiday dire comme vn César Catholique, *Je suis venu, i'ay veu, i'ay vaincu.* Mais ce fauteur d'heretiques fist venir en poste le Biarnois, lequel ie n'ay voulu attendre de trop pres, ni le voir en face, de peur d'estre excommunié: & puis vous sçauēz que la leuee du siege de Senslis, où mon cousin cy present à bien fait parler de luy, ioincte a la de faicte de Saueuse, me donnerent couuerture de tourner visage. Ce que ie fis aussi volontiers que vous Messieurs de Paris, le desiriez, & m'en reueriez ardemment. Depuis vous sçauēz à quel poinct nous fusmes reduits, quand ce tyran fortifie de l'heretique vint à nostre barbe prendre Estampes & Pontoy-



se : mais pas bonnes & deuotes prieres des peres Iesuites, & l'intercession de madame ma soeur, avec l'entremise de plusieurs saincts & religieux confesseurs, nous trouuasmes ce saint martyr, qui fist esclater ce coup du Ciel & nous deliura de la misere & captiuité où nous estions prests de tomber eu peu de iours. Tellement que ayant pris halaine, & fait nouueaux desfains, & nouueaux marchez avec nostre bon Roy tres-Catholique & pere nourricier, i'ay leué les cornes hautes, & avec vne gaillarde armée mi-partie, m'en allay haster d'aller les maheutres, qui suyuant les bons aduis qu'en auoit receuz madite dame & soeur s'enfuyoyent outre mer à petit train, mais parce qu'ils ne trouuerent leurs vaisseaux prests à Dieppe où ie fus les visiter, ie me mis en deuoir de les nous amener tous prisonniers en ceste ville, & vous souuiendra bien avec quelle assurance ie le vous promy, & avec quels preparatifs vous les attendiez : Toutesfois quand ie vis que ces heretiques nous faisoient barbe de feurre, & ne se vouloyent pas laisser prendre sans mitaines, ie fus en Flandres pour en chercher : & leur laisser cependant faire ceste bourraque aux faux-bourgs de ceste ville, puis leur permits d'aller se pourmener tout l'Hyuer à Vendosme, au Mans, Lual, Argentan, Falaize, Alençon, Verneil, Eureux, & Honfleur,



que ie leur laiffay tout expres prendre m'af-  
feurant bien que toft apres i'auray tout  
leur butin en gros, quand ils se seroyent  
bien morfondus & laiffé mourir de froi-  
dure. Et de fait ie leur fis brauement leuer le  
cul à Dreux, & s'en fuffent fuis s'ils m'euf-  
sent voulu croire: Mais vous fçauz que  
cefte tire-laiffe nous coufte bon: car ces  
meschans politiques n'en vouloyent qu'à  
moy, & m'euffent vilayné, s'ils m'euffent  
peu ioindre: dequoy ie me fçeu bien gar-  
der par le bon exemple de mon coufin de  
Nemours, & de mes amez & feaux aufsi  
Coufins les Duc & Cheualier d'Aumalle,  
qui n'auoyent oublié le chemin de Mante.  
Ie ne puis m'effrayer, ie ne puis parler de ce-  
fte reuerfe fortune, sans fouspirs, & sans  
larmes: car ie ierois maintenant tout a fait,  
vous fçauz bien quoy. A lieu qu'il me fal-  
lut aller querir & mander vn Maiftre en  
Flandres, & ce fut là que j'ay changé ma  
couverture Françoisé en cape à l'Espagnol-  
le, & ay donné mon ame aux demons me-  
ridionnaux pour defgager ce que j'auois de  
plus cher dedans ceste ville: Mais ie me fuf-  
se fait valet de Lucifer, aufsi bien que du  
Duc de Parme pour faire despit aux here-  
tiques. Je ne veux passer fous silence les  
artifices, rufes & inuentions dont j'ay vfé  
pour amuser & retenir le peuple, & ceux  
qui nous cui doyuent efchapper: en quoy il  
faut recognoître que madame ma cœur

*Le Catholicon*

cy presente, & monsieur le Cardinal Cayetan ont fait de signalez seruices à la foy, par subtiles nouvelles & Tedeums chantez à propos, & drapeaux contrefaits en la Ruë des Lombards, qui ont donné occasion à plusieurs de mourir allegrement de male rage de faim, plustost que parler de la pais: & si on eust voulu croire Monsieur Mandoza zelateur de la foy, & amateur de la France, s'il en fut onc, vous n'auriez plus ceste horreur de voir tant dossements aux cymetieres de Saint innocent & de la Trinité, & les eussent les deuots Catholiques reduits en poudre, beuz & auallez & incorporez en leurs propres corps, comme les anciens Troglodites faisoient leurs peres & amis trepassez. Faut-il que ie recite les villes & seruilles submissions que ie fis pour amener nos nouueaux amis à vostre secours: & toutes-fois ie me suis tesmoin, que i'ay tousiours eu mon dessein à part, quelque chose que ie disse & offrisse à ce bon Duc, & me suis tousiours reserué avec mon conseil estroit de faire quelque chose de bon, pour moy & les miens, en gardant les gages si ie puis: & aduienne qui voudra ie ne m'en defferay que par force, & trouueray tousiours assez de difficultez pour executer ce qu'on me demande: ni ne manqueray pas de Bulles & d'excommunicatiõs, marqué de monsieur le Legat qui en scait tout le tu-autem, pour

embabouiner ceux qui y voudront croire. Nous auons desia pratiqué deux illustriſſi-  
mes Legats pour nous aider à vendre nos  
coquilles. Nous auons eu des pardons gra-  
tis, sans bourse deslier : & ſçauons bien de  
quel biais il faut prendre noſtre Sainct Pe-  
re en le menaçant vn petit de faire la paix,  
s'il ne nous accorde ce que luy deman-  
dons: Auons nous pas eu de Rome des ful-  
minations à tort & à trauers contre nos  
ennemis politiques? Les auons nous pas  
fait excommunier & deuenir noirs comme  
diabes?

Nous auons fait continuer les Paradis  
à deſſein: nous auons embouché des pre-  
dicateurs affidez & hipotequez ſous bon  
titre: nous auons fait renouueller les ſer-  
ments aux confrairies du cordon & du  
nom de Ieſus: nous auons meſnagé des  
proceſſions nompareilles, qui ont obscur-  
cy le luſtre des plus belles mommeries qui  
furent oncques veuës, nous auons fait ſe-  
mer ſous-main par toute la France du Ca-  
tholicon d'Espagne, voire quelques dou-  
blons qui ont eu des effets merueilleux,  
iuſques aux cordons bleux politiques.  
Qu'euffay-ie peu faire d'auantage ſinou  
me donner aux diabes par engagement,  
& aduancement d'hoirie comme l'ay fait?  
Liſez les liure de Iosephe de la guerre des  
Iuiſ: car c'eſt quaſi vn meſme fait que le  
noſtre, & iugez ſi les Zelateurs Simon &

*Le Catholicon*

Iean ont eu plus d'inuentions & desguise-  
mens de matieres pour faire opiniastrer  
le pauure peuple de Ierusalem a mourir de  
rage de faim, que i'en ay eu pour faire  
mourir de la mesme mort cent mille ames  
dedans ceste ville de Paris, iusques a faire  
que les meres ayant mengé leurs enfans,  
comme ils firent en ceste sacree Cité. Li-  
sez ceste Histoire ie vous prie, & pour  
cause, & vous trouuez que ie n'ay espar-  
gné non plus qu'eux les reliques les plus  
Sainctes & vstensilles d'Eglise, que i'ay peu  
faire fondre pour mes affaires: I'ay cent  
fois violé ma foy particulierement iuree  
à mes amis & parens, pour paruenir à ce  
que ie desire pour faire le semblant, &  
mon cousin le Duc de Lorraine & le Duc  
de Sauoye en scauroyent bien que dire  
les affaires desquels i'ay tousiours post-  
posees à la cause de l'Eglise Gallirane, &  
à la mienne. Quand à la foy publique, i'ay  
tousiours estimé que le rang que ie tiens  
m'en dispensoit assez: & les prisonniers  
que i'ay retenus ou fait payer racon con-  
tre ma promesse, ou contre la composition  
par moy faite avec eux, ne me peuuent  
rien reprocher, puis que i'ay absolution  
de mon grand aumosnier & confesseur:  
ie ne parleray point des voyages que i'ay  
fait faire vers le Biarnois pour l'amuser  
d'vn accord où ie ne penlay iamais: les  
plus fins de mon party y ont esté embar-

quez, & n'en ont senti que fraischeur du rasoir, & cela ne doit desplaire a Ville-Roy qui n'y est allé qu'a la bonne foy comme pouuez croire. I'en ay bien appasté d'autres qui ne s'en vantent pas, & qui ont traicté pour moy a deux fins, tant pour haster nos amis de nous secourir, que pour amuser nos ennemis a la moustarde, & si le Biarnoïs eust voulu croire quelques vns de son conseil qui ont quelque grain de Catholicon sur la langue, & qui ont toujours crié qu'il ne falloit rien aigrir, de peur de desesperer tout, nous aurions maintenant beau-ieu au lieu que nous voyons que les peuples se sont mis d'eux-mesmes a souhaitter & demander la paix, chose que nous devons tous craindre plus que la mort, & aimerois cent fois mieux me faire Turc ou Iuif avec la bonne grace & congé de nostre sainct Pere, que de voir ces heretiques relaps retourner iouyr de leur bien, que vous & moy possedons a iuste tiltre, & de bonne foy par an & iour voire plus. Hé Dieu mes amis que deviendrons-nous s'il falloit tout rendre? S'il falloit que ie reuinse a mon ancien estat, comme entretien-droits-ie mon plat, & mes gardes? Il me faudroit passer par des Secretaires & Thresoriers de l'Espagne, tous nouueaux, au lieu que les nostres passent par mes mains: mourons mourons plustost que d'en venir-là, c'est vne belle



*Le Catholicon*

sepulture, quel a ruine d'un si grand Royau  
me que celuy-cy, sous lequel il nous faut  
ensepuelir si nous ne pouuons grimper  
dessus : Iamais homme qui ait monté où ie  
suis, n'en deuala que par force : il y a plu-  
sieurs portes pour entrer en la puissance  
que i'ay : mais il n'y a qu'une issue seule,  
pour en sortir, qui est la mort : C'est pour  
quoy voyant qu'un tas de politiques qui  
sont parmy nous, nous rompoient la teste  
de leur paix, & de leur Monarchie Fran-  
çoise, ie me suis aduisé de leur presenter  
vne mommerie d'Estats. & apres auoir diffe-  
ré tant que i'ay peu, pour eluder & faire  
refroidir les instantes poursuites de leurs  
deputez, ie vous ay icy conuoquez pour y  
donner ordre avecques vous & fueilleter  
ensemble leur cayez, pour sçauoir où le  
malheur tient, & qui sont nos amis, &  
nos ennemis : Mais pour ne point vous en  
mentir, ce n'est que pour leur clore le  
bec, & leur faire croire que nous trauail-  
lons fort pour le public, & entendons vo-  
lontiers a faire accord. Car les bonnes  
gens pour cela n'en pisseront pas plus roy-  
de : Je sçay qu'il n'y a icy que de nos amis,  
non plus qu'aux Estats de Blois : & par  
consequent ie m'asseure que voudriez,  
tous, autant pour moy que pour chacun  
de vous, que moy, ou vn Prince de nostre  
maison fut Roy & vous vous en trouue-  
riez bien : Si est-ce que cela ne se peut fai-

re si tost , & y a encor vne Messe a dire & faudroit faire vne grande brèche au Royaume , parce qu'il en conuiendroit donner vne bonne partie à ceux qui nous y auroyent ayde. D'autre part vous preuoyez bien les dangers & inconueniens de la paix qui met ordre a tout & rend le droit à qui il appartient : c'est pourquoy il vaut encore mieux l'empescher que d'y penser. Et quand a moy ie vous iure par la chere teste de mon fils aîné , que ie n'ay veine qui y tende, & en suis aussi esloigné que la terre est du Ciel : car encor que i'aye fait semblant par ma derniere declaration , & par ma reponce subsequente , de desirer la conuersion du Roy de Nauarre : ie vous prie croire que ie ne desire rien moins : & aimerois mieux voir , ma femme , mon neveu , & tous mes cousins & parens morts , que voir ce Biarnois à la Messe. Ce n'est pas là où il me demange. Je ne lay' escrit & publié qu'a dessein , non plus que monsieur le Legat son exhortation au peuple François. Et tous ces escripts que monsieur de Lyon a faits , & fera cy apres sur ce suiect , ne sont qu'a intention de retenir le peuple en attendant quelque bonne aduerture ( que vous m'entendez bien ) que les peres Iesuites nous procureront pour faire vn second Sainct martyr : Et d'ailleurs , c'est autant de diuision , & d'attediement , & atiedissement a nos ennemis :

*Le Catholicon*

& autant de preparatoires pour le tiers party où nous auons bonne part, comme estant vn grand moyen s'ils esclate, pour faire bien nos besongnes, & l'aduancement duquel ie vous prie tous, d'employer nos alliances & intelligences, comme ie fis les miennes: Non pas contraindre l'heretique de tourner sa robbe: car ie ne le desire, ni ne l'entens, & m'assure qu'il n'en fera iamais rien tant il a le cœur obstiné: qui est ce que ie demande, afin qu'il demeure tousiours en sa peau, ce qui nous acquerra force bons amis Catholiques Apostoliques & Romains, inspirez du saint Esprit, qui l'empescheront bien de leur costé, & le mettront en grand accessoire, & m'assure que le Roy qu'ils feront, ne me contrepesera pas à la balance, Quoy qu'il aduienne, nous auons enuoyé coup sur coup nos agents à Rome, comme monsieur le Cardinal de Pelvé, mon bon precepteur vous pourra tesmoigner, pour renuerser la negociatió du Cardinal de Gondy, qui ne s'y eschauffera pas plus qu'il doit, & les pratiques du Marquis de Pisani, qui est trop bon François pour nous, qui sont allez à Rome chercher vn chemin de paix: mais nous auons suscité nos Ambassadeurs d'Espagne de protester contre l'audiéce, & contre ce que le Pape voudroit faire sur la pretenduë conuersion du Biarnois: monsieur le Legat nous a aidez à faire nous memoires

& instructions, y & y employera de sa part  
ses habitudes, & confederatiōs du confitōi-  
re. Et si la saincteté, fait autremēt, ie sçay bié  
comment il en faut auoir la raison, le mena-  
çant que nous sçaurons bien faire en ce cas  
nostre accord avec les politiques, aux despēs  
& defaduantage de l'Eglise de Rome. Auf-  
si ne me conseillerez-vous pas, que pour  
vne Messe que le Roy de Nauares pourroit  
faire chanter, ce qu'à Dieu ne plaist, ie me  
demisse du pouuoir que i'ay, & que de demy  
Roy que ie suis, ie deuinsé valet, pour fai-  
re tomber l'orage de ceste guerre, sur la te-  
ste de ces bons Catholiques Espagnols nos  
amis, qui nous veulent apprendre à croire  
en Dieu: Bien est vray que si ladite conuer-  
sion aduenoit à bon esciēt, ie serois en gran-  
de peine, & tiendrois le loup par les oreil-  
les: Toutesfois Monsieur de Lyon, & nos  
bons predicateurs m'ōt appris, qu'il n'est pas  
en la puissance de Dieu de pardonner à vn  
heretique relaps, & que le Pape mesmes ne  
sçauoit luy donner absolution, fust ce à l'ar-  
ticle de la mort: ce que nous deuous tenir  
pour traiziesme article du foy, & ladiouster  
au Symbole des Apostres: voire que si le Pa-  
pe s'en vouloit mesler, nous le ferions ex-  
communier luy-mesme par nostre meré la  
Sorbonne, qui sçait plus de Latin, & boit  
plus Catholiquement que le Confitōire  
de Rome. C'est donc surquoy il nous faut  
principalement insister par quels moyens

*Le Catholicon*

nous empescherons la paix, & rendrons la guerre immortelle en France: monsieur de I y o n sçait bien que le Roy d'Espagne & moy luy auons promis sur nostre honneur vn chappeau rouge, s'il peut tant faire par sa Rethorique, d'en venir a bout, & la soeur a desia receu pour erres vn carcan de trois mil ducats, vne chefne de perles Catholiques, & quelques milliers de doublons. Nous auons aussi certains politiques au conciliabule & senatule des ennemis qui filent desia quelques cordons dudit chappeau rouge, si nous leur enroyons yn peu de soye cramoisie pour faire les resnes de leur mule, ils nous y aideront bien, & empescheront bien, que ces meschans huguenots accariastres n'entrent aux Estats, & que rien ne se face, ni se passe au destriment & des honneur de nostre saint Pere, & du S. Siege Apostolique, voire quand les priuileges de l'Eglise Gallicane s'en deuroyent perdre: Je coniure donc toute ceste Catholique assemblee, de tenir la main, & employer vert & sec pour empescher que les Parisien & autres villes ne nous viennent rompre la teste, de leurs paix, mais quelles prennent la mort en gre, & souffrent leur totale ruine, plustost que d'y peser, & d'en ouurir la bouche. Il faut racler des prieres de l'Eglise ces facheux mots (*Da pacem Domine.*) comme monsieur le Legat, vous pourra tantost faire



entendre qu'ils ne font point de l'essence de la Messe ni mots Sacramentaux: faisons seulement semblant & bonne mine. Si Ville-Roy s'en l'asse, nous aurons Zamet, qui pour le plaisir que luy à fait mon bon cousin le Duc d'Elbœuf, ne plaindra ses peines & voyages, & se laissera aisément beffler sur l'Esperance de ses greniers à sel. Quoy qu'il en soit & en aduienne qui pourra, si nous nous entendons bien, & continuons nos intelligences avec ce bien heureux tiers party, nous brouillerons si bien les affaires, que ceux de Bourbon ne se verront de trente ans ou ils pensent: car ie ne feray iamais plus de cas de ceux que j'ay fait de leur oncle, que j'ay lassé mourir en prison & en necessité sans me soucier guerres de luy apres qu'il nous eust serui de pretexte, & de planche, que les huguenots appelloyent planche pourrie, pour monter, ou ie suis: Car ie scay bien, que tant qu'il y aura de ceste race Bourbonnoise, qui fait meilleure preuve que moy de sa descente de S. Loys, iamais ni moy ni les miens ne regneront sans querelles: C'est pourquoy vous ne devez douter que ie seray tout ce que ie pourray pour m'en defaire. Pour les moins vne chose me console, c'est que si les ennemis tiennent saint Denis, où les vieux Roys sont enterrez, nous en tenons les ioyaux, reliques, & ornements Royaux,

*Le Catholicon*

qui sont fricassez pour eux, par la sainte deuotion de mon frere de Nemours, qui a fait fondre la Couronne. Mais qui plus est, la Sainte Ampoule de Reims est en nostre puissance, quand nous en aurons affaire. Sans laquelle vous m'entendez bien. Cest vn coup du Ciel : Si priors tous bons confesseurs, predicateurs, Curez, & autres deuots pensionnaires, de faire rage sur ce suiet, afin que Dieu nous en sache gré: Pour mon regard ie tiendray tant que ie pourray les choses en balance, & apparence: comme i'ay tousiours fait au gouvernement de ceste ville, ne souffrant que le party des politiques soit trop rabaisé, ny celuy des saize trop esleué & insolent, de peur que l'vn des deux se faisant le plus fort, ne me voulust aussi faire la loy: Ce que mon cousin le Duc de Lorraine me reproche que i'ay appris de la Roynne mere: que Dieu absoluë Au reste ie croy qu'il n'y a pas vn de vous qui ne se souuienne de la mort de Sacremore, apres m'auoir fait plusieurs bons seruicés: i'ay esperance que moy, & mon nepueu en ferons bien d'autres à lhonneur de ce bon Dieu, pourveu que vous autres messieurs nous seruiez de pareille affection: & attendez pareille recompense en ce monde ou en l'autre. Quand a la pelade, que certains politiques m'ont voulu improperer, m'accusant que la sainte Cere ou la loüe (ie ne

ſçay laquelle des deux) me l'avoient donnée, ils en ont menty les mechans, ie n'i ſongay iamais : ce n'eſt que certaine chaleur de foye, que les medecins appellent alopecia, à laquelle moy & les miens ſommes ſuiets, & monsieur de Lyon ſçait bien que les gouttes viennent bien ſans cela : Et ſ'il eſt autrement, que les loups me puiſſent manger les iambes, vous priant pour l'honneur de la ſaincte Vniõ n'en croire rien, & regardez à vos affaires: car nous auõs vn ennemy qui ne dort pas, & qui vſe plus de bottes que de ſoliers: vous y donnerez ordre, & vous garderez des eſcrouelles, & de tomber du hault-mal ſi vous pouuez. J'ay dit.

Monſieur le Lieutenant ayant acheué ſa Harangue, avec grand applaudiſſement de l'aſſiſtance, où le Preſident de Nully, & Acharie laquay de la Ligue furent veus plorer de ioye, le Doyen de Sorbonne grand dataire du Legat ſe leua, & cria tout haut *Humiliate vos ad benediõnẽ & poſtea habebitis harangam*: Alors monſieur le Legat, trois profondes & copieuſes benediõtions preallablement faiõtes, commença à parler ainſi.

#### HARANGVE DE MON- ſieur le Legat.

**I**N nomine patri, &c. Io mirallegro, & ſox  
Iquafi ſkora di me ſieſſo (ò Signori & populi  
piu Catbolici che i neceſſimi Romani) di veder

Le Catholicon.

vi qui collegate per ogni soggetto tãto grãde, & catholico: ma d'altra parte mi truouo molto sbigotito, di sentirtate opinione balordefa uti altri ligouri catholici, & mi pareche quella antiqua fattione di neri & brachirinafca: per cio che l'uni domandano bianco, è gli altri il nero Ma vna sola mi pare necessaria à la salute d'cl le anime vostre: cio è, di non parlar mai di pace, & manco procurar la, che prima tutti gli Frãcezi non siano morti, a guiza di Macabei, & occisi vna loroamente come fu Sansone fracassati, & sotterrati trà le ruine di questo cattiuo paradiso terrestre di Francia, per goder piu presto la quiete immortale del paradiso celeste. Guerra dunque, guerra, ò valenti & magnifice Frãcezi: perche mi pare quando si regiona della pace & si parla di trega cõ questi forsanti heretici manigoldi, che mi sia dato vn ser vitiale d'inchiofiro: considerando, che molto meglio è per la quiete d'Italia, & la siturità d'elia sãta sede apostolica, che i Frãcezi & Spagnuoli guerreggiano tra loro in Francia, ò veramẽte in Flandria par la religione, ò la corona, che in Italia per Napoli ò Milanano: Per che per vi dir il vero non se ne cura il sanctissimo padre di tutti fatti vostri, se non à tanto che gli tocca di non esser spogliato d'annate & cõmende, & altre espeditioni che si fanno in Roma con loro & argeto vostro. Date quanto volete le anime vostre al demonio inferno: poco gli è: pro veduto che gli sia che le preuẽde di Bretagna, è la riuerteta antica, debita a sua santità, nõ mi glanca-

no. Tãto piu grãde & ri verita sara sua santita quãto voi altri homoncioni sacrete piccoli & piccolini: Et nõ parlate piu di tãte beni, è tãte favori ch'i predecessori vostri hãno fatte a la santa sede apostolica, anco meno nelle ricchezze, & parzi che gli Pape hãno del beneficio di Carlo magno, & di sui successori regi de Frãcia: questo e cos à fatta: le pardonnanze che ha veteri cenute da pochi anni in quã, con le gratuite indulgenze, & Iubilei, sono di molto piu progio: basta che le corone, è gli settri del mondo sono à dispositione di sua santità, & si possono cambiare, transullare, & torre & porre à suo modo. *Scriptũ est enim, hæc omnia tibi dabo. Atque ut pergã Latinã lingua vobis loqui, ne forte aliquis nõ satis intelligat Italianam, dicẽ vobis, summã legationis meæ quæ sumpta est ex Matthæi 10. capite. No ite arbitrari qui a pacẽ venerim mittere in hanc terram: Nõ veni pacem mittere, sed gladiũ, Nihil enim habeo magis in mädatis, & instructione secreta, quã ut vos perpetuo exhortem ad bellum & præliũ, atque totis viribus impediã ne tractetis ullo modo de reconci iatione, & pace inter vos. Quod salè magnũ esset crimẽ & indignũ Christianũ & Catholicis hominibus. Alterum vero punctũ quod habeo vobiscum agendum, est de eslectione cuiusdam Principis boni Catholici, in Regem vestrum, repudiata prorsus ista familia Borbonorum, quæ tota est heritica, ant heriticorũ faulrix: ego verò scio, gratissimam rem vos facturos domino nostro Pape, & sancte sedi Aposto-*



## Le Catholicon

*Stolica, nec nō benefactori meo Christianissimo  
& Catholiciſſimo Hispaniarum & tot regnorū  
Regi, ſi Britannia Armorica ducatum conſer-  
netis illuſtriſſima filia eius infanti; regnū ve-  
ro cōferatis alicui principi ex ei⁹ ſamillia, quē  
illa maritum eligere voluerit & dotali corona  
Frācie dignabitur in ſolidum utrique cōpetē-  
ti. Sed de hoc plura reuerēdiſſimus Cardinalis  
de Peluē vobis diſſeret, & pro reliquo ſuplebit:  
Cognoscit enim melius quam me veſtra nego-  
tia, qua per viginti annos tam Lotharingicē,  
quam Hispanicē tractavit Roma, adeo ſubti-  
liter, & fideliter, ut reduxerit res veſtras ad  
punctum, ad quod illas nunc reduſtas videtis:  
Idcirco cum crederet pius iſte præſul, & ciuis,  
Franciam matrem ſuam eſſe in agone mortis,  
& trahere ultima ſuſpiria, venit nuper ad  
viſitandam eam, tanquam bonus & deuotus cō-  
feſſarius & optimus compatriota ad vos inuā-  
dū in pompa ſunebri, & exequus eius. Sed ſi vel  
letis ungerē aliquē in regem ex ſuis benefactori-  
bus Lotharingia aut Guifſia, ſane vos feceritis  
ei ſecundū cor ſuum, & ille alacriter ungeret  
& ſacraret eū ex oleo ſanctæ Ampoula quod ha-  
bet Remis expreſſe reſeruatū, & bene ſeruatū  
ſub Cuſtodia ſancti Pauli Cāpania, & Rotelia  
Dueis: Vos videritis: Ego de expreſſo mandato  
domini noſtri, ſi quid feceritis contra leges &  
mores huius regni, & el contra cencilium Eccleſiæ,  
vel etiam contra Euangelium & decalogum ſal-  
tem ſecūdū impreſſionē hæreticorū vobis pro-  
mitto plenam abſolutionem & indulgentiam,*

*idque gratis, in secula seculorum. Amen.*

Oi, me non mi ricordina di vi far intèdere una molto buona nuona, ch'ò riceuta in fretta di Roma, per mezo di Zametto: ci o é che la sua Santità, scomunicà, agrava, anathematiza tutti Cardinali, Archieuescovi, vescovi, abati preti, & monachi chi sono reali politici, quãto catholici siano: E per torre ogni differenza, & gelosia triagli Spagnuoli é Francezi fara il santissimo Padre che i Francezi hanno scrofole, come i Spagnuoli diventaranno anco brauadori, & buzeroni come essi. Oltre fa piene indulgenze à tutti quanti buoni catholici Loreni, ó Hispani frãcezi i quali amazzarano padri, fratelli, cugini, vicini, podestate, principi reali, politici, heretici, in questa Christianissima guerra, sine à trecenta mille àni di vero per dõno. E non dubitate ch' il spirito sancto vi mãca: per che il sacro cõsistorio losa descèdere d' alle braccia di Dio padre, à sua posta: Come sapete ch' à disignato dopo molto anni di creare alcuno papa che non fosse Italiano, ó Hispano: In fine fate un Re per amor mio: Et nõ me ne curo che si sia, fosse el diavolo modo che sia servitore è feudaterio de la sua Santità, e del Re Chatholico per mezo del qual son stato fatto Cardinale, merce al buon duca di Parma. Ben vi diro ch' il mio voto sarebbe volontieri per la Infanta di Spagna, par che ella è vallente donna & amata molto di suo padre. Neante divenno farcte quel che piacerà al Signor Duca di Fe. ia, è à Monsour le Loutenant. Ma guarda-

*Le Catholicon*

*te vi mètre d'aprir la bocca per ragionar di pace ó triega: altremète il sacro collegio renegara Christo Ego me vobis cōmendo, Iterum, V alete*

Ces mots finis le petit Launay cy deuât mistre passé en l'Vniuersité de Geneue, & à presfet boutecul de Sorbone, apres auoir mangé les grans Breuiaires & heures du feu Roy à faire festins à Monsieur le Lieutenant, se mist à genoux avec garinus Cordelier & Apostre Apostat, & atsisitez du Curé de sainct Germain L'auxerrois, & d'Aubry Curé de S. André des Arts, reucnant de confesser Pierre Barriere, entonnerent à haute voix deuant la croix de Monsieur le Legat.

*O crux aue spes vnica, Hoc passionis tempore.*

Quelques vns de l'assemblee le trouuerét mauuais: toutesfois chacun les suiuit en chantant de mesme, & le branle finy, le sort toucha à Monsieur le Cardinal de Pelvé de Parler, lequel se leuant sur les deux pieds cōme vne oye, apres auoir fait vne tres-profonde reuerence deuant le siege de monsieur le Lieutenant, son chapeau rouge aualé en capuchon par derriere, puis vne autre semblable deuant Monsieur le Legat, & vne autre bassissime deuant les Dames: puis s'estant ralsis, & touisi trois bones fois, non sans excreation flegmatique, qui excita ausi vn chacun a faire de mesme, il commença de dire ainsi, adressant sa parole à Monsieur le Lieutenant, qui luy dit par trois fois, courez-vous mon maistre.

Harange de monsieur le Cardinal  
de Pelvé.

**M**onsieur le Lieutenant vous m'ex-  
 cusez, si pour contenter ceste do-  
 cte assemblee, & garder le decorum, & la  
 dignité du rang qui ie tiens en l'Eglise par  
 la prouidence de vous & des vostres, ie  
 fais quelque discours en langage Latin, au-  
 quel vous scauez qu'il a y long temps que  
 i'estudie, & en scay presque autant que mon  
 grand pere qui fut vn bon gendarme & vn  
 bon fermier quât & quât, sous la Roy Char-  
 les 8. mais quâd i'en auray dit trois mots, ie  
 reuiédray à vous & a vos affaire. Ie m'addres-  
 seray donc a vous hômes illustres, *atque ex  
 tota galliarũ colluue electissimis ut vobis intel-  
 ligere faciam multa quæ Gallica lingua satis nõ  
 possunt exprimi. Et enim opetæ preteum, ut  
 nos præcipuè qui studuimus in celeberrima A-  
 cademia Parisius, & sapimus magis quam sex  
 populi, habeamus aliquid secreti quod mulieres  
 nõ intelligant: Volo igitur vos scribere (& hæc  
 tantum dicantur piis auribus) quod exiuit edi-  
 ctum siue ma vultis rescriptum per breue à Do-  
 mino nostro Papa, per quod nobis permittitur  
 eligere, creare, sacrare & ungere Regem nouũ,  
 talem quæ em vobis placuerit, modo sit de stirpe  
 Austriaca vel Guysiaca: habetis igitur ad pro-  
 uidentiam ex utraque ma vultis principem:  
 Nam de istis L'orbonis non sunt loquelles neque  
 sermones, quanto minus de isto hæretico re-*



## Le Catholicon

Vapso, quem idē dominus noster Papa, per idē re-  
scriptum ad firmat esse iam damnatum apud  
inferos, & animā eius propediē seruiturem Lu-  
cifero pro morenda pomeridiana. Sane ego sum  
Gallus nec renegabo meam patriam: Sed si ista  
electio vadaret ad libitū meū, profectō pro bo-  
no meo & meorū, atque etiā vestro, libētē vos  
precarem, vt daretis vestras voces alicui ex fa-  
milia Lotbarena, quā scitis tam bene fecisse in  
republica catholica, & ecclesia Romana: fortasse  
verō dominus Legatus habet aliud in intēdum,  
ad placēdū Hispanis: Sed nō dicit omnia quę ha-  
bet in serinio pectoris: Vos interea hoc tenete  
firmū: nullo modo esse loquēdum aut audiēdū de  
pace faciēda cū istis danatis politicis, quin po-  
tius armate & parate vos at patiēdū omnes ex-  
tremitates vel etiam mortē famē, ignē, & rui-  
nam totiūs vrbis vel regni, nihil enim potestis  
facere gratius & acceptabilius Deo, Regi nostro  
Philippo catholiciſſimo. Nō ignoro Luxēbur-  
gū & Cardinalē Gondiū & Marchionē Pisanū  
Romani profectos, vt preparēt animum domini  
nostri Papę, ad audiēdum Legationem Biarnez-  
zi, tractaturam de conuerſione sua: Sed quan-  
tum tuta est Luna à Lupis tantum auersum est  
cor domini nostri à talib⁹ negotiis: Estote fortes  
& securi sicut & ego: modo sim intra muros Pa-  
risius. Sanē parauerā aliquid boni ad dicēdum  
vobis de beato Paulo cuius, cōuerſio heri celebra-  
batur, quia sperēbā quod heri in ordine meo me  
cōtin gebat loqui. Set me fefellit lōga nimis ora-  
tio dñi. de Maxia: & ideo cogor remittere in va



ginam gladium latinitalis meae quem volebam  
 stringere in cōuerſionem iſtam, de qua politici  
 nomulli neſcio quid ſeminant in vulgum, quā  
 tamē neque credo neque cupio. Quoniā beatus  
 Paulus multū diſtabat ab iſto Navarra: erat  
 enim nobilis, & ciuis Romanus: & quod nobilis  
 fuerit, & ſtirpe nobili editus aperet, ex eo quod  
 Romae fuit illi āputatū caput. Iſte vero eſt iſta-  
 mis propter herēſim, & tota familia Borbonio-  
 rū descendit de peccario, ſine ma vltis de Ianio  
 qui carnē vendebat in laniena Pariſina, vt af-  
 ſerit quidē poeta valdē amicū ſāctae ſedis Apo-  
 ſtolicae, & ideo qui noluiſſet mentiri. Paulus  
 etiam cōuerſus eſt cū miraculo: iſte nō: niſi for-  
 tē dicat, abſidione ſe cōxiſſe hanc urbē mēſes  
 circiter quatuor cū ſex millibus hominum dum  
 intus eſſent plus quā centum millia & hoc eſſe  
 miraculū: & cepiſſe tot urbes & arces fortiſ-  
 ſimas ſine murorū ſubuerſione, ſed per inuia fo-  
 ramina, & arctos cauos vix vni ſoli militi pe-  
 netrandos. Addite quod Paulus timuit, & ma-  
 gno terrore eſt affect⁹ ex fulgure cœli: at iſte eſt  
 imperteritus, nec timet quidquā, nec fulmen,  
 nec fulgura, nec imbres, nec hymem & glaciem,  
 aut aſtum, immo nec acies noſtras & exercitus  
 noſtros tam bene iſruſtos: quos cū pauca manu  
 audet expectare, & āte venire, & debellare aut  
 fugare. Periat malē diabolus iſte velox, & in  
 ſomnis, qui noſ tam laborioſe fatigat, & impe-  
 dit dormire ad noſtrum libitū. Sed haſtenus de  
 Paulo, ne Polycarpus cuius hodie feſtū agitur  
 fortaiſſe inideat, quē tamē prætermittā. quia de

Le Catolicon

eo nihil prauidi, aut prameditauī. Memini quidem cum essem Romæ in tempore Gregorii Pape, me proposuisse incōsistorio quinque protesta sine problemata disputāda, quæ tota respicbat sanctissimā istam congregationē de eligēdo Rege Franciæ: Nam ab eo tempore quo me Henricus defunctus iste fautor hæreticorū spoliavit meo Archiepiscopatu Senonensi, & in sua manu posuit meos redditus & beneficia quæ habebā in suo regno, semper habui animā & intētionem me vindicandi, & feci omnia quæ potui, & faciam in eternū quando deberem animā meam tradere diabolo, ut ista insignis iniuria cadat in caput Gallorū omniū qui passi sunt nec se opposuerunt opprobrio meo: Quod cū essem sapi<sup>9</sup> protestatus, tandem effeci: & vos sciretis bene quid dicere. Sed aliō me vocāt principes isti, & istæ totus orbis insignes vniones & gemmæ mirabiles, quos quas alloqui nunc res postulat, ceterāmq; turbam deputantium & deputantium, quorum interest ut intelligant me differentem lingua Gallica, quā penè dedidici loqui, adeo meam patriam sum oblitus.

Je retourney donc a vous Monsieur le Lieutenant, & vous diray que si i'eusse trouué en France les affaires auoir reufsi, selon les practiques & intelligences que i'ay menees depuis vingt & cinq ans avec les Espagnols a Rome, ie verray maintenant feu Monsieur vostre frere en ce trofne Royal, & aurions occasion de chanter avec se bon patriarche, NVNC DL

*d'Espagne,*

MITTIS: mais que ce n'a pas esté la volonté de Dieu qu'ainsi fust, patience: asez va qui fortune passe: Si vous diray-ie en passant que *fidc mea*, il vous fait fort bon voir, ouy M<sup>o</sup>sieur le Lieutenant, il vous fait fort bon voir assis là où vous estes, & auez fort bonnemin, vous remplissez bien vostre place, & ne vous aduient point mal a faire le Roy: Vous n'auez faute que d'une bonne cheuille pour vous y bien tenir: vous auez toute pareille facon, sauf l'honneur que ie doy a l'Eglise, qu'un saint Nicolas de village, *a se di diò*, il me semble que nous celebrons icy la feste des innocens, ou le iour des Roys. Si vous auez maintenant vn plein verre de bon vin, & qu'il pleust à la Maiesté de vostre Lieutenance boire à la compagnie, nous crierons tous le Roy boit, aussi bien n'y a il gueres que les Roys sont passez: où nous empeschames bien qu'on ne fist de Roy de la febue de peur d'incouenient, & de mauuais presage: mais si vous estes icy a ceste my Karefine prochaine, nous cheuaucherons tous avecques vous par les ruës: & ferons la my-karefine a cheual. si nous pouuons retenir iusques à lors toute ceste Catholique assemblée: à laquelle ie veux maintenant adresser mon propos en general, & que tout le monde m'entède Messieurs ne me tenez pas pour homme de bien, & bon catholique, si la

D

*Le Catholicon*

maladie de France ( ie n'entends parler *del male francofo*, ie veul dire vos miseres & pau uretez ) nemont fait venir par deça, où ie me suis comporté en vray hipocrite, ie voulois dire Hipocrate, mais la langue m'a fourché. Ce grand medecin voyant son pays affligé d'une maladie epidimique & peste cruelle qui exterminoit tout le peuple, s'aduisa de faire allumer force feux par toutes les contrées pour purger & chasser le mauuais air: Et moy tout de mesmes pour venir a bout de mes desseins Catholiques, & pour antidote à nostre sainte Vnion qui est frappée de peste, i'ay este vn des principaux auteurs ( ie le dy sans vanterie ) de tous ces feux & embrasemens qui bruslent & ardent maintenant toute la France, & qui ont tantost mis & consommé en cendre le plus beau qui y fust de reste des Goths & Visigots: Si le feu Cardinal de Lorraine mon bon maître viuoit, il vous en rendroit bon tesmoignage: car m'ayant tiré de la marmite des capettes de Montagu, puis mis en la Court de Parlement, où ie descouris bien l'elchole, quand il me fist Euesque, puis Archeuesque, & en fin Cardinal, ce fut toujours a condition expresse d'acheminer cest affaire en sa perfection & obliger ma vie & mon ame à l'auancement de la grandeur de Lorraine, & detrimant de la maison des Valois & des Bourbons. A quoy ie n'ay pas failly en tout ce qui possible m'a esté &

que ma certielle s'est peu estendre: Et en ces iours derniers les Presidens Vetus & Iauin m'ont afsisté de memoires & pratiques & ont quasi empiété mon credit; & deuant eux encor mes collegues Dauid & Piles n'eussét pas fait gând chose sans moy ni sans eux: Le pauvre Salcède scauoit bien vn tantinet du secret, mais non pas tout: & n'eut pas bon beq: car il descouuir le pot aux roses dôt il faillit à nous perdre avecques luy: Toutesfois nous auôs bié eu la raisõ de tous ces Valesiens: & l'aurôs Dieu aydant de ces Bourbonistes, si chacũ de vous y veut faire *di galente huomo*: Quand a moy messieurs me voicia vostre cõmandemét à vendre & despêdre, pourueu que cõme bons catholiques zelez vous vous soubmettez aux Archicatholiques Princes Lorrains, & super catholiques Espagnols, qui aiment tant la France, & qui desirét tât le salut de vos ames qu'ils en perdent la leur par charité Catholique, donc c'est grand pitié, & vous prie y aduiser de bonne heure de peur que ce Biarnois ne nous ioüe quelque tour de son mestier: car s'il alloit se conuertir & ouyr vne meschâte messe seulement (*cancaro*) nous serions affollez, & auriõs perdu tout à vn coup nos dõblons & nous peines. Mais encor que ces bonnes gens de Luxémbourg Pisani le promettent à nostre saint pere, il n'en sera peut estre rien: c'est pourquoy *indubio*, vous vous deuez haster de vous mettre entre les



*Le Catholicon*

mais des medecins ces bons Chrestiens de Castille qui sçauent vostre maladie, & en cognoissent la cause & par consequent sont plus propres à la guerir si les voulez croire: Car ceux qui disent que les Espagnols sont de dangereux empiriques, & sont comme le loup qui promettoit à la brebis de la guerir de sa toux, cela est faux: ce sont tous heretiques, qui le disent: & tout bon Catholique doit croire sur peine d'excomunicatiõ & de censure Ecclesiastique que le preux Roy d'Espagne voudroit auoir perdu ses Royaumes de Naples, Portugal & Nauarre, voire sa duché de Milan, & le Conté de Roussillon, & tous les droits qu'il a aux pays bas que tous les François fussent bons Catholiques, & voulussent volontairement & de hait recevoir ses garnisons avec la sainte inquisition qui est la vraye & vniq̃ touché, pour cognoistre les bons Chrestiens & Chatholiques zellez, enfãs d'humilité & obeissance. Ne croyez donc pas que ce bon Roy vous enuoye tant d'abassadeurs, & vous face enuoyer ces bõs personages legats du Saint Pere à autre intentiõ que pour vous faire croire qu'il vous aime sur toutes gens: Peleriez vous bien que lui qui est seigneur de tãt de Royaumes qu'il ne les peut compter par les lettres de l'alphabet, & si riche qu'il ne sçait que faire de ses tresors, voulust se mettre seulement en peine de souhaitter si petite chose q̃ la seigneurie de France? Touté l'Europe, par maniere de

dire, ne luy est pas vne cōtre de ces nouuel-  
les isles cōquises sur les sauuages, quād il sue  
ce sont des diademes: quand il se mouche,  
ce sont des sceptres: quand il va à ses affair-  
rés, ce ne sont que Contez & Duchez qui  
luy sortent du corps tant il en est farcy & rē  
ply: Cē seroit donc bien à propos de soup-  
çonner qu'il voulust estre Roy de France *ma*  
*de si*, Je ne dy pas pour guerrir des escrouiel-  
les dōt ses pays meridionaux sont fort infe-  
ctez, il ne feist quelq̄ chose à la priere des de  
uots habitans de sa bonne ville de Paris, qui  
l'ont supplié par lettres expressees signees de  
leurs mains, de les receuoir cōme ses bōs sub  
iets & seruiteurs & d'accepter le petāt far-  
deau de la courōne de France, ou si tō doz e-  
stoit si courbé & chargé d'autres couronnes  
precieuses, que celle de Frāce n'y peut trou-  
uer place, pour le moins il en recompentast  
quelqu'vn de ses hidalgos, qui luy en feroit  
foy hōmage, & reuerence: mais autremēt ie  
ie vous prie pour l'hōneur de Dieu, ne pen-  
sez pas qu'il y pense. Ses comportemēts aux  
pays bas, & aux terres neuues, vous doyuēt  
asseurer qu'il ne pense à nul mal, non plus  
qu'un vieil singe: Et quand ainsi seroit qu'il  
vous auroit tous fait entre tuer, & perir par  
feu, & famine, ne seriez vous pas bien-heu-  
reux d'estre assis là haut en para dis au dessus  
des confesseurs & Patriarches, & vous mo-  
quer des maheutres que vous verrez deffous  
vous rostir & bouillir aux chaudières de L.

*Le Catholicon*

cifer? Mourez quād il vous plaira nous auōs assez de mores, africa ns, vvallōs & foruscits pour mettre en vostre place: tuez, massacrez & bruslez hardinēt tout. Monsieur le Legat pardōne à tout: mōsieur le Lieutenant aduōiēra tout: Monsieur d'Auniale vous adiuēgera tout: monsieur de Lyon sellera tout, & monsieur Marteau signera tout: Te vous seruiray de pere confesseur & à la Frâce aussi si elle a l'esprit de se laisser mourir bōne catholique, & faire les lorrains & espagnols ses heritiers: comme ie vous en prie to<sup>9</sup> en general & patticulier: vous assureāt apres monsieur le Legat que vos ames ne passerōt point par le feu de purgatoire, estās, assez purgees par les feuz que nous auons allumez aux quatre coings & au milieu de ce Royaume, pour la S. ligue, & par la penitēce, ieusnes, & abstinēce que nous vous faisons faire en deuotion. Quād à lelectiō dvn Roy, ie dōne ma vois au marquis des Chauffins: Il n'est lipu ni camus ainz bō catholique, apostolique & Romain: Te le vous recommande, & moy de mesme *In nomine patris & filii, & spiritus sancti, Amen.* Ces mots finis, tous les docteurs de Sorbōne & maîtres es atrs là presēs fraperēt en paulme & crierent VIVAT par plusieurs fois: si fort q̄ la sale en retentissoit: & apres que le bruit fut vn peu cessé, se leua le prier des carmes hors de sa place, & mōta sur sō bāq où il pronōça tout haut de fort bōne grace, ce petit quatrain, cōme s'il l'eust cōposé sur le chāp.

*p* Espagne.

*Son eloquence il n'a peu faire veoir,  
Faute d'un liure où est tout son sçavoir:  
Seigneurs Estats excusez ce bon homme  
Il a laissé son Calepin à Rome.*

Et tout à l'instant vn petit maistre és arts  
faillit aussi en pieds & tournât le visage vers  
mondit sieur le Cardinal de Pelvé, repliqua  
de mesme en autant de carmes.

*Les freres ignorans ont eu grande raison (me:  
De vous faire leur chef mōsieur l'illustrissi-  
Car ceux qui ont ouy vostre belle oraison  
Vous ont bien recognu pour ignorantissime.*

Tout le monde trouua ceste rime fort  
plaisante & apres auoir fait vn second bat-  
temēt de mains, non toutesfois si long que  
le precedent, monsieur de Lyon se leua, &  
fit signe de la main, quil vouloit parler: par  
quoy apres que tout le monde eut senore-  
ment & theologalement touffy, craché &  
recraché, pour louir plus authentiquement,  
à cause de la reputation de son eloquence, il  
discourut ainsi, où enuiron:

*Harangue de monsieur de Lyon,*

**M**Esieurs ie cōmerceray mon propos  
par lexclamation patetique de ce pro-  
phete Royal Dauid *Quam terribilia iudicia  
tua, &c.* O Dieu que vous iugemēs sont terri-  
bles, & admirables. Ceux qui prendront gar-  
de bien pres aux commencement & progres  
de nostre saincte Vnion auront bien occasi-  
on de crier les mains ioinctes au Ciel: O



Dieu si vos iugemens sont incomprehensibles, combié vos graces sont elles plus admirables, & de dire avec l'Apstre, *ubi abundavit delictum, ibi super abundavit & gratia*. N'est ce point chose bien estrange, mesieurs les Zelateurs, de voir nostre Vnion maintenant si sainte, & si zelee, & si deuote, auoir esté presque en toutes les parties cõpõlees de gens qui, au parauant les saintes barricades, estoient tous tarez, & en tichez de quelque note mal solsee, & mal accordante avec la Iustice, & par vne miraculeuse metamorphose voir tout à vn coup, l'atheisme conuertý en ardeur de deuotion: Lignorance, en science de toutes nouueutez, & curiosité de nouuelles, La concusió, en pieté & en ieusne, volerie, en generosité & vaillace, bref le vice, & le crime trãsmué en gloire & en hõneur? Cela sõt des coups du ciel, comme dit Monsieur le Lieutenant, de par Dieu: Je dy si beaux que les François doiuent ouuir les yeux de leur entendement pour profondemémét considerer ces miracles, & doiuent là dessus les gens de bien, & de biés de ce Royaume rougir de honte avec presque toute la noblesse, la plus saine partie des Prelats & du magistrat, voire les plus clairs voyans qui font semblant d'auoir en horreur ce saint & miraculeux changement. Car qui a il au monde de plus admirable & que peut Dieu mesme faire de plus estrange, que deuoir tout en vn momét, les va



*d'Espagne.*

lets deuenus maistres, les petits este faits  
grands, les pauures riches, les humbles, inso-  
lens & orgueilleux, voir ceux qui obeissoyēt  
cōmmāder: ceux qui empruntoyēt, prester a  
vsure: ceux qui iugeoyēt estre iugez: ceux qui  
emprisonnoyēt, estre emprisonnez: & ceux  
qui estoient de bout estre assis: O cas mer-  
ueilleux: ô misteres grāds: ô secrets du pro-  
fond cabinet de Dieu, incognus aux chetifs  
mortels: les aulnes des boutiques sōt tour-  
nees en pertuisanes: les escritaires en mouf-  
quets: les breuiaires en rondaches, les scapu-  
laires en corselets: & les capuchōs en caliq̄s  
& salades? N'est-ce pas vne autre grande &  
admirables cōuersiō, de la plus part de nous  
autres messieurs les zelez entre lesquels ie  
nōmeray par honneur les sieurs de Rosne, de  
Mandreuille, la Motte-Serrand, le Cheua-  
lier Bretō, & cinquante autres des plus signā-  
lés de nostre party: qui me feroient faire v-  
ne hiperbate & parēthese trop longue ( &  
que ceux que ie ne nōme point m'e sçachent  
gré. ) N'est ce pas grand cas que vous estiez  
tous n'a gueres en Flandres portāt les armes  
politiquemēt, & employans vos personnes  
& biēs cōtre les archicatholiques Espagnols  
en faueur des heretiqs des pays bas, & que  
vous vous soyez si Catholiquement rangés  
tout à vn coup au giro de la sainte ligue Ro-  
maine? Et que tant de bons matois, banque-  
rotiers, saffranniers, desesperez, haultsgour-  
diers, & sorgueurs, tous gens de sac & de

d'Espagne.

corde se soyent iettez si courageusement & des premiers en ce saint party pour faire leurs affaires, & soyét deuenuz Catholiques à double rebras, bien loing deuant les autres? O vrais patrons de l'enfant prodigue dont parle l'Euangile, ô deuots enfans de la messe de minuiét: ô S Catholicon d'Espagne qui és cause que le prix des Meſes est redoublé, les chandelles benistes récherries, les offrandes augmentees, & les salus multipliez, qui es causes qu'il n'y a plus de perfides, de voleurs, d'incédiaires, de faulſaires, de couppegorges & brigás: puis que par ceste sainte cōuerſion, il ont changé de nó, & ont pris cest honorable tiltre decatholiques zelez, & de gédarmes de l'Eglise militante Odeſiques, doublons d'Espagne, qui auez eu cest efficace de nous faire tous raieunir, & renouueller en vne meilleure vie: C'est ce q̄ dit nostre bon Dieu parlât à ſon pere en S. Matieu onzième, *Abſcōdiſti à prudentibus & ſapiētibus & reuelasti paruulis.* Certes meſſieurs, il me ſéble reuoir ce bon téps auquel les Chreſtiens pour expier leurs crimes se croiſoyent, & alloyet faire la guerre outremer comme pelerins, contre les meſcreans, & infidelles: O ſaints pelerins de Lâſac, & ton bon frere baſtard Eueſque de Cominges, qui auez fait enroller à la foule en vos quartiers tant d'honneſtes gens, qui reſéblans aux menestriers n'auoyent rien tant en haine que leur maiſon. Je ne veux icy

*d'Espagne.*

Prendre maints gétils hommes, & autres  
qui font du bois dont on les fait: quoy que  
soit qui en ont la mine, & se monstrent vail-  
lans coqueplumets sur le pané de Paris, les-  
quels ayans esté pages à pied, ou seruy les  
Princes Catholiques, & leurs adherants, se  
sôt obligez de gayeté de coeur à suyure leur  
party, voire se fussét ils rendus Turcs, come  
il disent: aymans mieux estre traistres à leur  
Roy, & à leur patrie, que manquer de pa-  
rolle à vn maistre qui luy mesme est valer, &  
subiet du Roy. A la verité nous sommes  
grandement obligez à ces gens là, aussi bien  
qu'à ceux qui ayans receu quelque escorne  
ou dommage du tiran, ou des siens se sont  
par indignation, & esprit de vengeance, tour-  
nez vers nous, & ont preferé leur iniure par-  
ticuliere a tout autre deuoir: & deuons aussi  
beaucoup remercier ceux qui ayas commis  
quelque assacinat ou insigne lascheté & vole-  
rie, au parti de l'ennemi se sont catholique  
mēt iettez entre nos bras pour euiter la pu-  
nitió de Iustice, & trouuer parmy nous tou-  
te franchise & impunité: car ceux-la plus  
que nuls autres, sont obligez a tenir bon iuf-  
ques a la mort pour la saincte Vnion: c'est  
pourquoy il ne se faut point desier du Baró  
d'Allegre, ny de Hacque ville gardien du  
Ponteau de mer, ni du concierge de Vienne,  
& autres qui ont fait de si beaux coups, pour  
gaigner Paradis avec dispence de leurs ser-  
ment, ny pareillemēt de ceux qui ont cour-

*LeCatholicon*

rageusement mis la main au sang, & à l'emprisonnement des magistrats politiques: en quoy monsieur le Lieutenant eut beaucoup de dexterité pour les engager & leur faire faire des choses irremissibles, & qui ne méritét d'auoir iamais pardon, non plus que ce qu'il a fait. Mais gardós nous de ces nobles qui disent qu'ils sont bõs Frâçois, & qui refusent de prendre pëfions & doublós d'Espagne: & font cõlicièce de faire la guerre aux marchãs & laboureurs: ces gës sont dangereux, & nous pourroyét faire vn faux bond: car ils se vantent que si le Biarnoís alloit à la messe, iamais leurs espees ne couperoyent contre luy ny les siens: qu'il vous souuienne des entre ueuës, & parlements, qu'aucuns font si souuét vers saint Denys, & des passe ports qu'on reçoit, & qu'on euuoye si facilement de part & d'autre: ces gës là messieurs, n'oyent la Messe que d'vn genouil: & ne prennét de l'eau beniste en entrant de l'Eglise qu'en leur corps deffendant. Ha pleust à Dieu qu'ils ressemblassent tous à ce saint Pelerin Confesseur & Martyr Catholique zelé monsieur de la MotteSerrand, lequel estant és prisons de Tours, pour rendre témoignage de sa foy, refusa de disner & prendre sa refection de pottage vn iour de Vendredy, craignant qu'on eüst mis de la graisse en sa souppe: & protesta ce chãpiõ de la foy ce Macabee ce deuotieux martyr de souffrir plustost la mort que de manger soupe autre



*d'Espagne.*

que Catholique. O illustres afsistans choisis & triez au volet de dignité de ceste notable assemblee, la pure cresse de nos prouinces, la mere goutte de nos gouuernements, qui estes venuz ici avec tât de trauaux, les vns à pied, les autres seuls, les autres de nuict, & la pluspart à vos despens. N'admirez vous point les faits heroiques de nos Louchards, Busis, Senaulds, Drouats, qui sont si bié paruenus par la plume? Que vous semble de tât de Caboches qui se sont trouuées, & que Dieu à fuscitez à Paris, Roué, Lyon, Orleans Troyes, Toulouze, Amiens, où vous voyez les bouchers, les tailleurs, les chiquaneurs, basteliers, coustelliers, & autres especes de gens de la lie du peuple, auoir la voix au conseil & assemblees d'estat, & donner la loy à ceux qui auparauant estoient grands de race, de biens & de qualité qui n'oseroyent maintenant tousir ny grômeler deuant ceux? N'est ce pas en cela que la prophetie est accomplie qui dit *de stercore erigens pauper à*? Seroit ce pas crime de passer soubs silence ce sainct martyr frere Jacques Clemét qui ayât esté le plus desbauché de son conuêt (côme sçauent tous les Iacobins de ceste ville) & mesme ayant eu plusieurs fois le chapitre & le fouiet diffamatoire pour ses larcins & meschancetez est neâtmoins auiourdhui sainctifie, & maintenât est là haut à debattre la pre-seance avec sainct Iago de Compostelle? O bien heureux confesseur & martyr de Dieu



que ie ferois volontiers le paranimphe & ne-  
comiaſte de tes louanges, ſi mon eloquence  
pouuoit atteindre tes merites. Mais i'ayme  
mieux m'en taire que d'en dire trop peu : &  
côtinuât mon diſcours parleray de l'eſtran-  
ge cōuerſiō de ma perſonne propre, encor q̄  
Catō die, *Nec te laudaris nec te culpaueris ipſe*  
Si vous cōfeſſeray ie libremēt que peu aupara-  
uant ceſte ſaincte entrepriſe d'vnion ie n'e-  
ſtoy pas grand mangeur de crucifix : & quel-  
ques vns de mes plus proches qui m'ont  
hanté plus familiarement, ont eu opinion  
que ie ſentoy vn peu le fagot : A cauſe qu'e-  
ſtant ieune eſcolier i'auoy pris plaisir à lire  
les liures de Calvin, & eſtât à Tholoze m'e-  
ſtoy meſlé de dogmatizer de nuit, avecq les  
nouuëaux Lutheriens : & depuis n'ay iamais  
fait grande cōſcience ny difficulté de mâger  
de la chair en Careſme, ny de couher avec  
me ſœur ſuyuât les exēples des ſaints Patri-  
arches de la bible : mais depuis que i'eu ſigné  
la ſaincte ligue, & la loy fondamētale de ceſt  
eſtat, accōpagnee de doublōs, & de l'eſpe-  
rance du chappeau rouge, perſonne n'a plus  
douté de ma creance, & ne s'eſt enquis plus  
auant de ma conſcience & de mes deportē-  
mens. Veritablement ie confeſſe que ie doy  
ceſte grace de ma conuerſion, apres Dieu, à  
mōſieur le Duc d'Espernō, qui pour m'auoir  
reproché au cōſeil ce dōt on ne doutoit poit  
à Lyon touchât ma belle ſœur, fut cauſe que  
de grand politique, & vn peu Calvinifte que

d'Espagne.

iestoy, ie deuins grand & coniuéré ligueur,  
comme ie suis à present directeur, & ordina  
teur des affaires secrets, & importants de l'E.  
stat de la saincte vniõ: ne plus ne moins que  
le benoist S. Paul, qui de persecuteur des  
Chrestiens, fut fait vaisseau d'election. C'est  
pour quoy il dit *Vbi abundauit dilectum. Ibi  
abundauit & gratia.* Ne doutez donc pl<sup>o</sup> de de  
meurer fermes & costants en ces party, plein  
de tát de miracles, & de coups du ciel, desq<sup>ls</sup>  
il faut que faciez vne loy fõdamõtale. Quant  
aux nescitez oppressions du Clergẽ, vous y  
aduizerez s'il vo<sup>o</sup> plaist: car pour mõ regard  
ie mettray peine q<sup>o</sup> ma marmitte ne soit ren  
uersee, & auray tousiours credit avec Rolãd  
& Ribauld, q<sup>o</sup> ne manqueront, de me payer  
mes pensions de quelque part que l'argent  
viene: Chacun aduizera à se pouruoir si bõ  
luy semble, & de ma part ie ne desire point la  
paix, que premieremõt ie ne soye Cardinal,  
comme on m'a promis, & cõme ie l'ay bien  
meritẽ: car sans moy monsieur le Lieutenãt  
ne seroit pas au degre ou il est: à cause q<sup>o</sup> ce  
fut moy q<sup>o</sup> retint le feu Duc de Guyse son  
frere, q<sup>o</sup> s'en vouloit aller des Estats de Blois  
se deffiãt de quelque sourde ambuche du ty  
ran: mais ie le feis demeurer pour attẽdre la  
despesche de Rome qu'õ me deuoit appotrer  
dedãs trois iours, & ce fut pourquoy mada  
me sa mere cy presẽte, m'a reprochẽ main  
tes fois q<sup>o</sup> iestoy cause de sa mort dont mõ  
sieur le Lieutenãt & tour les siẽs me doiuent

*Le Catholicon*

scauoir bon gré par ce que sur ce pretexte & pour véger ceste belle mort, no<sup>u</sup> auons excité les peuples, & pris occasiō de faire vn autre roy. Courage dōc, courage mes amis: ne craignez point d'exposer vos vies, & ce qui vo<sup>u</sup> reste de biens pour mōsieur le Lieutenāt, & pour ceux de sa maïso: ce sont bons Princes & bons Catholiques, & qui vo<sup>u</sup> aymēt, tout plein: ne parlez poit icy de luy abroger sa puiffāce, qu'aucuns murmurēt ne luy auoir esté dōnée que iusques à vne prochaine tenue d'estats: ce sont des comptes de la cigongne, Ceux qui ont gousté ce morceau ne demordēt iamais: demanderiez vous vn plus beau Roy, & plus gros & plus gras qu'il est? C'est par S. Iacques vne belle piece de chair, & n'é scauriez trouuer vn qui le peze Messieurs de la noblesse, qui tenez les villes & chateaux au nom de la saint Vnion, estes vo<sup>u</sup> pas bien ailes de leuer toutes les tailles, decimes, aydes, magazins, fortificatiōs, guet coruees, imposts, & daces de toutes denrées rāt par eau que par terre & prēdre vos droits sur toutes prises & rancons sans estre tenuz d'en rendre cōte à persōne? Sous quel Roy trouuerez vous iamais meilleure conditiō: vous estes barōs: vous estes cōtes & ducz en propriété de toutes les places & prouinces que vous tenez. Vous y commādez absolu- mēt & en Roys de carté: Que vous faut il mieux: Laissez & oubliez ces nōs specieux de monarchie Françoise, & ne vous souuiē-

*d'Espagne*

ne plus de vous âcestres ny de ceux qui les ôt  
enrichiz & ânoblis: bref qui *ben sta, non si mo-  
ue*. Quant à vous messieurs les Ecclesiastiqs  
à la verité i'y perds mô latin, & voy bien que  
si la guerre dure il y aura moult de pauures  
prestres: aussi n'esperez vous pas vostre re-  
compense en ce monde caduq, ains au ciel;  
où la couronne de gloire eternelle attend  
ceux qui pat iront & mourrôt pour la sain-  
cte ligue, Se sauue qui pourra, quant à moy  
ie suis capable de porter vn bonnet rouge,  
mais de remedier & obuier aux necessitez &  
oppressions du Clergé, il n'est pas en ma  
puissance, & mes gouttes ne me donēt pas loi-  
sy d'y penser: Toutesfois ie crain vne chose  
est q si le Roy de Navarre reuoque ses passe  
ports, & les main leuées qu'il a donnees aux  
monasteres & chapitres, il y aura dâger que  
vous ne criées to<sup>o</sup> au meurtre apres le saint  
pere & Monsieur le Legat, & le reuerendis-  
sime Cardinal cy presents, qui pourroient  
bien laisler les bottes en France s'ils ne le  
fauuēt de bōne heure delà les môts: Je laisse à  
messieurs les predicateurs de tenir tousiours  
en haleine leurs deuots parroisiés, & repri-  
mer l'insolence de ces demandeurs de pain  
ou de paix: Ils scauēt les passages de lescri-  
tures pour accommoder à leurs propos,  
& les retourner, virer, aux occasions cōme  
ils'en auront betoin. Car iamais ne fut dit  
pour neant que l'Euangile est vn cousteau de  
trapiere, qui couppedes deux costez. *Inxta il*



## Le Catholicon

*lud, & de ore ei<sup>9</sup> gladius utraque parte acutus  
exibat: cōme dit l'Apostre S. Paul, *Vivus est  
sermo Dei & efficax & penetrabilior gladio an-  
cipiti.* Or ce qui importe pour le present le  
plus à nos affaires, c'est de bastir vne loy fō-  
damētale, par laquelle les peuples François  
serōt tēnuz de se laisser coiffer, embeguiner,  
encheuestrer, & menerà l'appetit de messieurs  
les cathedrās: voire se laisserōt escorcher iuf  
ques aux os, & curer leurs bourses iufques  
au fond sās dire mot, ni s'ēquerir pourquoy  
Car vous sçauetz, messieurs, que nous auons  
affaire de nos pensions. Mais sur tout, faites  
souuent renouueller les sermens de l'vniōn  
sur le precieux corps de nostre Seigneur, &  
cōtinuees les cōfrairies du nom de Iesus & du  
cordon: Car se sōt de bons colliers pour me  
nues gens: dequoy nous chargeōs lhonneur  
& conscience de nos bons Peres les Iesuites:  
& leurs commandons aussi nos espions afin  
qu'ils continuent de faire tenir seurement de  
nos nouvelles en Espagne, & reçoient aussi  
les mādats secrets de sa Maiesté Catholique,  
pour les faire tenir aux ambassadeurs, agēts,  
curez conuents, marguillers & maîtres des  
confrairies, & qu'en leurs particulieres con-  
fessions ils n'oublient pas de defendre sur  
peine de dānation eternelle de desirer la paix  
& encore plus d'en parler, ains faire opini-  
astrer les deuots chrestiens, au sac, au sang &  
au feu, plustost q̄ se soubmettre au Biarnoīs,  
quād bien il iroit à la Messe, cōme il à donnē*



*d'Espagne.*

charge à ses ambassadeurs d'asseurer le Pape: mais nous scauons bié le contre poison si cela aduient, & donnerons bien ordre que sa saincteté, n'en croira rien, & le croiant n'en fera rien, & le faisant: q nous n'en receurons rien, si ie ne suis Cardinal: Pourquoi ne le seray ie pas, si maistre Pierre de Frontac estant simple aduocat à Paris du temps du Roy Iean le fut bien, pour auoir diligemment deffendu les causes de l'Eglise? Et moy qui ay quitté mon maistre, & trahy mon pays pour soustenir la grandeur du S. Siege apostolique, ie ne le serois pas? Si seray ie vous en assure: ou mes amis me faudront. I'ay dit.

Après q le dit sieur Archeuesq eut fini son epi phoneme en grande esmotion de corps & de voix, il demâda permissio tout bas à madame de Montpensier de se retirer pour chager de chemise parce qu'il s'estoit eschauffé en son harnois: Le bedeau de monsieur le Recteur qui estoit à ses pieds luy fait fendre la presse puis s'estât escoulé par dessus les bancs des deputez: mondict sieur le Recteur Roze reuestu de son habit rectoral sous son roquet & camail d'uesque portatif ostant son bonnet par plusieurs fois, commença ainsi,

*Harangue de monsieur le Recteur Roze,  
iadis Euesque de Senlis.*

**T**res-illustre, tres-auguste, & tres-catholique sinagogue, tout ainsi que la vertu de

*Le Catholicon*

Themistocles s'eschauffoit par la consideration des triumphes, & trophées de Miltiades. Ainsi me sens-je eschauffer le courage en la contemplation, des braues discours de ce torrent deloqué cemonseigneur le Chancelier de la Lieutenance, qui vient de triompher de dire. Et à son exemple, ie suis meue d'une indigne ardeur de mettre auant ma rethorique & estaler ma marchandise en ce lieu, où maintes fois j'ay fait des predications qui n'ont par le moyen du feu Roy fait de meusnier deuenir Euesque come par vostre moyen ie suis d'euesque deuenu meusnier: mais ie pense auoir assez montré par mes actions pascées, que ie ne suis point ingrat. & que ie n'y fait que ce que j'ay veu faire à plusieurs autres de ceste noble assemblée qui ont receu encores plus de biens que moy du Roy deffunct, & neantmoins l'ont brauement chassé de son Royaume, & fait assassiner pour le bien de la foy Catholique, sous esperance d'auoir mieux come nous nous estions genereusement promis: Or ie ne veux ici reffriduer les choses pascées, ni capter vostre beneuolence par un long exorde, mais sommairement vous dirai, mesieurs que la fille aisnee du Roy, ie ne dis pas du Roy de Nauarre, mais du Roy que nous essirons ici, si Dieu plaist, & en attendant ie dirai la fille aisnee de monsieur le Lieutenant de l'Etat & Couronne de France, L'uniuersité de Paris, vous remontre en toute obseruance, que depuis ses cunabules & primordes, elle n'a

d'Espagne,

*in barrago.* Quicóques fait pendre les Catho-  
liques zelez, est tiran & fauteur d'heretiques:  
*Atqui.* Monsieur le Lieutenant a fait pendre  
Louchard & consors catoliciffimes, & zela-  
tiffimes: *Ergo* monsieur le Lieutenant est tyrā  
& fauteur d'heretiques pire que Henry de Va-  
lois qui auoit par donné à Louchard, Haite, &  
la Morliere, dignes du gibet pl<sup>o</sup> de trois ans  
au deuant les barricades: Qu'ainsi ne soit *probo  
minorem à maiori ad minus.* Le Biarnoïs a tenu  
entre ses mains prisonniers les principaux  
chefs de la ligue, comme Bois-Dauphin, Pef-  
cher, Fontaine Martel, Flauacourt, Tramble-  
court, les Cluzeaux, & plusieurs autres qui  
me doiuent sçauoir gré, si ie ne les nommé les-  
quels ils n'a pas fait pendre le pouuant & de-  
uant: *qui non vult mortem peccatoris sed ut re-  
spiciat,* comme aucuns ont fait: Et neãtmoins  
est heretique: où tenu pour tel: *Ergo* mōsieur  
le Lieutenant est pire qu'heretique, qui a fait  
pēdre ses meilleurs a mis, lesquels luy auoiēt  
mis le pain en la main. De dire que cela soit  
fait *ad maiorũ cautelam,* pour raualer l'orgueil  
& insolence des seize: cela est bien. mais ce-  
pendant on s'estrange. Et ne peut ce dit-on  
empeschere que tous ne soions tousiours iugez  
& reputez grands badaux, & caillettes, sots en  
Latin & en Frāçois de l'auoir endure, & qui  
pis est, que les politiques ne concluent, *in mo-  
do & figura,* que la Sorbonne peut errer: chose  
qui me feroit derechef deuenir insensé & cou-  
rir les ruēs: Car si cela auoir lieu nous ne sçau

*Le Catholicon*

rions prouuer par toutes les fleurs de nostre rhétorique, ni par toutes les loix fondamentales du Royaume, dont monsieur de Lyon a fait si grand cas, que tant de milliers de pauvres Chrestiens que nous auons fait & faisons mourir de faim, de fer, & de feu, par nostre precipité decret, deussent estre iugez vrais martyrs, si tant est que nostredit decret ne les a peu absoudre du serment de fidelité, & obeissance naturelle que les subiets doiuent à leur Prince: Parquoy messieurs, ie vous supplie au nom de nostre academie, de pallier ce fait ici le plus catholiquement qu'on pourra, comme monsieur le Legat fait les intentions du Pape Xiste, qui n'aimoit pas tant la Ligue qu'on disoit: Au reste ie vous fourniray tant de passages de l'escriture que vous voudrez: car i'en ay à reuëdre. Mais sur tout, messieurs, ie vous recommande nos pensions, & de messieurs nos conducteurs de la sainte faculté de Theologie, côme aussi de messieurs les curez, & predicateurs, pour lesquels ie parle: Car vous auez affaire de nous, & ne vous en sçauriez passer. Et madame de Montpensier a bié sçeu dire qu'elle gaignoit plus de villes, & faisoit plus de besongne avec vn peu de doublôs qu'elle distribuoit aux predicateurs & docteurs: que le Roy de Nauarre ne faisoit avec toutes ses batailles, & armées. Ie vous aduertir de bonne heure que si ne fournissez à l'apointement, il y a danger que nous ne nous mettions à prouuer, qu'il n'est que d'a-

*d'Espagne.*

uoir vn Roy legitime, *etiam discote*, pourueu qu'il nous laisse le pain de chapitre, & le purgatoire, sans rien innouer iusques au futur cōcile: Mais en attendant aduisez si nous ferons vn Roy ou non: Je sçay que monsieur le Lieutenant vouldroit bien l'estre: aussi feroit son neveu, & encore son frere le Duc de Nemours & ie ne doute pas que les Ducs de Sauoye & de Lorraine, n'en ayent autant d'enuie: car à la verité ils y ont autant de droit l'vn que l'autre. Quant au Duc de Mercur, ses agens y feront autant que luy: S'il eust pris de bōne foy le Roy de Portugal dom Anthoine, & l'eust liuré à son bon amy le Roy tres-catholique cōme il luy auoit promis, ie croy qu'il se fust contenté des droicts qu'il a au Duché de Bretagne, pareils à ceux qu'auoit son ayeul Ian par sa femme, Mais ici, qui n'y est, n'y prend. Premieremēt ie vous conseille de ne vous arrester pas au Duc de Sauoye, ni au Duc de Lorraine: ce ne sont en parlant par reuerence, que des coüilles, qui ont assez affaire à leur maison. Je m'asseure qu'ils se contenteront de peu: si vous voulez laisser au Sauoyard le Dauphiné & la Prouence avec vne partie du Lyonois, & du Languedoc, pourueu que vous luy faciez prendre Geneue, ie voudroy gager ma vie qu'il ne vous demandera plus rien, que la confiscation d'Ediguieres: Quant au Duc de Lorraine, ostez luy le Duc de Bouillon, & luy baillez Sedan, Mets, toute la Champagne, & partie de Bourgongne qui est



*Le Catholicon*

a la bienfiance, vous l'appaiserés par apres pour vn morceau de pain: Je viens maintenât à vous, monsieur de Guise, fils de bon pere & de bonne mere, que les propheties ont de long temps destiné aux Royaumes & Empires, & vous ont surnommé Pepin le brief vous voila sur le poinct d'estre vn grand Charlemagne, vostre grand bisayeul si marché tiét Mais regardez a ne vous laisser pas tromper: Ces messieurs d'Espagne, encor qu'ils soient nos bons amis, & bons Catholiques, ne sont pas marchands a vn mot: & ce n'est pas d'aceste heure: car il y a plus de deux mil ans qu'ils s'en meslent, & que on leur donne le nom d'estre-fins a doubler. Ils vous promettent ceste diuine infante en mariage, pour la faire Roine *insolidum* avecques vous: mais prenez garde que le Duc de Feria n'ayt rempli ses blancs signez sans charge: Il en a vne pleine boite, dont il se sert a toutes occurences comme d'vne forme a tout foulier, & d'vne selle a tous cheuaux: il les date, on antidate: avec son vrinal, quand il luy plaist: l'ay peur quelque chose qu'il nous ayt proposee, que ce ne soit qu'artifice pour nous amuler quand il a veu que ne voulions entendre à rompre la loy Salique: Si vous auez tant soit peu de nez, vous le sentirez. Car nous sçavons de bonne part que le mariage est desia accordé d'elle, & de son cousin l'Archiduc Ernest *addo* que ceux de la maison d'Autriche sont comme les Iuifs, qui ne se marient qu'en

*d'Espagne.*

point esté si bien morigene, si modeſte, & ſi  
paiſible quelle eſt maintenant par la grace &  
faueur de vous autres meſſieurs. Car au lieu  
que nous ſouliions voir tant de fripons, fripô-  
niers, iuppins, galoches, marmitôs, & autres  
ſortes de gens malfaiſants, courir le paué, hâ-  
ter les bordeaux, tirer la laine, & quereller les  
rotiſſeurs de petit pont, vous ne voyez plus  
perſonne de telles gês par les Colleges: tous  
les ſuppoſts des facultez & nations qui tu-  
multuoient pour les brigues des licences ne  
paroiffent plus: on ne iouè plus de ces ieu x  
ſcandaleux, & ſatyres mordantes aux eſchau-  
faux des Colleges, & y voyez vne belle refor-  
mation, s'eſtâs tous ces ieunes regens retirez,  
qui vouloyêt monſtrer a l'énui, qu'ils ſçauoiêt  
plus de Greq & de Latin que les autres: Ces  
factions des maîtres és arts, où l'on ſe batoit  
a coups de bourlet, & de chaperon, ſont ceſ-  
ſees: tous ces eſcoliers de bône maiſon, grâds  
& petits ont fait gilles: les Libraires, Im-  
primeurs, Relieurs, Doreurs, & autres gês de pa-  
pier, parchemin, au nombre de plus de tren-  
te mil, ont charitablement fendu le vent en  
cent quartiers pour en viure, & en ont encor  
laiffé ſuffiſatemêt pour ceu qui ont demouré  
apres eux: Les profeſſeurs publics, qui eſtoiêt  
tous royaux, & politiques, ne nous viennent  
plus rompre la teſte de leurs harâgues, & cõ-  
gregatiõs aux trois Eueſques, ils ſe ſont mis a  
faire l'alquemie chacun chez ſoy: Brief tout  
eſt coy, & paiſible, & vous diray bien plus: ia

*Le Catholicon*

dis du tēps des politiques & heretiques, Ramus, Galandius, & Turnebus, nul ne faisoit profession des lettres qu'il n'eust de longue main & à grād frais estudié, & acquis des arts & sciences en nos Colleges, & passé par tous les degrez de la discipline scholastique: Mais maintenāt par le moyen de vous autres messieurs, & la vertu de la saincte Vniō, & principalement par vos coups du ciel, monsieur le Lieutenāt, les beurriers, & beurrieres de Vanes, les ruffiens de Mont rouge, & de Vaugirard, les Vignerōs de sainct Cloud, les carreleurs de Ville juifve, & autres cantōs catholiques sōt deuenus maistres és arts, bacheliers principaux, presidens & boursiers des Colleges, regēs des classes, & si arguts philosophes que mieux que Ciceron maintenāt ils disputent de *inuētiōne*, & apprenent tous les iours, *astodidactos*, sans autre precepteur que vous mōsieur le Lieutenāt, apprenēt di-ie à mourir de faim *per regulas*. Aussi n'oyez vo<sup>9</sup> plus aux classes ce clabaudemēt latin des regēs qui obtrondoiet lēs aureilles de tout le mōde: au lieu de ce iargō, vo<sup>9</sup> y oyez à toute heure du iour l'armonie argentine, & le vray idiome des vaches & veaux de lait & le doux rossignolemēt des asnes & des truyes qui nous seruēt de cloches, *pro primo, secūdo, & tertio*: Nous auons desiré autrefois sçauoir les langues Hebraïques, Grecque, & Latine: mais nous aurios à presēt plus de besoin de langue de bœuf falec qui seroit vn bō cōmentaire, apres le pain d'a-

d'Espagne.

voine: Mais le Mās, & Lual, & ces infailibles  
voitures d'Angers, avecq leurs chapons de  
haute graisse, & gelinotes no<sup>9</sup> ôt failli, cōme  
les langues, & n'auōs plus qu'un amer souve-  
nir de ces messagers academiques q̄ descen-  
doient à l'arbaleste, & autres fameuses hos-  
teleries de la ruē de la harpe, à iour & poinct  
nommé, au grand contentement des escho-  
liers attendans, & de leurs regens friponniers  
vous estes cause de tout cela, mōsieur le Lieu-  
tenant: & tous ces miracles sont ceuures de  
vos mains il est vray. que nos predications &  
decrets n'y ont pas nuy. Mais tāt y a que vous  
estes le principal motif & instrumēt, & pour  
vous dire en vn mot, vous nous avez perdus  
& esperdus: Excusez moy, si ie parle ainsi: Ie  
le diary avec le Prophete Dauid, *loquebar in  
conspēctu regum, & nō confundebus*: vous avez  
*inquam*, si inquine & diffamé ceste belle  
aisnee, ceste pudique vierge, ceste fleurissante  
pucelle, perle vniue du monde, d'amāt de la  
France, escarboucle du Royaume, & vne des  
fleurs de lis de Paris la plus blanche, que les  
vniuersitez estrangeres en font des sonnettes  
Grecques & Latines *& versa est in opprobrium  
gentium*. Cependant messieurs nos Docteurs  
n'y trouuēt que rire: car ils n'ont pas les que-  
stions quolibetaires si frequentes: plus ne se  
passe bacheliers, licéciers, ni docteurs ou ils  
saouloïēt auoir leurs propines, & festins, & se  
saouloient *vsque ad guttur*: le vin d'Orleās ne  
vient plus, encore moins celuy de Gaicon-



Le Catholicon

gne: tellement que les ergots sont cessez: & si quel qu'un des plus espagnolifez a quelques doublons & reçoit quelque pension du Legat à carimini, ce n'est pas à dire que les autres s'en sentent. Au reste monsieur le Lieutenant, vous avez fait pendre vostre argétier conze-lateur Louchard, & avez déclaré par consequent pendables tous ceux qui ont assisté à la ceremonie de l'ordre de l'Union qu'on a baillée au President Brisson. Or est-il que tous les ieunes curez, prestres, & moines de nostre vniuersité & nous autres docteurs pour la plus part auons esté promoteurs de ceste tragedie *ergo gluc:* & vous di que si ne vous fussions hasté de venir nous en eussions bié fait d'autres & n'eussions pas demeuré en si beau chemin: & tel parle aujourd'huy bien haut à qui les dents ne feroient point de mal si vous eussiez encor tardé trois iours à venir: Mais pour reuenir à mon premier theme, i'argumente ainsi: Louchard & ses conforsts ont esté iustemét pendus parce qu'ils estoient pendarts: *Atqui* la pluspart de nous autres docteurs estions conforsts & adherants, & conseillers dudit pendu *Ergo* pendarts, & pendables. Et ne sert de rien d'alleguer l'abolitiõ qui nous a esté faicte, touchant ce catholique assassinat: Car *remissio non dicitur nisi ratione criminis*, ne pouuant la dite abolition, abolir la peine meritee, voire quãd vous la destramperiez cent fois en catholicõ d'Espagne, qui est vn sauon qui efface tout. Il faut donq necessairement argumenter ainsi,



*d'Espagne.*

leurs famille, & s'entretiennét par le cul l'un,  
l'autre, cōme hannequins, ou hannelons.  
Quittez donc ceste vaine esperance de Gy-  
nacocratie, & croiez que les petis enfans s'ē  
mocquent, & en vont desia à la moustarde.  
L'en'ouy l'autre iour qui reuenant tout bel-  
lement de la taruerne, chantoit ce quatrain

*La Ligue se trouuant camuse,*

*Et les Ligueurs fort estonnez*

*Se sont aduisez d'une ruse :*

*C'est de se faire un Roy sans nez*

Mais si i'eusse peu le faire attraper par le cō-  
missaire bazin, q̄ courut apres, il n'eust pas  
moins eu q̄ le Meulnier qui s'est moqué de  
nos estats. Que diriez vous de ces impudēs  
politiques, q̄ vous ont mis en figure en vne  
belle fueille de papier, desia courōné cōme  
un Roy de carreaux, par anticipatiō, & en  
la mesme fueille ont aussi mis la figure de la  
diuine infante, courōnee en Royne de Frāce  
comme vous, vous regardant huzé à huzé  
l'un l'autre ? Et au bas de ladite peinture,  
ont mis ces vers que i'ay retenus par cœur  
par ce qu'il y va du vostre.

*Les Frāçois? Espagnols ont fait un Roy de Frāce*

*A L'infante d'Espagne ils ont le Roy promis:*

*Royauté bien petite, & de peu d'importancé:*

*Car leurs Frāce est cōprise en l'enclos de Paris*

*N'apporte à ceste fois pour ce froid mariage.*

*O Hymen Dieu nopicier, tō paisible flambeau:*

*De ces corps eslōgnez on asseble l'image (bleau*

*Qui fōt l'amour des yeux tous deux en un ta*

*Le Catholicon*

tendez comme larrons: ce pendant vous auez irrité les seize, qui vous accusét qu'estes vn marchand de courônes, & auez mis celle de France au plus offrant: ils en font des liures à vostre preiudice, ou ils deschiffrent toutes vos actions: ils disent que vous auez des pratiques sourdes avec le Biarnois, & lui faites porter des parolles par Villeroy & Zamet, pour l'endormir. & luy faire entendre qu'estes bon François, & ne serez iamais Espagnol: & que pouuez luy remettre Paris, & luy rendre tout son Royaum: paisible quand il aura esté à la messe, & recogneu nostre saint Pere: & sous ceste ruse auez tiré quarâte mil escus politiques pour trois mois qui deuoyét valoir pour quatre, à dix mil escus piece, faisant entendre que le Roy d'Espagne rongneroit vos distributions s'il scauoit que traitasiez d'accord avec les heretiques. Mais on a descouuert que secrettemēt vous enuoyez vos gens à Rome & en Espagne, pour empescher que le Pape ne luy donne absolutiō sil la demande, & pour susciter le Roy d'Espagne d'enuoyer nouvelles forces sur la frontier. Vous pensez estre bien fin: mais vos finesse sont consuēs de si blanc: en fin tout le monde les voit: car ces politiques ont des dragōs sur les chāps qui prennent tous vos paquets, & deuinent par un at diabolique tous vos chiffres, ausi bien que ceux du Roy d'Espagne & du Pape, tant subtils puissent ils estre: si bien qu'ils scauēt tou-

*d'Espagne*

tes vos facientes, & à Rome & à Madric: & en  
Sauoye & en Allemagne: Vous befflez tout le  
monde, & tout le monde vous beffle aussi:  
danger y a que ne deueniez ce que fust le Côte  
de S. Pol Connestable de France du temps  
du Roy Loys X I. lequel apres auoir abuié  
son maistre, & le Duc de Bourgongne & le  
Roy d'Angleterre tout vn temps, en fin fut  
fait Cardinal en Greue: Quant à estre Roy  
de vostre chef, ne vous: y attédez pas, vostre  
part en est gelee: to<sup>9</sup> vos aînez s'y oppoient  
vos cousins competeurs feroient plustost  
session *ad partes*, que de l'endurer: les seze  
ne veulent plus de vous: car ils disent qu'ils  
vous ont fait ce que vous estes, & vous les  
pendez, & diminuez leur nombre tant que  
pouuez: le peuple auoit esperé sur vostre  
parole que vous desboucleriez la riuere  
& rendriez les chemins & le commerce libre  
mais ils voyent au contraire qu'ils sont plus  
ferrez que deuant, & que le pain & le peu de  
bien qu'il ont pour viure ne vient pas de vo-  
stre bien fait, ny de vostre vaillance, mais de  
la liberalité du Biarnoï & de son bon natu-  
rel, ou de l'auarice des aquiteurs qui en tirent  
tout le profit: Bref, la plus part croit que  
voulez prolonger tant que pourrez la Lieu-  
tenâce en laquelle on vous a mis & viure tous-  
iours en guerre & troublé, bien à vostre ai-  
se, bien seruy, bien traicté, bié garde de Suyf-  
ses & d'Archers, qu'il n'y manque que les ho-  
uetons & sibilot pour estre Roy, pendant

*Le Catholicon*

que tout le reste du peuple meurt de male rage de faim. Vous voulez garder les gages & estre curateur perpetuel aux biens vacquans, qui empesche & prolonge tant qu'il peut la deliurance des criees de peur de rendre compte. Au reste vous ne pouuez estre Roy par le mariage de l'infâte: vous estes marié & mettez le doigt au trou: car vous auez cheuauché la vieille, qui se garde bien du bouquó, & puis il faudroit vn autre ramoneur pour vous à ceste garce de trente ans, noire comme poire & d'appetit ouuert. D'auantage, quand nous vous aurions esleu Roy, vous auriez affaire au Biarnois qui sçait mille tours de Basque, & qui ne dort que tât qu'il veut & à l'heure qu'il veut: lequel se rendant catholique, cōme il vous en menace, tirera de son costé tous les potentats d'Italie & d'Allemagne: & quāt & quant le cœur de tous les gentils-hommes François, dont vous voyez desjà la plus part branler au manche, & minuter leur retraite avec tant de pauures villes affligees lassez de la guerre & de la pauurete, qu'ils ne demandent autre chose que ceste couleur & bonne occasion pour se retirer du pair, & en courir ou colorer leur repentance. Songez y, monsieur le Lieutenāt, pour la pareille: vous auez beau faire le Roy, & cōtrepeter le Biarnois en edits & declaratiō, en seaux en gardes, en grāds prestosts & maistres des requestes de vostre honnel. Quand vous deuriez creuer & vous enfler gros comme vn boeuf, cōme fait la mere gre-



*d'Espagne.*

noüille, vous ne ferez iamais si gros feigneur que luy, encor qu'on die qu'il n'a pas de grefse sur tout son corps pour paistre vne aloüette. Mais sçauuezvous que vous ferez ? ie vous cõseilleroy, si n'estiez bigame, de vous faire abbé : quiconques fera Roy ne vous refusera pas l'abbaye de Clugny qui est de vostre maison : vous aimez la soupe grasse, & vous ruez volontiers en cuisine : vous auez le ventre ample & spatieux, & si ferez couronné, ie dy couronné de la mesme couonne, & vostre couronne, faite des mesmes ciseaux que madame vostre sœur disoit auoir pèdus à sa ceinture pour faire la courõne monachale de feu Henry de Valois : Vous ne m'en demandez ne foy ne serment, mais ie suis de cest aduis, le ne par leray point icy de monsieur de Nemours vterin (les politiques disēt *adulterin*) cestuy-la à fait ca ca en nos paniers : il a ses desseins à part, & ressemble Pricocole, qui par discours bien raisonnez se fait monarque du monde pied à pied : S'il peut gouverner le Roy des bestes, comme il a fait la nef de Paris, ie diray qu'il sçaura plus faire que maistre moufche, ces ai i naux mescognoissent quelquefois leurs gouverneurs, mesmement, s'ils changent d'habit : Il ne sera pas mal partagé, s'il paruiet a ses pretensios : à quoy vous monsieur le Lieutenât & monsieur de Lyon luy ferez, ie croy, de bõs offices : Somme toute Messieurs, vous estes trop de chiens à ronger vn os, vous estes ialoux & enuieux les vns des au



*Le Catholicon*

tres, & ne scauriez iamais vous accorder ny viure sans guerre, qui no<sup>9</sup> mettroit en pire estat que deuant: Mais ie vous diray: faisons comme on fait au consistoire à l'eslection du saint pere, Quand deux Cardinaux briguent la papauté, les autres Cardinaux de peur d'en courir la haine de l'un ou de l'autre choisissent vn dentre'eux le plus foible de reins & le font Pape: faisons en ainsi. Vous estes quatre ou cinq brigans au Roaume, tous grans princes, & qui n'avez pas fauté d'appetit: Ie suis d'avis que pas vn de vous ne soit Roy, ie donne donc ma voix à **GVILLOT FAGOTIN** marguillier de Gentilly, bon vigneron, & preud'homme, qui chante bien au letrin, & scait tout son office par cœur: Cela ne sera pas sans exemple en tel temps que celuy cy: tesmoing la harelle de Roüen, où l'on fit Roy, vn nommé le Gras plus mal aduisé que Guillot. Et voicy où ie fonde mon aduis: i'ay leu quelque fois ce grand & diuin philosophe Platon, qui dit que les Royaumes sont heureux où les philosophes sont Roys, & où les Roys sont philosophes. Or scay ie qu'il y a tantost trois ans que ce bon marguillier & sa famille auecq ses vaches médite iour & nuict la philosophie en vne sale de nostre college, en laquelle y a plus de deux cens bonnes années qu'on y a leu & traicté, & disputé publiquement la philosophie, & tout l'Aristote, & toutes sortes de bons liures moraux; Il n'est

*d'Espagne.*

pas possible qu'ayant ce bõ hõme resuë, som-  
meillé & dormy tant de iours & de nuicts, en-  
tre ces murailles philosophiques, où tant de  
sçauâtes leçons, & disputes ont esté faites, &  
tant de belles paroles proferees, il n'en ait de-  
meuré quelque chose qui ait entré & penetré  
dedâs son cerueau, comme au poëte Hesiode,  
quand il eut dormy sur le mont de Parnasse.  
C'est pourquoy ie persiste, & entends qu'il  
soit Roy comme vn autre.

Comme monsieur Roze acheuoit ces pa-  
roles, il sourdit vn grand murmure entre les  
deutez, les vngs approuuans, les autres re-  
prouuans son opiniõ, & furët veuz les Princes  
& Princeesses chucheter en l'oreille lvn de l'au-  
tre: mesmes fut ouy que monsieur le Lieutenant  
dit tout bas au Legat. Ce fol icy gastera tout  
nostre miltere. Neantmoins ledit Roze vou-  
lut continuer son propos: mais quand il veit  
le bruit recõmencer avec vn claquement ge-  
neral de mains, ils se leua en colere, & cria en  
voix Stentoree, comment, messieurs, est-il pas  
permis icy de dire cé qu'on pense? Nauray-ie  
point liberté de parler & conclure mes argu-  
ments, cõme a fait Monsieur de Lyon? Je sçay  
bien que si i'eusse esté courtisan comme luy,  
ie n'eusse nõmé personne: car il auoit charge  
du Clergé de nõmer le Comte du Bouchage  
frere Ange pour esperance que ce Prince ay-  
mant le changement, changeroit ausi nos mi-  
seres en coups du ciel: mais ie vous prie gar-  
dez le pour porter l'oriflanbe aux batailles:

*Le Cathelicon*

car il luy doit suffire d'auoir quitté la besace. A ces mots, chacun se mit derechef à crier, & siffler: & combien que les herauts. & maffiers hurlassent, *qu'on se taise*, n'osants dire, *paix là*, & que Monsieur le Lieutenant commandast plusieurs fois de faire silence, il ne fut possible d'apaiser le bruit, tellement que ledict sieur Recteur, suoit, tempestoit escumoit, & frapport du pied: & voyant qu'il n'y auoit plus de moyen de reprendre son theme cria le plus haut qu'il peut, Messieurs, Messieurs ie voy bien que nous sommes à la court du Roy Petault, où chacun est maistre: Ie le vous quitte, qu'un autre parle: I'ay dit.

Et là dessus se rassied en grommelant, & s'esfuiant le front, il luy eschappa à ce qu'on dit quelques rots odoriferents de l'estomac, qui sentoient le perfun de sa collere, avec des paroles en basse note, se plaignant qu'on auoit fraude l'assignation enuoyee d'Espagne, pour messieurs les Docteurs, & que d'autres en auoyent fait leur proffit, mais que ce seroit l'or de Thoulouze, qui leur cousteroit bien cher.

En fin la rumeur commençant vn peu à se racoier Monsieur de Rieux le ieune, Comte & gardien de Pierrefont, deputé pour la noblesse de France, habillé d'un petit capot à l'Espagnole, & vne haute fraize, se leua pour parler, & ayant mis deux ou trois fois la main à la gorge, qui luy demangeoit commença ainsi.

*d'Espagne.*

*HARANGVE D'V SIEVR DE  
Rieux, Sieur de Pierre-Font pour  
le Noblesse de l'Vnion.*

**M**esieurs, ie ne sçay pourquoy on m'a  
deputé pour porter la parole en si bon  
ne compagnie, pour toute la noblesse de no-  
stre party : Il faut bien dire qu'il y a quelque  
chose de diuin en la saincte Vnion, puis que  
par son moyen, de commissaire d'artillerie af-  
sez malotru, ie suis deuenu gentil-homme &  
gouuerneur d'vne belle forteresse : voire que  
ie me puis esgaler aux plus grands, & suis vn  
iour pour monter bien haut, à reculon ou au-  
tremet. I'ay bien occasion de vous suiure,  
monsieur le Lieutenant, & faire seruice à la  
noble assemblee, a bis, ou à blanc, à tort, ou à  
droict, puis que tous, les pauures prestres,  
moines, & gens de bien, deuots Catholiques  
m'apporment des chandelles, & m'adorent  
comme vn saint Maccabee du temps passé.  
C'est pourquoy ie me donne au plus viste des  
diabes, que si aucun de mon gouuernement  
s'ingere à parler de paix ie le courray comme  
vn loup gris : Viue la guerre, il n'est que d'en  
auoir de quelque part qu'il vienne. Ie voy ie  
ne sçay qu'els desgoustez de nostre noblesse  
qui parlent de conseruer la Religion & l'estat  
tout ensemble: & que les Espagnols perdront  
à la fin l'vn & l'autre, si on les laisse faire.  
Quant a moy ie n'entends point tout cela  
pourueu que ie leue tousiours les tailles, &



*Le Catholicon*

qu'on me paye bien mes apoinctements, il ne me chaut que deuiendra le Pape, ny sa femme  
Je suis apres mes intelligences pour prendre  
Noyon si i'en puis venir à bout, ie seray Euef-  
q̄ de la ville, & des champs, & feray la moüe  
a ceux de Compiègne : Cependant ie cour-  
ray : la vache & le manant tant que ie pour-  
ray, & n'y aura payfan, laboureur, ny mar-  
chand autour de moy, a dix lieues a le ron-  
de, qui ne passe par mes mains, & qui ne me  
paye taille, où raison: Je scay des inuentions  
pour les faire venir a raison : Je leur donne le  
frontal de cordes liees en cordeliere: ie les  
pends par les esselles: ie leur chauffe les pieds  
d'une pelle rouge: ie les mets aux fers, & aux  
ceps : ie les enferme en vn four, en vn coffre  
percé, plein d'eau: ie les pens en chapon rosty  
ie les fouëtte d'estriuières : ie les sale, ie les  
fay ieufner ie les attache estendus en vn van:  
bref i'ay mille gentils moyens pour tirer la  
quinte essence de leurs bourses: & auoir leur  
substance pour les rendre belistres à iamais,  
eux & toute leur race : Que m'en souciay ie?  
pourueu que i'é aye? Qu'on ne me parle point  
là dessus du point d'honneur : ie ne scay que  
c'est. Il y en a qui se vantent d'estre descendus  
de ces vieux Cheualiers Francois qui chasse-  
rent les Sarazins d'Espagne, & remirent le  
Roy Pierré en son Roy aume: les autres se di-  
sent estre de la race de ceux qui allerent con-  
querir la terre sainte avec saint Loys : Les  
autres de ceux qui ont remis les Papes en



*d'Espagne.*

leur siege par plusieurs fois, où qui ont chassé les Anglois de Frâce, & les Bourguignons de la Picardie : ou qui ont passé les monts aux conquestes de Naples & Milan, que le Roy d'Espagne a vsurpé sur nous: Il ne me chault de tous ces tiltres & p'cartes: ni d'armoiries tymbrees ou nō tymbrees: ie veux estre vilain de quatre races: pourueu que ie reçoie tousiours les tailles, sans rendre compte: ie n'ay point leu les liures, ny les histoires, & Annales de Frâce: & nay que faire de sçauoir s'il est vray qu'il y ait eu des paladins & cheualiers de la table ronde, qui ne faisoient profession que d'honneur, & de deffen:re leur Roy & leur pays: & fussent plustost morts que de recevoir vn reproche: ou souffrir qu'on eust fait tort à quelqu'un: i'ay ouy compter a ma grād mere, en portāt vendre son beurre au marché, qu'il y auoit eu autre-fois vn Gastō de fois, vn Compte de Dunois, vn la Hire: vn Poton, vn Capitaine Bayart, & autres qui auoyēt fait rage pour ce poinct d'honneur: & pour acquerrir gloire au Francois: mais ie me recommande à leurs bonnes graces, pour ce regard: i'ay bōne espee, & bō pistolet: & n'y a fergēt ny Preuost des marechaux qui m'osāt adiouner: aduienne qui pourra, il me suffit d'estre bon catholique: la iustice n'est pas faite pour les Gentils-hommes comme moy: ie prendray les vaches, & poules de mon voisin quand il me plaira: ie leueray ses terres, ie les refermeray avecq les miennes dedans

*Le Catholicon*

mon clos, & si n'en oseroit grommeler: tout sera à ma bien seance: Je ne souffriray point que mes subiets payent de taille, sinon à moy & vous conseille Messieurs les nobles, d'en faire tous ainsi: aussi bien n'y a il que les thresoriers & finâciers qui s'en engraisent, & vsent de la substance du peuple, comme les choux de leur Iardin: Par la mort Dieu, si ie trouue ny sergent ny receueur, ny homme de iustice faisant exploit sur mes terres sans me demander congé, ie leur feray manger leur parchemin: c'est trop enduré: sommes nous pas libres? Monsieur le Lieutenant, ne nous auez vous pas donné liberté de tout faire: & monsieur le Legat nous a il pas mis la bride sur le col, pour prendre tout le bien des politiques tuer assaciner, parents, amis, voisins, pere & mere pourueu qu'y facions nos affaires, & que soyons bons catholiques? sans iamais parler ny de trefue, ny de paix? i'en feray ainsi, & vous prie d'en faire de mesme. Mais i'ay encor vne autre chose à vous remonstrer, c'est de ne parler plus de c'este loy Salique: ie ne sçay que c'est mais le Seigneur Diego, me l'a donné par memoire, avec quelques pieces rondes qui me ferôt grand bien. C'est en tout cas, qu'il faut aller saccager ces chaperons fourrez de la court de Parlement qui font les galands & se messent des affaires d'estat, où ils n'ont rié que voir: Qu'on me les donne vn peu à manier, iamais Bussy le clerc n'y fit ceuvre: si monsieur le Legat me commande feu-

*d'Espagne.*

lement de leur aller mettre la main sur le collet il n'y a ny bonnet quarré, ny bourlet, que ie ne face voler s'ils me chaufent trop les oreilles : mesmement à ce monsieur le Maistre, & ce du Vayr qui mettent les autres en train: Que n'y donnez vous ordre, monsieur le Lieutenant: sçavez vous pas bien que le president de Nully vous a dit & nommé par nô & par surnom tous ceux qui ont opiné pour ceste meschante loy: que ne les enuoyez vous jeter en la riuiere comme il vous a conseillé? Et ce beau Marillac qui faisoit tant de l'eschaufé au commencement & n'opinoit que feu & sang, ie crain à la fin qu'il ne face banqueroute à la ligue, si on luy promet d'estre conseiller d'estat du Biarnois: Gardons nous de ces gens qui tournent leur robbe si aysement, & fuyuent le vent de fortune, quand ils voyent que leur party va mal: Ha biaue Machault: Ha vaillant Bordeaux: vous estiez dignes d'estre comme moy, esleuez au plus haut degré d'honneur de noblesse: Entre les robes longues ie n'ayme que vous, & ce fameux president que ie nommeray encor icy par honneur, Monsieur de Nully, qui outre le courageux commencement & progres qu'il a fait à la ligue de laquelle il peut estre dit pere putatif, a bié daigné exposer ses filles, & prostituer leur reputation au bourdel, pour faire seruice à mesieurs les Princes, & à mesieurs ses curez & predicateurs. Diray-ie aussi le fait heroique de ce bon baston, qui signa si

valureusement la ligue de son propre fag, tire de sa main, laquelle depuis par miracle a demeuré estropiee, tant ce glorieux martyr a voulu souffrir pour la sainte Vnion? Et toy gerereux arc boutant de l'Vnion Loys d'Orleans: ton Catholique Anglois, & ton Expostulation, & la harague faite en faueur & à l'honneur du Legat & des Espagnols meritoient qu'on te mist en la place du president Briffon: main on ne recompense pas les gens de bien, comme il faut: non plus que ton compagnon d'office, pour auoir escrit si curieusement les droicts de l'oncle contre le nepueu. Car ceux là sont des hommes iustes, & vertueux, non par ces foireux, qui voyas qu'il n'y auoit plus rien à grabeler en leur palais de ceste ville, & que tous leurs sacs estoiet vuides; ou pendus au croq, s'en sont <sup>allés</sup> à Tours, où ils scauoient que la mangoire estoit pleine, & les rasteliers garniz, Bref, ostez en cinq ou six de toute ceste megnee, tout le reste n'en vault rien, & au diable le meilleur: Je ne sçay que ces gens de iustice m'ont fait, mais ie ne le ay me point. Je monstray vne fois ma main à vne vieille Egyptienne, qui me dist que i'auoy le poulce rond, & que ie me gardasse de rond, ou demy rond. Je croy qu'elle vouloit dire de ces gens là, qui portent le bonnet rond.

En fin Messieurs, i'ay charge de la noblesse, de vous remonstrer qu'il faut rabatre l'insolence de ces hochebrides; & aualeurs de frimats, & faire vos affaires pendant que le



*d'Espagne.*

temps est beau: Si la loy Salique est entretenue  
ie crain que monsieur le Legat s'en fache, &  
que l'infante soit en danger d'estre tonduë:  
mais ie m'en rapporte à monsieur le Lieute-  
nant qui sçaura bien rompre le coup, & faire  
la barbe à son nepueu sans razoyr: Au de-  
meurant s'il faut eslire vn Roy, ie vous prie  
vous souuenir de moy, & de mes merites:  
On m'a fait croire qu'il s'en est fait autrefois  
de pire que moy: les Lidiens ie ne sçay (qu'el-  
les gens ce sont) en firent vn qui menoit la  
charrue les: Flamens firent vn Duc qui estoit  
brasseur de biere: les Normands vn cuisinier  
les Parisiens vn escorcheur: Je suis plus que  
tous ceux là: Car mon grandpere estoit mare-  
cschal en France, ou de France, & s'il à gai-  
gné enfer, ie gagneray Paradis: Voila mon-  
sieur de saint Paul maintenant Conte de  
Rethelois, Marechal del'Vnion, & Ar-  
cheuesque de Reims, qui a bien son pere n'a-  
gueres demeurant en vne cahuette couuerte  
da chaulme pres de Nangi, & qui a encor  
ses sœurs mariees, l'vne avec vn tauernier,  
& l'autre avec vn tisseran. Neantmoins le voi-  
là pair & Marechal de France, & qui pre-  
ste argent sur bons gages à monsieur de Guy-  
se son maistre, & bien faicteur. A ce com-  
pte, vous pouues bien me faire Roy, & ferez  
bië: Car ie vous lairay faire tout ce que vous  
voudrez. I'aboliray toutes ces mangeries de  
iustice: ie supprimeray tous les sergens, pro-  
cureurs, chiquaneurs, commissaires, & con-



*Le Catholicon*

seillers, excepté ceux qui sont de nos amis. Mais il ne se parlera plus d'adiournemens ni de saisie, ni de payer ses debtes: vo<sup>o</sup> ferez tous comme rats en paille, & me suffira que m'appelliez Sire: Vous y aduiserez: pour le moins ie sçay bien que i'en vaux bien vn autre: & vous en diroy d'auâtage finó que ie suis pressé d'aller cxecuter mô entreprinse sur Noyó, apres que i'auray combatu le gouuerneur de ceste ville: & sur ce *baxo los manos de vosta mercéd.*

Apres que le sieur de Rieux eut fini sa concion militaire, chacun des assistans monstra au visage qu'on auoit prins plaisir à son eloquence naturelle, pour vn homme qui n'auoit point de lettre, & qui pourroit faire vn grand fruiçt s'il la faisoit longue en ce monde. Là dessus se leua vn des deputez, nommé le sieur d'Angouleuét, qui fit entendre tout haut qu'il auoit charge de la noblesse nouvelle, & de la part des honnestes hommes, & maistres de l'Vnion, de remonstrer quelque chose d'importance, touchât leur qualité: & qu'il estoit raisonnable qu'il fust ouy auant le tiers estat, qui n'estoit composé que de manans, requerant monsieur le Lieutenant, de luy faire donner audience, & interpellât les gens du Roy de l'Vnion, mesmement l'Aduocat general d'Orleás, qui auoit autrefois escrit en faueur de ladite noblesse, d'adherer à son requisitoire, & se disant, monta tout debout sur le banq ou il estoit assis, & commença à dire. *Monsieur*

*d'Espagne.*

le douzième, mais soudain il fut interrompu, pour vn grand bruit de païsans qui estoient derriere les deputez, lequel estât vn peu cessé, commença derechef, *Monsieur le douzième*, & incontinent le bruit se leua plus grãd que deuant, neantmoins ne laissa pour la troisieme fois de dire *Monsieur le douzième May*: alors se leua le sieur d'Aubray, qui auoit charge de parler pour le tiers estat, & contesta qu'il n'a partenoit qu'à luy de parler de ce iour là des baricades, & qu'on n'auoit point accoustumé en France de faire plus de trois estats, & empeschoit que le député de la nouvelle noblesse se fult ouy: comme n'estant qu'une dependance, & vn membre dudit tiers estat. Ledit sieur d'Angouleuent disputa l'og temps de sa part, disant que chacun estoit là pour son argët, & recommença plusieurs-fois ces trois mots, *Monsieur le douzième*: & à chaque fois fut interrompu: a la fin comme la rumeur croissoit, & desia s'eschauffoiët les factions pour l'vn, & pour l'autre, iusques à en venir aux coups de poin, l'aduocat d'Orleans remonstra qu'il n'estoit plus temps de s'arrester aux anciennes coustumes, ni a toutes ces ceremonies du temps passé, sinon au fait de la religion: & que l'assemblee desdits estats seroit inutile si on ni faisoit toutes choses de nouvelle faço, & quât a luy, qu'il auoit veu les memoires de la noblesse nouvelle, lesquels meritoient bien estre cōsiderez: toutesfois attendu qu'il estoit tard, & que monsieur le Lieutenant estoit a

*Le Catholicon*

ieun, & l'heure du diner de monsieur le Legat se passoit, il requeroit que ledit sieur d'Angouleuent mettroit son dire par escrit, & setairoit s'il pouuoit: *aliàs*, & à faute de ce qu'on l'enuoieroit au Comte de Choisy: Ce que monsieur le Lieuenant approuua de la teste: & la rumeur peu à peu cessée, & ledit d'Angouleuent à peine rassis, le sieur d'Aubray deputé du tiers estat, ayant laissé son espee harangua à peu près, ainsi,

*Harangue de monsieur D'aubray,  
pour le tiers estat.*

**P**AR nostre dame, Messieurs, vous nous lauez baillé belle. Il n'estoit ià besoin, que nos curez nous preschassent qu'il falloit no<sup>9</sup> desbourber, & desbourbôner: A ce que ie uoy par vos discours, les pauvres Parisiens en ont dans les botes bien auant, & sera prou difficile de les desbourbôner: Il est desormais tēps de nous apperceuoir que le faux Catholicon d'Espagne est vne drogue qui prend les gens par lenez: & cen'est pas sans cause queles autres nations nous appellēt Caillettes, puis q̄ cōme pau ures cailles coiffées, & trop credules, les predicateurs & Sorbonistes, par leurs caillets enchanteurs, nous ont fait donner dans les rets dez tirans, & nous ont par apres mis en cages, renfermez dedās nos murailles pour apprendre à chāter: il faut confesser que nous sōmes prisā ce coup, plus serfz, & plus

*d'Espagne.*

esclaves, que les Chrestiens en Turquie, & les Juifs en Auignon. Nous n'auons plus de volonte, ni de voix au chapitre. Nous n'auons plus rien de propre que nous puissions dire cela est mien: tout est à vous messieurs, qui nous tenez le pied sur la gorge, & qui remplissez vos maisons de garnisons: Nos priuileges & franchises anciennes sont a vau-leau: Nostre hostel de ville que j'ay veu estre l'assuré refuge du secours des Roys, en leurs vrgétes affaires, est a la boucherie: nostre court de Parlemēt est nulle: nostre Sorbonne est au bordel, & l'vniuersité deuenüe sauage. Mais l'extremité de nos miseres est, qu'entre tant de malheurs, & de necessité, il ne no<sup>9</sup> est pas permis de nous plaindre, ni demander secours, & faut qu'ayās la mort entre les dets, nous disions que nous nous portons bien, & q<sup>9</sup> sommes trop heureux d'estre malheureux, pour si bonne cause. O Paris qui n'es plus Paris, mais vne spelunque de bestes farouches, vne citadelle d'Espagnols, Ouallons, & Napolitains: vn asyle & leur retraite de voleurs meurtriers, & assassinateurs ne veux-tu jamais te ressentir de ta dignité, & te souuenir qu' tu as esté, au prix de ce que tu es: ne veux-tu iamais te guerir de ceste frenchie, qui pour vn legitime & gracieux Roy, t'a engendré cinquante roitelets, & cinquante tirans? Te voila au fers: te voila en l'inquisition d'Espagne, plus inolerable mille fois, & plus dure a supporter aux esprits nais libres & francs, comme

**G**



font les François, que les plus cruelles morts dont les Espagnols se ſçauroient aduifer. Tu n'as peu ſupporter vne legere augmentation de tailles, & d'offices : quelques nouueaux edicts qui ne t'importoient nullement : & tu endures qu'on pille tes maifons, qu'on te rãçonne iufques au ſang, qu'on emprifonne les ſenateurs, qu'on chaffe & banniſſe tes bõs citoiẽs & conſeillers: qu'on pende qu'on maſſacre tes principaux magiſtrats: tu le vois, & ſu l'endures: tu ne l'ẽdures pas ſeulement, mais tu l'approuues, & le louẽs, & n'oferõs, & ne ſçauois faire autrement : Tu n'as peu ſupporter tõ Roy ſi debonnaire, ſi facile, ſi familier, qui s'eſtoit rẽdu cõme cõcitoiẽ, & bourgeois de ta ville, qu'il a enrichie, qu'il a embellie de ſõptueux baſtimẽs, & accruẽ de forts & ſuperbes ramparts, ornee de priuileges & exemptions honorables: Que di-ie? peu ſupporter e'eſt bien pis: tu l'as chaffẽ de ſa ville, de ſa maifon, de ſon liẽt: Quoy chaffẽ? tu l'as pourſuiui: quoy pourſuiui? tu l'as aſſacinẽ: canonizẽ l'aſſacinateur, & fait des feux de ioye de ſa mort: Et tu vois maintenant combien ceſte mort t'a profitẽ: Car e'le eſt cauſe qu'vn autre eſt montẽ en ſa place, bien plus vigilant, bien plus laborieux, bien plus guerrier, & qui ſçaura bien te ſerrer de plus pres, comme tu es a ton dam deſia experimentẽ. Je vous prie meſſieurs, ſ'il eſt permis de ietter encor ces derniers abois en libertẽ, conſiderons vn peu, quel bien & quel profit nous eſt venu de ce-



*Espagne.*

ne detestable mort, que nos prescheurs nous faisoient croire estre le seul & vniue que moyeu pour nous rendre heureux. Mais ie ne puis en discourir qu'avec trop de regret de voir les choses en l'estat qu'elles sont, au prix qu'elles estoient lors: chacun auoit encor en ce temps là du bled en son grenier, & du vin en sa caue: chacun auoit sa vaisselle d'argent, & sa tapiserie, & ses meubles: les femmes auoient encores leur demi ceint: les reliques estoient entieres: on n'auoit point touché aux ioyaux de la couronne. Mais maintenant qui se peut vanter d'auoir dequoy viure pour trois semaines, si ce ne sont les voleurs, qui se sont engraissez de la substance du peuple, & qui ont pillé a toutes mains les meubles des presens, & des absents? Auons nous pas consommé peu à peu toutes nos prouissions, vendus nos meubles, fondu nostre vaisselle, engagé iusques a nos habits pour viuoter bien chetiuement- où sont nos salles, & nos chanabres tant bien garnies, tant diaprees, & tapisees? où sont nos festins, & nos tables friandes? nous voilà reduits au lait & au fromage blanc comme les Suisses: nos banquets sont d'un morceau de vache pour tous mets: bien-heureux qui n'a point mangé de chair de cheual & de chiens: & bien-heureux qui a tousiours eu du pain d'auoine & s'est peu passer de bouillie de son, vendue au coin des ruës, aux lieux qu'on voyoit iadis les friandises de la

*Le Catholicon*

gues, caillettes & pieds de mouton : & n'a pas tenu a monsieur le Legat, & l'ambassadeur Mandosse, que n'ayons mangé les os de nos peres, comme font les sauuages de la nouvelle Espagne. Peut-on se touuenir de toutes ces choses, sans larmes, & sans horreur? & deux qui en leur conscience sçauent bien qu'ils en sont cause, peuuent-ils en ouir parler sans rougir, & sans apprehender la punitiõ que leur Dieu leur reserue, pour tant de maux, dont ils sont auteurs? Mesmement, quand ils se représenteront les images de tât de pauures bourgeois, qu'ils ont veuës par les ruës tomber to<sup>r</sup> roides morts de faim les petits enfans mourir a la mammelle de leurs meres allangories, tirants pour neant, & ne trouuans que succer : les meilleurs habitans, & les soldats marcher par la ville, appuyez d'un baston, passés & foibles, plus blancs & plus ternis qu'images de pierre: ressemblans plus des fantosmes que des hommes : & l'humaine responce d'aucuns, mesmes des Ecclesiastiques qui les accusoient & menaçoient, au lieu de les secourir ou consoler. Fut-il iamais barbarie ou cruauté pareille a celle que no<sup>s</sup> auons veuë & enduree? fut il iamais tyrannie & domination pareille a celle que nous voions & endurons? Où est l'honneur de nostre Vniuersité? où sôt les colleges? où sont les escoliers? où sôt les leçons publiques où l'on accouroit de toutes les parts du monde? où sont les religieux estudians aux

*d'Espagne.*

conuents? ils ont pris les armes, les voila to<sup>o</sup>  
soldats desbauchez. Où sont nos chasses, où  
sont nos precieuses reliques? Les vnes sôt fo-  
duës & mangees. les autres sont enfouyes en  
terre de peur des voleurs & sacrileges: où est  
la reuerence qu'on portoit aux gens d'Eglise,  
& aux sacrez misteres? chacun maintenant  
fait vne religion a sa guise: & le seruice diuin  
ne sert plus qu'a tromper le monde par hypo-  
crisie: les prestres & les predicateurs se sont  
rendus si v. naux, & si mesprizez par leur vie  
scandaleuse qu'on ne se soucie plus d'eux, ni  
de leurs sermons, sinon quand on en a affaire  
pour prescher quelques faulces nouvelles. Où  
sont les princes du sâg qui ont tousiours esté  
personnes sacrees, comme les colonnes &  
apuis de la couronne, & monarchise François  
le? Où sont les pairs de France, qui deuoient  
estre ici les premiers pour ouuir, & honorer  
les estats? Tous cès nôs ne sont plus que nôs  
de faquins, dont on fait litiere aux cheuaux de  
messieurs d'Espagne, & de Lorraine. Où est  
la majesté & grauité du parlement & iadis tu-  
teur des Rois & mediateur entre le peuple &  
le prince? vo<sup>o</sup> l'auiez mené en triôphe à la ba-  
stille, & trainé l'authorité, & la iustice capti-  
ue plus insolémēt, & pl<sup>o</sup> hôteusemēt q̄ n'euf-  
sent fait les Turcs: vous auez chassé les meil-  
leurs & n'auiez retenu que la racaille, passiô-  
nee, ou de bas courage: encor parmy ceux qui  
ont demeuré, vous ne voulez pas souffrir que  
quatre ou cinq dient ce qu'ils pensent, & les

Le Catholicon

menacez de leur donner vn billet, comme à des heretiques, ou politiques. Et neantmoins vous voulez qu'on croye que ce que vous en faites, n'est que pour la conseruation de la religion, & de l'estat. C'est bien dit: examinons vn peu vos actions, & les deportemens du Roy d'Espagne enuers no<sup>s</sup>. & si i'en mets d'vn mot, que iamais monsieur saint Denis, & madame sainte Geneuiefue patrons de France, ne me soyent en ayde. I'ay vn peu estudié aux escholes, non pas tant que i'eusse desiré, mais depuis i'ay veu du pays, & voyagé iusques en Turquie, & par toute la Natolie, Esclanonie, iusques à Larchipelago, & mar Maiour, & Tripoli de Syrie, où i'ay appris le dire de Iesus Christ, nostre Sauueur estre veritable à *fructibus coru cognoscetis eos*: on cognoist à la longue quelles sont les interxions des hommes par leurs œuures, & leurs effets. Premièrement, ie diray avec préface d'honneur, que le Roy d'Espagne est vn grand prince, sage, cault & aduisté: le plus puissant, & plus grand terrien de tous les princes Chrestiens, & le seroit encor d'auantage si toutes ses terres & Royaumes se tenoiét, & estoiet ioinctés à l'approché l'vn de l'autre: mais la France qui est entre l'Espagne & les pays bas, est cause que les seigneuries separees, luy coustét plus qu'elles ne luy valent: car sur toutes nations il redoubte la Françoisé, côme celle qu'il cognoist estre plus genereuse, & auoir plus de valeur, & impatiente



du repos & de la domination estrangere. C'est pourquoy comme prudent, prenoyant & blé cōseillé qu'il est, deslors qu'il fut contraint de faire ceste miserable paix, qui fut scellée, & signee de la mort de nostre bō Roy Henry le cōd, n'osant ouuertemēt y conuenir, ny recommencer la guerre pendāt que la France estoit florissante, vnie, bien d'accord, & de mesme volonte ensemble, il a tasché de semer la diuision & la discorde parmy nous mesmes, & si tost qu'il a veu noz princes se mescontenter, ou se bigarrer, il s'est le crettemēt ietté à la trauerse, pour en courager l'vn des partiz, nourrir & fomēter nos diuisiōs & les redre immortelles, pour no<sup>9</sup> amuser à no<sup>9</sup> quereller, entrebattre, & entretuer l'vn l'autre, à fin d'estre cependant laissé en paix: & tandis que nous affoiblirōs, croistre, & s'augmenter de nostre perte & diminutiō. C'est la procedure qu'il a tenuē depuis qu'il veit messieurs les Princes de Vendosme & de Cōdé mal cōtēs, qui attirerēt avec eux la maison de Montmorēcy, & de Chastillō, pour s'opposer aux aduātageux progresz, & aduācement de vostre pere & de vos oncles, mōsieur le Lieutenant, qui auoyēt enuahy & vsurpé toute l'authorité & puissance Royale du temps du petit Roy François leur neueu: ie ne dy rien que toute la France iusques aux plus petits, voyre que tout le monde vniuersel ne sache: car toutes les sanglantes tragedies qui ont depuis esté iouēes sur ce pitoyable eschafaut François, sōt toutes nees



*Le Catholicon*

& procedees de ces premieres querelles : & non de la diuersité de religion comme sans raison a fait iusques icy croire aux simples & idiots. Je suis vieil , & ay veu des affaires du môde autât qu'vn autre, voire i'ay par la grace Dieu, & de mes amis , esté escheuin & preuoist des marchands en ceste ville , du temps qu'on y procedoit par libre eslection, & qu'on ne forçoit ny violentoit personne pour les voix & suffrages , comme auez fait monsieur le Lieutenant, depuis n'agueres, ayant voulu faire continuer monsieur Boucher à vostre deuotion : mais il me souuient encore de ces vieux temps, comme si ce n'estoit que d'hier où d'aujourd'huy. I'ay bonne memoire du commencement de la querelle qui vint entre ieū monsieur vostre pere , & feu monsieur le Connestable , laquelle ne proceda que de ialousie de l'vn sur l'autre : estans tous deux grands mignons & fauoris du Roy Henry second , leur maistre : comme nous auons veu messieurs de Ioyeuse & d'Esperron sous le Roy Henry troissiesme son fils: Leur premiere dispute fut pour l'estat de grand maistre , que le Roy donna à monsieur vostre pere , quand il fit monsieur de Montmorency Connestable, qui estoit grand maistre auparauât & qui auoit promesse du Roy que ledit estat seroit conserué pour son fils. L'autre cause de leur mauuais mesnage, fut le Conté de Dampmartin, que to' deux auoyét acheté de diuerfes façons, & estans entrez en

*d'Espagne.*

procez, monsieur le Cōnestable le gaigna par arrest. Cela les altera tellement que chacun d'eux taschoit à desarçonner son compagnon, & de là vint le voyage que fit mōsieur vostre pere en Italie, où il ne fit pas grand cas, parce que monsieur le Cōnestable qui l'y avoit fait enuoyer pour posseder le Roy tout seul plus à son aise, empescha peut estre, ou retarda les affaires : mais il ne demeura gueres sans en estre puny : car il fut pris à la iournee Saint Laurens, pendant l'absence de vostre pere, lequel estant de retour, par vn heur à la verité fort admirable reprit les villes de Picardie que nous auions perduës, & Calais d'auantage: & pour se reuancher des mauvais offices qu'il auoit sçeu qu'o luy auoit fait en son voyage, fit aussi tenir en longueur la prison de monsieur le Cōnestable, & n'oublia rien d'artifice pour empescher de dilayer sa deliurance : qui donna occasion à ses neueux Messieurs de Chastillon, d'implorer le secours, & se ietter entre les bras du Roy de Navarre pere de cestuy-cy, & de monsieur le Prince de Condé son frere, qui auoit espouse leur niepce. Voylà ces deux grandes maisons en factions & partialitez : qui s'aigrirent encor par la contention née entre monsieur le Prince de Condé, & monsieur d'Anmale vostre Oncle pour l'estat de colonel de la caualerie legere: il n'estoit encor lors mention de religiō ny de Huguenots. A peine sçauoit-on quelle estoit la doctrine de Caluin &

*Le Catholicon*

de Luther, sinon au supplice de ceux qu'on voyoit brusler opiniastrés : neantmoins, la matiere des guerres, & des inimitiez que nous auons veüe, se preparoit deslors, & a duré iutques a present. Mais la verité est, que quand mesieurs de Chastillon hommes courageux & mal-endurans, veirent que la faueur de vostre maison l'emportoit sur la leur, & qu'il n'y auoit moyen de trouuer credit pres du Roy, pour les obstacles que les vostres leur donnoient, ils furent conseillez de se retirer de la court, & en leur retraite (fust-ce a bon escient, fust ce par ruse, & prudence) se monstrerēt fauoriser les nouveaux Lutheriens qui ne prechoient encor que dans les caues : peu a peu se ioignirent de faction & d'intelligence avec eux, plus pour se defendre & garentir de vostre pere & de vostre oncle, que pour attenter aucun remueiement de nouveauté : sinon lors que le Roy a la sollicitation de vostre oncle, qui luy en auoit fait escrire par le Pape, prit luy mesmes monsieur d'Andelot a Crecy, l'enuoya prisonnier a Melun: Apres cét emprisonnement, & celui du Vidame de Chartres, & de quelques cōseillers de Parlement, suruint la violente & miraculeuse mort du Roy, qui esleua vostre maison au souuerain degré de puissance, apres du petit Roy François, & par le contraire, recula & abatit presque du tout celle de monsieur le Connestable, & de tous ceux qui luy appartenoyent : & se fut lors que les

*d'Espagne.*

siens desesperez des moyens ordinaires parce que tout bransloit souz la faueur des vostres, se iaignirent de secrette intelligence avec les Lutheriens ça & la escartez par diuers coings du Royyaume: & combien qu'ils eussent encor peu de creance avec eux, qui leur estoient gens incogneus, & n'ayans participé ny a Cene, ny a Synode, ou Confiltoire, neatmoins par le moyen de leurs agents, bien entendus és secrets, ils firent ceste memorable entreprise d'Amboise, & assemblerent de tous les quartiers du monde, avec vn silence merueilleux, vne telle force de gens qu'ils furent prests a iour nommé, de faire vne cruelle executiõ sur tous les vostres: soubs ce pretexte de deliurer le Roy de la captiuité où vostre pere & vos oncles le tenoient: mais les bonnes gens ne se peurēt garder des traistres, dõt s'ensuiuit la penderie d'Amboise qui descouurit les autheurs de la faction: Et de là s'ensuyuit le mandement rigoureux qu'on fit au Roy de Nauarre, & la prison de monsieur le Prince de Condé aux estats d'Orleans, & beaucoup d'autres tristes accidents longs à racòmpter: lesquels eussent continué beaucoup pires, si la soudaine mort du petit Roy n'en eust destourné le cours, & rôpu le coup qu'on alloit assener sur ces premiers Princes du sang Royal: & sur la famille de mōsieur le Cōestable, & des Chastillõs. Il est aisé à iuger cõbié vostre maisõ fut esbrâlee & fracassée par ceste inopince mort, & pouuez cõieir



*Le Catholicon*

monſieur le Lieutenant, que monſieur voſtre pere, meſſieurs vos oncles iouerent tout vn temps à l'e- bahy, comme vous peultes faire, quand on vous porta la nouuelle de la mort de vos deux freres: Mais non plus que vo<sup>9</sup> ils ne perdirent pas courage: dès lors ils eurent de bons aduis & conſolations du Roy d'Eſpagne duquel nous parlerons tantost, qui durant ces trois premieres diſſenſions estoit aux eſcoutes à qui il offrirait ſa faueur, & atizoit le feu d'une part & d'autre, pour le faire croiſtre en la force & grandeur, que nous l'auons veu, & voyons encor maintenant ardre, & conſommer toute la France, qui eſt le but final de ſes pretenſions: Sur l'eſperance donc du ſupport d'un ſi grand Prince qui n'eſpargnoit de promettre argét, & hommes, voſtre pere ſans s'eſtonner d'une ſi lourde cheute, voyant le Roy de Nauarre remis en ſon rang de premier Prince du ſang, pour la tutelle du petit Roy Charles, & moſieur le Conneſtable remis en ſa charge, ſçeut ſi dextremement iouer ſon rollet qui les pratiqua tous deux, & tira à ſa cordelle, contre leurs propres freres, & contre leurs propres neueux: repaiſſât l'un d'une eſperance que ie n'oſe dire, & amadoiant l'autre par ſubmiſſions, honneurs, qu'il luy deferoit. Si bien que reprenant encor ſes erres delaiſſees, & ſon ancien aduantage, apres que monſieur le Prince de Condé, fut eſlargy, qui l'auoit failly belle de 2. ou 3. iours ſeulement, il alla avec nôbre de gés de guerre



*d'Espagne.*

& en grosse troupe, se saisir du petit Roy, & de la Royne la mere à Fontaine bleau, & les amena à Melun. Et ce fut lors que mōdit fleur le Prince, & messieurs de chailillō ne se sentās assez forts de leur chef, ny de leurs maisons, pour resister a si puillans ennemis, couuerts de l'authoritē & puillance Royale, se feirēt Lutheriēs tout a fait, & se declarerent chefs & protecteurs des nouueaux heretiques, lesquels ils appellerēt a leur secours, & par leur moyē, en guerre ouuerte se saisirent de plusieurs grosses villes de ce Royaume, sans toutesfois faire aucune mētion de leur religion, mais seulement pour la desfence du Roy, & de la mere, & pour oster de la captiuitē, où monsieur vostre pere les detenoit: Et vo<sup>9</sup> scauez monsieur le Lieutenant, que ces gēs la se sont tousiours vantez que ce qu'ils en auoyēt fait, auoit estē a la requeste & au mādement de la Royne mere, de laquelle ils ont publiē, fait Imprimer les lettres a eux par elle escrites a ceste fin vous n'ignorez pas ce qui se passa en ceste guerre, & comment dēs lors le Roy d'Espagne enuoya a vostre pere du secours, mais tel que i'ay honte d'en parler, to<sup>9</sup> bisognes, amassez, qui iamais ne voulurēt combattre a la bataille de Dreux, & se couurirent des chariots du bagage: Toutesfois cela fut vne amorse pour allumer le courage des partizans, & leur faire esperer qu'ils seroient bien quelque chose d'auantage vne autre fois, s'ils venoient encor s'entrebatre: Mais du de.

*Le Catholicon*

puis, les diuers changemens de nos affaires donnerent bien à l'Espagnol vn autre ieu: Car vostre pere mort, & la paix faite, cognoissant neâtmoins ces puissantes familles animées & ahurtees l'vn contre l'autre, sans espoir de recôciliation, il pratiqua Monsieur le Cardinal vostre oncle (qui ne dormoit pas de son costé) pour entretenir les troubles & diuisions en ce Royaume, sous le nom specieux de la religion, de laquelle auparauant on auoit fait peu ou point d'estat: Monsieur vostre oncle, comme il estoit adroit, ingenieux, & cōplaisant à qui il vouloit, sceut tell'emét gagner le cœur de la Royne mere, & la Royne mere celuy du Roy son fils, qui leur periuada que messieurs les Princes de Bourbon, aydez de ceux de Mont-morency, & de Chastillon ne demandoient que sa ruyne, & n'auoient iamais patience, ny cesse, qu'ils ne l'eussent chassée du Royaume, & renuoyee en Italie chez ses parens: Dieu face pardon à la bonne dame: mais pour l'aprehension qu'elle en eut i'ay grand peur qu'elle a esté cause de beaucoup de maux que nous auons veus de son téps: car sur ce subiect, elle les prit en telle haine, que iamais elle ne cessa qu'elle ne les eust ruinez, comme elle fit l'vn à la bataille de Iarnac, & l'autre à la saint Barthelemy, où si tous ceux de Mont-morency se fussent trouuez, ils nen eussent pas eu meilleur marché. A quoy monsieur vostre oncle tenoit la main fort dextrement, & pouffoit vilaine-

*d'Espagne.*

ment à la rouë pour mettre le feu en la teste du ieune Roy Charles: sans la mort duquel, il ne faut doubter qu'il n'eust bien eu la raison de l'escorne que monsieur le Marechal de Mont-morency luy auoit fait en ceste ville, & à monsieur vostre frere, quand il leur fit faire tout en leurs chaufes, parce qu'ils portoient armes deffienchiës sans son passe-port: Mais il semble que les morts soudaines de ces trois Roys subsequés l'un apres l'autre, ayët tousiours rompu & esbauché les beaux desseins de vostre maison, & sauué où prolongé la vie à vos principaux ennemis. Venons à ce qui est aduenu depuis: Car il est temps de parler de vous & de monsieur vostre frere, qui commenciez des lors à paroistre aux armées, & marcher sur les paz & traces de vos predecesseurs: vous auiez desia fait paroistre vos vaillâces au siege de Poictiers, que deffidistes brauemët, contre l'aduis du premier mary de madame la Lieutenande, monsieur de Montpezat vostre deuancier, qui vous conseilloit de quitter tout, & vous en aller, puis fastes à la bataille de Montcontour: puis à la iournee de saint Barthelemy, où les compagnons furent prins endormis, & frotez à dire d'où venez vous: & encores que mōseur vostre oncle fust à fueilleter son breuiare en Italie, si est-ce que le ieu ne se fit sans son entremise pour en auoir l'aprobatiō du Roy d'Espagne, & l'absolution du Pape, touchant le mariage qui seruit de leurre & de trapusie aux Haguénots.

*Le Catholicon*

Par apres vous continuastes vos cousts au siege de la Rochelle, où l'on veit que le Roy de Navarre qui est auourd huy, & monsieur vost. e frere n'estoiet qu'un cœur & vne ame, & engendroient ialousie à tout le monde, pour leur grande priuauté : Mais il faut venir au poinct. Quā vo<sup>9</sup> veistes le Roy Charles decedé, qui autremēt ne vous ay moit pas beaucoup & qui auoit plusieurs fois repeté le dire du grād Roy François, dont luy mesmes auoit fait ce quatrain maintenāt tout vulgaire.

*Le Roy François ne faillit point,*

*Quand il predict que ceux de Guyse*

*Mettroyent ses enfans en pourpoint,*

*Et tous ses subiecls en chemise,*

Quand vous le vistes, di-ie, decedé sans enfans, & le feu Roy son frere marié avec vostre cousine brebaigne & sterile, vous commençastes, mō sieur vostre frere & vous, à faire des desseins, & proiects que beaucoup de gens disent estre cause de tous nos malheurs, Je ne suis pas de ceux qui croiēt q̄ mesieurs vostre pere & oncle eussent dès leurs temps jetté les fondemens de l'edifice, que vostre frere & vous, auez basty depuis. Encores qu'ō parle des memoires de Dauid, & de Pyles, qui ont pronostiqué mieux que Nostradamus tout ce que nous auons veu depuis leur mort. Et qu'on assure que monsieur vostre oncle auoit dresé vn formulaire de tout l'ordre qu'on y deuoit tenir : Mais ie ne puis croire que luy qui auoit de l'entendemēt, ce qu'hō-



*d'Espagne.*

me pouuoit auoir, eut peu esperer, de faire ses neueux Roys de France, voyât encor trois freres enfans de la maison Royale en droicte ligne, tous puiffans, & en la fleur de leur aage, prests à se marier : & ne pouuoit pas deuiner qu'ils mouroient sans lignee, comme ils ont fait par apres: D'ailleurs il voyoit grand nombre de Princes du sang Royal, qui ne s'estoient point frottez à la robbe des Heretiques: Ceuuy deuoit couper toute esperance à ses desirs. Je sçay bien que de son temps il a esté auctheur que l'archidiacre de Thoul a escrit, que ceux de la maison de Lorraine estoient descendus de Charlemagne, par les masses, sçauoir de Charles Duc de Lorraine à qui le Royaume appartenoit apres la mort de Loys cinquiesme, Roy de France : & que l'ayant Huës Capet pris à Laon, & mené prisonnier avec sa femme à Orleans, il eut vn fils masse duquel il affermoit les Ducs de Lorraine, estre descendus: cela s'est sous main ietté parmy le peuple, dont vous n'estiez pas marris: encor que les histoires communes & veritables tesmoignent assez, qu'il y a eu interruption de masses en la race de Lorraine par deux femmes, & notammét en la femme de Godfroy de Bouillon, nommee Idain. Aussi en fit ledit Archidiacre l'amende honorable par arrest, & s'en dedit comme lasche & poltron.

Mais en fin, il n'y auoit pas apparence que de ce tēps là, moult sieur vostre oncle, peust aspirer à la Royauté ayant tant d'obstacles, &



*Le Catholicon*

de testes, ou à combattre, ou à faire mourir par glaive, ou par poison: bien est vray, que dès son commencement il fut ambitieux des grandeurs, & du gouvernement de l'estat plus que nul autre de son aage: & ne fay doute qu'il n'ayt desiré posseder les Roys, & les tenir s'il eust peu, en curatelle, comme faisoient anciennement les Maires du Palais, pour disposer de tout à son appetit, & auancer ou reculer tous ceux qui luy eust pleu: qui est-ce à quoy ordinaiemét les plus grands aspirent. Ce pendát y estant a peu pres parueniu, côme il a fait de son viuant, il vous auoit assemblé & preparé les materiaux, desquels vous auez basty ce superbe dessein d'empietier la Couronne: Vous ayant laissé en main premierement de grands biens, de gráds estats, les premiers offices & charges du Royaume, de grands gouuernemens, force gens de guerre, obligez par biens faits, forces seruiteurs: forces intelligéces avec le Pape & le Roy d'Espagne, & autres Princes de vos parens & aliez: & qui plus est vne grande opinion enuers le menu peuple que fussiez bon Catholiques, & ennemis iurez des Huguenots. Vous auez sceu faire fort bien vóstre profit de ces preparatoires, & des estoifes qu'auéz trouuez apres sa mort toutes prestes à mettre en ceuvre. Quand ie dy vous, i'entéds parler de vos freres, & de vos cousins. Apres la mort du Roy Charles, beaucoup de choses vous ont succédé l'vn apres l'autre: fort à propos: Pre-

*d'Espagne.*

mierement la sterilité du Roy, ou de vostre  
cousine sa femme: Puis la retraicte & absence  
du Roy de Navarre, dont vous fustes en  
partie cause pour les diffiances où vous le  
mettiez: Et par après la dissension, & diuision  
du Roy, & de mōsieur le Duc son frere: de la-  
quelle vous seuls fustes les auteurs, & pro-  
moteurs: aigrissant sous main les esprits de  
l'vn contre l'autre, & leur promettant secret-  
tement de les assister. Vne autre chose dont  
vous vous ayez sçeu bien ayder fut l'assistan-  
ce que firent pour vn tēps mesieurs les Prin-  
ces de Cōty, & de Soissons au Roy de Na-  
uarre leur cousin germain quād ils veirēt que  
c'estoit directement à toute leur famille que  
vous en vouliez, & que vous vous vantiez de  
la supplanter, là dessus vous pristes le subiect,  
que iamais n'avez laissé ny oublié depuis, de  
faire cōprendre par la bulle du Pape, & par  
les sermens & protestatiō du Roy d'Espagne,  
de n'approuuer iamais les Princes heretiques  
ni fils d'heretiques & trouuastes lors ces beaux  
noms d'adherents, & fauteurs d'heretiques.

Vous feistes deslors vos pratiques avec le  
Roy d'Espagne plus manifestement & assen-  
raistes vos conditions, & stipulastes deslors  
vos pensions, luy promettant le Royaume de  
Nauarre, & le Bearn pour sa part, avec les vil-  
les qui seroiēt à sa bien seance en Picardie, &  
Champagne: & conuinstes avecques luy des  
moyens, dōt vous vseziez, pour empietter l'e-  
stat. Et le pretexte qu'y pretendiez, estoit le

*Le Catholicon*

mauuais gouuernement du Roy, les prodigalitez qu'il faisoit a les deux mignôs, desquels vous tirastes l'vn a vostre cordelle, qui ne s'en trouua pas mieux : vous employastes toute vostre industrie a rendre le pauure Prince odieux a son peuple: Luy cõseillez de surhausser les tailles, d'inuenter nouveaux impôts, créer nouveaux offices : desquels vous mesmes profitiez : car on maintint a monsieur vostre frere a Chartres apres les barricadés, qu'il auoit receu l'argent du party de trois edits burdeaux fort pernicioeux, dont toutes fois vous reiettez la haine sur ce pauure Roy, lequel vous faisiez amuser a des deuotions ridicules, ce pendant que vous briguiez la bonne grace de son peuple, & cõtre son gré preniez la charge & conduite des grandes armées, attirant a vous les chefs & capitaines de guerre, & courtisans iusques aux simples soldats pour les gagner: pratiquant les villes, achetant les gouuernemens, & mettant aux meilleurs places des gouuerneurs, & gens a vostre deuotion. Et se fut lors que vous conceustes tout a fait la Royauté, comme l'appetit vient en mangeant. quand vous veistes le Roy Henry sans esperâce de lignee, les premiers Princes tenuz pour heretiques ou fauteurs d'heretiques, le consistoire de Rome vous hocher la bride, & le Roy d'Espagne vous donner l'esperon. Vous n'auiez plus que feu Monsieur qui estoit vn mauuais songe creux, & qui scauoit biẽ de quel bois vous vous chauffiez.

*d'Espagne.*

Il se falloit defaire de luy : & le testament de Salcede nous en a deſcouuert les moyens : mais la force n'ayant ſuccedé, le poiſon fit la beſongne. Tous vos ſeruiteurs prediloient ceſte mort de trois mois deuant qu'elle fut aduenüe. Alors vous ne fiſtes plus la petite bouche pour diſſimuler voſtre intention, vo<sup>s</sup> n'allastes plus conſillant, ny a cachette : vous vous declarastes tout a bon.

Et neantmoins pour auancer vos affaires, vous voulustes faire croire aux bonnes gens que c'eſtoit pour le bié public, & pour la deſſe de la religion Catholique, qui eſt vn pretexte que les ſeditieux & remueurs de nouuelletez ont tousiours pris. Dedás ce ret inſenſible : vous attirastes le bon hôme mōſieur le Cardinal de Bourbó, Prince ſans malice : & le ſceultes dextremét tourner & manier, que luy meſtes vne folle & indiscrete ambition dedans la teſte, pour faire de luy comme le chat de la ſouriz, c'eſt a dire apres vous en eſtre ioué, de le manger : vous y attirastes pluſieurs ſeigneurs de ce Royaume, pluſieurs gentils-hômes & capitaines, pluſieurs villes & communautez : & entre les autres, ceſte cy miſerable qui ſe laſſa engluer . partie de haine des comportements du feu Roy, partie de l'impreſſion que luy donniez que la Religion Catholique ſ'en alloit perdue, ſi le Roy mourát ſans enfans la ſucceſſion du Royaume venoit au Roy de Nauarre, qui ſe diſoit premier Prince du ſang. Vous forgeastes la deſſus



*Le Catholicon*

vostre premier manifeste, imprimé à Reims, qui ne portoit vn seul mot de la religiō, mais bien demandiez tous les estats & gouuernemēs de ce Royaume, estre ostez à ceux qui les possedoient, qui n'estoiēt à vostre deuotion: Ce que vous corrigeastes par vostre second manifeste du conseil de Roine, qui pour tout brouiller, dit qu'il ne falloit que mettre la religion en auant: & alors vous nous preschastes d'vn Synode à Montauban: & d'vne diette en Allemagne, où disiez que tous les huguenots du monde auient cōplottē de se saisir du Royaume de France, & en chasser tous les prestres. Aucūs vo<sup>r</sup> creurēt, & quāt à moy qui ne suis pas des plus ruez, i'en eu quelque opiniō, & me ioigni de ce party, pour la crainte que i'ay tousiours euē de perdre ma religiō beaucoup de bonnes gens ont fait cōme moy qui ne s'en sont pas aueux trouuez. Les autres qui ne demandoient que nouueaux remuemēs, firent semblāt de croire, plusieurs s'affianiers, endetez, criminels, contumacez, vous suiurent comme gens qui auoient besoin de la guerre ciuile. Ayant ainsi iouē vostre partie, & receu force doublons d'Espagne, vous vous mistes aux champs avec vne belle armee: quelques vns disēt que cela ne se fit sans le sceu & consentement de la Roine mere, qui aimoit les troubles pour se rendre necessaire, & estre employee à faire le hola: à quoy elle estoit fort propre: mais toute Italienne,



*d'Espagne.*

**&** ruzee qu'elle fust, si y fut-elle trompee: Car elle ne croioit pas du commencement que vos desseins volassent si haut, & ne descouurit la meiche que bien tard apres qu'eustes mis le pied si auant, qu'il n'y auoit plus moyen de le retirer: n'estant pas vray semblable, encore qu'elle eust du mescontentement de son fils, qui à la verité se laissoit plus gouverner à d'autres qu'à elle, eust voulu le laisser ruiner, & le voir priuer de la couronne, pour y establir vostre frere, de qui elle ne se fioit que de bonne façon.

L'aide donc que la bonne dame vous fit, n'estoit pas pour perdre son fils, mais pour le ramener à l'humilité & recognoissance. Ce que pensant auoir fait par vostre moyé, elle vous fit apres dissiper vostre armee, qui ne vo<sup>9</sup> seruit de rien, sinon pour vous faire cognoistre vos forces, & pour extorquer par violence, cest edit de Iuillet, qui castoit tous les autres edits de pacification au parauant faits, & remettoit encor le feu & le carnage en France cõtre les Huguenots. Mais vous ne demeurastes pas en si beau chemin: car ayât recogneu que la pluspart des bonnes villes qui vous auoient promis de s'esleuer pour vous, quand elles vous vetroit aux champs avec vne armee, vous auoient manqué, & estoient encor retenus de quelque crainte & reuerence du nom des Roys, & de la Maiesté Royale, vout pratiquastes sans vous desarmer, dedans toutes les villes ceux des habitãs que scauiez

*Le Catholicon*

auoir quelque creance & dignité sur le peuple: Nous corrompistes les vns par argent, qui vous venoit en abondance d'Espagne: les autres par promesse de biens, offices, benefices, & les autres par impunité des crimes, dont ils estoient poursuiuis en iustice: Mais principalement vous dressastes vos machines cõtre cette miserable ville. où vous n'oublia-  
stes aucun artifice, iusques aux plus abiectes & honteuses submissions pour rechercher & gaigner la simple populace. Vostre frere s'en alla armer en Champagne & Bourgogne pour surprendre les piaces du Roy, non celle des Huguenots, dont on ne parloit point en ce pays là, sinon a Sedan, où il fit mal ses besongnes: Vous monsieur le Lieutenant, alla-  
stes en Guyenne avec vne puissante armee, pour attendre l'occasion de iouer vos jeux: & c'est à mon aduis la raison que n'y fistes pas grand cas. parce que vouliez temporiser en attendant à frapper vostre coup par deçà, comme auez dist tantoit Mais les heretiques de Xaintonge ne laisserent de s'en moquer, car a vostre retour, ils firent vne petite rime en leur patois, qui merite que la sçachiez, & la voici.

*Haussez vos voutes grands portaux*

*Huis de Paris tenez vous hauts:*

*Si entrera le Duc de gloire,*

*Qui pour iuer cent Huguenots,*

*A fait mourir mille Papaux:*

*N'a-il pas gaigne à boire?*

*d'Espagne.*

Le quatrain, qui en fut fait par deçà, est cō-  
mun, touchant les places que vous pristes.

*Orance est un oison, & Theuet vne cane,  
Qui en representant la carte Gallicane,  
Ont oublie de mettre ou laissé par mespris*

*Les villes & chasteaux que ce grād Duc a pris.*

Je ne parleray point de la belle prise que  
vous fistes du chasteau de Frontac, & d'une  
ieune dame qui estoit dedans, heritiere de la  
maison de Caumont: Cela ne merite pas d'e-  
stre recité en ceste bonne compagnie: encor  
que le bon homme de la Vauguion en soit  
mort de desplaisir, n'ayant peu en auoir iusti-  
ce contre vous: Aussi n'estoit-ce rien au prix  
de ce qu'auiez deliberé faire en ceste ville à  
vostre retour: dont vous sçauiez que ie sçay  
quelque chose & non pas tout. Car ie n'auois  
point sçeu que deslors vous eussiez proieté de  
prendre le Roy au Louure, & tuër ou emprion-  
ner tous ses meilleurs & plus signalez ser-  
uiteurs, si le Lieutenant du Breuost Hardi ne  
l'eust reuelé, qui descouurit toutes vos assem-  
blees & entreprises, par tenans & aboutissas,  
& fut cause que le Roy bien aduertit fit saisir  
le grād & petit chastellet, l'arsenac & hostel  
de ville, & renforça ses gardes, pour empes-  
cher l'executiō de vostre dessein. Vo<sup>o</sup> cōfesse-  
rez que s'il eust fait alors ce qu'il deuoit, &  
pouuoit, vous & tous vos agents & facien-  
daires estiez perdus, lesquels on cognoissoit  
par nōs & par surnōs: tout ainsi qu'ils se sōt  
declarez par apres: Mais on y proceda trop

*Le Catholicon*

mollement par le conseil de ceux qui disoient,  
& disent encores auiourd'huy qu'il ne faut  
rien aigrir. Depuis vous ne cessastes de prati-  
quer & solliciter tout le monde, quasi à des-  
couuert, & principalement les Prescheurs &  
Curez, à qui vous faisiez quelque petite part  
de vos doublons, vous enuoïastes vne autre  
armee en Guyenne, dont faisiez estat, & que  
pensiez qui deust referrer, ou prendre le Roy  
de Nauarre: mais de belles, vous allastes pre-  
cipiter & faire perdre ce ieune seigneur pre-  
somptrueux des esperances que luy donniez,  
qu'il seroit Roy de Tholoze. Vostre frere  
auoit d'autres forces sur pieds, qui luy vindrēt  
à propos pour repoussier les Reistres venans  
au secours des Huguenors de Guyenne: & fa-  
lut que vous mesmes, monsieur le Lieutenant,  
y allassiez en personne: encore ne sceustes  
vo<sup>o</sup> les empescher de passer: & s'il n'y eust eu  
que vous & les vostres qui vous en fussiez  
meslez, quelque chose qu'en ayez voulu faire  
croire, ils fussent venus boire nostre vin ius-  
ques à nos portes, & vous eussēt mis en mer-  
ueilleux accessoire. Neantmoins vous voulu-  
stes vous dōner toute la gloire de leur deu-  
te, & la desrober au Roy, à ses bōs seruiteurs:  
qui en temporizant & s'opposāt à leur passa-  
ge de Seine, y auoient apporté les plus grāds  
effets. Cela veritablemēt vous acquit vn grād  
honneur & faueur enuers les Parisiens, dōt la  
pluspart ne scauoient pas encor à quoy vous  
tendiez: mais ceux qui participoient à vos se-

*d'Espagne.*

erets, & qui lors prindrēt le nom de Catho-  
liques zelez, faiso. ent desia vn Dieu de vostre  
frere, l'inaoquoient en leurs afflictions &  
auoien recours à luy quand on les menaçoit  
du Roy, & de la iustice. Dont il fut rendu si  
orgueilleux & temeraire qu'il oia venir en  
cette ville avec huit cheuaux, contre les des-  
fences tres-expresses que le Roy luy en auoit  
faites: encores qu'on tçache bien qu'il auoit  
assigné cinq ou six cens hommes de cheual,  
qui se rendirent à mesme iour près de luy. Le  
Pape Sixte cinqu'eme, sçeut bien dire quelle  
peine cela meritoit, quand il en sçeut la nou-  
uelle: & n'eust pas failli de le faire, si telle cho-  
se luy fust aduenue: mais la bonne mere & ses  
bons conseillers faits de sa main, & de sō hu-  
meur, dont nous n'auōs encor que trop de re-  
ste, tçeurent si dextrement imprimer la crain-  
te en l'esprit foible de ce pauvre Prince, qu'il  
n'osa rien entreprendre, de peur, d'irriter les  
Parisiens, & craignāt remettre encor les trou-  
bles & les miseres de la guerre en sō Royau-  
me. Car encor qu'il n'aimast pas les Hugue-  
nots plus que vous, si est-ce qu'ayant experi-  
menté leur opiniastreté, & que pour neāt on  
talchoit les vaincre & ranger à raison par la  
violence de la guerre, qui ruinoit son peuple,  
il v'estoit resolu de ne tenter pl' les voyes de  
la force: mais par vn plus gracieux remede  
auoit commence de les attirer à l'obeissance  
& recognoissance de leurs fautes passees: les  
prinant de la court & de la suite, des hon-



### Le Catholicon

neurs, charges, gouuernemens, offices, & benefices, dont la pluspart d'eux se falchoient de se voir exclus : si bien qu'il faut aduoier, que leurs forces s'estoient plus alenties & diminuees par cinq ou six ans de paix, que par dix ans de guerre ouuerte. Et ne se faisoit plus de nouveaux Huguenots, les vieux se refroidissans, & s'ennuyans de la longueur, & la pluspart d'eux permetans que leurs enfans se fissent Catholiques, pour participer aux honneurs & aux benefices come les autres : Mais vous & les vostres impatiés du repos, & qui auiez peu de soin de la religion, pourueu que paruinssiez à vos attentes, ne peustes souffrir ceste tranquillité, qui ne vous estoit pas faine. Vous auiez appris que la pescherie est meilleure quand l'eau est trouble: si bien que n'eustes iamais repos que n'eussiez veu naistre ceste belle iournee des barricades, qui nous a vous & nous ruinez. Encor qu'il soit assez notoire, & vostre frere ne le nieroit pas s'il estoit viuant, & tous ceux qui estoient de l'entreprise, qui sont ici presens, me le confesseront, que si le Roy eust voulu vser de son pouuoir & de son autorité, nous estions des ce iour là tous perdus : estant bien certain que vous eussiez preuenus & deuâcez de trois iours, & que le iour de l'exploit qui se deuoit faire, n'estoit assigné qu'au Dimanche : Si bien que le Roy qui scauoit toute l'entreprise (encor que ceux qui approchoient le plus pres de sa personne taschassent luy dissuader, & diuertir

*d'Espagne.*

d'adiouster foy aux raports qu'on luy en faisoit) eut ses Suisses & les gardes, & autres gés de guerre tous prests auant iour, qui auoient desia pris les places, carrefours & quantôs de la ville, dès le matin auparauant que vostre frere, ni aucun des entrepreneurs fut esueillé: lequel comme vous sçauetz, ayant sçeu à son reueil, ce qui se passoit, se trouua si surpris & esperdu, qu'il n'attendoit rien moins, sinon qu'on le vint assieger & prendre ou massacrer en l'hostel de Guise, où il s'estoit resolu se defendre seulement avec son espee, ni ayant fait preparatif d'aucunes armes, de peur qu'on y alast fouïller, & pour oster tout soupçon de luy: de mesme, tous les seize, & les plus mutins de la faction se cachèrent dedans les caves, & chez leurs amis & voisins, n'attendant rien que la mort: & n'y eut aucun si hardi qui osast paroistre dedans la ruë, qu'il ne fust plus de huit ou neuf heures: tellement que le Roy eust peu sans aucune resistance se saisir d'eux & de vostre frere, & remettre absolument son autorité, s'il eust permis que ses gens de guerre eussent iouï des mains, & chargé les premiers qui s'auancerent à faire barricades, & aboucher les passages des ruës: Mais sa timidité, ou plustost sa naturelle bonté avec les impressions que luy donnoit sa mere, & ses traîtres Conseillers, l'empescherēt d'vser de l'aduantage qu'il auoit en main, faisant defendre à ses gens de guerre de frapper, ni offenser personne, & se tenir quois sans

*Le Catholicon*

rien entreprendre, ni faire effort à aucun des habitans: qui fut cause que les matins reprenās cœur, sur les erres de leur entreprile proiettee, eurent loisir de s'armer & de renfermer comme entre deux gauffres, ceux qu'ils n'osoient auparauant regarder au visage. Et vostre frere aussi voyant qu'on tardoit tant à le venir attaquer, & q̄ de toutes parts luy venoient des gens en armes, que ceux du Roy laissoient librement passer, parce qu'ils n'auoient point charge de prédre garde à luy, & sçachant que ceux de son parti cōmençoient à se recognoistre, & à faire teste aux quartiers selon l'ordre qu'on auoit auparauant proieté, de desesperé qu'il estoit, il entra en pleine assurance, & enuoya ses gētishommes destinez par les ruës & quantons, pour alsiter & encourager les habitans se laisir des portes, & des places: & de sa part apres s'estre réforcé de bon nombre d'hommes armez, qui auoiet leurs rendez-vous à luy, sortit de la maison sur les dix à vn<sup>e</sup> heures, pour le faire voir par les ruës & par sa présence donner le signal de la reuolte generale, qui meit incontīnēt le feu en la teste de tous les coniuérateurs, lesquels comme forcenez & furieux, le ruerent sur les Suisses du Roy, qu'ils taillerent en pieces, & les autres gens de guerre se voyās renfermez entre deux barricades, deuant & derriere, sans s'estre osé deffendre, à cause que le Roy leur auoit deffendu, se rendre à la merci de vostre frere, qui les fit condaire en seureté hors

*d'Espagne*

de la ville. Ce qu'il fit non tant par clemence & douceur qui luy fust naturelle, que par ruse & cautelle, pour mieux paruenir à son dernier but, qui estoit de le saisir du Roy, lequel il voyoit en armes sur ses gardes en ló Louure, mal aisé à forcer si promptement, sans grand massacre. Son artifice donc fut de fler doux, & contrefaire le piteux disant qu'il auoit vn extreme regret de ce qui estoit aduenu: Ce pendant il visitoit les ruës, pour encourager les habitans, il s'affeuoit des places fortes, il se fit maistre de l'arsenac, où il auoit bonne intelligence avec Selincourt, pour auoir le canon, les pouldres & boulets a sa deuotion: il eniola le pauure chevalier du guet, qui luy rendit la Bastille par faute de bon appareil. Il ne luy restoit plus que le Louure, le palais estoit a luy, ce n'estoit rien fait qui ne tenoit le maistre, lequel auoit vne porte de derriere pour se retirer. Cefut pourquoy pied a pied on auança les barricades, pour gagner la porte Neufue, & celle de saint Honoré: mais la pauure Prince bien aduerty de ce qu'on deliberoit faire & qu'on n'e vouloit qu'a luy, ne s'osant fier en sa mere ny au gouuerneur de Paris, qui estoit lors qui l'entretenoient de parlemés & d'accord, par vne resolution courageuse, & approuuee de beaucoup de gens de bien qui fut de s'enfuir & quitter tout. Dequoy vostre frere se trouua bien estonné, voyant que la proye qu'il pensoit tenir en ses laqs, luy estoit eschappee. O feste

*Le Catholicon*

memorable des barricades, que tes feries, & tes octaues sont longues: Depuis ce temps là qu'auons nous eu que malheur & pauvreté, qu'angoisses, peurs, tremeurs, alarmes, defiances, toutes sortes de miseres? Ce ne furent plus que ruses, que finesse, dissimulations & feintises d'une part & d'autre: pratiques, menees, à qui mieux mieux, & à qui tromperoit son compagnon. Vous commençastes à marcher de pair avec vostre maistre: & par ce q' n'auiez peu l'attraper par force ouuerte, vous pristes conseil d'y aller par finesse: vous faisiez les tristes & dolents de ce qui estoit arriué, quand vous enuoyez vers luy: mais enuers les estrangers, vous brauiez, & vous vantiez d'estre maîtres de tout, & qu'il n'auoit tenu qu'à vous que ne fussiez Roys: qu'auiez gaigné en ceste iournee des barricades, plus que si eussiez gaigné trois batailles. Dequoy vos lettres, & celles de vos agés font ample foy, vous enuoyastes plusieurs fois diuerses sortes d'abassadeurs vers le Roy, tât à Rouen qu'à Chartes, pour faire croire que le peuple de Paris estoit plus à la deuotion que iamais, & desiroit le voir, & le cherir en sa bõne ville: & ne raschiez qu'à luy attirer pour parfaire la besongne commencee, mais il n'en voulut rien faire, & fit bien, en fin apres plusieurs declarations que vous tirastes de luy, dont il ne fut chiche, cõmet il oubloit, & remettoit tout ce qui s'estoit passé, où ne voulustes iamais qu'on vîst du mot de pardonner, vous



*d'Espagne.*

vous allastes enfler bien lourdement en la promotion des estats, où vous vous promettiez faire tout passer a vostre fantasie, par le moyé des brigues que vous fistes a l'electiõ des deputez des prouinces : Enquoy on ne veid iamais vne telle impudẽce, que la vostre, qui enuoyez de ville en ville faire eslire des hõmes de vostre factiõ pour venir ausdits estats, preparez de memoires accommodez a vostre intention : les vns par force, les autres par corruption d'argent, & les autres par crainte & menaces : Entre autres de ceste ville, vous enuoyastes le President de Nully, la Chappelle Marteau, Compan, Rouland, & l'aduocat d'Orleans, qui estoient notoirement les principaux aũteurs de la rebellion, & les instrumens dont vous vous seruiez le plus, pour tromper le peuple : Qu'est il besoin de rememorer icy, ce qui se passa a ces Estats de Blois, & comment Dieu banda les yeux a ceux de vostre famille, pour s'aller ietter dedans la fosse, qu'ils auoient preparee pour autruy ? Alors que pensiez estre au dessus du vent apres ceste belle loy fondamentale, par laquelle vous declariez le feu Cardinal de Bourbon premier prince du sang, & le Roy de Navarre indigne de iamais succeder a la couronne, non plus que ses cousins adherens & fauteurs d'heretiques : voicy vne bourrasque qui enleue ces deux grosses colonnes de la foy, messieurs vos freres, l'vn se disoit Lieutenant general, Grand-maistre, & Con-

*Le Catholicon*

nestable de France : & l'autre Patriarche de l'Eglise Gallicane , & les iette en vn gouffre de mer, si profond qu'on ne les a iamais veus ny ouïs depuis. Fut ce pas vn grand coup du ciel, & vn merueilleux iugement de Dieu, que ceux qui pésoient tenir leur maistre en la chesne, & faisoient leur compte de l'amener dedäs trois iours par force ou autrement dedans ceste ville, pour le faire tödre en moine, & renfermer en vn cloüaistre , se trouuerent tout a coup eux mesmes pris, & renfermez par celuy qu'ils pésoient prédre. Aucuns ont voulu dire que vous mösieur le Lieutenant, estant ialoux de la grandeur, & haute fortune de mösieur vostre frere , aduertistes le deffunt Roy de l'entreprise qu'on faisoit de l'emmener, & l'admonnestiez de se haster d'y preuenir : Si cela est vray, ie m'en rapporte a vous : mais c'est chose toute vulgaire, que madame d'Aumale vostre cousine fut a Blois expres pour descouurer tout le mystere au Roy: où elle ne perdit pas ses peines, & dit on, que son mary & elle eussent deslors fait banqueroute a la ligue , si on luy eust voulu donner le gouuernemēt de Picardie, & de Boulongne, & payer ses debtes. Quant a vous ie ne pense pas qu'ayez eu le coeur si lasche que de trahyr vos freres : & scait on bien qu'estiez conüie a venir, & vous trouuer aux nopces, où l'on vous eust fait de leur liuree ? mais soit que vous vous deffiasiez de l'enclöieure , ou que ne

*d'Espagne.*

voulussiez vous hazarder: tous trois enséblé vous tinstes a Lyon aux escoutes, pour attendre l'issüë & l'exécution de l'entreprise, qui fut toute autre que n'esperiez: & peu s'en fallut que vous mesmes ne fussiez de la farce, si le seigneur Alphonse Corse n'eut esté de uancé: Madame vostre sœur eust la mesme frayeur que vous, qui sçachant la nouvelle ne se trouua pas assieuree aux faux-bourgs, & seretira en la ville.

O que nous serions maintenant a nos aises si ce Prince eust eu le courage de passer outre, & cōtinuer ses coups: Nous ne verrions pas Monsieur de Lyon assis pres de vous: & vous seruir d'arcbutant pour faire vos pratiques & les siennes a Rome, & en Espagne: & pour empelcher par ses sermons, & ses raisons colorees de religion, que nous n'ayons la paix, dont nous auons tant de besoin: Nous n'eussions pas veu les furieuses administrations de Marteau, Nully, Compagnan, & Rouland, qui ont mis le peuple au desespoir, si la iustice, que la renommee nous auoit apportee iusques icy apres leur capture leur eust esté faite, comme elle deuoit: & toutes les autres grandes villes n'eussent pas bruslé du feu de rebellion, si leurs deputez eussent passé par le mesme fidelium. Mais la douceur de ce bon Roy qui n'estoit nullement sanguinaire, se cōtenta de voir son principal ennemy, & competeur abbatu: & s'ar-

*Le Catholicon*

resta lors qu'il deuoit plus viuement poursuy  
ure son chemin. Toutesfois si le fleur d'Antra  
gues eust fait ce qu'il auoit promis, de la re-  
duction d'Orleans, qu'il perissoit guerir, com-  
me il l'auoit gastee, & ne se fust point laissé  
deuancer par saint Maurice, & Rossieux,  
les choses ne se fussent pas desbouchées  
comme elles firent, par faute de donner or-  
dre a ce premier tumulte, où vous vinstes  
sur le commencement de leur reuolte, &  
leur donnastes courage de se rebeller & o-  
piniastrer a bon escient, a leur exemple vous  
nous en fistes faire autant: puis quasi tout  
a vn coup, ce feu embraza toutes les bon-  
nes villes de ce Royaume, & y en a peu qui  
se puissent vanter d'en auoir esté exemptez,  
tant vous auiez sçeu dextrement practiquer  
hommes de toutes parts. La deisus pour no<sup>9</sup>  
rendre irreconciliables avec vostre maistre,  
vous nous luy fistes faire son procez, vous  
nous fistes pendre & brusler son effigie, vous  
deffendistes de parler de luy sinon en qualité  
de tyran: vous le fistes excommunier, vous  
le fistes execrer detester & maudire par les  
curez, par les prescheurs, par les enfans en  
leurs prieres. Et se peut il dire ou alleguer rié  
d'vn si horrible & espouuentable, que ce que  
vous fistes faire a Bussy le Clerc, petit pro-  
cureur, accoustumé d'estre prosterné a ge-  
noux deuant la cour de parlement, laquelle  
il eut le cœur & la rage d'aller prendre au  
siege venerable de la iustice souueraine, & la

*d'Espagne.*

mener captiue & prisonniere en triomphe par les ruës, iusques à son fort & tafniere de la Bastille, dont elle n'est sortie que par piéces, avec mille concussions, & exactions, & vilenies, qu'il a exercees sur les gens de bien, ie laisse les pillages de plusieurs riches maisons, la vente des precieux meubles, les emprisonnemens, & rançonnemés des habitans & Gentils-hommes qu'on scauoit estre pecunieux, & garnis d'argent lesquels on baptisoit du nom des politiques, ou de adherans, & fauteurs d'heretiques: & sur ce propos fut faite de ce temps là vne plaisante rime que i'estime digne d'estre inserée aux registres, & cayers de nos estats.

*Pour cognoistre les Politiques,  
Adherans, fauteurs d'heretiques,  
Tant soyent ils cachez & conuerts,  
Il ne faut que lire ces vers.*

*Qui se plaint du temps & des hommes  
En ce siecle d'or où nous sommes:  
Qui ne veut donner tout son bien  
A ceste cause il ne vaut rien:  
Qui tard l'union a iurée:  
Qui a pris sa robe fourée.  
Au lieu de prendre son harnois,  
Qui ne dit point le Biarmoïs,  
Ains dit le Roy, & qui le loue:  
Qui a fait au seze la moue  
Les pensans hors de tout credit:  
Qui en murmure ou en mesdit:  
Qui aux quarante a fait la figue:*



Le Catholicon

Qui n'a point la barbe à la ligue:  
Qui a veu lettre de delà:  
Ne vous fiez en tout cela.  
Qui ne va point chez les princesses:  
Qui à Pasques n'oit que deux Messes:  
Qui n'a des Chapelets au col,  
Merite y auoir un licol.  
Qui se fache quand on l'apelle  
A la porte, à la sentinelle.  
A la tranchée & au rampart,  
Il n'est point de la bonne part.  
Qui fait mention de concorde,  
Il sent le fagot, ou la corde:  
Qui confit en deuotions  
Court à toutes processions,  
Prieres, & pelerinages,  
S'il entremeslé en ses sufrages  
Vn D A P A C E M, en soupirant,  
C'est pour le moins un adberant:  
Combien qu'il face bonne mine  
Gardez qu'il ne vous enfarine.  
Qui n'ayme point ouyr prêcher  
Commelet, Gincestre, & Boucher:  
Et qui volontiers ne saluë  
Louchart, la Morliere, & la Ruë:  
C'est un Mabeutre, & un frelu,  
Pire qu'un Turc ou Mamelu,  
Qui n'honore la seigneurie  
De Baston, Machaut, Acarie,  
Et qui a dit en quelque endroit,  
Qui d'mande par la fenestre  
A ses voisins que ce peut estre

*d'Espagne.*

*Aux alarmes & tocque-saints.*

*Qui n'eust point peur à la toussaints,*

*Qui la bonne feste nommee*

*Des barricades n'a chomee,*

*Qui ne parle reucremment*

*Du cousteau de frere Clement,*

*Que lors que Bichon, ou Ninelle*

*Ont imprimé quelque nouvelle*

*En doute, & s'enquiert de l'auteur,*

*Le gage que c'est vn fauteur,*

*D'autres encor' on remarque,*

*A une plus certaine marque:*

*Saint Cosme, Oliuier, & Buffy.*

*Empoignez moy ces galans cy,*

*Ils en sont, & pourquoy? & pource*

*Qu'ils ont de l'argent en leur bourse.*

Iay retenu ces vers par cœur, par ce qu'ils sont si vulgaires, que les femmes & petis enfans les ont appris, & qu'il ne se peut rien faire de plus naïf pour exprimer nos procedures, & les façons dont nous auons vsé pour trouuer de l'argét. Mais on a oublié d'y mettre l'or de Molan, & le tresor du grand Prieur de Châpaigne, qui vous ayderent bien à faire vostre voyage de Tours, qui ne fut pas lóg ni de grand effet, car apres auoit mené ie ne scay quelle troupe ramassée de gens transportez d'erreur & d'amour de nouueauté que leur mettiez en la teste pour brauer vostre maistre que pensiez prédre à despourueu, ou avec esperance que ceux de Tours feroient quelque tumulte pour le vous liurer, si tost que vi-

*Le Catholicon*

stes qu'on parloit à vous à coups de canon, & que le Roy de Nauarre estoit venu assister & secourir son frere, ayant vn notable interest qu'il ne tombast entre vos mains, la frayeur vous saisit tellement au lustre des escharpes blanches, que ce fut à vous de vous retirer en diligence par des chemins esgarez, où il n'y auoit point de pierres: & voulustes coulorer vostre fuitte sur la priere que nous vous fimes de nous secourir contre les courses de meiseurs de Longue-ville, de la Nouë, & de Giury, après la hôteuse leuee du siege de Senlis. Estant icy, vous vous deffistes bien qu'on ne tarderoit gueres à vous suyure de pres, ayant deux si puissans dogues à la queue, & donnaistes quelque ordre pour la deffense de Paris, par vn antidote, pire que le mal n'eust esté, si on nous eust pris. Et ce fut lors que les Parisiens commencerent à voir des hostes viuant à discretion, en leurs maisons, contre tous les anciës priuileges, à eux accordez par les deffuncts Roys: Mais ce ne furent que fleurettes, au prix de ce que nous auons souffert: depuis vous laissastes neantmoins prendre à vostre nez Estampe, & Pont oysé sans les secourir. Et voyant qu'on retournoit à vous pour vous attirer à la bataille, ou vous reserrer entre nos murailles, vous vistes bien aux progres des affaires du Roy, que les vostres s'en alloiët ruinees, & qu'il ny auoit plus de moyen de vous en sauuer, sans vn coup du ciel, qui estoit par la mort de vostre ma-

*d'Espagne.*

stre, vostre bienfaicteur, vostre Prince, vostre Roy : Je dy vostre Roy : car ie trouue emphase en ce mot, qui emporte vne personne sacree, ointe, & cheric de Dieu, cōme mitoyenne entre les Anges & les hommes: Car comme seroit il possible que vn homme seul, foible, nud, desarmé peust commander à tant de milliers d'hommes, se faire craindre, s'uyure, & obeyr en toutes ses voluptez, s'il n'y auoit quelque diuinité, & quelque parcelle de la puissance de Dieu meslee? comme on dit que les demons se meslent, & entreiectent dedans les nuës du tonnerre, où ils font ces estranges & espouventables feux qui passent de bien loing le feu materiel, & elementaire? Je ne veux pas dire que ce fut vous, qui choisistes particulièrement ce meschant **QVE L'ENFER CREA**, pour aller faire cest execrable coup, que les furies d'enfer eussent redouté de faire: mais il est assez notoire, qu'aparauāt qu'il s'acheminast à ceste maudite entreprise, vous le viistes, & ie diroy bien les lieux & endroiets, si ie voulois: vous l'encourageastes, vo<sup>o</sup> luy promistes Abayes, Eueschez, mōts & merueilles, & laissastes faire le reste à madame vostre sœur, aux Iesuites, & à son Prieur, qui passoient bien plus outre, & ne luy promettoiet rien moins, qu'vne place en Paradis au dessus des Apostres s'il aduenoit qu'il y fust martyrizé: Qu'ainsi ne soit, & que ne fussiez bien aduerry de tout le mystere, vous faisiez prescher le peuple qui

*Le Catholicon*

parloit de se rendre, qu'on eust encor patience, sept ou huit iours, & qu'auant la fin de la sepmaine on verroit quelque grande chose qui nous mettroit à nostre aise. Les prescheurs de Rouen, d'Orleans, & d'Amiens, le prescherent en mesme temps, & en mesmes termes. Puis si tost que vostre moyne en diablé fust party, vous fistes arrester & prendre prisonnier en ceste ville, plus de deux cens des principaux citoyés & autres, que pensiez auoir des biens, des amis, & du credit avec ceux du party du Roy: comme vne precaution, dont vous vous proposiez seruir pour acheter le meschant Astarot, en cas qu'il eust esté pris auât le fait, ou apres le fait: Car aiant le gage de tant d'honnestes hommes, vous pensiez qu'on n'eust osé faire mourir c'est asfacin, sur le menace qu'eussiez fait de faire mourir en contreschange ceux que teniez prisonniers. Lesquels à la verité sont bien obligez à ceux qui par vne precipitee colere tuerent à coups d'espee ce meschant apres son coup fait: & vous mesme, ne les deuez pas moins remercier: Car si on l'eust laissé viure (comme il falloit) & mis entre les mains de iustice, nous eussions tout le fil de l'entreprise naïuemét deduit, & y eussiez esté couché en blancs draps, pour vne marque ineffaceable de vostre desloiauté & felonie. Mais Dieu ne l'a pas ainsi permis, & ne sçauons encore ce qu'il vous garde. Car si les exéples du temps



*d'Espagne.*

pasé portent quelque consequence pour ir-  
ger des affaires du temps present, iamaïs on  
ne vit vassal & suiect qui eust entrepris de  
chasser son Prince, mourir en son liét: ie ne  
veux fortifier ceste maxime par beaucoup  
d'histoires ni refuter celles q̄ nos prescheurs  
alleguēt, pour defendre & iustifier ceste acte  
horrible: le n'en diray que deux, l'vne de la  
Bible, & l'autre des liures Romains: vous pou-  
uez auoir ouy prescher que ceux qui tuerent  
Absalon, combien qu'il fust esleué en armes  
contre son pere son Roy, & son pays: neant-  
moins furent punis de mort, par le comman-  
dement de Dauid son pere, à qui il faisoit la  
guerre: Si vous auez leu les conflicts qui fu-  
rent fais entre Galba, Otho, & Vitellius, pour  
l'Empire de Romē, vous auez trouué que  
l'Empereur Vitellius fit mourir plus de six  
vingts homes qui disoient & se vantoyēt d'a-  
uoir tué Galba son predecesseur à l'Empire, &  
auoiēt presenté vne requeste pour en auoir re-  
compense: non, cōme dit l'auteur, (qui sert  
aujourd'huy d'Euangeliste à plusieurs) pour  
l'amitié qu'il portast a Galba, ny honneur  
qu'il luy voulust faire: mais pour enseigner  
tous les Roys & Princes, d'alseurer leur vie  
& leur estat present & faire cognoistre a ceux  
qui entreprendroient d'attenter a leurs per-  
sonnes, que l'autre Prince leur successeur  
(bien qu'ennemy) en quelque façon que ce  
soit, vengera leur mort. Cest pourquoy mon-

*Le Catholicon*

seigneur le Lieutenant vous eustes grand tort, de faire demonstration de tant d'allegresse, ayant sçeu la nouvelle du cruel accident de ceuy, par la mort duquel vous entriez au chemin de la Royauté: vous fistes des feux de ioye, au lieu qu'en deuez faire de funebres: vous pristes l'escharpe verte en signe de resiouissance, au lieu que deuez redoubler la vostre noire, en signe de dueil: vous deuez imiter Dauid qui fit recueillir les os de Saül son predecesseur, & les fit honorablement entepulcrer: combien que par sa mort il demeroit Roy paisible, & perdoit en luy son plus grand ennemy. Ou faire comme Alexandre le Grand, qui fit de si superbes obseques à Darius: Ou Jules Cesar, qui pleura à chaudes larmes, sçachât la mort de Pompee, son competeur & capital aduersaire, & fit mourir ceux qui l'auoient tué: Mais vous au contraire de ces grands personnages, vous riez, & faies festins & feux de ioye, & toutes sortes de resiouissance, quand vous sçauiez la cruelle mort de celuy de qui vous teniez tout ce que vous & vos predecesseurs auiez de bien, d'honneur & d'authorité, & non contét de ces cōmunes alegresses, qui tesmoignent assez cōbien vous approuuiez ce malheureux acte, vo<sup>9</sup> fistes faire l'effigie du meurtrier, pour le môstrer en public, comme d'un saint canonizé: & fistes rechercher sa mere, & ses parens, pour les enrichir d'aumosnes publiques afin que cela fut vn leurre & vne a-

*d'Espagne.*

more à d'autres qui pourroïent entreprendre de faire encor vn pareil coup au Roy de Navarre, sur l'assurance qu'ils prendroient par exéples de ce nouveau martyr, qu'après leur mort ils seroient ainsi sanctifiez, & leurs parens bien recompensez : Or ie ne veux point examiner plus auant vostre conscience, ny vous pronostiquer ce qui vous peut aduenir par ce fait la : mais il faudroit que la parole de Dieu fust menteuse ( ce qui n'est point ) si vous ne receuez bien tost le salaire que Dieu promet aux meurtriers ; & assassinateurs : comme de fait ils l'ont reçu, ainsi qu'il est escrit par toutes les histoires anciennes & modernes, & comme aussi vostre frere a reçu pour auoir assassiné le feu Admiral : & le feu Admiral, pour auoir fait assassiner vostre pere : Mais ie lairray traicter ceste-matiere aux Theologiens, pour vous ramenteuoir vne lourde faute que fistes sur cest instant. Car puis que n'auiez point craint de declarer en tant de lieux que vostre but estoit de regner, vous auiez lors & sur le coup vne belle occasion de vous faire eslire Roy & y fusiez mieux paruenu, que ne ferez pas a present, que vous briguez de l'estre. Le Cardinal de Bourbon, a qui inconsiderément vous deferastes le tiltre de Roy, estoit prisonnier. Vostre neveu en qui se conferoient toutes les recommandatiōs de son pere, l'estoit aussi, & l'un & l'autre ne vous pouuoit nuire, comme vostre nepueu fait a present : vous

Le Catholicon

auiez encor les peuples animez, ardés & courans a la nouveauté, qui auient grande opinion de vostre vaillance, dont vous estes tort descheu depuis, & ne fay doute que ne l'eussiez emporté en haine du legitime successeur, qui notoirement estoit Huguenot. Et puis vous auiez les preicheurs qui eussent deduit mille raisōs à persuader le peuple, que la courōne vous appartenoit mieux qu'à luy: L'occasion en estoit belle, sur le changemēt d'une lignee en l'autre: & combien que ce soit vne mesme famille & d'un mesme tige, neantmoins la distance de plus de dix degrez, où les docteurs disent cesser tout lieu & droict de consanguinité donnoit beau lustre: encor que le Docteur Balde escrit que ceste regle faillit *in familia Borbororū*. Tant y a que vous auiez la force, & la teneur du temps en main, de laquelle ne sceustes pas vous seruir, ains par vne pusillanimité & couardise trop lourde, & grossiere, vous volustes garder quelque modestie & forme de loy ciuile, donnant le tiltre de Roy à vn pauvre prestre prisonnier: combié qu'en toutes autres choses, vous violiez impudemment toute les loix du Royaume, & tout le droict diuin des gens naturels, & ciuil: Vous oubliastes toutes les maximes des grands maistres en matiere d'entreprinse sur les estats d'autruy: mesmement celle de Iules Cæsar, qui disoit souuent pour excuse ces vers d'un Poëte Grec.

*d'Espagne.*

*S'il faut estre meschant: soy le pour estre Roy  
Mais au, este soy iuste, & y seion la loy.*

Vous eustes peur de prendre le tiltre de Roy :  
& ne craigniez pas d'en vsurper la puissance:  
laquelle vous desguistastes d'une qualite toute  
nouvelle, dont on n'auoit jamais ouy parler  
en France: & ne scay qui en fut l'autheur,  
encore qu'on l'attribue au Presidet Briffon ou  
Janin: mais quicôques inuenta cest expedient  
faillit aux termes de Gramaire & d'estat: On  
vous pouuoit donner le nom de regent, ou  
de Lieutenant general du Roy: comme on  
auoit fait autresfois quand les Roys estoient  
prisonniers, ou absens de leur Royaume: Mais  
Lieutenant de l'estat & courone eit vn titre  
inouy, & estrange, qui a trop longue queuë,  
comme vn chimere contre nature qui fait  
peur aux petits enfans. Quiconques est Lieu-  
tenant, est Lieutenant d'un autre duquel il  
tient le lieu, qui ne peut faire la fonction, à  
cause de son absence ou autre empeichement:  
& Lieutenant est Lieutenant d'un homme:  
mais de dire qu'un homme soit Lieutenant d'une  
chose inanimee: côme l'estat, ou la courone  
d'un Roy, c'est chose aburde, & qui ne se  
peut souldtenir: Et eust esté plus tolerable de  
dire Lieutenât en l'estat & couronne de France,  
que Lieutenât de l'estat: Mais c'est peu de  
chose de faillir à parler, au prix de faillir à faire:  
Quand vous fustes affublè de ceste belle  
qualite, vous curastes si rudement nos bour-  
ses, qu'eustes moyen de mettre sus vne grosse



*Le Catholicon*

armee, avec laquelle vous promettiez pour-  
fuiure, assieger, prendre, & amener prison-  
nier le nouveau iucceffeur a la couronne, qui  
ne se disoit pas Lieutenant, mais Roy tout  
a fait : vous nous auiez defia fait garder nos  
places, & louer des boutiques en la ruë saint  
Anthoine pour le voir passer enchefné, quãd  
l'ameneriez de Diepe prisonnier. Que fistes  
vous de ceste grande armee, grosse de tous  
vos secours estrangers d'Italie, d'Espagne, &  
d'Allemagne, sinon faire cognoistre vostre  
foiblesse imprudente & mauuaise conduite:  
n'ayant osé avec trente mille hommes en at-  
taquer cinq ou six mil, qui vous firent teste a  
Arques, & en fin vous contraignirent leuer  
le cul honteusement, & chercher vous mes-  
mes seureté au dela de la riuere de Somme?  
Nous fusines bien esbahis quand au lieu de  
de voir ce nouveau Roy a la Bastille, nous le  
vismes dedans nos fauxbourgs, avec son ar-  
mee, comme vn foudre de guerre, qui deuãça  
nos pensees, & les vostres: Mais vous ne  
vinstes a nostre secours lors qu'estions a seure-  
rez qu'il ne nous feroit plus de mal. Et faut  
confeser que sans la resistance que luy fit a  
la porte de Buisy, vn qui luy est auourd'huy  
seruiteur, il nous eust pris auant que fussiez  
arriué. Depuis ce temps la vous ne fistes  
rien de memorable en vostre Lieutenance,  
que l'establissement de vostre conseil, des  
quarante & des seize, que vous auez depuis  
reuoqué, & dissipé tant qu'auiez peu. Et ce-  
pendant

*d'Espagne.*

pendant que vous vous amusez à faire l'estat de vostre maison, & que laissez tremper en prison vostre Roy imaginaire, sans le secourir: ni d'argent, ni de moyens pour entretenir son estat Royal, le nouveau Roy se mit en possessiõ du Dunois, du Vandosmois, du Maine, du Perche, & de la meilleure partie de Normandie: tant qu'à la fin apres qu'il eut enconquerat fait la røde du tiers de son Royauine, vous fustes contraint moitié de honte, moitié de desespoir, & par l'importunité qu'o vous fit luy aller au deuant, lors qu'il assiegeoit Dreux, où il vous fit vn tour de vieil guerrier, pour auoir moyen de vous combattre: Car il leua son siege, & fit semblant de reculer dedans le Perche, pour vo<sup>9</sup> attirer plus auant, & vous faire passer les riuieres à le suivre: mais si tost qu'il vous vit passé, & engagé en la plaine, il tourna visage droit à vous, & vous donna la bataille que perdistes, plus par faute de courage, & de conduite, que par faute d'hommes, le nombre des vostres passat de beaucoup les siens. Encor en ceste grande affliction ne peustes vous vous tenir de nous donner vne bourde, comme vo<sup>9</sup> estes coustumier, vous & vostre sœur, de nous paistre de mensonges & fausses nouvelles: & nous voultes faire croire, pour nous cõsoler en ceste perte, que le Biarnoïis estoit mort duquel vo<sup>9</sup> n'auiez osé attendre la veuë ni la rencontre: Mais nous vismes ce mort bien tost pres de nos portes, & vous mesmes eustes si grand

peur de s'ombre, que ne pristés loisir de vo<sup>us</sup> reposer, que ne fussions passé en Flandres où vo<sup>us</sup> fistes ce beau marché avec le Duc de Parme qui depuis no<sup>us</sup> a cousté si cher, & qui no<sup>us</sup> a tellement ruiné d'honneur & de réputation, que ie ne voy pas moyé de vous en pouuoir iamais releuer. Car au lieu de maistre, vous vous allastes rendre valet, & esclau de la nation la plus insoléte qui soit sous le Ciel. Vo<sup>us</sup> vous asservistes à l'homme le plus fier & ambitieux qu'eussiez sçeu choisir: côme auez depuis expérimenté, quand il vo<sup>us</sup> faisoit naquerter apres luy, & attendre à sa porte, auant que vous faire vne réponse de peu d'importâce. Dequoy les gentils-hômes François qui vous accompagnoient, en auoient despit, & desdain: & vous seul, n'auiez honte de vous rendre vil, & abiect, en des honorât vostre lignee, & vostre nation tant estiez transporté d'appetit de vengeance, & d'ambition: Or pendant ces indignitez & deshonestes submissiôs que faissiez, au preiudice du nom François, & de vostre qualité, nostre nouueau Roy ne chamoit pas: car il nous boucha nostre riuere en haut & en bas, par la prise de Mâte, de Poissi. de Corbeil, Melun. & Montreau, puis nous vint oster la plaine de la France, par la prise de saint Denis: Celà fait, il n'y auoit plus de difficulté que ne fussions assiegez, comme no<sup>us</sup> le fumes incontinent apres: Que fistes vous pour nous secourir? Mais plustost que fistes vous point pour nous perdre, & rendre

*d'Espagne.*

miserables? Je ne veux pas dire ce qu'aucuns ont rapporté de vous que disiez cōmunemēt, que la prise de ceste ville seroit plus preiudiciable à vostre ennemi, que profitable: & que son armee se perdroit & dilsiperoit en la prenāt: Je ne sçauroy croire qu'eussiez pris plaisir de voir tomber vostre femme, vos enfans, vostre frere, & vostre sœur, à la merci de vos ennemis. Mais si faut-il dire, que le temps que vous mistes à nous venir secourir fut si long, qu'il cuida nous mettre par plusieurs fois au desespoir: & croy que si le Roy vous eust demandé vn terme, pour nous prendre, il n'eust pas demandé d'auantage que luy en donnastes. O que nous eussions esté heureux, si nous eussions esté pris dès le lendemain que fusmes assiegez: O que nous serions maintenant riches, si nous eussions fait ceste perte. Mais nous auons esté bruslez a petit feu: No' auons lāgui, & si ne sommes pas gueris. Deslors le soldat victorieux, eust pillé nos meubles: mais nous auons de l'argēt pour les racheter: & depuis nous auons māgé nos meubles, & nostre argent: Il eust forcé quelques femmes & filles, encor eust-il espargné les plus notables, & celles qui eussent peu garantir leur pudicité par respect, ou par amis: Mais depuis elle se sont mises au bordeau d'elles mesmes, & y sont encore par la force de la necessité: qui est plus violente, & de plus lōgue infamie, que la force trāsitoire du soldat, qui se dilsimule, & enseuelist incontinent au



*Le Catholicon*

lieu que destre-ei se diuulgue, se continue, & se rend à la fin en coustume effrotee sàs retour. Nos reliques seroient entieres, les anciens ioyaux de la courõne de nos Roys ne seroiët pas fondus comme ils sont, Nos fauxbourgs seroient en leur estre, & habitez comme ils estoient, au lieu qu'ils sont ruinez, deserts, & abatus: Nostre ville seroit riche, opulente & peuplee comme elle estoit, nos rentes de l'hostel de ville nous seroient payees au lieu que vo<sup>s</sup> en tirez la mouëlle, & le pl<sup>s</sup> cler denier: nos fermes des champs seroiët labourees, & en receurions le reuenue, au lieu qu'elles sont abandonnees, desertes, & en friche. Nous n'auiens pas veu mourir cent mille personne de faim, d'ennui & de pauureté, qui sõt morts en trois mois par les ruës, & dans les hospitaux, sans misericorde, & sans secours: Nous verrions encor nostre vniuersité florissäte, & frequentee: au lieu qu'elle est du tout solitaire, ne seruant plus qu'aux payfans, & aux vaches de villages voisins: Nous verrions nostre Palais rempli de gës d'hõneur, de toutes qualitez, la sale & la galerie des merciers pleine de peuples à toutes heures: au lieu q' n'y voyõs plus q' gës de loisir, se pourmener au large, & l'herbe verte qui croist là où les hõmes auoient à peine espace de se remuer: les boutiques de nos ruës seroient garnies d'artisans, au lieu qu'elles sõt vuides, & fermees: La presse des charettes, & des coches seroit sur nos ponts, au lieu qu'è huit iours on n'en voit pas passer



*d'Espagne.*

vne seule, que celle du Legat. Nos ports de greue, & de l'eschole, seroient couuerts de bateaux pleins de bleds, de vins, de foin, & de bois, nos halles, & nos marchez seroient foulees de presse de marchâds & de viures au lieu que tout est vuide, & vague, & n'auons plus rien qu'à la merci des soldats de saint Denis, fort de Gournay, Cheureuse, & Corbeil. Ha monsieur le Lieutenant, permettez moy que ie m'exclame en cest endroit par vne petite digression, hors du cours de ma harangue, pour deplorer ce pitoyable estat de ceste Royne de villes, de ce Microcosme, & abrégé du monde. Ha mesieurs les deputez de Lyõ, Tholozé, Rouën, Amyens, Troyes, & Orleâs, regardez à nous & y prenez exemple: que nos miseres vous fassent sages à nos despens: vous sçauiez tous quels nous auõs esté, & voyez maintenant quels nous sommes. Vous sçauiez tous en quel gouffre & abisme de desolation nous auons esté par ce long & miserable siege: & si ne le sçauiez, lisez l'histoire de Iosephe, de la guerre des Iuifs, & du siege de Ierusalem mis par Titus, qui represente au naïf celuy de nostre ville. Il n'y a rien au monde qui se rapporte tant l'un à l'autre, comme Hierusalem, & Paris, excepté l'issuë & la fin du siege: Ierusalem estoit la plus grande, & plus riche, & peuplée ville du monde: Aussi l'estoit Paris. *Qui estoit son chef sur toutes autres villes, autant que le sapin sur les bruyeres villes.* Hierusalem ne pouuoit endurer les bons

*Le Catholicon*

Prophetes qui luy monstroient ses erreurs & idolatries : & Paris ne peut souffrir ses pasteurs & curez, qui blasment & accusent ses superstitions, & folles vanitez & l'abition de ses Princes: nous faisons la guerre aux curez de S. Eustache, & de S. Mederic, parce qu'ils nous remōstrēt nos fautes, & nous predisent le malheur qui nous en doit arriuer. Hierusalem fit mourir son Roy: & son oinct de la race de Davi:., & le fit trahir par vn de ses disciples, & de sa nation: Paris a chassé son Prince, son Roy, son oinct naturel, & apres l'a fait assassiner & trahir par vn de ses moines: Les docteurs de Hierusalem donnoient à entendre au peuple, que leur Roy auoit le diable au corps, au nom duquel il faisoit ses miracles: Nos prescheurs & docteurs ont-ils pas presché que le feu Roy estoit forcier, & adoroit le diable, au nom duquel il faisoit toutes ses vocations? & mesmes aucuns ont esté si impudens de monstrier en chaire publiquement à leurs auditeurs, des effigies faites à plaisir, qu'ils inroient estre l'idole du diable, que le tiran adoroit, ainsi parloient-ils de leur maître, & de leur Roy. Ces mesmes docteurs de Hierusalem prouuoiet par l'escriture que Iesus Christ meritoit la mort, & crioient tout haut, *Nos legē habemus, & secundum legē debes mori*, Nos predicateurs, & Sorbonistes, ont-ils pas ptouué, & approuué par leurs textes appliquez à leur fantasse, qu'il estoit permis, voire loüable, & meritoire de tuer le Roy, &

*d'Espagne*

Y'ont encor presché apres sa mort ? Dedans Hierusalem estoient trois factions qui se faisoient appeller de diuers noms: mais les plus meschâs se disoient zelateurs, assistez des Iduméens estrangers. Paris a esté aigité tout de mesme de trois factions de Lorraine, d'Espagne, & des seze, participâs de toutes les deux sous le mesme nom de zelateurs qui ont leurs Eleazars, & leurs Zacharies, & Acaries, & plus de Ieans qu'il n'y en auoit en Hierusalem. Hierusalem estoit assiegee par Titus, Prince de diuerse religion, allant aux hazards & dangers comme vn simple soldat, & neantmoins si doux & gracieux, qu'il acquit le surnom de Delices du genre humain: Paris a esté assiegé par vn Prince de religion differente, mais plus humain & debonnaire, plus hazardeux & prompt d'aller aux coups, que ne fait iamais Titus dauantage, ce Titus ne vouloit innouer en la religion des Iuifs: aussi ne fait ce Prince en la nostre, ains au contraire nous donne esperance de l'embrasser quelque iour, & en peu de temps. Hierusalem souffrit toute l'extremité deuant que se recognoistre, & se recognoissant n'eut pl<sup>s</sup> de pouuoir, & en fut empeschee par les chefs de la factiō: combien auons nous souffert auant que nous cognoistre, & apres nos souffrances, combien auons nous desiré de pouuoir nous rendre, si n'en eussions esté empeschez par ceux qui notoient sous le ioug ? Hierusalé auoit le fort d'Anthonia, le temple, & le fort de Sion, qui

*Le Catholicon*

bridoient le peuple, & l'empeschoiét de brif-  
ler, ni de se plaindre : Nous auons le fort de  
sainct Anthoine, le Temple, & le Louure, cõ-  
me vn fort de Sion, qui nous seruent de ca-  
morre, & de mords, pour nous tenir, & rame-  
ner à l'appetit des gouuerneurs. Iosephe de  
mesme nation & religiõ que les Iuifs, les ex-  
hortoit de preuenir l'ire de Dieu, leur faisoit  
entendre mesmes qu'ils ruinoiét leurs tẽples,  
leurs sacrifices, & leur religion, pour laquelle  
ils disoiét cõbatre: & neãtmoins n'en voulu-  
rent rien faire : Nous auons eu parmi nous  
beaucoup de bons citoiens François, & Ca-  
tholiques comme nous, qui nous ont fait pa-  
reilles remonstrances, & monstré par bonnes  
raisõs, que nostre opiniastreté, & nos guerres  
ciuiles ruinoiét la religiõ Catholique, & l'E-  
glise, & tout l'ordre Ecclesiastique, faisãt des-  
baucher les prestres, religieux, religieuses, cõ-  
sommãt les benefices, & aneantissant le serui-  
ce diuin par tout le plat pays, & neantmoins  
nous persistions comme deuant, sans auoir pi-  
tié de tant d'ames de olees, esgarces, & abã-  
donnees de leurs pasteurs, qui languissẽt sans  
religion, sans pasture, & sans administration  
d'aucun sacrement. En fin puis que nous con-  
ueuons, & nous raportons en tant de rencõ-  
tres à la Cité de Hierusalem, que pouuons  
nous attendre autre chose, qu'vne totale rui-  
ne, & desolation entiere comme la sienne, si  
Dieu par vn miracle extraordinaire ne nous  
ordonne nostre bon sens? Car il est impossi-



*d'Espagne.*

ble que puissions longuement durer ainsi : estans desjà si abatus, & alongouris de longue maladie que les souspris que nous tirons : ne sont plus que les sanglots de la mort : Nous sommes serrez, pressez, emahiz, bouclez de toutes parts, & ne prenôs l'ayr, que l'air puât d'être nos murailles, de nos bouës, & égouts : Car tout autre ayr de la liberté des champs nous est deffendu : Apprenez donc, villes libres, apprenez par nostre dommage, à vous gouverner d'oresnavant d'autre façon : & ne vous laissez plus encheuestrer, comme auons fait, par les charmes & enchâtemés des precheurs, corrompus de l'argent, & de l'esperance que leur donnent les Princes, qui n'aspirent qu'à vous engager, & rendre si foibles, & si souples, qu'ils puissent iouyr de vous, & de vos biés, & de vostre liberté à leur plaisir. Car ce qu'ils vous font entendre de la religion, n'est qu'un masque, dont ils amusent les simples, côme les renards amusent les pors de leurs lôgues queuës, pour les attraper & manger à leur ayse : En vistes vous jamais d'autres de ceux qui ont aspiré à la domination tyrannique sur le peuple, qui n'ayent tousiours pris quelque titre specieux de bien public, ou religion ? Et toutesfois quand il a esté question de faire quelque accord, tousiours leur interest particulier a marché deuant, & ont laissé le bien du peuple en arriere, comme choses qui ne toucheront point : où bien s'ils ont esté victorieux, leur fin a tousiours esté de subir-



*Le Catholicon*

guer & mastiner le peuple, duquel ils s'estoyent aydez à parueni au dessus de leurs desirs: Et m'esbahy, puis que toutes les histoires tât anciennes que modernes, sont pleines de tels exemples, comment setrouue encordes hommes si pauures d'entendement, de s'embarre, & s'enuolera ce faux leurre: L'histoire des guerres ciuiles, & de la reuolte qui se fit contre le Roy Loys vnziesme est encor recente. Le Duc de Berry son frere, & quelques Princes de France suscitez, & encouragez par le Roy d'Angleterre, encore plus par le Comte de Charolois, ne prindrent autre couleur de leuer les armes, que le bien & soulagement du peuple, & du Royaume: mais en fin quand il falut venir à composition, on ne traicta que de luy augmenter son apennage, & donner des offices, des appointemens à tous ceux qui l'auoyent aisité, sans faire mention du public, non plus que du Turc: Si vous prenez plus hault, aux Annales de France, vous verrez les factions de Bourgongne & d'Orleans, auoir tousiours esté colorees du soulagement des tailles, & du mauuais gouuernement des affaires: & neantmoins l'intention des principaux chefs, n'estoit que d'empieter l'authorité au Royaume, & aduantager vne maison sur l'autre côme l'yssuë a tousiours fait soy? Car en fin le Roy d'Angleterre emportoit tousiours quelque lippee pour sa part, & le Duc de Bourgongne ne s'en departoit

*d'Espagne.*

iamais sans vne ville, ou vne contree qu'il tenoit pour son butin: Quiconques voudra prendre loisir de lire ceste histoire, y verra nostre miserable siecle nayfvement representé: il y verra nos predicateurs, boute-feux, qui ne laissoient pas de s'en mesler, comme ils font maintenant, encor qu'il ne fust nullement question de religion: ils preschoyent contre leur Roy, ils le faisoient excommunier, comme ils font maintenant: ils faysoyēt des propositions à la Sorbonne, contre les bons citoyens, comme ils font maintenant, & pour de l'argent comme maintenāt: On y veoit des massacres, des tueries de gens innocens, & des fureurs populaires, comme les nostres: Nostre mignon, le Duc de Guyse y est representé en la personne du Duc de Bourgogne, nostre bon protecteur le Roy d'Espagne, en celle du Roy d'Angleterre. Vo<sup>z</sup> voyez nostre credulité & simplicité, suyues de ruines, de desolations, & de saccagemēs & bruslemens de villes, & faulxbourgs, tels qu'auōs veu, & voyons tous les iours sur nous, & sur nos voisins. Le bien public estoit le charme & enforcellement qui bouchoit l'aureille à nos predecesseurs: mais l'ambition & la vengeance de ces deux grādes maisons en la vraye & primitiue cause, comme la fin le descouurit. Aussi vo<sup>z</sup> ay-ie deduit que premiere mēt la ialousie & enuie de ces deux maisons de Bourbon & de Lorraine, puis la seule ambition & conuoitise de ceux de Guyle ont

*Le Catholicon*

esté & font la seule cause de tous nos maux. Mais la religiõ Catholique & Romaine est le breuage qui no<sup>s</sup> infatue, & endort: cõme vne opiante bien sucee, & qui sert de médicament narcotique, pour stupéfier nos membres lesquels pendant que nous dormõs, nous ne sentons pas qu'on nous coupe piece à piece, l'un apres l'autre, & ne restera que le trõc qui bien tost perdra tout le sang & chaleur, & l'ame, par trop grande euacuation. En la mesme histoire, trouuez vous pas aussi comme le type de nos beaux estats icy aiséblez? ceux qu'on tint a Troyes font ils pas tous pareils, ausquels on exhereda le vray & legitime heritier de la couronne, comme excommunié, & réagrâué: Dieu sçait qu'elles gés il y auoit à ces estats: ne doutez pas qu'ils ne fussent tous tels que vo<sup>s</sup> autres messieurs, choisis de la lie du peuple, des plus mutins, & seditieux corrompus par argent, & tous prétédãs quelque profit particulier, au change & a la nouveauté, comme vous autres messieurs. Car ie m'asseure qu'il n'y a pas vn de vous, qui n'ait quelque interest special, & qui ne desire que les affaires demeurent en trouble: Il n'y a pas vn qui n'occupe le benefice, ou l'office ou la maison de son voysin: ou qui n'en aye pris les meubles, ou leur reuenü, ou fait quelques voleries & meurre par vengeance, dõt il craint estre recherché si la paix se faisoit. A la fin neantmoins, apres tât de meurtres, & de pauuretez, si faut-il que tous ces mauuais re-

*d'Espagne.*

cogneussent le Roy, Charles septiesme, & vinssent à ses pieds demander pardon de leur rebellion, combien qu'ils l'eussent auparauant excomunié, & déclaré incapable d'estre leur Roy. Comme de mesme qui ne voit, & ne iuge aysement au mauuais train que nous pre nons, qu'il nous en faudra faire autant quoy qu'il tarde & que nous y serons cōtraints en peu de temps, par la force & la necessité qui n'a ni loy ny respect ni vergōgne? Si ie voyois ici des Princes du sang de France, & des pairs de la courōne, qui sont les principaux person nages, sans lesquels, on ne peut assembler ny tenir de iuste & legitimes estats: si i'y voyois vn Connestable, vn Chancelier, des Maref chaux de France, qui sont les vrays officiers pour authorizer l'assemblee. Si i'y voyois les Presidens des Courts souueraines, les Procureurs generaux du Roy, en ses Parlemens; & nombre d'hōmes de qualite, & de reputatiō, cognez de long temps, pour aymer le bien du peuple, & leur hōneur: ha veritablement i'es peroy que ceste cōgregatiō nous apporteroit beaucoup de fruit, & me fuisse cōtente de dire simplement la charize que j'ay du riers estat: pour representer l'interest que chacun a d'a uoir la paix: Mais ie ne voy icy que des estrā gers passionez, abayās apres nous, & alterez de nostre sang & de nostre substance. Ie n'y voy que de femmes ambitieuses, & vindicati ues: que des prestres corrompus, & desbau chez, & pleins de folles esperances: Ie n'y



*Le Catholicon*

Voy nobleſſe qui vaille, que trois ou quatre qui nous eſchappent, & qui s'en vont nous abandoner. Tout le reſte n'eſt que ripaille neceſſiteuſe, qui ayme la guerre, & le trouble parce qu'ils viuét du bien du bon hōme: & ne ſçauroyent viure du leur, ny entretenir leur train en temps de paix: tous les gentils-hommes de noble race & de valeur, ſont de l'autre part, aupres de leur Roy, & pour leur pays. J'auroy honte de porter la parolle pour c'e qui eſt icy du tiers eſtat, ſi ie n'eſtoy adoué d'autres gens de bien qui ne ſe veullét meſſer avec ceſte canaille, venuë piece à piece des prouinces, cōme cordeliers à vn chapitre provincial: Que fait icy monsieur le Legat, ſi non pour empelcher la liberté des ſuffrages, & encourager ceux qui luy ont promis de faire merueilles pour les affaires de Rome, & d'Eſpagne? Luy qui eſt Italien, & vaſſal du Prince eſtranger, ne doit auoir icy ny rang, ny ſeance: Ce ſont icy les affaires des François, qui les touchent de pres, & non celles d'Italie, & d'Eſpagne: Dont luy viendroît ceſte curioſité, ſi non pour y proſſiter à noſtre dommage? Et vous monsieur de Pelvé, vous fait il pas bon voir en ceſte compagnie, plaider la cauſe du Roy d'Eſpagne & les droits de Lorraine: vous dy-ie, qui eſtes François, & que nous cognoiſſons eſtre nay en France, auoir neantmoins renoncé voſtre chreſme, & voſtre nation pour ſeruir à vos idoles de Lorraine, & aux Demons meridionaux? Vous



*d'Espagne.*

deuiez encores amener, & faires seoir icy sur  
les fleur de liz, le Duc de Feria & Mandoze  
& Don Diego, pour prendre leurs aduis cõ-  
ment la France se doit gouverner : Car ils y  
ont interest & auez tort, monsieur le Lieute-  
nant, que ne les y auez receuz, comme impu-  
demment ils l'ont demandé. Mais leur pre-  
sence seroit inutile, puis qu'ils ont icy leurs  
agents & aduocats, qui ont si dignement par-  
le pour eux. Et puis vous n'oublierez rié à leur  
communiquer du resultat de nos deliberatiõs  
mais ie vous demanderay volontiers, mon-  
sieur le Lieutenant, à quelle fin vous auez as-  
semblé ces gens de bien icy : Sont-ce icy ces  
estats generaux, où vous nous promettiez  
donner si bon ordre à nos affaires, & nous  
faire tous heureux? Je ne m'ebahys pas si auez  
tant reculé à vous y trouuer, & tant dilayé, &  
tant fait trotter de pauures herres de deputez  
apres vous: car vous vous doubtiez qu'il s'y  
trouueroit quelque estourdy qui vous diroit  
vos veritez, & qui vous gratteroit où il ne  
vous demâge pas: vous voulez tousiours fler  
vostre Lieutenant, & cõtiner ceste puissan-  
ce souueraine qu'auetz vlsurpee, pour cõtiner  
là guerre, sans laquelle vous ne seriez pas si  
bien traité, ny suiuy, & obey que vous estes.  
Mais nous y voulons mettre fin, & en ce fai-  
sant mettre fin à nos miseres. On ne nous a-  
uoit conferé ceste belle & bien controuuee  
qualité de Lieutenant de l'estat ( qui sent plus  
à la verité le stile d'vn clerc de palais, ou d'vn

*Le Catholicon*

pendant, que la grauité de la charge) sinon, *ad tempus*, & iusques à ce qu'autremét par les généraux y eust esté proueu: Tellement qu'il est temps qu'en soyez demis & depossédé, & qu'aduisions à prendre vn autre gouuernement, vn autre gouuerneur: C'est assez vescu en anarchie, & desordre: Voulez vous é pour vostre plaisir, & pour agrādir vous & les vostres, contre droit & raison nous demeurions à iamais miserables? voulez vous acheuer de perdre ce peu qui reste? iusques à quand serez vous saoul de nous manger, & de nous voir entretuer, pour vous faire viure à vostre ayse? Ne songez vo<sup>o</sup> point qu'auéz affaire aux François? c'est à dire à vne nation belliqueuse, qui est quelquefois facile à seduire, mais qui bien tost retourne à son deuoir, & sur tout ay mē ses Roys naturels, & ne s'en peut passer? vous ferez tout estonné, que vous vous trouuez abandonné de toutes les bonnes villes, qui feront leur apoinctemēt sans vous: vous verrez tantost l'vn, tantost l'autre de ceux que pensez vos plus familiers qui traicteront sans vous, & se retireront au port de sauueté, par ce qu'ils vous ont cogneu mauuais pilote, qui n'auéz sçeu gouuerner la nauire, dont auiez pris la charge, & l'auéz eschoüee bien loing du port: Auez vous dōc tant en horreur le nom de paix, que n'y vueillez point du tout entendre? ceux qui peuvent vaincre, encor la demandent-ils. Qu'ont donc seruy tant de voyages, d'allees & de venuës qu'auéz fait

*d'Espagne.*

faire à monsieur de Villeroy, & à d'autres sous ce pretexte de parler d'accord, & d'acheminer les choses à quelque tranquillite. Vous estes donc vn pipeur, & abuseur qui trompez vos amis, & vos ennemis? & contre le naturel de vostre nation, vous n'avez plus q' d'artifice & de ruzes pour nous tenir tousiours sous vos pattes à vostre mercy: vous n'avez iamais voulu faire traiter des affaires publiques, par personnes publiques: mais à catimini par petites gens façonnez de vostre main, & dependans de vous, à qui vous disiez le mot en l'aureille, tout resolu de ne rien faire de ce qui seroit accordé. Par ce moyen vous avez perdu la creance & bien veillance du peuple, qui estoit le principal appuy de vostre autorité: & avez fait calôner des procedures d'aucuns notables personages qu'avez employez par forme d'acquit, & pour ottroyer quelque chose à ceux qui vous en supplioiét. Vous avez eu crainte d'offencer les estrangiers qui vous assistét, lesquels toutesfois ne vous en sçauent pas plus de gré: Car si vous sçauiez les langages qu'ils tiennent de vous, & en quels termes le Roy d'Espagne escrit de vos façons de faire, ie ne pense pas qu'eussiez le cœur si serf, & abiect pour le caresser & rechercher côme vous faites. On a veu de leurs lettres surprises & déchifrees, par lesquelles ils vo' nôment *puerco*, & quelquefois *bufalo*: & en d'autres, *loco perfado*. & generalement leur Roy se moque de

*Le Catholicon*

vous, & mande à ses agents de vous entretenir de bayes, & belles paroles sans effet & prendre garde que ne preniez trop de pied, & d'authorité. Les Royaux vos aduersaires croient que vous ne demandez la trefue que pour attêdre vos forces, & mieux dresser vostre partie à Rome & en Espagne: & nous disons q'cest pour faire durer la guerre, & mieux faire vos affaires particulieres: Cela estant, comment esperez vous, foible comme vous estes faire croire que vous nous voulez & pouuez s'aimer? Cela ne se peut, sinõ par vne negotiation publique & authentique, qui iustifie, & autorize vne droite intention. C'est chose que pourriez faire sous le bon plaisir du Pape, afin de rendre à la sainteté le respect que luy deuez: pourroit elle trouuer mauuais que voulussiez entendre à la paix, avec vos voisins, avec nostre Roy? Car quand ne le voudriez recognoistre pour tel, encor ne scauriez vous nyer qu'il ne soit Prince du sang de France, & Roy de Nauarre, qui a tousiours tenu plus grand rang, que vous, & tousiours marché par dessus vous, & tous vos aïnez. Au cõtraire, nous voulons croire que le saint Père imitant l'exemple de ses predecesseurs, vous imiteroit à ce bon œuure, s'il vous y voyoit enclin, pour esteindre le feu de la guerre ciuile qui consume vn si beau fleuron de la Chrestienté & ruine la plus forte colonne qui appuye l'Eglise Chrestienne, & l'autorité du Saint siege. Et ne s'arrestera point sur



*d'Espagne.*

ce mot d'heretiques, car le Pape Iean second  
alla bien luy-mesmes trouuer l'Empereur  
de Constantinople, pour le prier de faire la  
paix auéc les Arriens, Heretiques, pires que  
ceux cy, & remettre toute la querelle en la  
main de Dieu, qui feroit ce que les hommes  
ne pourroïent faire. Je croy pour mon regard,  
monſieur le Lieutenant, que quand vous prendrez  
ce chemin sans fard & diſſimulation,  
il ne peut eſtre que tres-ſeur, & vtile au general  
de la France, & à vous en particulier tres-  
honorabile, & à voſtre grande deſcharge, &  
contente mēt d'eſprit: Auſſi que ce moyen eſt  
ſeul & vnique, & ne vous en reſte aucun au-  
tre pour arreſter la cheute eminent de tout  
l'edifice: Je vous parle franchement de ceſte  
façon ſans crainte de billet, ny preſcription:  
& ne m'eſpouuante pas des Rodomontades  
des Eſpagnols, ny des tristes grimaces des ſe-  
ze, qui ne ſont que quoquins, que ie ne dai-  
gnay iamais ſaluez, pour le peu de conte que  
ie fay d'eux: Je ſuis amy de ma patrie, com-  
me bon bourgeois & citoyen de Paris: Je ſuis  
jaloux de la conſeruation de ma religion, &  
ſuis en ce que ie puis ſeruiteur de vous, & de  
voſtre maiſon: En fin chacū eſt las de la guer-  
re, en laquelle nous voyōs biē qu'il n'eſt plus  
qu'eſtion de noſtre religion: mais de noſtre  
ſeruitude, & auquel d'entre vous les carcasses  
de nos os demeureront: Ne penſez pas trou-  
uer à l'aduenir tant de gens comme auez  
fait, qui vueillent ſe perdre de gayeté de



*Le Catholicon*

coeur, & espoufer vn deſeſpoir pour le reſte de leur vie, & pour leur poſterité. Nous voyons bien que vous meſmes eſtes aux filets du Roy d'Espagne, & n'en ſortirez iamais que miſerable & perdu: Vous auez fait comme le cheual, qui pour ſe deffendre du cerf, lequel il ſentoit plus viſte, & vigoureux que luy appella l'homme à ſon ſecours: mais l'homme luy mit vn mors en la bouche, le ſella, & equippa, puis monta deſus avec bons eſperons, & le mena à la chaffe du cerf, & par tout ailleurs, où bon luy ſembla, ſans vouloir deſcendre de deſſus, ny luy oſter la bride & la ſelle: & par ce moyé le rédit ſouple à la houſſine, & à l'éperon, pour s'en ſeruir à toute beſongne, à la charge, & à la charruë, comme le Roy d'Espagne fait de vous: & ne doutez pas, que ſi par voſtre moyen il s'eſtoit fait maïſtre du Royaume, qui ne ſe deffist bien toſt de vous par poiſon, par colomnies, ou autrement. Car c'eſt la façon, dont il uſe, & dont il dit communement qu'il faut recôpenſer ceux qui trahiſſent leur Prince, & leur pays: teſmoins ceux qui luy liurerent meſchammét le Royaume de Portugal. Leſquels luy venans demander la recompence qui leur auoit promiſe deuant qu'il fut en poſſeſſiô, il les renuoya à ſon conſeil qu'il appelle de la côſcience, où il fut reſpondu, que ſ'il auoient remis le Portugal entre les mains du Roy d'Espagne, comme luy appartenant, ils n'auoyent fait que ce que deuoient faire de bôs

*d'Espagne.*

& loyaux subiects: & en auroyent leur retri-  
bució & salaire au ciel. Mais s'ils l'auoient li-  
uré, croyâs qu'il ne luy appartient point pour  
l'oster à leur maistre, ils meritoient d'estre  
pendus comme traistres? voyla le salaire qui  
vous attédroit apres que nous auriez liurez à  
telles gens, ce que ne sommes pas deliberez  
de souffrir: Nous sçauons trop bien que les  
Espagnols & Castillans, & Bourguignons  
sont nos anciens & mortels ennemis, qui  
demandent de deux choses l'vne, ou de nous  
subiuguer, & rendre esclaves s'ils peuuent,  
pour ioindre l'Espagne, la France, & les pays  
bas tout en vn tenant: où s'ils ne peuuent  
comme à la verité les plus aduisez d'estre eux  
ne s'y attendét pas) pour le moins nous affoi-  
blir, & mettre bas, que iamais, ou de l'og tēps  
nous ne puissions nous releuer, & rebeker  
contre eux: Car le Roy d'Espagne qui est vn  
vieil regnard, sçait bié le tort qu'il nous tient  
vsurpant contre toute iustice, le Royaume  
de Naples, la duché de Milan, & le Comté de  
Roussilló qui nous appartiēent: il cognoist  
le naturel du François, qui ne sçauroit long  
temps demeurer en paix, sans attaquer ses voi-  
sins. Dequoy les Flamens ont fait vn prouer-  
be, qui dit que quand le François dort, le dia-  
ble le berse: D'ailleurs il voyoit ses estats se-  
parez, & quasi tous vsurpez par violēce, con-  
tre le gré des habitans qui luy sont affectio-  
nez. Il se voit vieil & caduq, & son fils ais-  
né peu vigoureux, & mal sain, & le reste de

*Le Catholicon*

la famille estre en deux filles, l'une desquelles il a mariee avec le Prince le plus ambitieux, & necessiteux de l'Europe : l'autre qui cherche party, & ne peut faillir d'en trouver vn grand: Si apres sa mort, qui ne peut plus guerres tarder, selon le cours de nature, ses estats se partagent, & que l'un de ses gendres attaque son fils, il sçait que les François ne dormiront pas, & resueilleront leurs vieilles pretensions. Fait il pas donc en Prince prudent, & preuoyant de nous affoiblir par nous mesmes, & nous mettre si au bas que nous ne luy puissions nuire, voire apres sa mort ? Aussi auez vous veu comment il s'est cõporté aux secours qu'ils nous a enuoyez : en papier la pluspart, & en esperance: dont l'attente nous a causé plus de mal que la venuë ne nous a fait de bien: ses doublons, & les hommes ne sont venus sinon apres auoir long temps tiré la langue, & que n'en pouuions plus, combien qu'il eust peu nous secourir beaucoup plustost : Il ne nous engraisse pas pour nous vèdre comme les bouchers, font leurs pourceaux : mais de peur que ne mourions trop tost nous voulant reseruer à plus grande ruine, il prolongue nostre languissante vie, d'un peu de panade qu'ils nous donne à lesche doigt, comme les geoliers nourrissent les criminels pour les reseruer à l'execution du supplice: Que sont deuenus tant de millions de doublons qu'il se van'e auoir despécé pour sauuer nostre estat : nous n'en voyons point

*d'Espagne.*

parmy le peuple : la pluspart sont entre les  
mains de nos aduersaires, où entre les vo-  
stres, messieurs les Princes, gouuerneurs, ca-  
pitaines, & predicateurs qui les tenez bié en-  
fermez en vos coffres : il n'a resté au peuple  
que des doubles rouges, auxquels nous auôs  
employez toutes nos chaudières, chaudières,  
coquemarts, peilles, chenets, & cuvettes, &  
y employerons nostre artillerie, & nos clo-  
ches, si nostre necessité dure encore peu de  
temps, les doublons, & les quadruplons de  
fin or du Perou, sont esuanouis, & ne se voiet  
pas plus : Cest sur quoy vn Poëte de nostre  
temps à fait vn quatrain fort gentil.

*Par toy superbe Espagne, & l'or de tes dou-  
blons*

*Toute la pauvre France insensé nous troublés  
Et si de tes doublons qui causent tant de trou-  
bles*

*Il ne nous reste rien à la fin que des doubles.  
Sur ce mesme subiect, vn autre honnesté  
homme n'a pas mal rencontré, quand il a dit,  
Les François simples par auant,  
Sont par doublons deuenus doubles:  
Et les doublons tourne en vent.*

*On bien en cuivre, & rouges doubles.*

De nous persuader mes-huy, que ce qu'en  
fait ce bon Prince, n'est que pour la conser-  
uation de la religion Catholique, & rié plus:  
Cela ne se peut nous sçauons trop qu'elle est  
son intentiô par les agents, & par les memo-  
ires : nous sçauons comment il a vescu, & trai-



*Le Catholicon*

cté cy devant avec les Huguenots des pays bas : Les articles de leurs accords sont imprimés & publiés de son autorité, par lesquelles, il leur permet l'exercice de leur religion : Et s'il ne tenoit qu'à cela, il y a long temps qu'il en a offert autant au Duc Maurice, & à Messieurs les estats, pour avoir paix avec eux : Il ne voudroit pas faire pis que son pere, que nous avons appris avoir accordé aux protestans d'Allemagne, & aux Lutheriens, ce qu'ils ont voulu, pourveu qu'ils le recogneussent pour Prince, & luy payassent ses droicts. S'ils ayment tant la religion Catholique, & haïssent ceux qui n'en sont point, comment peut-il endurer les Juifs, & les Marranes en ses pays : comment le peut-il accorder avec les Turcs, & les Mahumétans d'Afrique, desquels il achete la paix bien chèrement ? Il ne faut plus que les espions, les Jesuites Scopetins, nous viennent vendre ces coquilles de saint Jacques : le lieu est trop descouvert : Le Duc de Feria a fait voir ses memoires par degrez, & piece a piece : comme, il avoit apporté d'Afrique fertille en poisons, & venins, par le commandement de son maistre, vne boîte pleine de diverses drogues de diverses qualitez : L'une qui tuë tost, l'autre qui tuë tard, l'autre plus prompte en esté, l'autre, qui fait mieux son operation en hyver pour s'en servir en nostre endroit selon les occasions & occurences : ayant charge de nous en donner d'une, s'il nous trou-

ue dit.



d'Espagne.

ne disposez en telle humeur : & d'une autre, s'il nous trouue autrement: Deuant que nous eussions fait entendre que voulions entretenir la loy Salique, ( Loy qui depuis huit cens ans a maintenu le Royaume de France en sa force & virilité ) on no<sup>o</sup> parloit des rares vertus de ceste diuine Infante, pour la faire eslire heritiere de la couronne : Quand ils ont veu qu'on vouloit garder l'ancienne coustume des masles , on nous a offert de la donner à vn Prince qu'ilsirôs Roy: & là dessus les brigues estoient pour l'Archiduc Arnest, à qui elle est destinee femme: puis quand ils se sont aperceus que cét Arnest n'estoit point harnois qui nous fust duisant ils ont parlé d'un Prince de France, à qui on marieroit l'Infante, & les feroit-on Roys de France *in solidum* : Et pour tout cela sont trouuez memoires, & mandats à propos, signez de la main propre de *yo el Rè*: A quoy monsieur le Legat seruoit de courratier, pour faire valoir la marchandise. Car il n'est icy venu à autre fin : comme n'estant Cardinal que par la faueur du Roy d'Espagne, avec protestation de ruiner la France, ou la faire tomber en pieces: entre les mains de ceux qui l'ont fait ce qu'il est : & sçauons qu'il a vn bref special, pour assister à l'electiō d'un Roy de France : Ha monsieur le Legat, vous estes descouuert, le voile est leué : il n'y a plus de charmes, qui no<sup>o</sup> empeschét de voir cler : nostre necessité nous a osté la taye des yeux comme vostre ambition la met aux vo-

*Le Catholicon*

Itres : vous voyez assez cler en nostre ruine :  
mais vous ne voyez goutte en vostre deuoir de  
pasteur de l'Eglise : vous venez icipour tirer la  
laine d vn troupeau, & pour luy oster ses gras  
pasts : & ses herbages : vostre interest particu-  
lier vous aueugle, & trouuez bon que no<sup>r</sup> re-  
gardions au nostre : L'interest de vos maistres  
qui vous mettét en besongne comme vn iour-  
nalier à la tasche de la demolition d'vne mai-  
son est de s'agrâdir de nos pieces, & tenir en  
repos leurs seigneuries : le nostre est de nous  
mettre à couuert, & d'accorder nos differens :  
en ostât les folles vanitez que nous auez mi-  
ses en la teste, & faisant la paix : Nous voulôs  
sortir à quelque pris que ce soit, de ce mortel  
labirinthe : Il n'y a ni paradis bien tapissez &  
dorez, ni processions, ni confrairies, ni qua-  
rantaines, ni predications ordinaires, ou ex-  
traordinaires, qui nous donnent rien à man-  
ger. Les pardons stations, indulgences, brefs  
& bulles de Rome, sont toutes viandes creu-  
ses, qui ne rassasient que les cerueaux. Il n'y a  
ni Rodomontade d'Espagne, ni brauacherie  
Napolitaine, ni mutinerie Vvalonne, ni fort  
d'Anthonia, ni du temple, où citadelle, dont  
on nous menace, qui nous puisse empescher  
de desirer, & demander la paix. Nous n'aurôs  
plus peur que nos femmes & nos filles soiét  
violees, où desbauchecs par les gens de guer-  
re & celles que la necessité à destournees de  
l'honneur, se remettront au droit chemin. No<sup>r</sup>  
n'aurons plus ces sangsuës exacteurs, & ma

*d'Espagne.*

Letostiers: on osterà ces lourds impôts qu'on a inuenté à l'hostel de ville sur les meubles & marchandises libres, & sur les viures qui entrent aux bonnes villes, où il se commet mille abus & concussions, dont le profit ne reuiuent pas au public, mais à ceux qui manient les deniers, & s'en donnent par les iouës: Nous n'aurons plus de chenilles, qui succent & rongét les plus belles fleurs des iardins de la France & s'e peignét de diuerfes couleurs, & deuiennent en vn momét de petits vermis rampants contre terre, grands papillons volans painturez d'or, & d'azur: on retranchera le nombre effrené des Financiers, qui font leur propre des tailles du peuple, s'accommodent du plus net & plus clair denier, & du reste taillent & cousent à leur volonté, pour en distribuer seulement à ceux de qui ils esperent receuoir vne pareille: & inuentent mille termes elegants pour remonstrei la necessité des affaires, & pour refuser de faire courtoisie à vn homme d'honneur: Nous n'aurôs pl<sup>us</sup> tant de gouuerneurs qui font des Roitelets, & se vantent d'estre assez riches, quand ils ont vne toise de riuere à leur commandement: nous serons exépts de leurs tyrannies, & exactions: & ne serons plus suiets aux gardes, & sentinelles, où nous perdons la moitié de nostre temps, consommons nostre meilleur aage, & acquerons des catharres, & maladies qui ruinent nostre santé: Nous aurons vn Roy qui donnera ordre à tout, & re-

*Le Catholicon*

tiendra tous ces tyranneaux en crainte & en deuoir: qui chastiera les violens : punira les refracteres : exterminera les volleurs & pillards : retranchera les ailles aux ambitieux, fera rendre gorge à ces éponges, & larrons des deniers publiques, fera contenir vn chacun aux limites de sa charge, & conseruera tout le monde en repos & tranquillité. En fin nous voulons vn Roy pour auoir la paix: Mais nous ne voulons pas faire comme les grenouilles, qui s'ennuyans de leur Roy paisible, esleurent la Cicoigne qui les deuora toutes. Nous demandons vn Roy & chef naturel, non artificiel : vn Roy desia fait, & non à faire: & n'en voulons point prendre le conseil des Espagnols, nos ennemis inueterez, qui veulent estre nos tuteurs par force, & nous apprédre à croire en Dieu, & en la foy Chrestienne, en laquelle ils ne sont baptizez, & ne la cognoissent que depuis trois iours. Nous ne voulons pour conseillers & medecins ceux de Lorraine, qui de long temps béent après nostre mort. Le Roy que nous demandons est desia fait par la nature; nay au vray par terre des fleurs de lys de France : jetton droit & verdoyant du tige de S. Loys. Ceux qui parlent d'en faire vn autre se trompét, & ne scauroient en venir à bout, pour faire des sceptres & des couronnes, mais non pas des Roys pour les porter: on peut faire vne maison, mais non pas vn arbre, ou vn rameau verd: il faut que nature le produise par espace de



temps du suc, & de la mouelle de la terre, qui entretient le tige en sa feue & vigueur. On peut faire vne iambe de bois, vn bras de fer, & vn nez d'argent : mais non pas vne teste: aussi nous pouuons faire des Marefchaux à la douza ne, des Pairs, des Admiraux, & des Secretaires & Conseillers d'estat: mais de Roy: point: il faut que celuy seul nayffe de luy mesme, pour auoir vie, & valeur: Le borgne boit-cher pedant, des plus meschans, & scelerez vous confessera que s'œil, esmaillé d'or d'Espagne, ne voit rien : Aussi vn Roy electif & artificiel ne nous scauroit iamais voir, & feroit non seulement aueugle en nos affaires: mais sourd, insensible & immobile en nos plaintes. C'est pourquoy no<sup>s</sup> ne voulós ouyr parler ni d'Infante d'Espagne, que nous laissons à son pere: ni d'Archiduc d'Arnett: que nous recommandons aux Turcs, & au Duc Maurice: ni du Duc de Lorraine, où de son fils aîné que nous lairrons manier au Duc de Bouilló, & à ceux de Strasbourg. Ni du Duc de Sauoye, que nous abandonnons au Sieur d'Ediguieres, qui ne luy aide gueres: celuy-là se doit contenter de nous auoir soubstraiçt le marquizat de Saluces par fraude & trahison, en danger de le rendre bien tost au double, si nous auons vn peu de temps pour prendre haleine : Cependant il aura ce plaisir de ce dire Roy de Chippre, & tirer son antiquité de Saxe. Mais la France n'est pas vn morceau pour sa bouche, quelque bipedale qu'elle soit, non



plus q̄ Geneue, Genes, Final, Monaco, & les Figons, qui luy ont tousiours fait la figue: Au demeurant il fera bonne bossé, avec la desdaigneuse altesse de son Infante, qui seruira plus à le ruiner de despense, & de fait sumptueux, qu'à l'agrandir. Quand au Duc de Nemours, pour qui le Barô de Teneçay a des memoires par lesquels il le veut rēdre preferable au Duc de Guise, nous luy cōseillôs pour le bié qu'il nous a fait de nous auoir aguerris, & faits vaillans a bonnes enseignes, s'il est bié la qu'il s'y tienne, & se garder de la beste. Je ne diray rien du Duc de Guise: Monsieur le Lieutenant parlera pour luy, & le recommandera a sa sœur, tant y a que tous ces brigans, ou brigueurs de la Royauté, ne sont ni propres, ni suffisans, a nostre goust, pour nous commander: Aussi que nous voulôs obseruer nos loix, & coustumes anciennes: nous ne voulons point en tout de Roy electif, ni part sort, cōme les relateurs de Hierusalem, qui esleurent pour sacrificeur vn villageois, nommé Pharias, contre les bonnes mœurs, & cōtre l'ancienne loy de Iudee. En vn mot, nous voulôs que monsieur le Lieutenant sçache que nous recognoissons pour nostre vray Roy, legitime, naturel, & souuerain seigneur, Henry de Bourbon, ci deuât Roy de Nauarre: C'est luy seul par mille bonnes raisons que nous recognoissons estre capable de soustenir l'Estat de France, & la grandeur de la reputation des François: luy seul qui peut nous releuer de no-

*d'Espagne.*

stre cheute: qui peut remettre la couronne en sa premiere splendeur, & nous doner la paix. C'est luy seul, & non autre, qui peut comme vn Hercules naturel-nay en Gaule, deffaire ces monstres hideux qui rendent toute la France horrible & espouuëtable a ses propres enfans: c'est luy seul & non autre qui exterminera ces petits demis Roys de Bretagne, de Languedoc, de Prouence, de Lyonnois, de Bourgogne, & de Champagne: Qui dissipera ces Ducs de Normandie, de Berry & Sologne, de Reims, & de Soiffôs: tous ces fantosmes, s'euanoüir ont au lustre de sa presence, quand il se sera sis au throne de ses majeurs, & en son liët de iustice qui l'attéd en son Palais Royal. Vous n'avez rien, mesieurs, vous n'avez rien a present monsieur le Lieutenant, que luy puiffiez obiecter: le pretexte de l'oncle au neueu vous est oité par la mort de monsieur le Cardinal son oncle. Je ne veux parler de luy, ni par flaterie, ni en medifance: l'vn sent l'eclatue, l'autre tient du seditieux: mais ie puis dire avec verité, comme vous mesmes, & tous ceux qui hantent le monde ne nieront pas, que de tous les Princes que la France nous montre marquez a la fleur de lys, & qui touchent la Couronne voire de ceux qui desirent en approcher, il n'y en a point qui merite tant que luy, ni qui ait tant de vertus Royales, ni tant d'aduantages sur le commun des hommes: Je ne veux pas dire les defauts des autres: mais s'ils estoïët tous proposez sur le ta-

*Le Catholicon*

bleu de l'election, il se trouueroit de beaucoup le plus capable, & le plus digne d'estre esleu. Vne chose luy manque, que ie diroy bié à l'aureille de quelqu'un, si ie vouloy : Ie ne veux pas dire la religion differente de la nostre q̄ luy reprochez tāt : Car nous sçauōs de bonne part que Dieu luy a touché le cœur, & veut estre enseigné, & desia s'accōmode à l'instruction: mesme a fait porter paroles au saint Pere de sa prochaine conuersion: dequoy ie fay estat, comme si ie l'auoy veü: tant il s'est tousiours monstré respectueux en ses promesses, & religieux gardien de ses paroles: mais quand ainsi seroit qu'il persisteroit en son opinion, pour cela le faudroit-il priuer de son droit legitime de succession à la couronne? Quelles loix, quels chapitres, quelle euangile nous enseigne de deposseder les hōmes de leurs biens, & les Roys de leurs Royaumes pour la diuersité de religion? l'excommunication ne s'estend que sur les ames, & nō sur le corps, & les fortunes: Innocent troisieme exaltant le plus superbemēt qu'il peut la puissance Papale, dit que comme Dieu a fait deux grands luminaires au ciel, sçauoir est le Soleil pour le iour, & la Lune pour la nuit: ainsi en a-il fait deux en l'Eglise: l'un pour les ames, qui est le Pape, qu'il accompare au Soleil, & l'autre pour les corps, qui est le Roy: ce sont les corps qui iouissent des biens, & non pas les ames: l'excommunication donc ne les peut oster: car elle n'est qu'un medicament pour

*d'Espagne.*

l'ame, pour la guérir, & ramener à santé, & non pas pour la tuer: elle n'est pas pour damner, mais pour faire peur de damnation. Aucuns disent qu'õ n'en auroit point de peur si on n'õstoit quelque commodité sensiole de la vie, comme les biens, & la conuersation avec les hommes: Mais si cela auoit lieu, il faudroit en excommuniant vn yurongne, luy deffendre le vin, & aux paillards leur oster leurs femmes, & aux ladres leur deffendre de se galer. Sainct Paul aux Corinthiens deffend de boire & manger avec les fornicateurs, mesdisans, yurongnes, larrons: mais il ne dit pas qu'il leur faille oster leurs biens, pour leur faire peur & les faire retirer de leurs vices. Je demanderoiy volontiers, quand on auroit osté le Royaume, & la couronne à vn Roy pour estre excõunié, ou heretique, encor faudroit-il en eslire, & en mettre vn autre en sa place: car il ne seroit pas raisonnable que le peuple demeurast sãs Roy cõme vous autres mesieurs y voulez dignement pourueoir: mais s'il aduenoit par apres q'ce Roy excomunié & destitué de ses estats, reuint à resipiscence se conuertist à la vrae foy, & obtint son absolutiõ du mesme Pape, ou d'vn autre subsequant: comme ils sont assez costumiers de reuoquer & deffaire ce que leur predecesseur a fait: comment est-ce que ce pauvre Roy despoüillé rentrerõit en son Royaume: Ceux qui en seroient saisis, & trienaux possesseurs à iuste tiltre, s'en voudroient



Le Catholicon

ils demettre , & luy quitter les places fortes, & les thresors & les armées : Ce s'ot contes de vieilles : il n'y a raison , ni apparence de raison en tout cela : Il y a long tēps que l'axiome est arresté, que les Papes n'ont aucun pouuoir de iuger des Royaumes tēporels. Et y a long temps que sainct Bernard a dit, *Stetisse quidem iudicandos apostolos lego se lisse iudicantes numqua lego.* Les Apostres ont souuēt comparu tout debout deuant les iuges pour estre iugez : mais iamais ne se sont sis en chaire pour iuger. Aussi tcauons nous bien, que beaucoup d'Empereurs Arriens, venās a l'Empire par succession. ou par adoption, n'ot pas esté reiectes ny repoussez de leurs peuples & subiects orthodoxes : ains ont esté receuz & admis en l'autorité Imperiale sans tumulte ne feditiō. Et les Chrestiens ont tousiours eu ceste maxime, cōme vne marque perpetuelle de leur religion, d'obeyr aux Roys & Empereurs tels qu'il plaisoit a Dieu leur donner , fussent ils Arriens, ou Payens : se formans a l'exemple de Iesus Christ, qui voulust obeyr aux loix de l'Empereur Tybere : imitant saint Paul, & saint Pierre qui obeyrent a Neron, & par expres ont commandé en leurs epiltres d'obēir aux Roys & Princes : par ce que toute puissāce souueraine est de Dieu , & represente l'image de Dieu. C'est bien loing de nos mutins qui les chassent & les massacret : Et vous mōsieur le Legat qui voulez en faire perdre la race : Vrayement si nous n'auions plus de sang



*d'Espagne.*

de ceste noble famille Royale, ou que nous  
fussions en vn Royaume d'election, comme  
en Polongne, ou en Hôgrie, ie ne dy pas qu'il  
n'y fallust entendre, mais ayàs de téps imme-  
morial ceste louïable loy, qui est la premiere,  
& la plus ancienne loy de nature, que le fils  
succede au pere, & les proches parens en  
degré de côsanguinité a leurs plus proches de  
la mesme ligne & famille: & ayans vn si bra-  
ue & genereux Prince en ce degré, sans con-  
trouuerse ny dispute, qu'il ne soit le vray natu-  
rel & legitime heritier, & plus habile a succe-  
der a la couronne. Il n'y a plus lieu d'electiô,  
& faut accepter avec ioye & alegresse ce grand  
Roy que Dieu nous enuoue, qui n'a que faire  
de nostre ayde pour l'estre & qui l'est de sa sur-  
nous, & le sera encor malgré nous, si nous l'é-  
voulons empescher. Or me suis-je destourné  
de mon propos pour dire quelque chose sur  
ce qu'on luy obiecte de la religion: mais ce  
n'est pas ce que ie vouloy dire qui luy maque  
& qui retarde beaucoup l'auancement de ses  
affaires: Aussi n'est-ce pas ce que les predica-  
teurs, & pendicateurs luy reprochent de l'a-  
mour des fêmes: ie m'asseure que la pluspart  
de la compagnie, & principalement monsieur  
le Lieutenant, ne luy scauroit faire ce repro-  
che sans rougir. Car à la verité, ce n'est pas  
imperfection qui puisse empescher les actes  
de vertu: mais au contraire iamais braue  
guerrier ne fut, qui n'aymast les dames, &  
qui n'aimast acquerir de l'honneur, pour se

*LeCatholicon*

faire aymer d'elles : c'est pourquoy Platon souhaitoit auoir vne armee toute compoſee de gens amoureux qui ſeroient inuincibles, & ſeroient mille beaux exploicts d'armes, pour plaire à leurs maistresses : auſſi poëtes bons naturalistes & grands maistres en la ſcience des mœurs, ont touſiours fait le Dieu Mars, amy de Venus. Qu'on cōſidere tous les grāds capitaines & monarques du monde, il ne s'ẽ trouuera gueres de ſobres en ce meſtier. L'ẽpereur Titus qui eſt propoſẽ pour le plus vertueux, le plus ſage, & le plus doux Prince qui ayt iamais portẽ ſceptre, n'aimoit il pas eſperdumẽt la Royne Berenice, ſans que iamais toutesfois ſes amours luy fiſſẽt preiudice, ou apportãſſent retardement à ſes affaires? il faut conceder aux princes quelques relaches, & recreations d'eſprit, apres qu'ils ont trauaillẽ aux affaires ſerieuſes, qui importent noſtre repos, & apres qu'ils ſe ſont laſſez aux grandes actiõs des ſieges des batailles, des caſtramentatiõs, & logis de leurs armees: il n'eſt poſſible que l'ame ſoit touſiours tenduẽ en ces graues & peſantes adminiſtratiõs, ſans quelque rafraichiffemẽt, & diuiſion à autres penſees pl<sup>o</sup> agréables & pl<sup>o</sup> douces. C'eſt pourquoy le ſage meſme à dit. *Bonum eſt pau xilium amare: inſane non eſt Bonum.*

*Aymer vn peu ſagement, n'eſt que bien:*

*Mais trop aymer follement ne vaut rien.*

Il ne fut iamais que les peuples ne fiſſent d'iniques iugemens des actions des Princes,

*d'Espagne.*

& ne se meslassent tousiours d'interpreter finistrement leurs mœurs & complexions: ne se souuenans pas, qu'il n'y a vn seul de ceux qui en iugent, qui ne face pis, & qui n'ayt beaucoup de plus grandes imperfections: Les Roys pour estre Roys ne laissent pas d'estre hommes subiets aux mesmes passions que leurs subiets: mais il faut confesser que cestuy cy en a moins de vicieuses, qu'aucun de ceux qui ont passé deuant luy: Et s'il a quelque inclination à aymer les choses belles, il n'ayme que les parfaites & les excellentes, comme il est excellent, en iugement & à cognoistre le pris & valeur de toutes choses: encor ce petit destour ou passetemps de plaisir, luy est comme vn exercice de vertu dont il vse le plus souuent, au lieu de la chasse & de la venerie, sans laisser parmy ses esbats de recognoistre les aduenües de son armee, de remarquer l'assiete des villes & places où il passe: La nature des personnes qu'il rencontre, des lieux & des contrees qu'il trauerse: & curieusement aprend les passages & guez des riuieres, & retient les distances des villes & bourgades, marque en quels endroits il seroit comode de camper son armee, quand elle y passeroit, tousiours s'enquiert & aprend quelque chose du fait de ses ennemis, n'ayant iamais entrepris de tels voyages qu'il n'ayt eu en main vne ou deux entreprises sur quelques places rebelles. Mais il auroit beau estre continent sage, temperé, morme &

*Le Catholicon*

graue & retiré, vous y trouueriez tousiours que redire : Quand on s'est mis vne fois à hayr vn homme, on interprete en mauuais sens tout ce qu'il fait, & le bien mesme qu'il fait : Il auroit beau s'abstenir de tous plaisirs, & ne faire que prier Dieu, & donner l'aumosne, vous diriez que ce sei oit faincte & hypocrisie, s'il est permis de iuger ainsi des actions d'autruy contre la deffence expresse que Dieu en fait, pourquoy ne me fera il permis de croire que tous ces marranes qui font tant de signes de croix, & se frapent la poitrine avec tant d'esclat à la messe, sont neantmoins Iuifs & Mahumetans: quelque bonne mine qu'ils facent? Pourquoy ne diray-ie que monsieur de Lion est Lutherien comme il a esté autrefois, encor qu'il face sa prunelle toute blanche en la tournant aux voultres de l'Eglise, quand il adore ou feint d'adorer le Crucifix? Mais: ce n'est pas d'à ceste heure qu'on parle ainsi des Roys, & y a vn vieil prouerbe qui dit que Iupiter mesmes quand il pleut: ne plaît pas à tous les mortels: les vns veulét de la pluye pour leurs choux, & les autres le craignét pour leurs meissions, Orce que i'ay differé à dire, qui me semble luy mâquer, est ce dequoy vous & moy luy sommes plus tenus: c'est qu'il nous traite trop doucement, & nous choye. La cleméce en laquelle il est superlatif, & excessif, est vne vertu fort louable, & qui porte en fin de grands fruits & de lógue duree, encor qu'ils soient longs, &



d'Espagne.

tardifs à venir. Mais il n'appartiét, qu'aux victorieux d'en vser & à ceux qui n'ont pl<sup>9</sup> personne qui leur resiste : aucuns l'atribuent à couardise & timidité, plustost qu'à vaillance & generosité : Car il semble que ceux qui espargent leurs ennemis desirent qu'on leur en face autant, & demander reuâche de leur gracieuseté : ou craignent que s'ils se montrent feueres, ils ne puissent auoir raison de leurs autres ennemis qui restét à dompter. Aucuns l'appellent imbecillité de cœur tout à fait: estimâs que celuy qui n'ose vser de son droit, n'est pas encor assure de vaincre, & craint au cunement d'estre vaincu : mais les Philosophes qui ont traité de ceste matiere à plein fond, n'ont pas attribué a vertu, quand ceux qui entreprenans de troubler vn estat se sont montrez gracieux & courtois du commencement de leurs executions : comme la douceur dont vsoit Cæsar enuers les citoyens & gens-d'armes Romains deuant qu'il fust victorieux, ce n'estoit pas clemence, ains flaterie, & courtoisie ambitieuse, par laquelle il vouloit se rendre agreable au peuple, & attirer vn chacun a son party. & c'est ce q dit ce grand maistre d'Estat, *Imperium occupantibus utiles clementia, fama* : a ceux qui enuahissent vn Royaume contre droit, comme a vous monsieur le Lieutenant, la reputation d'estre doux & gracieux sert de beaucoup: mais ce fut clemence, quâd apres auoir vaincu Pompee, & defait tout ce qui luy pouuoit resister il vint



*Le Catholicon*

à Rome sans triomphe, & pardonna à tous les capitaux ennemis, les remettans tous en leurs biens honneurs, & dignitez: dequoy toutesfois tres-mal luy en prit: car ceux à qui il auoit pardonné, & fait plus de gracieuseté, furent ceux qui le trahirent & massacrerent miserablement. Il y a donc difference entre clemence & douceur. La douceur tombe ordinairement aux femmes, & aux hommes de petit courage: mais la clemence n'est qu'en celuy qui est maistre absolu, & qui fait du bien, quand il peut faire tout mal. Concluons donc que nostre Roy deuroit reseruer à vser de sa clemence, quand il nous auroit tous en sa puissance. C'est inclemence, voire cruauté, dit Ciceron, de pardonner à ceux qui meritent mourir: & iamais les guerres ciuiles ne prendront fin, si nous voulons continuer à estre gracieux où la teuerité de iustice est necessaire. La malice des rebelles s'opiniastre, & s'endurcit par la douceur dont on vse enuers eux: parce qu'ils pensent qu'on n'ose les irriter, ny les mettre à pis faire: Je ne fay doute s'il eust chastié chaudemét tous ceux qui sont tombez entre ses mains depuis ses troubles, que ne fussions à present tous sous son obeyssance. Mais puis qu'il a pleu à Dieu luy former le naturel ainsi doux gracieux & bening, esperons encore mieux de luy quád il nous verra prosterner à ses pieds, luy offrir nos vies & nos biens, & luy demander pardon de nos fautes passées, veu que

*d'Espagne.*

nous prenant armez pour luy resister, & pour l'assaillir, il nous reçoit à mercy, & nous laisse la vie & tout ce que luy demandons. Allons, allons donc, mes amis, tous d'une voix luy demander la paix : il n'y a paix si inique qui ne vaille mieux qu'une tres-iuste guerre. *O quam speciosi pedes nuntiantium pacem: nuntiantium bona & salutem*, dit Isaye. O que ceux ont les pieds beaux, qui portent la paix, & annoncent le salut & la sauueté du peuple. Que tardons nous à chasser ces facheux hostes, maupiteux bourgeois, insolens animaux qui deuorent nostre substance, & nos biens comme sauterelles ? ne sommes nous point las de fournir à luxure, & aux voluptez de ces harpies ? Allons monsieur le Legat, retournez à Rome, & emmenez avecques vous vostre porteur de rogatons le Cardinal de Pelvé nous auons plus de besoin de pains benists, que de grains benists. Allons messieurs les agents & Ambassadeurs d'Espagne, nous sommes las de vous seruir de gladiateurs à outrance : & nous entretuër pour vous donner du plaisir. Allons messieurs de Lorraine avec vostre hardelle de princes, nous vous tenons pour fantosme de protection, sangsuës du sang des princes de France: hapelourdes, fustes éuantees, reliques de saints qui n'auent ne force ne vertu, & que Mōsieur le Lieutenant ne pense pas nous empescher ou retarder de ses menaces : nous luy disons haut & clair, & à vous tous messieurs les cousins &

*Le Catholicon*

alliez, que nous sommes François, & allons avec les François exposer nostre vie, & ce qui nous reste de bien pour assister nostre Roy, nostre bon Roy, nostre vray Roy, qui vous rangera aussi bien tost à la mesme recognoissance, par force ou par vn bon conseil, que Dieu vous inspirera, si en estes dignes. Je sçay bien qu'au partir d'icy vous m'enuoyerez vn billet, ou peut estre m'enuoyerez à la Bastille, ou me ferez assaciner, comme auez fait Sacre-More, saint Maigrin, & plusieurs autres: mais ie tiendray à partie de grace si me faites promptement mourir, plustost que me laisser languir plus long temps en ces angoisseuses misereres: Et auant que mourir ie concluray ma trop lōgue par vn epilogue poëtique que ie vous adresse, tel que ie l'ay de long temps composé.

*Messieurs les princes Lorrains*

*Vous estes foibles de reins*

*Pour la Couronne debatre:*

*Vous vous faites tousiours battre.*

*Vous estes vaillans & forts,*

*Mais vains sont tous vos efforts:*

*Nulle force ne s'esgalle*

*A la puissance royale.*

*Aussi n'est-ce pas raison*

*Qu'aux enfans de la maison*

*Les seruiteurs menent guerre*

*Pour les chasser de leur terre.*

*Grande folie entreprend*

*Qui à son maistre se rend:*

d'Espagne.

Dieu encontre les rebelles  
Soustient des Roys les querelles.

Quittez donc au Navarrois  
La Couronne des nos Roys,  
A tort par vous pretendue  
Aussi bien l'a- vous fondue.

Si quelque droit y auiez,  
Fondre vous ne la deniez:  
Ou bien il faut qu'on vous donne  
Tiltre des Roys sans couronne.

Nos Roys du ciel ordonnez  
Naissent tousiours couronnez:  
Le vray François ne se range.  
A Roy ny à prince estrange.

Tous vilains, ou la pluspart  
Vous ont fait leur chef de part:  
Ce qui vous suit de noblesse,  
Est de ceux que le bast blesse.

Mais le vray Roy des François  
Pour sa garde d'Escossois  
N'est assisté que de princes,  
Et des Barons des prouinces.

Allons doncques, mes amis  
Allons tous à Saint Denis  
Deuotement recognoistre  
Ce grand Roy pour nostre maistre.

Allons tous dru & espais  
Pour luy demander la paix:  
Nous irons iusqu'à sa table,  
Tant il est prince accostable.

Tous les princes de Bourbon  
Ont tousiours cela de bon,

Le Catholicon

D'estre doux & debonnaires,  
Et courageux aux affaires.

Mais vous princes estrangers,  
Qui nous menez aux dangers,

Et nous laissez de fumee

Tenans la guerre allumee.

Retournez en vos pays:

Trop au nostre estes hays:

Et comtez de Charlemagne

Aux lifiers d'Allemagne.

Prouvez y par vos Romans

Que venez des Carlomans

Les bonnes gens apres boire

Quelque chose en pourront croire.

Ceste harangue acheuee, qui fut ouye avec vn grand silence & attention, beaucoup de gens demeurent bien camus & estonnez, & ne fut de long temps apres tousi ne craché, ni fait aucun bruit, comme si les auditeurs eussent esté frappez d'un coup du ciel, ou assoupis en vn profond endormissement d'esprit iusques à ce que vn Espagnol *des mutinados* se leua le premier, & dit tout haut, *Todos los mataremos. flos vellachos*. Ce disant partit de sa place, sans faire aucune reuerce à personne. Là dessus chacun se voulut leuer pour s'en aller. Mais l'Admiral de Villars, moderne Roy d'Iuetot, supplia les estats au nom des Cantons Catholiques, & des Lignes des Catillonnois, Lipans, Gaultiers, & autres comunautez zelees, de ne faire point la paix avec les heretiques, qu'il ne demeurast admi-



*d'Espagne.*

ral du Ponent, & du Leuant, & ne fust paye de ses fraiz avec retention de ces benefices. Aussi de ne point eslire de Roy qui ne fut bon compaignon, & ami des cantons : Puis se leuerent Ribaut & Roland, qui supplierent l'assemblee de casser, & abroger la loy de *repetundis*: pour ce que ceste loy n'estoit ny Catholique, ny fondamentale. Ce fait chacun se leua, avec vne merueilleuse taciturnité: & en sortant le malsier aduertissoit à la porte de retourner au conseil à deux heures de releeue: A quoy, moy qui parle, ne voulu faillir, pour le desir que i'auoy de voir les choses rares & singulieres, & les ceremonies qui s'y feroient, afin d'en aduertir mon maistre & les Princes d'Italie qui attendent avec beaucoup de desir quelle sera la procedure, & l'issue de ces fameux estats tenus contre tout ordre & façon de faire accoustumee en France. Je reuins donc apres disner, d'assez bonne heure au Louure, & me presentant pour entrer en la salle haute, comme i'auoy fait au matin, l'huyfsier me refusa, par ce qu'il vit que ie n'estoy marqué à l'L, & n'auoy point de mereau, comme i'en vy plusieurs qui entrerent, beaucoup plus mal en poinct, & plus deschirez que moy: dont ie receu vn peu de desplaisir: Car entre autres i'y vy receuoir des bouchers plus de trois, des tauerriers, porteurs d'estan, sergents, & escorcheurs, que ie n'coñoissoy qui deuoient auoir voix en l'eslection: Toutes fois ma curiosité me fit

*Le Catholicon*

passer mon desdain , & pour sçauoir si les Princes & Princeesses sans queuë entreroient en la mesme ceremonie qu'au matin , ie voulu attendre leur veuë , & en attendant , me my a regarder des tableaux de plate peinture, qui estoient estallez sur les degrez del'escalier : Ie ne sçay s'ils y auoient esté mis expres pour parer le lieu , ou pour les vendre: Mais ie puis dire que ie pry vn merueilleux plaisir a les contempler l'un apres l'autre: car la main de l'ouurier en estoit excellentë, & la besongne fort nette, & nayfue, pleine d'Enigmes de diuers sens qui faisoyent tendre tous les esprits a deuiner dessus.

Le premier sur lequel ie iettay l'oeil, estoit la figure d'un geant, ayant les deux pieds sur vne rouë mal graissée, dont les gèces estoient toutes tortuës: & au dessus de sa teste , a vn pied & demy ou environ, y auoit vne couronne de fin or figuré, sans pierreries , par ce que monsieur de Nemours les auoit mangées, & apres d'icelle vn sceptre Royal vn peu rongé de souris, & vne espee de iustice rotillée, par faute d'estre portée & mise en vsage: A quoy ledit geant tendoit les bras tant qu'il pouuoit , & se haussoit sur les pieds si aduantageusement, qu'il n'appuyoit sur la rouë que du bout des artils, neantmoins n'y pouuoit ioindre , par ce qu'il y auoit tout plein de villes , & de bourgs, bons & gros entre deux : & a la main droite y auoit vn bras couronné, qui avec vne housine de fer luy

*d'Espagne.*

donnoit sur les doigts. Soubz ceste rouë paroissoit comme dessous celle de Sainte Catherine, vn monstre a trois testes feminines, qui auoient leurs noms escrits sortans de leurs bouches, *Ambition, rebellion, feinte religion.* Je ne sçauoy de prime face que cela pouuoit signifier, mais ayant regardé de plus pres le visage dudit geant, il me sembla qu'il ressembloit a celuy de monsieur le Lieutenant & auoit la teste & le vètre aussi gros que luy, avec tous les lineamens des yeux, du nez, & de la barbe, fors qu'il n'auoit point la pelade de Rouen, & au dessous estoient escrits ces quatre vers, qui me firent entendre tout le mystere.

*Geant tu as beau te hausser  
Et t'esleuer sur ceste rouë  
Si Dieu nous vouloit exancer  
Aux corbeaux tu serois la mouë.*

A la suite de ce tableau y en auoit vn autre de non moindre artifice & plaisir, où estoit peinct vn docteur fourré d'hermines, avec vn capuchon rouge, portant la face passe, maigre, & bazanee, qui tiroit au plus pres au reuerédis me *Inigo de Mendosse*, lequel s'ébloit s'ahurter courageusement, & combattre par ses doigts avec grande cõtention vehemence cõtre vne vieille dame habillée a l'antique Gauloise, qui auoit vn parchemin fort ancié, escrit en lettres d'or, qu'elle tenoit a deux mains, comme si elle eult craint que le docteur luy voulust arracher : & en ce parche-

*Le Catholicon*

min estoit escrit.

*Gallorum imperij successor masculus esto.*

Du costé de ladite dame y auoit comme vne armee en bataille qui auoit les armes prestes pour sa deffence, & à son costé vne espece de Cour de Parlement, qui sembloit faire du mieux qu'elle pouuoit, encore qu'elle fust aucunemét mal alsisé dun costé. Et dudit docteur se presentoit vn escadron de Sorbonistes, Iesuites & Fueillans, fueilletans leurs liures & breuiaires, pour trouuer le Royaume des grenouilles, ayans chacun d'eux vn fuseau en la main. Il y auoit en vne nuë, au dessus la figure d'un Roy, tout environné de couronnes çà & là parfemees, & entre ces bras vne fille surannee qui sembloit regarder le combat de la dame, & du docteur pour en attendre l'issuë, & d'une main entre le soleil couchant & le midy respandoit vne petite pluy e d'or qui tomboit parmy ces docteurs, aucuns desquels s'amuloient à la ramasser, & les autres en auoyent desjà leurs capuchons remplis: Je me doutay bien que ce pourtraict vouloit repreienter la loy Salique, combatuë par *Dom inigo de mandosse*, avec sa harangue faite & aportée d'Espagne: Et que le Roy caché en la nuë estoit le Roy d'Espagne, qui semoit ses doublons sur les docteurs, pour donner de l'exercice.

Pen vy vn autre de l'autre costé de l'escalier qui estoit plus grand & large que les premies & messé de plusieurs diuerfes & plaisantes droleries



*d'Espagne*

droleries qui me fit tourner pour le voir : par ce qu'au dessus estoit escrit : *Description de l'isle du Rua*, augmentee de nouveau depuis le temps de Rabelais. Au milieu estoit vne dame coiffée en vesue de plusieurs maris morts & viuans, qui auoit entre deux selles le cul à terre, & autour d'elle y auoit force gens d'Eglise, moines, iacobins, & Iesuites, les vns luy apportans des paquets sellez & bridez, & aux autres elle en donnoit de mesme: les autres qui estoient habillez comme curez de grosses paroisses, auoient des soufflets d'orgues, dont il souffloient au cul de plusieurs manans, qui se laissoient emporter au vent, D'autres se tenoient tout debout la gueule-bee & ouuerte, & lesdits curez leur souffloient en la bouche & les nourrissoient de vent, comme d'une viande celeste, propre à guerir les gouteux, graueleurs, & cacochimes: On voioit au dessous de ladite figure, comme vne place publique, representant les haies, ou la place maubert de Paris, où au lieu de pain, & viande, on exposoit en vente des balons, coüilles de belier bien enflés & grosses vesies de pourceau, dont on trafiquoit au marché, & se reuendoient de main en main à bon compte: Il y auoit aussi vne autre viande en papier, dont on faisoit grand cas, & n'en auoit pas qui vouloit, que des reuendeurs portoient par les ruës, & les crioient nouvelles, nouvelles, comme on crie la mort aux rats & aux souris: ladite dame en fournissoit les contre-



*Le Catholicon*

porteurs: car elles luy sortoient de deffous sa cote en abôdâdce: & y auoit du plaisir à veoir les diuerfes grimaces de ceux qui luy fouilloient sous la queuë, pour en goûter: le reste du paylage dudit tableau estoit de moulins à vent, tournans à vuide, & de giroüetes en l'air avec plusieurs coqs d'Eglise, Et aux quatre coings y auoit les quatre vës fendus en double, dont il sembloit que le Surouett iust le plus gros, & souffloit le plus fort, & enuoyoit les nuës du costé du Nort-d'est. Audessous dudit tableau estoit escrit ce quatrain.

*Icy sont les terres nouuelles,*

*Où la Royne se paist de vent.*

*Qui voudra sçauoir des nouuelles,*

*Mettez le nez sous son deuant.*

Pendant que ie me rauissoy en la contemplatiõ de ce troisième tableau, & au parauant que i'eusse ietté la veuë sur les autres qui diuinoient, les Princeesses susdites passerent, & i'adlut que ie courusse apres pour entrer à leur suite: mais par ce que la presse n'estoit pas grande, l'huysier qui m'auoit desia poussé, me remarqua, & repõta plus rudement qu'à la premiere fois qui me fit prendre resolution de me retirer, & laisser la les estats bien clos & fermez: Cela fut la premiere session, où i'entendy sur le soir, que on auoit mis en deliberatiõ de quel bois on le chauferoit le Karelme iuyuant, & sur quel pied l'Vnion marcheroit, l'ay ausi sçeu depuis, que le resultat du cõeil portoit qu'on feroit plusieurs

*d'Espagne.*

karésniés en l'an, avec frequentes indictions de ieufnes doubles, qui le tourneroient en cotinués, comme les doubles tierces: on y fit aussi des deffences de vendre des dents de couleur apres Pasques, par ce que les enfans s'en ioüoyent auparauant, qui estoit de mauuais exemple: on deffendit aussi les ieux de Bourgongne, & les quilles de maistre Ieau Rozeau. Pareillement fut aux femmes enioinct de porter de gros culz, & d'enger en toute seureté sous iceux sans craindre le babillard des sages femmes. On murmura aussi que les carosles seroient centurées, & les muletz bânés de Paris: Aussi fut il aduilé de conuertir l'hostel de Bourgogne en vn college de Iesuites, qui auoyent besoin de recreation, pour la grande quantite de sang, dont ils estoient boursoufflez, & leur falloit vn chirurgie pour les phlebotomizer. Plusieurs autres saintes & louables ordonnâces furent faites d'entree de ieu, dont on promet me donner la liste: mais sur toutes choses, on exaltoit le labeur de monsieur de Lyon, qui forgeoit vne loy fondamétale par laquelle seroit porté que qui conques dedans Paris, où en ville bridee de l'Vnion, parleroit de paix de vingt ans, ou demanderoit le commerce libre, & regretteroit le bô temps passé seroit enuoyé en exil a Soissons comme heretique, & Mahette, où payeroit a la bourle de l'Vnion certaine quantité de dales, pour l'entretènement des docteurs. Quelques vns mirent en auant que

*Le Catholicon*

si le Roy de Nauarre se faisoit Catholique, il faloit que monsieur le Lieutenant se fit Huguenot, & que son feu frere l'auoit bien voulu estre, si on l'y eust voulu receuoir. Quant à l'election d'un Roy tout neuf, on dit quelle fut mise sur le bureau, mais que ce ne fut sans dispute: parce que les vns proposoient qu'il valloit mieux entrer en republiques, comme les anciens Gaulois: les autres demandoient la democratie anarchique: les autres l'origarchie Athenienne: Aucuns parlerent d'un distateur perpetuel, & de consuls annaux: qui fut cause que pour la diuersité des opinions, on n'en peut rien resoudre: Toutesfois il y a quelque apparence qu'ils parlerent d'auoir un Roy: Car un nommé Treplu vigneron de Sureines, soustint fort & ferme, que le Roy estoit l'astre & le vray Soleil qui auoit depuis si long temps regi & esclaire la France, & icelle nourrie, fomentee, & sustantee de sa chaleur: Et que si quelquefois le Soleil suruenant apres la gelee de la nuit, faisoit geler les vignes, il ne s'ensuiuoit pas qu'il fallust cracher contre luy, & ne s'en seruir plus, ni pour cela laisser de boire chopine, quoy que le vin fust cher. Voilà à peu pres ce que ie peu apprendre, & que ie puis rapporter de ce qui se passa aux Estats de Paris, desquels toutesfois on s'attend qu'il sortira des esclats espoüuentables: car on dit que Roys & Papes s'en mesleront, & que le Primat de Lyon ne dort ni iour ni nuict, pour esclorre un es-

*d'Espagne.*

crit qui fera poser les armes à tout le monde,  
& contraindre tous les Maheutres des s'en-  
fuir en Angleterre ou par de là. Nous verrons  
en peu de temps que sera. Dieu sur tout. *Re-  
liqua autem sermonum & uniuersa que facta  
sunt, nonne hæc scripta sunt in libro sermonum  
dierum regum Iuda?* Pendant lesdits Estats,  
il se fit quelques petits vers Latins & Fran-  
çois, qui couroient les ruës, dont j'ay fait un  
recueil, pour les faire voir aux Italiens qui  
en sont curieux.

# EPISTRE DV

SIEVR D'ENGOVLEVENT  
A VN SIEN AMY. SVR LA HA-  
rangue que le Cardinal de Pelué fit aux  
Estats de Paris.

**M**on grand amy tu scauras par ces vers,  
Que les estats furent hier ouverts:  
Ou l'on à fait maintes belles harangues:  
Mais sur tous ceux qui ont le don des langues,  
Ce grand prelat, & Cardinal de Sens  
Par son discours nous a ravi les sens:  
Veux tu l'oïir? détoupe tes oreilles,  
Dis la chanson & tu orras merucilles.  
Il a parlé du pere Pretion,  
Dont Livius fait amp'le mention  
En sa decade, où il dit qu'en son âge,  
Ce Pretion fut vn grand personnage.  
Il a parlé d'exiuit edictum:  
Je ne scay pas s'il fut Grec ou Breton:  
De domino, & du pays du Maine,  
En contenance, & gravité Romaine:  
Il a parlé de Saint Paul le conuers,  
Comme il eut peur, quand il cheut à l'enuers:  
Et si a dit qu'il estoit gentil homme:  
Aussi fut-il décapité à Rome.  
Il a parlé en François renegat,  
De l'Espagnol, du bonnet du Legat,  
Et de sa Croix, & du Pape Gringore:  
De Luxembourg, & Pisani encore.  
Quand il parla du lieu qui fut souillé:



On se souuient comme il fut barboüillé  
Dansant la volte, & vne bonne piece,  
Dit que si fut du KK. de sa nepe.  
Vn autre adiouste assez bon compagnon,  
Fy de la sanste, il y a de loignon.  
Il s'est vante qu'un iour au consistoire,  
De cinq protests tous terminez en oyre  
Il s'escrima, & sembloit l'escoutant  
Que Iesus Christ eust esté protestant:  
Danger y a que quelqu'un ne le mande  
Aux protestans de la terre Alemande.  
Quant au surplus, ce porteur, qui de pres  
Ouyt le tout, & que i' enuoye expres  
Le diray ieux ma plume à tant escrire  
Desjà se fend, & s'esclate de rine.

A DIEU.

Excuse sur ladite harangue.

Son eloquence il n'a peu faire voir  
Faute d'un liure où est tout son sçauoir.  
Seigneurs estats, excusez ce bon homme  
Il a laissé son Calepin à Rome.

Autre sur la mesme harangue.

Les freres ignorans ont eu grand raison  
De vous faire leur chef, M<sup>o</sup>seur l'Illustrissime:  
Car ceux qui ont ouy vostre belle oraison  
Vous ont bien recognu pour ignorantissime.

Aux Espagnols sur leurs doublons.

Mon Dieu qu'ils sont beaux & blonds

Vos doublons,

Faites en chercher encores

Demi-Mores,

Parmi vos iannes sablons.

On bien vous en retournez

Bazarez;

Paris qui n'est vostre proye

Vous renuoye

Auecques cent pieds de nez.

Sur le bruit qui courut qu'on vouloit faire  
vn Patriarche en France, & sur la  
penderie de quatre des seize.

Pere saint, France vous eschape

Si on y fait vn Antipape:

Vous la perdiez, pensez-y bien:

Tet chasse à tout qui ne prend rien.

Les mabentres & politiques

Quoy qu'ils se disent Catholiques,

Ne seront iamais bons Romains,

Les Huguenots encore moins.

Le pauvre Paris tant endure

Qu'impõsible est que plus il dure

Pensez-y bien si vous voulez:

On y pend des-ia les zelez.

De seize ils sont reduits à douze,

Et faut que le reste se bouze

Tout apres les quatre premiers

Estre perchez comme ramiers.

De Mont-faucon, & de seize de Paris.

A chacun le sien cest iustice:

A Paris seize quarteniers:

A Mont-faucon seize piliers

C'est à chacun son benefice.

D'vn Thresorier qui fut mis prison-  
nier à la Bastille.

Qu'est ce qu'à fait celuy que l'on encoffre?

Des angelots il auoit en son coffre.  
O le meschant qu'en prison il soit mis:  
Il a logé chez soy les ennemis.

Sur l'emprisonnement d'un Aduocat fol.  
Je ne sçay par qu'elle raison  
De droit Canon ou loy civile,  
On a mis un fol en prison,  
Tant d'enragez courans par ville.

Des feux de la S. Pierre 1592.  
Le feu de saint Iean me plaist bien,  
On chante autour, & on y danse:  
De Saint Pierre ie n'en dis rien:  
Mais ses feux bruslent nostre France.

D'où font dits les zelez de l'vnion.  
Dieu gard n. esieurs les Catholiques,  
Sans croire en Dieu ni en son fils:  
Qui auez mangé les reliques  
Et auale le Crucifix.

On pense que cest pour vos zeles  
Que l'on vous nomme les zelez,  
Mais vous auez ce nom des astes,  
Parce que si bien vous volez.

L'esprit malin qui vous manie  
Sous couleur de religion  
La France a raze & unie:  
De là est dite l'Vnion.

Sur les doubles croix de la Ligue.

Mais dites moy que signifie  
Que les Ligueurs ont double croix?  
C'est qu'en la Ligue ou crucifie  
Iesus Christ encore une fois.

A monsieur le Lieutenant sur la pri-  
te de la Pelade.

La Pelade vous avez prise  
Par la brèche que vous sçavez;  
Gardez-la, puis que vous l'avez;  
Monsieur elle est de bonne prise.

A Monsieur de la Chapelle aux Ursins.

I es aduis des François tous à un se rapor tēt,  
Quand on parle de vous la Chapelle aux Ursins:  
Vous vous aduisez tard, & n'estes des plus fins,  
Qui en la ligue entrez quand les autres en sor-

A Monsieur de Lyon. tent.

Monsieur vous serez Cardinal  
Nous sçavons où vous tient le mal,  
Mais que cela plus ne vous greue:  
Et chassez ce sinistre oiseau  
Qui dit que Maître Jean Rousseau  
Vous doit le chapeau rouge en Greue.

Au ptescheur boucher.

Flambeau de la guerre civile,  
Et porte-enseigne des meschants,  
Si tu n'es Euesque de ville,  
Tu seras Euesque des champs.

A l'Aduocat d'Orleans.

Si pendre te voulois, tu ne serois que bien.  
Puis qu'on ne peut auoir de toy misericorde:  
Mais si tu veux sauuer quelque peu de ton bien,  
Va te ietter en l'eau, tu gaigneras ta corde.

De deux cheuaux tuez en aliant voir  
le Duc de Parme.

Un certain President Triboulet surnommé  
Suiuit monsieur Roland, Escheuin renommé,

Pour saluer le Duc de Parme & de Plaisance,  
Il auoit deux cheuaux meilleurs François que luy  
Qui contrains d'y aller en ont eu tant d'ennuy.  
Que tous deux en deux iours sont morts de  
desplaisance.

Sur le mesme suiet.

Cocher quand tes cheuaux moururent,  
Parce que trop fort ils coururent,  
Tu deuois en tel accident  
Mettre au coche le President:  
Car à ce qu'on dit aux requestes  
Luy seul vaut bien deux grosses bestes.

De ceux qui briguent la Royauté.

Deux ont mis le Royaume en queste,  
Mais ils en perdront l'appetit,  
L'un pour auoir trop grosse teste,  
Et l'autre le nés trop petit,

De l'ellection du Duc de Guyse.

La ligue se trouuant camuse  
Et les ligueurs bien estonnez,  
Se sont aduisez d'une ruse,  
C'est de se faire vn Roy sans nés.

Responce pour le Duc de Guyse.

Le petit Guysart fait la nique  
A tous vos quatrains & sonnets:  
Car estant camus & pünais,  
Il ne sent point quand on le pique.

Sur le voeu d'un nauire d'argent fait a no-  
stre Dame de Laurette, par Marteau,  
preuost des Marchans. 1590.

Faire aux saints quelque voeu en peril de  
naufrage,



Et puis s'en acquiter quand on est au riuage,  
C'est chose bien louable, & blasmer ne la veux  
Mais qui est l'insensé qui veut payer ses vœux:  
Estant encor en mer au fort de la tempeste?  
Theuet ne vit iamais vne si grosse beste.

Reprise sur le meisme suiet.

Qu'ay-ie dit ie m'en repens:  
Beste n'est celuy qui voue:  
De nostre cuir il se ioue  
Et s'aquitte à nos despens.

Des Docteurs de l'Union.

Les docteurs de seinte Union  
Pensent par leur doctrine folle  
Du manteau de Religion  
Faire vne cape à l'Espagnole.

Epitaphe du Cheualier d'Aumale.

Celuy qui fuit, il eschape souuent:  
Mais qui tient bon & se met trop auant,  
Souuent se perd, & est troussé en male:  
Ic n'en rapporte au Cheualier d'Aumale,  
Combien qu'il eust aux mains quelque vertu,  
S'il eust des pieds aussi bien combatu,  
A Saint Denis, comme à mainte rencontre,  
Nous ne plaindrions icy sa malencontre.

Autre.

Celuy qui gist icy fut vn hardy preneur  
Qui fit sur saint Denis vne fine entreprise:  
Mais saint Denis plus fin que cest entrepreneur  
Le prit, & le t. a dedans sa ville prise.

Autre.

Saint Anthoine pillé par vn chef des vnis,  
Alla comme au plus fort se plaindre à S. Denis,

Qui luy a de ce tort la vengeance promise.  
Un peu de temps apres ce paillard entreprit  
De prendre S. Denis: mais S. Denis le prit,  
Et vengea de luy l'une & l'autre entreprise.  
Son. 2. Sur ce que ledit Cheualier  
d'Aunale fut tué pres le lo-  
gis de l'espee Royale.

Comme iadis on voit quand le Gregoire orage  
Sur les murs de Neptune eut sa foudre éclaté  
Trebucher Polyxeme, & d'Archille irrité  
La tête ensanglanter sur le Troyen riuage  
Comme Iules Cesar d'ambitieux courage,  
Qui l'estat renuersa de la grande cité,  
Ennemy de Pompee, & de la liberté,  
Cheut percé de cent coups aux pieds de son  
image.

Ainsi à Saint Denis l'ennemy de ses Roys  
Aupres de leurs tombeaux a rendu les abois  
Victime trop tardive à leur cendre immolee  
Croyés plus que iamais, croyés qu'il est un Dieu  
Voyans de ce rebelle & la plaire, & le lieu  
Mesme qu'il est tombé sous la royale espee.

Suite sur le mesme sujet.

Il est un Dieu punisseur des rebelles:  
Vengeur des Roys, qui leurs iustes querelles  
Prend en sa main, & les va soustenant,  
Tel ne la crn, qui le croit maintenant.  
Ce Cheualier que n'aguere on vit est: c  
Tant ennemy de l'estat de son maistre,  
Si fier, si rouge, & si audacieux,  
Qui de son chef pensoit toucher aux cieus,  
Est tresbuché d'une griesue ruine,

Les Destins vous auoyent promis  
L'honneur d'un riche diadème,  
Mais vous faites mentir Themis  
Pour vous fier trop à vous mesmes.

Les Oracles ont double sens  
Chacun ne les peut pas comprendre,  
Et pourquoy à vos partisans  
Ne les auez vous fait entendre?

Vous pensiez tout seul estre fin  
Et tous seul faire vos affaires,  
Mais ie trouue que vos confreres  
Ont mieux entendu le destin.

Bien que vous ayez le chef gros  
Et plain de beaucoup de caboche,  
Vous n'auetz sçeu prendre à propos  
Un heur qui vous estoit si proche.

C'estoit du regne Memphien  
Que parloit la sainte Prophete,  
Sçachant combien l'Egyptien,  
Feroit cas de si grosse beste.

Et non du Royaume Gau llois  
Que vous pensez tenir en bride,  
Mais il ne reçoit pour ses Roys  
Que ceux de la race d'Alcide.

Monsieur changez vos vains proiets  
Vous n'auetz point de droit en France,  
Nous voudriez vous rendre subiets  
Contre la fatale ordonnance?

Courez où le sort vous conduit,  
Le peuple du Nil vous souhaitte,  
Mais helas qu'il sera seduit  
S'il iuge le bœuf par la teste,

Sonnet sur la retraite du Duc de Parme.

Mais ou est maintenant ceste puissante armee,  
Qui sembloit en venant tous les Dieux menacer  
Et qui se promettoit de rompre & terracer  
Là noblesse Françoisise avec son Prince armee?

Ce superbe appareil s'en retourne en fumee,  
Et ce Duc qui pensoit tout le monde embrasser,  
Et cõtstraint sans rien faire, en Flãdres rebrosser,  
Ayant perdu ses gens, son temps, sa renommee.

Henry nostre grand Roy comme un veneur le  
suit,

Le presse, le talonne: & le renard s'ensuit,  
Le menton contre terre, honteux, despit, &  
blesme.

Espagnols, apprenez que iamais estrange  
N'attaqua le François qu'avec perte & danger  
Le François ne se vainq que par le François mesme.

Sonnet à tous ceux de la Ligue.

François desnaturez, bastards de ceste France  
Qui ne se peut dompter que par sa propre main,  
Despoillez maintenant ce courage inhumain  
Qui vous enfle d'orgueil, & vous perd d'igno-  
rance

Petits Princes Lorrains, quittez vostre es-  
perance,

Ne suyyez plus l'erreur de cest asne humain,  
Qui vestu de la peau d'un grand Lyon Romain  
Voyant le vray Lyon perd cœur & assurance.

Et vous, Parisiens, où aurez vous recours?  
Il faut bon gré malgré, sans espoir de secours,  
Vous ranger au deuoir, où les loix vous obligēt.  
Mais si vous irritez vostre Roy contre vous,

Vous serez chastiez les enfans & les fons  
S'ils n'ont chastiez iamais ne se corrigent.

Des Seigneurs de Vitry & Villeroy,  
qui ont recogneu le Roy.

L'union s'en a desvnie,  
Tefmoins Vitry & Villeroy:

A Dieu en soit gloire & infinie.

Louange à eux honneur au Roy.

Ce Lieutenant imaginaire,

Ce grand colosse enfle de vent,

Qui pensoit le Roy contrefaire,

Sera gros Jean comme deuant.

La ligue à se perdre commence,

Dont bien confus sont les meschans:

Estainte en soit la senesne,

Par bart, ou par graines tranchans.

Seus de sang, de sac & de corde,

Qui vous faites nommer zelez,

Criez au Roy misericorde.

Ou au gibet vous en allez

Saize, Mont-fauron vous appelle

A de main viuent les corbeaux,

Seize pilliers de sa chappelle

Vous feront autant de tombeaux.

Au Roy iur sa trop grande clemence.

C'est bien vne vertu belle entre les plus belles

D'estre doux aux vaincus, & pardonner à tous:

Mais gardes vous du trop mesme enuers les

rebelles:

Car Cesar en mourut grand Prince come vous.

EN LATIN.

Magna quidé in magno virtus clemetię Rege



Hostibus & semper parcere velle fuis.  
Sed nimia haud tuta est clementia : curia  
quondam

Testis Iulæi cæde cruenta ducis,  
Sur le mesme fuit

C'estoit iadis vertu à vn Roy magnanime  
Faire grace & pardon aux plus grands enne-  
mis:

Mais depuis que Cesar fut ainsi à mort mis,  
De vertu que c'estoit c'est maintenant un cri-  
me.

EN LATIN.

Ante, fuit ducibus magnis clementia virtus:  
Post fuit hæc virtus extincto Cæsare, crimé.

AV ROY.

Prince victorieux le meilleur des hu-  
mains:

Dieu de sa main a mis deux scepters en tes  
mains.

Et t'a asis au throsne de treslangue duree:  
Malgré tous les efforts d'Espagne coniuree:  
Des vœux des bons François à la fin sont ouys:

Tu regneras en paix, race de saint Loys:  
Nul ne te peut oster ce que le ciel te donne:  
Quand tu commanderis sans sceptre & sans  
couronne,

Pour cela toutesfois moins Roy tu ne serois,  
Cest la vertu qui sacre & couronne les Roys.

EN LATIN.

Inuicte Princeps, & tui decus seculi:  
Solio in auicto te ipsa collocant fata,  
Manù que tradunt gemina scepra foelici.

Ex hoste Ibero quæ recepta gestabis:  
Hoc vna quondam de tribus soror neuit:  
Quin, si negetur capitis aureum insigne,  
Sacrumque oliuum Regibus datum Gallis,  
Quod præpes alto caudida atulit cœlo,  
Non vetabit, more quin patrum regnes,  
Regem coronat, Regem inaugurat virtus.

A M A D A M O Y S E L L E

M A C O M M E R E, S V R

le trespas de son Asne.

R E G R E T F V N E B R E.

**D**epuis que la guerre enragee  
Tient nostre muraille asiegee  
Par le dehors, & qu'au dedans  
On nous fait allonger les dents,  
Par la faim qui sera suyuie  
D'une autre fin de nostre vie,  
Ie iure que ie n'ay point eu  
Douleur qui m'ait tant abatn,  
Et qui m'ait semblé plus amere,  
Que vostre Asne (ma commere)  
Vostre Asne, belas: ô quel ennuy,  
Ie meurs quand ie repense à luy.  
Vostre Asne qui parauanture  
Fut vn chef d'œuvre de natre,  
Plus que l'Asne Apulein:  
Mais quoy? la mort n'espargne rien:  
Il n'y a chose si parfaite  
Qui ne soit par elle deffaitte:

Aussi son destin n'estoit pas  
Qu'il deust viure exempt du trespas:  
Il est mort, & la parque noire  
A l'eau de Styx l'a mené boire,  
Styx des morts l'eternel sejour,  
Qui n'est plus passable au retour:  
Je perds le sens & le courage  
Quand ie repense à ce dommage,  
Et tousiours depuis en secret  
Mon cœur en gemit de regret:  
Tousiours, en quelque part que i'aille  
En l'esprit me reuiet la taille,  
Le maintien, & le poil poly,  
De cest animal tant ioly,  
I'ay tousiours en la souuenance  
Sa façon & sa contenance:  
Car il sembloit, le regardant,  
Vn vray mulet de President,  
Lors que d'une grauité douce,  
Couuert de sa petite bouffe,  
Qui iusqu'au bas luy denaloit,  
A Poulangis il s'en alloit  
Parmy les sablons & les fanges  
Portant sa maistresse à vendanges,  
Sans iamais broncher d'un seul pas,  
Car Martin souffert ne l'eust pas.  
Martin qui tousiours par derrière  
Auoit la main sur sa croupiere.  
Au surplus vn asne bien fait,  
Bien membru, bien gras, bien refait,  
Vn Asne doux & de bonnaire.  
Qui n'auoit rien de l'ordinaire,

Mais qui sentoit avec raison  
Son Asne de bonne maison:  
Vn Asne sans tache & sans vice,  
Nay pour faire aux Dames seruire.  
Et non point pour estre sommier  
Comme ces porteurs de fumier,  
Ces pauvres baudets de village,  
Lourdauts, sans cœur & sans courage,  
Qui iamais ne prennent leur ton,  
Qu'à la mesure d'un baston,  
Vostre Asne fut d'autre nature,  
Et couroit plus belle aduanture,  
Car, à ce que i'en ay appris,  
Il estoit bourgeois de Paris:  
Et de fait par un long usage  
Il retenoit du badaudage:  
Et faisoit un peu le matin  
Quand on le sangloit trop matin:  
Toutefois ie n'ay cognoissance  
S'il y auoit eu sa naissance:  
Quoy qu'il en joit, certainement  
Il y demoura longuement,  
Et soustint la guerre ciuile  
Pendant les sieges de la ville,  
Sans iamais en estre sorty,  
Car il estoit du bon party:  
Da, & si e fit bien paroistre,  
Quand le p'uiuet ayma mieux estre  
Pour l'union en pieccs mis,  
Que vis se rendre aux ennemis:  
Tel Scze qui de foy se vante,  
Ne vouldoit ainsi mettre en vente

Son corps en pieces fallé,  
Et veut qu'on l'estime zelé.

Or bien il est mort sans ennie,  
La figne luy cousta la vie:  
Pour le moins eut il ce bon heur  
Que de mourir au liçt d'honneur,  
Et de verser son sang à terre  
Parmy les efforts de la guerre,  
Non point de vielleffe accablé  
Rogueux, galeux, au coin d'un blé,  
Plus belle fin luy estoit deue:  
Sa mort fut assez cher vendue,  
Car au boucher qui l'acheta  
Trente escus d'or sel il cousta:  
La chair par membres despecce  
Tout soudain en fut dispercee,  
Au Legat, & le vendit-on

Pour veau peut estre, ou pour mouton,

De ceste façon magnifique,

En la necessite publique,

(O rigueur estrange du sort)

Vostre Asne, ma comme, e est mort,

Vostre Asne qui par aduenture

Fut un chef d'œuvre de nature.

Depuis ce malheur aduenu

Martin malade est deuenu,

Tant il portoit une amour forte

A ceste pauvre beste morte,

Helas! qui peut voir sans pitie

Vn si grand euy eût d'amitie!

De moy (ie le dis sans reproche)


Quoy que ie ne fusse si proche,



Du deffunct comme estoit Martin,  
I'ay tel ennuy de son destin,  
Que depuis quatre nuits entieres  
Ie n'ay sceu clore les paupieres:  
Car lors que ie cuide dormir,  
Ie me sens forcé de gemir,  
De soupirer, & de me plaindre:  
Mille regrets viennent atteindre  
Sans cesse mon cœur, & l'esmoÿ  
Ne desloge point de chez moy:  
Depuis ceste cruelle perte  
Mon ame aux douleurs est ouverte:  
Si que pour n'auoir plus d'ennuy,  
Il faut que ie meure apres luy.

On le fit mourir en la fleur de son aage,  
le Mardy vingt-huitiesme  
d'Aoust 1590.

DISCOVRS



DISCOURS DE L'IMPRI-  
MEUR SUR L'EXPLICATION

*du mot de Higniero d'Inferno, &  
d'autres choses qu'il a apprises  
de l'Authent.*

**M**essieurs, le profit q' i'ay fait à l'impres-  
sion, & au debit de ce discours, ni a ré-  
du plus desireux de sçavoir qui en estoit l'au-  
theur : Car de puis que la copie François m'en  
fut premierement donnée à Chartres au Sacre  
du Roy, par le Gentil-homme duquel i'ay ci  
deuant fait mention: i'ay veu plusieurs doctes  
hommes, & moy-mêmes ay bien aisément  
jugé par le stile & le langage du liure, qu'un  
Italien ne peut auoir fait vn ouurage si Fran-  
çois & si poli, qui monstre vne parfaite co-  
gnoissance de toutes les affaires. & du naturel  
de toutes les personnes plus signalees de Frâ-  
ce: Tellement qu'il faut par necessité que ce  
soit vn François qui l'ait fait, bien entendu &  
rompu à la Cour, & que le Florétin qui l'em-  
portoit en son pays, auquel son valet le desro-  
ba avec la valize, l'eust tourné de François en  
Italié pour le faire veoir en Italie: C'est pour-  
quoy ie me suis traouillé avec vn soin mer-  
ueilleux pour descouvrir celuy à qui nous  
estions redevables de cest ouurage, qui a don-  
M

*Explication du mot*

né tant de plaisir & contentement à tous les gens de bien : Mais quelque perquisition que i'en aye peu faire, ie n'ay trouué personne qui m'en ay dit de bié certaines & assurees nouvelles, ne parlans que par indices, soupçons, & cōiectures: iusques à ce qu'un de ces iours comme i'estoy presque deſesperé d'en rien ſçauoir, ſe vint de fortune adreſſer à moy par la rué, vn grand vieil homme fort maigre & paſſe, que i'ay depuis ouy nommer maistre Pol Y pragmon qui me demanda d'abordee ſi c'eſtoit pas moy qui auoit imprimé le Catholicon : Ie ſy difficulté du commencement de le luy confeſſer, craignant que ce fuſt quelqu'un qui y fuſt nommé dedans, & s'en ſentiſt offenſé, comme aucuns ont fait: Non non, dit il, ne me celez point ce que tout le monde ſçait: I'estoy à Tours quand vous l'imprimastes premieremét, & ſçay bien le nom de ceux qui vous en donnerent la copie originale: mais peut eſtre que ni vous ni ceux qui vous l'ont dōnee ne ſçauetz pas qui en eſt l'auteur: Alors voyant qu'il en ſçauoit tant, ie ne peu luy nier, qu'à la verité ie l'auoy imprimé à Tours, mais que ie ne l'auoy peu acheuer qu'au temps qu'il fallut plier bagage pour s'en venir en ceſte ville, après que les Pariſiens furent retournez à leur bon ſens, & reduits en l'obeyſſance du Roy. Cela vous a bien ſuccedé, dit-il: Car auparauāt que l'eufſiez mis en vente, on en auoit deſia veu pluſieurs copies imparfaites & barbouillees, qui auoient don-

*de Higuiero.*

né plus d'enuie de voir le reste bien limé & mis au net. Mais vous vous estes trompé en vostre epistre lumineaire, d'auoir dit que ce fut vn Italien qui le fit aux Estats de Paris: Car ie sçay fort bien le nom de celuy qui l'a fait, & qui ne se tient pas loin d'ici. Alors ie tus tout resioüi de ceste rencontre, & le priay fort instamment de me le nommer, au moins s'il m'estoit permis de le sçauoir, parce que i'auoy beaucoup de choses d'importance à luy dire pour son bien & honneur. Le vous diray, dit-il, son nom, & vous enseigneray son logis, à la charge de ne le reueler à personne: Car il est homme qui n'aime pas estre tant visité. Ceux qui vous ont rapporté qu'il estoit d'Italie, se sont abusez d'une lettre seulement: il n'est pas d'Italie, mais d'Alethie, qui est bien loin de l'autre: & est natif d'une petite ville qu'on appelle Eleuthere, habitee & bastie par les Parresiens, qui ont guerre continuelle contre les Argyrophiles & Timomanes, nation fort puissante & populeuse: Son non est le Seigneur Agnoste, de la famille des Misoquenes, gentil-homme de bon affaire, & point trompeur, qui aime mieux le Concile de vin, q de Trente: Vous le recognoistrez, parce qu'il est tousiours habillé d'une façon, & ne change iamais d'accoustremens, comme s'il auoit à penser & gouuerner des Lyons: C'est vn grand petit homme qui a le nez entre les deux yeux, des dents en la bouche, & la barbe de

*Explication du mot*

mesme, & se mouche volontiers à ses manches. Vous le trouuerez à present logé en la ruë du bon tēps, à l'enseigne du riche laboureur, & va le plus souuent se pourmener aux Carmes, parce qu'il les aime torr: & là dessus me recommande: car i'ay affaire ailleurs pour des paquets venus de Rome, qui assuret que nostre absolution ne tient plus qu'à vn filet, à ce beut de l'an. Comme il eut dit ces mots tout brutiuement, il passe outre, & me laisse encor en suspens, toutesfois aucunemēt plus satisfait que ie n'estoy auparauant, puis que ie sçauoy le nom & le logis de mon auteur: & du mesme pas m'en vay par tous les quartiers de Paris m'enquerir de la ruë & de l'enseigne qu'il m'auoit donnee: mais point de nouvelles de trouuer ni de bō temps, ni de riche laboureur. I'vsay les iours suivans trois paires de souliers, ou enuiron a courir les ruës sans rien apprendre: bref i'y fusse encores, sinon que ie rencontray par vn hazard vn honnestre homme que i'auoy ouy dire autrefois estre Parrisien, auquel ie fy la mesme demande que i'auoy desia faite dix mille fois à autāt de personnes inutilement: Cestui ci me dit auoir ouy parler d'un Gentil-homme d'Eleuthere, de la famille des Misoquenes, mais ne sçauoit si c'estoit celuy que ie demandoy: parce qu'il y en auoit plusieurs de ce mesme nom en Alethie: Je le priay de me conduire au logis de celuy qu'il cognoissoit, ce qu'il fit: & en fin apres beaucoup de tournées & virees par



*de Higuiero.*

des ruelles escartees , il me monstra vn petit huis bas, ou i'entray sans frapper, & trouuay en vne petite chambre assez gaye & biē meuble vn hōme de belle representation, appuyé & lisant sur vn liure approchant au plus pres de la taille & façon que ce maistre Pol me l'auoit d'escrit: Je luy demanday (salut & reuerence presupposéz) s'il estoit pas le seigneur Agnoste Misoquene: On m'appelle bien Misoquene, dit-il, mais ie ne suis pas Agnoste: celuy que demandez est mon parent proche, & tomme tous deux d'vn pays & d'vne ville mais il sera mal-aisé que le puisiez trouuer pour le present : car son logis est plus caché que le nid d'vne tortuë: Toutes fois si voulez quelque chose de luy, ie l'en pourray aduertir d'ici à quelque temps: Monsieur, luy di-ie, ie croy que c'est luy qui est autheur de ce petit Discours de la tenuë des Estats de Paris, & du Catholicon d'Espagne, qu'il a intitulé, Satyre Menippee: Je luy en ay, dit-il, ouy parler ainsi: C'est vn œuure, luy di-ie, qui a esté moult bien receu, & que i'ay imprimé, (ie suis Typographe à vostre commandement) sans cognoistre sa valeur: Par ce que ie n'en fy du commencement à Tours que sept ou huit cens exemplaires: Mais si tost qu'il a esté veu à Paris, où ie l'ay apporté avec mes presses & mes meubles, tout le monde l'a trouué si beau & si bien fait, qu'on y a couru comme au feu, & a fallu que ie l'aye imprimé en trois sepmaines quatre fois, & suis prest de l'imprimer pour la

*Explication du mot*

cinquième, si i'auoy communiqué seulement demie heure avec l'auteur. I'ay souuent ouy dire à mon cousin (dit alors cét honnesté homme) qu'il estoit bien marri que cela auoit esté mis en lumiere sans qu'il l'eust reueu, & retrâché plusieurs choses, qui peut estre se trouuoient passables lors qu'il le composa, mais au temps où nous sommes, pourroient engédrer quelque scādale, & offenser des personnes de qualité qui y sont nommees ou designees: car ceux qui ont reconnu & amadé leurs fautes, meritent qu'on en supprime & enseuelisse la memoire plustost que la rafraischir, & perpetuer par des escrits piquants & facetieux: Aussi l'ay ie ouy plaindre d'un Libraire, qui par auarice ou ialousie des autres a fait imprimer cét oeuvre en petits caracteres, mal corrects, & mal plaisants, & esté si temeraire, d'y oster ce qu'il a voulu: ce que la Iustice, ne deuroit pas endurer, toutesfois l'argument est public, ou chacun peut faire des additions qui seruent à la matiere: Car au reste, ie scay bien que mon cousin n'en veut ni n'en espere honneur ni louange: Alors ie luy demanday s'il n'y auoit point moyen que ie peusse voir ledit Seigneur Agnoste: & il me fit response que non pas pour lors, parce que son cousin se renfermoit quelquefois pour huit iours sans voir personne, mais si ie vouloy scauoir quelque chose de son intention, il pensoit me pouuoir satisfaire tout autant que son cousin meismes, à cause qu'ils auoient souuent

*de Higuiero.*

deuisé ensemble sur ce fuiet, & sur ce qu'on venoit rapporter tous les iours des propos qu'on tenoit au Palais, & par la ville touchât son liure. Je prendray donc la hardiesse, luy di-ie, puis que ie ne puis auoir cét heur de le veoir, de vous demander quelques doutes où ie voy beaucoup de perlonnes s'ahurter, & ne s'en pouuoir pas bien resoudre: Premièrement pourquoy il a affecté ce tiltre nouveau de Satyre Menippee, que tout le monde n'entend pas, veu qu'aux copies a la main, y auoit l'Abregé & l'ame des Estats: Ceste quektion, dit-il, ne peut tomber qu'aux esprits ignorans: car tous ceux qui sont nourris aux lettres scauent bié que le mot de Satyre ne signifie pas seulement vn poëme de mesdisance, pour reprédré les vices publiques, ou particuliers de quelqu'vn: comme celles de Lucilius, Horace, Iuuenal, & Perse: mais aussi toutes sortes d'escrits, remplis de diuerses choses, & de diuers argumens, meslez de proses, & des vers entrelardez, comme entremets de langues de bœuf salees. Varrô dit qu'on appelloit ainsi anciennement vne façon de pastisserie où de farce, où l'on mettoit plusieurs sortes d'herbages, & de viandes: Mais i'estime que le nom vient des Grecs qui introduisoient sur les eschaffaux aux festes publiques des hommes desguisez en Satyrus, qu'on faignoit estre demi-Dieux lascifs & folastres par les forests, tels qu'on en presenta vn tout vif à Sylla, & que

*Explication du mot*

sainct Hierosme racompte en estre apparu vn à S. Antoine. Et ces hommes ainsi desguisez nuds & barbouillez, auoient pris vne liberté d'attaquer & brocarder tout le monde impunement : on leur faisoit anciennement dire leurs vers iniurieux tous seuls, sans autre suiet que pour railler & mesdire d'vn chacun : puis on les mesla avec les comedians, qui luy introduisoient parmi leurs actes pour faire rire le peuple: A la fin les Romains plus graues & serieux les chasserent du tout hors des theatres, & en leur place y receurent les Mimes & Pantomimes : Mais les Poëtes ingenieux s'en seruirent à contenter leur esprit de mesdisance, qu'aucuns ont estimé estre le souuerain bien, & s'en trouue assez en nostre pays de Parrisse, qui aimeat mieux perdre vn bon amy, qu'vn bon mot, ou vn brocard appliqué bien à propos. Ce n'est donc pas sans railon, qu'on a intitulé ce petit Discours du nom de Satyre, encor qu'elle soit escripte en prose: mais farcie & réplie d'ironies gaillardes, piquantes toutesfois & mordâtes le fond de la conscience de ceux qui s'y sentent attaquez, ausquels on dit leurs veritez : mais au contraire font esclater de rire ceux qui ont l'ame innocente & asseuree de n'auoir point desuoyé du bon chemin. Quant à l'adiectif de Menippee, il n'est pas nouueau: car il y a plus de seize cens ans que Varron appellé par Quintilien, & par S. Augustin, le plus sçauant des Romains, a fait des Satyres ausi de ce nô



*de Higuiero.*

que Macrobe dit auoir esté appellees Cyniques, & Menippees : ausquelles il donna ce nom à cause de Menippus philosophe Cynique, qui en auoit fait de pareilles auparauant luy, toutes pleines de brocards sales, & de gaufferies saupoudrees de bons mots pour rire, & pour mettre aux champs les hommes vitieux de son temps. Et Varró à son imitation en fit de meime en prose, côme depuis fit Petronius Arbitr, & Lucien en la langue Grecque, & apres luy Apulee, & de nostre tēps le bon Rabelais qui a passé tous les autres en récōtres & belles robineries, si on veut en retrācher les quolibets de tauerne, & les saletez des cabarets. Je ne sçay donc qui sont ces delicats qui trouuent mauuais si à l'exemple de ces grāds, on a voulu donner à vn ouurage déblable, vn tiltre séblable au leur : qui s'est fait commun & appellatif, au lieu qu'il estoit au parauant propre & particulier : cōme n'a pas long temps en a vsé vn docte Flamend antiquaire Voilā ce que ie vous puis dire pour ce regard: si vous desirez quelque autre chose, ie vous en diray mon aduis. Je suis (luy dy-ie alors) abondammēt satisfait quant à ce tiltre: Mais on est fort en dispute qu'à voulu dire l'autheur par ce mot de *Higuiero d'inferno*: Car il y a beaucoup de personnes qui ne sçauēt q'c'est, & y font des interpretations cornuēs ausquelles à mon aduis il n'a iamais pensé: Je sçay bien dit-il, qu'il y en a, qui se veulent iouër sur l'affnité des parolles, les vnr



*Explication du mot*

pour se doner carriere, & les autres pour tirer l'autheur en enuie : mais il y a bien loin de huit à dix huit, & grande difference entre aspirer & siffler. J'ay cent fois ouy dire à mon cousin, & ie sçay aussi bien que luy, que *Higuiero d'inferno*, ne signifie autre chose en la langue Castillane qu'un figuier d'enter : Car les Espagnols cōme les Gascons tournent le F, en H, *hazer, baina, hijon, bago, higo*. faire, farine, fils, feu, figue. Cela n'est maintenant qu'un trop commun à Paris, où les femmes ont appris à parler, aussi bien qu'à le faire à l'Espagnolle. Ce qu'il dit donc que la drogue du Charlatā Espagnol s'appelloit *Higuiero d'inferno*, est pour plusieurs raisons. Premierement qu'un figuier est un arbre malheureux, & infame duquel les feuilles, comme il se trouue en la Bible, seruirent iadis à couvrir les parties vergongneuses de nos premiers parens apres qu'ils eurent peché, & commis crime de leze Majesté, contre leur Dieu, leur pere, & createur : tout ainsi que les Ligueurs pour couvrir leur desobeyssance & ingratitude contre leur Roy & bienfacteur, ont pris la religion Catholique Apostolique & Romaine, dont ils pésent cacher leur hôte & peché. C'est pourquoy le Catholicon d'Espagne, c'est à dire le pretexté que le Roy d'Espagne & les Iesuites & autres préscheurs gaignez des doublons d'Espagne, ont donné aux Ligueurs seditieux & ambitieux, de se rebeller & reuolter contre leur Roy naturel, & legitime, & faire la guer-

*de Higuiero.*

re plus que ciuile en leur pays , se peut fort  
proprement appeller figuier d'enfer : au lieu  
que celuy dont Adam & Eue couurirent leur  
manifeste, estoit le figuier de Paradis. Et de-  
puis ce temps la , cest arbre a tousiours esté  
maudit , & diffamé entre les hommes , ne  
portant ny fleurs ny embelissement quelcon-  
que : & le fruit mesme en a esté traduit a nom-  
mer la plus des-honneste partie de la femme,  
& la plus sale maladie qui naisse aux en-  
droits qu'on ne peut nommer. Vous n'igno-  
rez pas aussi que les anciens tenoient cét ar-  
bre entre les gibets : comme quand Timon  
Athenien voulut en arracher vn qui luy fai-  
soit nuytance en son iardin , auquel plusieurs  
s'estoyent desia pédus, il fit crier au trompette  
que si quelqu'un s'y vouloit pendre, il se des-  
peschast d'y venir, par ce qu'il le vouloit faire  
oster, Pline nous apprend, que cest arbre n'a  
aucune odeur , non plus que la Ligue : qu'il  
perd aysement son fruit , comme a fait la Li-  
gue: qui reçoit toutes sortes d'antures, côme  
la Ligue a reçu toutes sortes de gés, & qu'il  
ne dure gueres en vie, nō plus qu'a fait la Li-  
gue: & que la plus grande partie du fruit qui  
paroist au commencement ne paruiet point  
a maturité , non plus que celuy de la Ligue.  
Mais ce qui luy coniaient encor mieux, & qui  
a des conformitez avec la Ligue plus que S.  
François n'en a avec nostre Seigneur : C'est  
le figuier des Indes ; que les Espagnols mes-  
mes ont nommé figuier d'enfer: Duquel Ma-

*Explication du mot*

**thiol de** ſçauoir pour vray, que qui en coupe ſeulement vne fueille, & la plâte à demy dedans terre, elle y prend racine : puis ſur ceste fueille, croiſt vne autre fueille, ainſi fueilles croiſſans ſur fueilles, ceste plante deuiet haute comme vn arbre, ſans tronc, ſanſtige, ſans branche, & quaſi ſans racines: de façon qu'on la peut mettre entre les miracles de nature. Y a il rien ſemblable & raportant à la Ligue? qui d'vne fueille, c'eſt à dire d'vn petit commencement eſt deuenüe piece à piece, d'vne perſonne à l'autre, en ceste grande hauteur où nous l'auons veüe égale à vn grand Eſtat, & neantmoins par faute d'auoir vn bon pied, & vn fort tige pour la ſouſtenir, s'en eſt allée à baſ au premier vent? Ce n'eſt pas tout. Ce figuier des Indes, appellé figuier d'Enfer, produit des fruits ſemblables aux figes communes : mais bien plus groſſes : finiſſans par le deuant en vne courône (ce ſôt les propres mots de Marthio) de couleur entre verte, & pourpree: Le dedâs n'eſt qu'vne poulpe comme en nos figes, mais pleine d'vn ſuc ſi rouge qu'il tainct les mains comme les meures, & fait vriner rouge comme ſang, dont beaucoup de gens ont peur. Auez vous pas veu que la Ligue à eu de meſmes effets? ſes fruits ont eſté gros, & plus enflés que les communs: & leur fin eſtoit vne courône : ceſt à ſçauoir la courône de France, à laquelle elle t'édoit: La couleur en eſtoit verte & rouge : **Verte pour la reſiouyſſance**

de Figuiero.

qu'elle eut de la mort du feti Roy, dont elle à long temps porté l'escharpé : Et rouge tant pour se marquer aux liurees d'Espagne, que pour le sang qu'elle vouloit estpâdre des bós François. Ce figuier d'enfer est si frequent en l'Isle Espagnolle nouvellement descouuerte aux Indes, qu'un auteur Italié dit que tout en est plein, & qu'il y vient comme par despit, iusques aux courts des maisons. Il a vn autre medecin Espagnol nommé Ioan Fragosco, qui escrit de la propriété d'une huile qu'on appelle du figuier d'enfer, en termes *Algunos modernos que escriuierom cosas de las Indias occidentales, hazen capitulo proprio de vn axeyte quellaman de la buguiera del infierno, y dizen venir de Gelisco prouincia en la nueua Espagna, & vn peu apres il dit : fiendo il mismo como es con nombre de cherua, ó cata-pucia maior, chilos Italianos laman palma christi ó mira solis.* Qui montre que ce que les Italiens appellent *fico d'inferno*, est appelle par les Espagnols *heguiera d'inferno*, ou en Castilian *biquiera d'inferno*. Voila donc les raisons qui l'ont meu de nommer le Catholicon d'Espagne, figuier d'enfer, par ce que les Espagnols appellent ainsi ce figuier des Indes qui porte son fruit plein de sang, comme à fait la Ligue : & si on veut encor passer outre, & dire que ce figuier est le Palmat, vous y trouueres mille autres conformitez qui seroiet trop longues à discourir : & entre autres celle que vn medecin Affriquain a es-



*Explication du mot*

erit q̄ del'arbre du Palmar seul, on peut faire tous les vtensiles. & prouisiōs d'un nauire, & le nauires mesmes: & que le fruit s'applique à tous vsages, & sert de pain, de vin, de linge, de vaisselle, de table, de couuerture, de maisons, & bref de tout ce qu'on veut, comme la Ligue du cōmencement à seruy à toutes sortes de gens, de toutes sortes d'esperāces & de moyēs pour couurir toutes sortes de passiōs haine, d'auarice, d'ambition, de vengeance, & d'ingratitude: Il y a bien vn autre arbre que Baptiste Ramuse, appelle *Higuiero*, & dit qu'il le faut pronōcer par quatre syllabes, mais ce point a esté l'insentiō de mō cousin d'en parler, non plus que du Lathyrus, ou de l'Helioscopion, que le grāmarien Nebrissense appelle aussi *Higuera del inferno*: parce que les sorciers & sorcieres en vsent ordinairement pour faire leurs charmes & enchantemens, comme les Ligueurs se sont seruis de la religion Catholique, pour charmer & enchanter le peuple. Mais cela, ce me semble, doit suffire à ceux qui veulent deuiner, ou disputer sur ce mot. Quelques vns ont rapporté à mon cousin ou on a trouué mauuais qu'il y ait mis les noms propres d'aucuns seditieux & principaux auteurs de tout le mal-heur de la France: mais ie luy ay ouy dire qu'il estoit d'un pays, où l'on appelloit le pain, pain: & les figues figues. Ceux qui auoient liuré pour de l'argent leur propre ville au Roy Philippes de Macedoine, se plaignoient bien:



*de Higuiero.*

que les soldats apres la rendition les appelloient traistres , & leur reprochoient leur trahison : le ne scauroy dit le Roy , que vous y faire : mes soldats sont grossiers & lourdaux qui appellent les choses par leur nom. Ceux qui apres auoit fait reuolter les villes contre le Roy , & fait la guerre tant qu'ils ont peu tenir, exercé toutes sortes de tyránies sur le pauvre peuple , & ruynét tous leurs voisins, & qui se voyás ne pouuoir plus subsister, ny auoir plus rien que prendre, ont vendu chèrement les places au Roy, & liuré les pauvres habitans à sa mercy , seront bien marris si on les appelle traistres: Mais sera-il mal-aisé qu'il n'en eschappe quelque mot aux Parisiens, mesmement contre ceux qui ont pris de l'argent, & qui ont marchandé & barquiné pour paruenir à certain prix: l'en veul auoir tant. Car encor qu'ils ayét fait ce qu'ils doiuent , comme les iuges qui font la iustice qu'ils sont tenus faire, si est-ce qu'en prenant de l'argent ils ont tout gaité, & ne doiuent plus receuoir d'honneur de leur bié fait. Ils ne se peuent sauuer qu'õ ne les appelle traistres, concussionnaires, marchands & vendeurs de leurs pays, & n'y a que Dieu seul qui puisse faire que les choses faites ne soiét faites: encor ne le peut il faire que par l'oubly , qu'il peut induire en nos esprits pour ne nous souuenir plus de ce qu'il s'est lassé. Et sur ce propos vn de nos poètes dõt nostre ville d'Eleuthere est assez bien fournie , a dit en six petits

*Explication du mot*

*vers ces iours passez.*

*Ceux qui vendent au Roy par ces guerres ci-  
uies*

*A beaux deniers cōptans les places & les villes,  
Encor à mon aduis luy font ils bon marché:  
Car pour un peu d'argēt s'exposans aux enuies,  
Ils vendent quant & quant leur bonneur, &  
leurs vies*

*Tamais homme de bien sur ce train n'a marché.*

Toutes fois il s'en trouue quelques vns qui s'estans du commencement laissé emporter au torrent de la ligue, fut-ce pour crainte de perdre leur religion, fust-ce pour affection particuliere qu'ils portoient aux chefs du party, ou pour quelque indignation & hayne qu'ils eussent concüe contre le feu Roy present, si tost qu'ils l'ont veu catholique: & ont remis en sa puissance les places qu'ils tenoiēt sans marchander, ny entrer en composition avec leur maistre: ceux-là sont plus excusables de leur premiere erreur que les autres: voire meritent recommandation & loüange, & d'estre mis aux Chroniques pour auoir deliuré leur pays de la tyrannie Espagnolle, comme on y voit ceux qui deliurerent la France des Anglois, dont sont venus tant de beaux priuileges octroyez aux familles, aux villes & comunautez, que d'elles mesmes se coüetēt le ioug estranger, pour se sous mettre à la douce puissance de leurs Roys naturels: Mais ce qui fache le plus tous le gens de bien, est de voir ceux qui ne l'ont fait que

*de Higuiero.*

par force & necessité, estre neantmoins ca-  
ressez, & bien venus, & se glorifier qu'ils  
font cause que le Roy est conuertý. Ceux là  
me font souuenir d'une responce que fit le  
grand Fabius à vn Capitaine Romain gou-  
uerneur de Taréte, qui apres auoir laissé per-  
dre la ville par la trahison des citoyens, se  
vantoit d'auoir esté cause qu'elle fut reprise  
par Fabius : à la verité, dit Fabius, ie ne l'eus-  
se point reprise ny recouuerte si tu ne l'eusses  
laissé perdre : Aussi se peuuent ces gens icy  
vâter qu'ils font cause de tant de trophées &  
de triomphes que le Roy a acquis en recon-  
querant son Royaume : car sans trahison &  
rebellion, il n'eust pas tant gagné de batail-  
les, ny pris de villes, ny merité tant d'hon-  
neur par la clemence dont il a vsé en leur en-  
droit. I'en voy d'autres qui n'ont bougé de  
leurs maisons & de leurs aises, à deschirer le  
nom du Roy, & des Princes du sang de Fran-  
ce tant qu'ils ont pea, & qui ne pouuás plus  
resister à la necessité qui les pressoit, pour a-  
uoir eu deux ou trois iours deuant la reductiõ  
de leur ville, quelque bon soupir & sentimét  
de mieux faire, sont aujourd'huy neantmoins  
ceux qui parlét plus haut, & qui ont les estars  
offices, & recompenses, & se vantent d'a-  
uoir fait plus de seruices au Roy & à la Fran-  
ce, que ceux qui ont quitté leurs maisons &  
leur biens & offices, pour sayure leur Prince  
& qui ont voulu eudurer toutes sortes de ne-  
cessitez plustost que de conuiuer à la tyrânie.

*Explication du mot*

des estrangers tant Lorrains qu'Espagnols: Mais ceste plainte merite vne autre Menippee : ie ne vous diray plus que deux petits quatrains que deux de nos compatriotes firent sur le champ vne fois que nous discourions sur ce mesme fuiet.

*Si les mauvais François sont bië recöpensez:  
Si les plus gens de bië sont les moins aduancez,  
Soyons vn peu meschans: on guerdöne l'offence:  
Qui n'a point fait de mal, n'a point de recöpöse.*

L'autre tout à l'instant poursuyuit en autät de vers, nö moins a propos que les premiers.

*Pour estre bien venus & faire nos affaires  
Durant ce temps fascheux pleins d'horribles  
miseres,*

*Agnoste mon amy, s. ais-tu que nous serons?*

*Surprenons quelque place, & puis nous traiterons.*

Ie scay bien qu'il y a des gens qui ne prennent pas plaisir qu'on parle, & qu'on escriue ainsi librement, & s'offensent au premier mot qu'on ramentoit nos afflictions passees: comme si apres tant de pertes, ils nous vouloient encor oster le sentimët de la langue, & la parole, & la liberté de nous plaindre : Mais ils feroient pis que Phalaris ne faisoit à ceux qu'il estoit dans son veau d'airain: car il ne les empeschoit point de crier sinon qu'il ne vouloit pas ouyr leurs cris cöme d'hommes, de peur d'en auoir pitié, ains comme hurlemens de boeufs & de taureaux pour desguiser le son de la voix humaine. Il est mal-aiüé que

*de Higuero.*

ceux qu'on a pillé, volé, emprisonné en la Bastille, rançonné & chassé de leur ville & de leurs charges, ne jettent quelque malediction sur ceux qui en font caule, quand a leur retour ils trouuent leurs maisons vagues, desertes, ruinees où il n'y a plus que les murailles, au lieu qu'ils les auoient laissees richement meubles, & accómodees de toutes choses. Qui pourra iamais estouper la bouche a la posterité, & lempescher de parler du tiers party, & de ceux qui l'ót enfanté & allaieté, & qui le tiennent encor réfermé en chábre, le nourrissent, & substatét de bónes viádes pour le mettre vn iour en lumiere, & le faire voig tout formé, & tout grand, quand ils en verrót le temps & la commodité: Iamais ne fut & ne sera quelques loix & ordonnánces qu'on y puisse faire, que la mesdisance ne soit mieux receuë que la louange: mesmemét quand elle est tiree de la verité, & qu'il n'y ait cent fois plus de plaisir a mesdire d'un poltron, qu'a louer vn homme de bien. C'est la punition que les meschans ne peuuent euitter: & s'ils ont tous leurs plaisirs d'ailleurs, pour le moins faut-il qu'ils ayent ce desplaisir, & ce ver sur le cœur, de sçauoir que le peuple les deschifre, & les maudit secrettemét, & q̄ les escriuains ne les espargneront pas apres leur mort. Dieu mercy nous ne sômes point sous vn Tyberis qui espie les parolles de ses sujets, ou qui face de toutes offences nouueaux articles de crime de leze Majesté: il donne aux



*Explication du mot*

gens de bien, autant de liberté qu'ils en doiuent desirer : il cognoist le naturel des François, comme luy, qui ne peuuent souffrir, ny toute la seruitude, ny toute la liberté. Aussi ne seroit-il pas raisonnable de rafraischir à toutes heures, & à iamais nos vieilles querelles, & vsfer de façons iniurieuses qui empeschassent la reunion de son peuple à vne mesme deuotion sous son obeissance : car il faut plus tascher d'adoucir nos maux que de les aigrir : afin que nous nous rangions tous à l'ancienne fidelité & humilité que deuous à nos Roys, sans partialité ny bigarrure : Mais aussi ne peut on trouuer mauuais qu'on y pique ceux qui s'y montrent restifs, & qui semblent quasi serepentir de s'estre repentis. En tout euenement quand il n'y aura que les notoirement meschans qui s'en scandalizeront, ie crois que les Parisiens ne s'en donneront gueres de peine. Je ne doute point que le petit Oliuier, & Boucher, & d'Orleans ne soient maintenant bien empeschez pour faire vn Anticatholicon & des Apologies contre les tableaux & tapisseries : car ils ont du loisir à reuandre : mais on les y attend, si leurs lucubrations le meritent. Quand à moy ie conseilleray tousiours à mon Cousin de s'amuser à autre chose qu'à leur respondre mais i'en cognois plus d'une douzaine en nostre ville à qui la peau & la plume demagent & n'attendent qu'un compulsoire, pour faire extraits, & vidimus de leurs Menippees,

*de Higuero.*

beaucoup plus sanglantes que la premiere: Si en apprenez quelque chose, mon bô amy, ie vous prie me le faire sçauoir: vous voyez comme pour vous contenter, i'ay extrauagué vn peu hors de nostre propos, & me tuis quasi laissé emporter à l'indignation que i'ay contre ces gens qui bastissent encor sur les fondemens de la premiere rebellion, & qui nous menacent de iouir des espees blanches, au lieu qu'ils n'ont iouïe que des espees rabatuës: peu s'en a falu que ie n'aye destourné ma colere sur les Iesuites: mais à ce que i'entens ils ne la feront plus gueres longue en ce pays, & par ce moyen on ne trouuera plus grand goust aux Espagnols: Car à ce que disoit vn deputé de Bourgogne, vn Espagnol sans vn Iesuite, est vne perdrix sans orange: Mais pour retourner d'où nous sommes partis, ie vous prie r'imprimez la Menippee, d'y effacer les noms de ceux qui se sont rendus bons seruiteurs du Roy, & qui y continuent avec resolution: Mais il y en a qui branslent encor au mâche, & ont besoin d'vn an d'approbation, auparauât qu'on s'y doïue fier, ny qu'on les efface du liure. Toutesfois ce n'est ny à vous ny à moy d'en iuger, le meilleur sera d'oster tous les noms propres, & n'offenser personne de ceux qui peuuent nuire, & qui sont parmy nous: C'est ce que ie voulois vous dire pour le dernier & me lairrez, s'il vous plaist, en repos: car il est heure de souper. Alors ie cogneus bien qu'il me vou-

*Explication du mot*

loit donner congé de me retirer, & ie luy dis qu'il me pardonast si ie l'auois tant ennuyé, mais que i'auois prins vn si grand plaisir à l'ouyr, que le temps ne m'auoit point duré: Toutesfois qu' auparauant que partir ie le voulois encor aduertir, que beaucoup de gés disoient que la harangue du Sieur d'Aubray estoit trop longue & trop serieuse au pris des precedétes, qui sont toutes courtes & bourellesques, & que ie ne sçauois que leur respõdre, ny quelle en estoit la raison de l'auteur: Je n'en sçay, dit-il, non plus que vous: sinon que i'estime que mon Cousin a voulu imiter le naturel dudit Sieur d'Aubray, qui est ainsi abundant & copieux en raisons, & qui ne trouue iamais fin de son sçauoir, ny de ses discours: & mesmement en vn tel acte, auquel il a deu représenter tout ce qu'il sçauoit avec affection de persuader: Mais en ce qu'on l'a fait parler serieusement, c'est pour luy rendre plus de dignité qu'aux autres precedens qui sont tous schelmés, ausquels il n'eust pas esté leant de faire dire rien de bon: & ne s'est trouué que luy en la bouche, duquel il fut propre de dire verité, & de mettre auant chose qui seruiſt à l'instruction & cognoissance serieuse des affaires passées: Voila toute la finesse qu'on y entend, & la raison dont on doit payer ces delicats: en la puissance desquels il est de la rongner & retrancher: ou de n'en lire que le quart ou la moitié comme ils voudront, s'ils la trouuent

*de Higuiero.*

trop longue : Mais ie m'en rapporte aux  
mieux entendus s'il y a rien qu'on en puisse  
oster, & qui n'y soit appliqué fort a propos:  
Toutesfois a vous est permis de la tailler ou  
rongner comme il vous plaira, ie n'en trou-  
ueray pas le vin pire : & vous prie pour la  
fin me laisser en paix. Sur cela ie n'osay l'im-  
portuner d'auantage, encor que i'euse grand  
desir de sçauoir, si luy ou le Seigneur Agnoste  
n'auoient rien fait, sur la cause des Iesuites,  
mais il me coupa broche, & me dit. On a ac-  
coustumé a la mode de nostre pays, de dire ce  
qu'on pense : Ie vous diray donc que ie pen-  
se que c'est assez discouru pour ceste fois, &  
vous prie encore vn coup de me laisser en  
paix. Ce disant appella son valet qu'on vint  
mettre la nappe, & i'eu honte de demeurer  
plus long temps: & m'en vins instruit de ces  
belles responcez, desquelles ie vous ay  
voulu faire part, pour le contente-  
ment de ceux qui sont com-  
me moy curieux de  
la verité.

F I N.

Faint, illegible text, likely bleed-through from the reverse side of the page.

111



LE  
SVPPLEMENT  
DV CATHOLICON,

O V

NOUVELLES DES  
*Regions de la Lune.*

Où se voyent depeints les beaux & ge-  
neroux faits d'armes de feu Iean de  
Lagny, frere du Charlatan, sur au-  
cunes bourgades de la France, durant  
les estats de la Ligue.

*Dedié à la Maiesié Espagnole, par vn  
Iesuite, n'agueres sorty de Paris.*



M. D. C.

73  
SUPPLEMENT

DE LA THEOLOGIE

OU

DES DEBATS

DE LA

On a vu par les deux & g.  
autres sans aucun de son sein de  
l'Église, dans son École, son an-  
cienneté, de la Théologie  
l'Église de son

Les Écoles de l'Église de son  
l'Église de son



M. D. C.



A La Majesté Espagnole. S.

I R E,

**S** En memoire de tant de bien faits que tout nostre ordre en general à receu de vous, reçoit iouruellement, & en souuenance du bon Pere Ignace, nostre fondateur, qui estoit vostre subiet naturel, il y a enuiron cinquante ans, ou moins, vous scauez les bons seruices que nous vous auons faits tant dedans que dehors vostre Royaume, qu'àd'uo' nous auex fait c'est honneur de nous employer à ce qu'auex conneu qu'estions propres pour vos affaires & selō le temps. Il ny à celuy de vostre Royaume qui ne sçache, que la pluspart de ce qu'il vous a pleu nous commander, a esté par nous si dextrement manié, qu'en auex receu proffit & honneur. Si y auex fait despence, la proye & le butin le vaut. C'est par nos trauaux & par nos subtilitez qu'estes maintenant Seigneur des Indes, desquels tirez des doublons, qui vous ont serui, avec nos sermons & artifices, à vous rendre paisible possesseur de tant d'autres Royaumes, dont les Couronnes vous chargent tellement qu'en estes tout courbé, & contrefait. Ces doublons vous seruent de charme si souuerain, qu'avec icecluy pouuez ensorceler, & faire rendre à vo' le plus sarouches & sauvages peuple.

Quand aux meurtres qui ont esté perpetrez  
en vous acquerant ceste drogue comme ie sçay  
qu'auons fait massacrer vn petit monde de pau-  
ures innocens par les plus execrables tourmens  
qu'il est possible excogiter, cela vous est pardon-  
né, puis qu'en auez l'absolution de vostre Pere  
confesseur, avec la nostre qui ne vous manquera  
point. C'est de nostre inuention toutes ces sortes  
de tourmens & gehennes qui se pratiquent au-  
iour'd'huy par tous les pays de vostre obeissance  
& principalement és nouueaux conquis. Iamais  
Perillus n'y fit œuure, & le tout pour le plaisir  
& seruice de vostre Maieité, comme d'un secõd.  
I balaris. L'inquisition qui a tant de vogue par  
toute l'estendue de vostre domination, est elle  
pas de nostre cru? Elle vous sert de mords &  
d'espron, pour retenir, & faire trotter qu'il  
vous plaist. Si quelqu'un de vos suiets vous de-  
plaist ou les moyens d'un autre vous plaisent, il  
ne faut que le signal à Monsieur l'Inquisiteur,  
aussi tost auez la despeche de l'un, & la bource  
de l'autre. Bref, sans icelle, tous les pays que  
tenez unis, se des-viroient: Et m'asseure que  
vos secondes Indes, le Portugal, l'Escoffe, &  
tous vos autres pays, bridez par l'Inquisition,  
vous ioueroient de beaux tours sans icelle. Tel  
des vostres qui vous honore, qui vous morgue-  
rait. Nous donnerons ordre à ce qu'elle soit tou-  
siours exactement obserue, & l'establirons enco-  
re ailleurs, afin de nous faire, comme en vos pays  
carresser, embrasser, & honorer comme petits  
Dieux. Tout ceci ne di-ie pour reproche mais seu-

lement pour monſtrer que nous ſommes acquitez  
des charges auſquelles il a plu à V. M. nous  
cōmettre. Helas, Sire, s'il eut plu à Dieu don-  
ner heureux ſuccez aux entrepriſes & deſſeins  
qu'auions proiettez ſur la France, vous eſtiez  
trop ſort. Il n'eſt reſte que l'eſtabliſſement de  
noſtre ſainte Inquiſition, car autrement n'euf-  
ſiez iouy de l'aqueſt, pour vous rendre le plus  
grand Roy de voſtre race. Les ſexe n'agueres pil-  
liers de Paris, & maintenant de Mont-faucon,  
eſtoient par noſtre moyen pour vous. Ils vous  
auoient paſſé contract de vendition de la ville  
capitale de ce beau Royaume, ſtipulant par nous  
vos tres-fidels & loyaux agents & experts fa-  
cteurs en ce traffic. Ils auoient ia touche une  
partie du prix, & eſtoient preſts de faire la de-  
liurance de la marchandise, Mais ô grand deſa-  
ſtre, ils s'y ſont trouuez court, ie dis courts at-  
tachez. Ie ne ſçay s'ils ont avec eux emporté la  
bource, mais ie ſuis aſſeure qu'il y ont du moins  
laissé les pendants Ie ne puis parler de ceſte ren-  
uerſe de Fortune ſans ſouſpirer, car nous ne ſe-  
rions maintenant à chercher Fortune ailleurs.  
Vous ſcauez, nonoſtant le deſaſtre aduenu a  
ces ſaints perſonnages, les bons deuoirs qu'auôs  
fais depuis. Nous auôs ſuſcitè des aſſaſſins, pour  
vous deſtraper de voſtre capital ennemy. Nous  
fiſmes en ſorte, & ſous main, qu'un nômé Pierre  
Barriere, ſoldat qui auoit ſuini le party de l'V-  
nion, homme groſſier, & debile d'entendement,  
car ce n'eſt aux plus fins que nous nous adres-  
ſons, vint ſe confeſſer à l'un de nous. Il s'ac-



iusa de quelque enorme peché, duquel il ne pou-  
uoit auoir remission, sinon qu'il fit quelque grand  
coup pour trouuer grace deuant Dieu, & eterniser  
sa memoire. Que s'il pouuoit tuer le Roy de Frã-  
ce à present regnant, qu'il ne pouuoit faire œu-  
re plus meritoire, & plus redondante à l'honneur  
de Dieu, que ce coup. Que la crainte qu'il pour-  
roit auoir d'y perdre la vie ne le deuoit empes-  
cher de passer outre. Qu'il y seroit assisté de la  
mesme saueur speciale de Dieu, q fut Judith qui  
tua Holoferne & retourna saine & sauue vers les  
siens, & Aod qui tua Eglon Roy des Moabites,  
d'un cousteau, & qui n'en receut aucun mal. Qu'à  
ces exēples il deuoit faire ce coup, afin qu'il peust  
comme eux aller tout droit au ciel. Car comme  
il est escrit, Celum vim patitur, & violenti  
rapium illud, Qu'a tout le moins il seroit ca-  
nonisé cōme auoit esté de fraische memoire frere  
Iaques Clement. Voila comme nous prenons les  
passages de la S. Escriture, laquelle est faite pour  
nous, & non nous pour elle, afin d'embobelinier  
les pauvres gens. Ce soldat bien instruit, comme  
dit est, se metant en deuoir de s'aquerir Paradis,  
fut surpris à Melun a nostre tres-grand regret  
& en porta la fole-enchere. Sur la fin de l'annee  
derniere, nous pratiquasmes vn semblable coup  
en la personne d'un ieune escolier, natif de Pa-  
ris, lequel auoit esté instruit des son ieune aage  
en nostre college, & induit par les mesmes voyes  
que dessus, se hazarda, pour auoir place en Pa-  
radis aussi bien que les autres. Et de fait fit bien  
dauantage, car il aborda iusques à la personne

du Roy, & luy donna vn coup de cousteau en la face, pensant bien le passer ailleurs. Ce fut vn grand malencontre pour vous & pour nous, que ce coup ne descendoit plus bas. Vous ne seriez maintenant en la peine que vous estes, & n'aurez peur de perdre vos pays bas, qui s'esbralent fort, & de tout ce que par droit de bien-seance usurpez. Ne vous estonnez point, Sire, nos ruses & subtilitez ne sont point diminuees en nous & semble que ce Roy, d'autant qu'il porte de nos marques, nous craigne. Toutesfois sa Cour de Parlement veille pour luy, & a ja fait pendre quelques uns de nos compagnons, & le reste de nous autres exillez de la France, sans y pouuoir auoir aucune retraite, a confisque toutes nos possessions & biens, dont ceux de l'Vniuersité de Paris esperent en auoir des plumes. En vertu de l'arrest de ceste Cour souueraine, il nous a fallu desloger sans trompette, & aller chercher nostre bonne auanture, & la cerchons encores à present. Or est-il, que peu de iours y a, ainsi que passions pays, arriue que fusmes en vne hostellerie, nous nous trouuastes à table avec quatre compagnons, diuers de bonne auanture, lesquels nous entredindrent de discours tout le long du soupper, & entre autres nos contoient merueilleux du pays ou ils auoient esté, signamment des Regions de la Lune, ou ils affermoient auoir par l'espace de sept mois seiourné. Ils discouroient de la maniere de viure, & de l'estrage façon des habitans de là, des singularitez, des lieux, & belles remarques qu'ils y auoient faites: & par-

ticulieremēt de la descriptiō au vray des proües  
ses d'un valeureux chef de guerre, nommé Iean  
de Lagni, qui auoit autre fois esté en Franco, &  
estime le factotum du Roy d'Espagne, ainsi par-  
loient-ils. A ce discours nous prîmes tous grād  
plaisir, & moy singulierement, oyant parler de  
vostre nom, & de l'un de vos hallebardiers. Or  
apres beaucoup d'autres discours, l'un d'iceux  
compagnons tira de sa malette vn demy cayer de  
papier, & s'adressant à moy, me dit: Monsieur,  
de tout ce que nous auez ouy discourir, en voicy  
un petit recueil, que j'ay dressé; voyez le plus  
particulierement. Je le suppliay de m'en donner  
vne copie, ce qu'il fit, & estoit en la forme que ie  
la presente à V. M. La nuit suyuante, cōme i'e-  
stois couché, ie suis certain que ie fus ravi & trās-  
porté par quelque Geniu, dans vne hotte, en ces  
Regions, ou j'ay trouué estre veritable tout ce  
qui est cōtenu au present discours, auquel partāt  
ie n'ay adiousté ni diminué d'un iota. L'occasion  
principale pour quoy ie le vous presente, est pour  
supplier V. M. de vouloir dresser vne armee,  
sous la conduite du Capitaine Cocodrille, ou tel  
autre qu'auierez, pour la cōqueste de ces Regiōs  
de la Lune, nouvellemēt descouuertes. La prise ne  
vous en sera si penible que celle des Indes, & vo-  
us assure qu'y gagnerez dauantage qu'en Frāce.  
En ce pays là, on ne trouue comme és Indes, l'or  
sous terre, mais és chausses d'un chacun. Quād  
vous auez cōquesté quelque coin de ce pays, qui  
sera Dieu aydant en peu de temps, nous vous sup-  
plions affectueusement de nous mettre en la p'e-

mier e bourgade, y fonder vn college, & nous laissez faire du reste. Nous prescherons si bien, nous manierons si dextrement le baston, qu'en peu de temps en serez Roy. s'il ne tient qu'à seduire le peuple, le faire rebeller contre son Prince, luy apposter, & enuoyer des assassins, nous en viendrons bien a bout. Les gens de ce pays là seront à vous auant qu'ils puissent descouurir aucunes de nos ruses. De ce vous supplions tât qu'il nous est possible. Sire, au nom de Dieu, que faisons toujours estre de vostre costé, ayez pitie de nous. Cōsiderez que si ne nous placez en quelques vns de vos pays, nous sommes en danger de demeurer vagabōds cōme les loups. En France la peste y est pour nous. en Allemaigne la corde, en Angleterre le feu. En Italie, & aux terres de vostre obcissance, nous ne pouuons y auancer de beaucoup vos affaires, attendu que nostre principal mestier est, & ne sçauons presque autre chose, qu'à faire renolter les suiets contre leurs Seigneurs, & brouiller leurs Estats en vostre faueur. Je m'assure que si employez quelque heure a la lecture de ce present discours, vous serez d'autant plus incité à l'auancement de ceste belle cōqueste, afin de nous y enuoyer en façon de Colomne, pour vous y rendre le seruice que nous vous deuons. Cependant, Sire, nous prierons Dieu qu'il vous en face la grace, & donne heurenx succoz à ceste sainte entreprise.

Vostre tres-humble, & tres-obeissant seruiteur,

D. P. P. Iesuites.



*L'Imprimeur au Lecteur.*

**A** My Lecteur, ce discours des Regiões de la Lune, dedié au Roy d'Espagne, m'est fortuitement tombé en main, l'ayant trouué parmy des vieux liures que j'ay acheteré, que l'on vendoit publiquement. I'ay estimé m'acquiter de mon deuoir de t'en faire part, d'autant qu'il traite de la descouuerte d'vn pays ou peut estre tu n'as iamais esté. Joint aussi qu'il profitera à ceux, qui depuis septante deux Lunes ou enuiron y ont trafiqué, dont plusieurs y ont esté de la feste, qui n'en vouloient estre, & s'en fussent bien passé. Ie ne te le communique, afin d'imiter les damnables façons de ces Lunatiques, mais d'y faire ton profit de ce que tu pourras, & laisser courir le reste. Ie sçay bien que chacun n'est pas né sous vne mesme planette, & qu'il s'en trouuera qui contrediront, & maintiendront qu'on ne sçauroit aller aux Regions de la Lune sans boire, comme l'autheur, & ses compagnons y ont esté. Outre cela, s'il y a chose au present discours qui leur soit desagreable, ie ne




m'en soucie pas beaucoup : Aussi n'est  
il fait pour ces vmbrageux , à qui Dieu  
mesmes ne scauroit complaire , les vns  
demandant de la pluye, pour planter des  
choux, les autres le beau temps pour al-  
ler à la chasse. La pluspart vne paix trā-  
quille , & d'autres la guerre, car aut-  
rement ils ne scauroient faire leurs beson-  
nes. Les exploits de guerre faits par  
feu Iean de Lagni sur aucunes bourga-  
des de la France , y sont depeints , tant  
pour soulager celuy qui en sa faueur  
dressera son histoire, que pour consoler  
& effacer le dueil qu'aucuns portent de  
la perte de ce valeureux champion. Or  
en attendant , qu'avec la grace de Dieu,  
ie te despresseray quelque chose de plus  
serieux , ie te supplie prendre en gré ce  
mien petit deuoir. Adieu.

P R E F A C E.

**NE** vous souuient il plus, gens de bien, d'auoir leu au chapitre dernier du second liure des chroniques Panthagruëlines, comme feu de beueuse memoire, maistre François Rabelais, vous faisoit ample promesse de vous descrire la descente de son Roy Pantagruel aux enfers, comment il combattoit contre les diables, fit bruller cinq chambres d'Enfer, mit à sac la grande chambre noire, ietta Proserpine au feu, rompit quatre dents à Lucifer, & vne corne au cul. Et deuant, comme il trouua la pierre Philosophiale, comment il passa les monts Calpres, comment il nauigea par la mer Atlantique, desfit les Canibales, & conquesta les isles de Parlas. Apres comment il visita les Regions de la Lune, pour sçauoir si à la verité la Lune n'estoit entière, mais que les femmes en auoient trois quartiers à la teste, & autres mille petites ioyeusetez, que le bon homme vous promettoit, n'ayant pourtant tenu promesse. Si il vo' en souuiét, vous n'estes forclos de memoire, ou moy-mesme suis deceu en mes opisthographes: Si ai-ie à tout hazard, moy vostre tres-humble, entrepris ceste charge en partie, pour vous resiouyr, certain qu'auiez bonne enuie de rire, puis que le mode est plus fol qu'il ne fut onques. Vray est, q pour

le present ne vous sera fait discours aucun q̄  
des Regions de la Lune, qu'auons couruës,  
& visitées l'espace de sept ans, n'en estās reue-  
nus que depuis hier, & pource pouuez vous  
asseurer d'auoir icy maree fraische, i'entends  
nouuelles trefnouuelles, quoy qu'vne infinité  
de Profagogides, & courtiers y contredisent  
par vne malice deliberee, au moins ne furent  
onques ouyes celles que presentemēt vous  
raconteray. Je me doute bien, que quelques  
vns des plus halbienez, non d'entre vous,  
mais d'entre ces Maranes, & mescreans, s'e-  
stonneront de premier abord, lisans ce tiltre,  
*Nouvelles des Regions de la Lune*, se guemētans  
avec leurs bouches baueuses, & nez releuez  
comme l'anse d'un pot, si faire ce peut, qu'a-  
yons monté si haut sans tomber. Mais leurs  
fieures male-mules, ne lit-on assez d'exēples  
d'hommes qui ont esté ainsi ioyeusement  
trāsportez sans peine & difficulté iufques là,  
& plus outre? Que conte-on de Triptolem<sup>o</sup>  
gentil fallot, allant à cheuauchon sur des ser-  
pens aillez parmi le monde? Comment y fut  
Empedocles? Socrates ne viit-il pas la troisié-  
me region de l'air dedans vne corbeille? Mi-  
nos qui n'estoit Decretaliste, bien qu'il fust  
grand Iuge, & Roy de Crete, ne se trouuoit  
il chaque mois au conseil de Iupiter? Cice-  
ron ne met-il son genereux Scipion à trois  
grandes lieuës par delà le Soleil? Pegasse  
qui ne fut qu'un cheual, franchit-il pas bien  
auāt par l'air, avec son Cauaillier Persee pour

la deliurance d'Andromede au beau deuant?  
Tiédrons-no<sup>9</sup> pour fables ce qui est dit d'E-  
noch, & d'Elie, au liure sacro saint? Que de-  
uint Romul<sup>9</sup>? Ou s'éfuit le noble Vertugalin  
à la bataille de Cerisoles? Fusse au trou de la  
Sybille? Ou comme aucuns ont voulu iaser  
depuis sous la cotte de sa grand Mere? Non,  
nó, ce sont bayes, ce fut au gaillard pays de la  
Lune, Ainsi n'auoient garde les mastins de le  
mordre. Mais qu'est il besoin de tant suer a-  
pres ces veaux de disme, pour leur faire croi-  
re verité? puis que pour eux n'est fait le pre-  
sent Discours. Ains seulement, gens de bien,  
afin aussi de vous satisfaire selon mon petit  
pouuoir, & aquiter aucunement le susdit M.  
François Rabelais enuers vos Seigneuries,  
comme fort obligé au côtract d'icelles. Vfant  
expres de ce petit preambule, pour deschar-  
ger vos nobles ceruelles des broüillards ià  
des long temps amassez par la malicieuse dis-  
position de l'air, & ioufflement pestilentieux  
des Cuculles: En sorte que rendus serains &  
nets comme pots escurez, aucun nuage de  
desdain & malueillance ne vous empesche  
de voir, lire & entendre ce qui vous sera par  
moy ici dit & déclaré.



NOUVELLES DES RE-  
gions de la Lune.

*Comment l'autheur trouua trois compa-  
gnons en son chemin, & de ce  
qu'ils rencontrerent.*

CHAP. I.



VOUS deuez donc premiere-  
ment sçauoir, qu'un temps fut  
que tous les enfans perdus se  
rencontrerent en un mesme  
chemin, & fut ledit temps  
asusi proprement appellé le temps perdu,  
car on ne le peu retrouver depuis, quel-  
que diligence qu'ayent fait les Chroni-  
queurs: Estans cause de ceste perte les Lu-  
netiers de Calabre, avec la bonne intelli-  
gence qu'ils eurent avec le Pape Gregoire  
leur confederé, En ce temps là, di-ie, ne  
faisoit gueres beau gagner les pardons, car  
ils coustoient cher. Les sages, contre l'ordon-  
nance expresse, ne furent frustrez: Les fols  
se donnoient des coustes, car la presse estoit  
grande: Les riches deuenoient pauures, & les  
pauures riches par transmutation de substan-  
ce, que les Alkemistes appellent. Les champs  
estoyent dans la ville, & la ville aux champs,  
qui est cas bien estrange. Plusieurs mouroyent  
de ceste grande maladie epidemiale qu'on ap-



pelle faute d'argent , & si pour en auoir n'y auoit qu'à prendre: Pour bié courir on escha-  
poit: Pour bien courir on attrapoit. Chacun iouoit à i'en suis. Puis incontinent fut ioué à rendez-moy ma vache: Les môtagnes estoiet en guerre contre les valces. Les campagnes eussent bien voulu estre bois, & les bois campagnes en plusieurs lieux. Bref, tout estoit en desordre, & se tenoient les hommes au large, de peur de se blesser. Or côme l'heur voulut, ie, qui vous fais ce present conte, rencon-  
tray sur le grand chemin qui tire à Mirebeau, trois Pelerins, bons amis, & gentils compagnons, auxquels m'estant enquis de la retraite, trouué qu'ils alloient chercher Fortune, cheminans tout leur petit pas: Car de courir Fortune, se disoient-ils, il y a du danger, & veut Fortune estre cherchée, couruë point: Pour ce me prièrent la chercher avec eux tout doucemét sans m'eschauffer. Ou la trouuerons-nous? leur demandoy-ie. De cela, me respondirét-ils, nous ne vous sçaurions que dire: Car Fortune se trouue par rencontre, & tel en est bié pres qui en recule: Pour ce, faut auoir bon pied, bon œil, pour la prendre, encore eschâpe elle, si on ne la tient bien ferme. Ha, di-ie lors, ie vous quitte donc, mes bons amis, car i'ay les mains foibles, difficilement pourroy-ie retenir ceste farouche dont me parlez. Quoy oyans les compagnons, prest que i'estois de me destourner du chemin, m'arrestérét, & promirent sur leur grand fermét, que ie n'auroy peine quel-

conque à ceste chasse, mais qu'eux porteroiēt toute la fatigue : Et quand ils auroient faite Fortune assuree entre leurs mains, que i'auroy part à leur Fortune: A quoy ie condescendi volontiers, & principalement à cause que ie les voyoy si bōs couillauds & trupelus. Le premier & plus apparent d'entr'eux se nommoit en son village Aliboron, ioli Monsieur, ou maistre pour le moins, homme à tout faire & grand raillard. Le secōd estoit Enguerrand franc archer de Bagniolet, rond comme vne pomme: Ne pensez que cestui soit sorti de la race d'Enguerrand de Marigni, qui faisoit du Roy Charles VII. s<sup>r</sup> Fortune, dōt mal luy en prist : Car ledit compagnon n'estoit tel, & haïssoit à mort les Financiers qui faisoient de la bourse de leurs maistres, mitaine. Le tiers s'appelloit Roger bon tēps, cognu en maints lieux, mais qui pour les causes susdites auoit abandonné son pays, non sans danger de se perdre. Ainsi tous trois bien deliberez suiurēt leur route, & moy avec eux. Mais onques ne trouuâmes Fortune, par l'espace de dixsept mois que fusmes à la chercher: Seulement rencontrions au chemin plusieurs sortes de gens qui la cherchoient comme nous. Entre autres vîmes vn grand pendart, cōme pourroit estre quelqu'vn d'entre vo<sup>s</sup>, qui disoit l'auoir tenuē long temps dans vn sac close, mais qu'elle luy estoit eschappée, a son grand regret, d'autant qu'elle l'auoit menacé en eschapant: Aussi le vîmes-nous quelque peu de tēps apres bran-

ché dans vn bois, comme si c'eust esté vn pour  
ceau de Vvesphalie. Ce qui nous fit croire  
qu'il luy auoit fait tort, d'ainsi la tenir enfer-  
mee dans vn sac. Vne autrefois se presenta à  
nous vn petit hommet, soldat à mon aduis de  
la Ligue, Espagnol de nation, qui nous mon-  
stra vn grand coup de taillade qu'il auoit sur  
l'eschignon du col, remontant vers l'oreille  
gauche á demi auallee, nous disant, qu'ainsi  
auoit Fortune voulu qu'il eust sur l'oreille, la  
prenant en patience, & esperant estre quel-  
que iour gueri le pris plaisir d'arraisonner,  
quant à moy, vn certain mignon, fringant,  
frazé, miste, coint, d'assez bonne paste, qui  
venoit á la trauerse, siffleur, chantant, riant,  
rigolant, donnant de la housine á chacun,  
pour la bonne Fortune, disoit-il, qu'il auoit  
trouuee á la Cour, mais sa ioye ne dura gue-  
res: Car ie luy sy paroistre comme il s'estoit  
trompé prenant botte de foin pour filé, re-  
gnard pour matre, & hapelourde pour rubis.  
Nostre Enguerrand d'vn autre costé en ren-  
contra vn á qui il auoit esté amy, mais ne l'e-  
stoit plus, l'asseurant d'auoir trouué Fortune  
par charmes, vsant de chiffres, & faisât d'vn 6  
vn 9 par reuolution, & de cent, mille, par vn  
carractere qu'il appelloit honnestement inté-  
rest, Toutesfois n'auoit vsé de ce dernier, di-  
soit le here, que vingt ou trente fois, lors  
qu'il estoit Roy des deniers au Tarot: Dont  
le sçeut tresbien reprendre Enguerrand, di-  
sant qu'ainsi ne luy falloit abuser de Fortune,

crainte qu'elle ne le prist quelque iour au collet, quand elle ne seroit en ses bonnes. Ne vous attendez donc, respondit le rustre, puis que craignez tant Fortune, de l'auoir iamais à vostre commandement: Qui a peur des fueilles n'aille au bois:

*Ia n'auuez en ce temps rien*

*D'elle si estes gens de bien,*

Et disoit vray: Car comme ie vous ay ià dit, nous perdismes nostre temps en ceste chasse, dont se plaignoit fort Roger. Ce qui nous fit prendre en fin resolution de ne la chercher plus, puisque mesme tel la trouue, qui ne la cherche pas.

*Comment nous nous retirasmes dans vn bois on courusmes Fortune, & trouuasmes vne profonde cauerne.*

#### C H A P. I I.

**M**Aistre Aliboron estant le plus aagé d'entre nous, auança aussi premier le propos de desister de nostre entreprise, puis que fortune ne se presentoit, demandant aduis à chacun de nous, pource qui estoit à faire: Car nous ne scauions ou loger, & estions deuenus vagabonds comme lieures desbuissonnez, pauures comme guenaux, malotrus, tous crostez, depenaillez, dehingandez, maigres, rechigneurs, & halez de chaut. Au reste d'apetit ouuert, & prests de faire vne bonne affaire, si cas aduenoit que quelqu'un nous inuitast de nopces. Roger estoit d'auis de s'y



trouuer sans estre prié , car sa bedondaine se  
raualloit bien fort, & les iouës luy pendoient  
au long de la maschoire comme à vn vieil  
Singe. Quand à moy, il me sembloit expediét  
de nous retirer dans quelque bois épais, pour  
là estre aucunement à couuert de la grande  
pluye qui tomboit pour lors, & si par fortune  
aussi quelque beste rousse se venoit rendre à  
nous, pour passer ceste faim stridète qui nous  
pressoit : Mais Enguerrand ne pensoit qu'à sa  
fortune, tant il estoit infortuné, & vouloit al-  
ler malgré vents, malgré pluye & malgré ses  
iambes. Baste, dit lors M. Aliboron, parlant  
à moy, ie trouue ton conseil tresbon , allons  
nous rafraischir dās ceste foreest prochaue,  
peut estre y trouuerons nous ce que nous  
cherchons tant. Ce disant gaignoit le de-  
uant , & nous apres, car nous luy voulions  
obeyr en tout , & par tout. C'estoit à qui  
plustost y seroit : Mais à l'entree furent ap-  
perçeus de nous six guetteurs de Fortune.  
Lors demeurans court, bien estonnez , pen-  
sions à regaigner la plaine , dont soudain  
coururent à nous lesdits six guetteurs , cha-  
cun la pistole en main, & le chien abatu. Ha,  
dit Roger, Messieurs, nous sommes à vous,  
& de bon cœur. Voyez ci le genoil bas , les  
mains leuées, ne soyez sanguinaires. Qui vi-  
ue ? dirent les guetteurs. Viuons tous , res-  
pondit Roger la larme à l'œil , & bons amis  
comme deuant. Ou est la bource ? deman-  
derent les guetteurs. Frelus , respondit Ro-



ger , monstrant sa pochette vuide. Ha , ha ,  
canaille vous nous treuflez , repliquerent les  
guetteurs. Tue, tue. Ils vouloient tuer Ro-  
ger : mais soudain se mit au deuant nostre  
maistre Aliboron , & demandant congé de  
parler, leur dit en fin, Seigneurs qui que soyez  
ayez compassion de ceux qui se soustmettent  
à vostre volonté : Nous sommes pauvres  
gens , qui depuis dixsept mois en çà cher-  
chons Fortune, & y auons consumé tous nos  
moyens , en sorte que rien pour ceste heure  
ne nous reste que les dents , qui sont à vostre  
seruice. Ce qu'oyans lesguetteurs, apres nous  
auoir fouillez haut & bas , sans rien trouuer  
qu'une vieille cruste de pain, & seiche , qu'a-  
uoit Roger dans le busque de son pourpoint,  
nous dirent tous, en nous laissant, **Qu'au Dia-**  
**ble** soyez-vous donnez, belistres de Fortune:  
Grand merci, respondit Roger. Ainsi courus-  
mes nous Fortune pour ceste fois, & tirasmes  
tout doux a costé du bois , pour y passer la  
nuict, recueillans sur le chemin le gland , &  
quelques noix seiches pour nous nourrir,  
n'ayans rien autre chose à mâger: L'eau auis  
à commandement pour boire , & cabalinisios  
comme Thibaut Gargouille. La nuict venuë  
discourumes encore de nostre Fortune. Roger  
fit vne question à Enguerrand , & le prit sans  
verd à la Lune. La question estoit , **Que si par**  
**le** consentemēt de toutes les Planettes choix  
luy estoit donné, au lieu qu'il cerchoit Fortu-  
ne, de la faire , de quelle matiere il la feroit,

d'or, ou de bois. De bois, respondit Enguerrand, à la charge qu'il eust racine, afin qu'elle creust tousiours, ainsi iroit ma Fortune en accroissant. Voire mais, repliquoit Roger quand elle seroit venue iusqu'au bout (car force est que toutes choses viennēt à vn bout, sans passer plus auant) danger seroit qu'ō n'y mist la coignée, pour en faire du feu, dont se chaufferoit chacun le cul aux despens de ta Fortune. Elle se renouuelleroit, dit Enguerrand, par sa graine. Quelle graine demanda Roger, comment l'apellerois-tu? Gland perpetuel, respondit Enguerrand. Ouy mais, repliqua Roger, les pourceaux aiment le gland, & se nourriroiet de ta graine: Les pourceaux. Je mettrois, dit Enguerrand, des hayes à l'entour contre telles bestes, & ainsi seroit ma graine seurement gaentie. Tes hayes, respondit Roger, seruiroient d'apast aux oiseaux, pour s'y venir nicher, & viendroient grands & petits becquer ta graine la rendât inutile pour germer. De cela me garentirois aussi dit Enguerrand, mettant de la glus & tendans des rets. Ton gland, repliqua Roger, seroit en danger plus que deuant: Car les Regnards qui ayment fort les oyseaux, pour les manger viendroiet de nuit quand ils seroient pris, & romproient tes haye. Cōtre Regnards tu ne pourrois trouuer moyen aucun: Car ils sont fourrez de finesse, & maître Mouche n'en cheueroit pas. Ils vouloient cōtinuer leurs demâdes & repliques, quād i'ouys le bruit d'vn Marcalsin qui

trauersoit les buissons pres de nous. Lors mis-  
mes chacun la main au braquemart, & sans  
dilayer courusmes apres, le suyuât à la trauer-  
se, & qui mieux mieux. Notez qu'il faisoit grâd  
clair de Lune alors ce qui empescha que ne le  
perdismes de veuë, iusques à ce que retiré dâs  
vne cauerne, nous fusmes cōtraints de reprê-  
dre haleine, n'osants pas si inconsiderement  
entrer en ces lieux soubz-terrains, crainte que  
quelque melchâte beste ne fit vne gorge chau-  
de de nous. Mais en fin to<sup>9</sup> d'vn cōplot, & bië  
deliberez pour auoir ledit Marcafsin y entra-  
mes, pour voir ausi si y trouuerions Fortune  
qui nous peust contenter: Car on tient qu'en  
tels lieux souuent elle se cache, principale-  
mēt en temps de guerre, qu'vn chacun fait pa-  
quet de ce qu'il a.

*Comment nous entraſmes en la cauerne, ou  
esgarez viſmes les Enfers.*

C H A P. I I I.

**A**L'êtree de ceste cauerne Roger ent quel-  
que frayeur: Car elle estoit telle que se  
depeint l'Antree de la Sybille, moussuë, vague,  
froide, espaissement obscure. Vray est que n'a-  
uions intention de passer trop auant: Mais  
nous fusmes surpris de tenebres come rats à  
la ratiere, & ne peulmes, six pas auancez, onc-  
ques retrouver la bouche de ce noir manoir.  
En fin, tant tracassasmes à tastons, qu'en l'es-  
pace de vingt quatre heures, ce nous sem-  
bloit, paruinſmes au vray domicile des dia-  
bles: Ce que cognusmes, tant à leurs hurle-

mens, qu'aux feux allumez de tous costez, & grandes chaudières qui estoient dessus les feux, a la maniere & semblable façon que les voyez a la Gibree, au quartier des Saulcices, & Boudins. Or combien que mon intention ne soit de vous raconter presentement des nouvelles des Enfers, toutesfois à cause de la passade que nous y fismes à la veüe de tous les diables, cela merite bien qu'en oyez vn motlet auant que venir à mon principal discours.

Premierement, estans paruenus iusques à la grande porte de fer, ou l'on vous conte par deça que la guerre Cerberus, chien à trois testes (ce qui est faux, n'ay ant les diables chiens chats, d'autant qu'ils ne sont gens de mesnage, mais plustost meinent vie de Couuent nous ne trouuasmes aucun empeschement, ains plustost sembloient ces diables nous alecher à la visitation de leurs cuisines, n'estans au reste du tout si noirs qu'on les peint. Roger y contredisoit. Que deuiendrons-nous, se disoit-il, voulons-nous que presentement cent diables nous sautent au col, nous prennent, nous empallent, nous bocanent: Au moins si auions quelque Sybille qui nous conduit, passe, nous passerions & verrions la porte de corne, par ou on va aux champs Elisiens. Ne te fasche point, luy dit nostre maistre Aliboron, i'espere bone yssue, n'auons nous chacun nostre braquemard? Les diables ne sont si furieux qu'on les dit, nous les sacmenterons trestous: s'ils font des mauuais,



mauuais, les pauures diables mettrôt en pi-  
ces, les riches diables prendrons à rançon:  
Je suis d'auis seulemēt qu'en atrapions quel-  
qu'un pour nous conduire, de peur de nous  
égarer. C'est bien aduisé, dit Enguerrand: Et  
soudain en print vn au poil, lequel ayant en-  
tendu nostre dessein, & craignant malencon-  
tre, s'offrit bongré malgré, à nous conduire,  
non sans vouloir faire vn peu le diable du  
commencement. Roger luy promit six barils  
de moustarde pour ayder à sa grimace, s'il  
vouloit estre fidelle, le le seray foy de soldat,  
respondit le paillard, & vous conduiray feu-  
rement iusques ou voudrez, si bien que ne se-  
rez descouuers d'aucun de nos galiers, & cō-  
freres: Allons donc, dit Roger, ie n'ay plus  
de peur, voicy vn bon diable, si oncques en  
fut qui furent bons. Mais que dira-on, quand  
nous rapporterons au retour, d'icy, qu'un  
diable aura esté nostre guide? Se laisser guider  
par les Diables, est chose trop hazardeuse,  
O la laide beste: Si, i'en di si, tels ne me se-  
ront iamais rien: A dieu vous di-je, ie m'en re-  
tourne. Aye, aye, respōdit maistre Aleboron,  
chacun est maistre en sa maison, ne vous em-  
burlucoquez de ses loups seruent à prendre  
les loups pour eschapper d'icy faut vn peu  
courtiser ce diable Monsieur Nous estions iā  
assez auant, qu'un grād bruit de fuiars s'esle-  
ua, & sçeumes que cestoit vne defaite ne dia-  
bles de factiō: Car cōme icy on s'y bourre en  
diable, dont ceux-ci eurent du pis, à cause



d'une Ligue desesperee faite entre eux, & de quelque Frantopin creé à leur deuotion. Cela passé, nous vîmes plusieurs morfôdus qui tenoient leur chapitre Prouincial, & des demoniaques qui preschoient nouvelle seditiô. La tourbe diabolique se barricadoit de toutes parts, chacun se mesfioit de son voisin : Et vn nombre infini de putains coureioient le pays, côme entre vous. Plusieurs diablesses crioïent sur les places, & subornoient les petits diabolins, pour faire la guerre à leurs peres, voire les tuer si possible estoit. Le plus meschât, à ce que nous ouïmes, se disoit extraits de la genealogie d'Arragon : Et sont ces diables de telle nature, qu'ils sçauent pinser sans rite. Au reste, tous d'une mesme taille ayans les yeux au ventre, & ne voyans que bié peu. Leurs dents sont aigues & trenchantes comme raifoirs, leurs griphes aceres & crochues merueilleusement: de sorte que s'ils vous tenoient à grâd peine en eschaperiez vo<sup>9</sup> sans y laisser la piece. Ils me firêt souuenir des aduocats & procureurs chicanous en chicanouois lesquels, comme sçauéz, emportent tousiours la piece. Ils ont belle gueule, aussi engoulet-ils tout, iusques aux charettes ferrees. Leurs cornes sont enormement grandes, & droites: en quoy ie trouue que nos peintres errêt grâdement, les faisans courbes comme si se fussent beliers. Les ialoux sur tous entre eux en ont des plus belles: car il y a ialoux entre les diables, & sont appellees diables ialoux, com-

me jalouſes Diableſſes. Ils portent en main  
d'ordinaire des crâpons fourchuz, dont ils ac  
tiſent le feu, & ouurent les ferrures tant ſoiët  
elles meſſées, pource ſe garde qui pourra. Qui  
en peut auoir entre les diables, ſoit a tort, ſoit  
à trauers, cela luy eſt reputé de bonne priſe.  
I'oubliois à vous dire, qu'ils ont preſque tous  
des queuës de regnard atachees a leurs ceintu  
res, auedes miroirs, par leſquels il voïët tout  
ce qui ſe fait au môde, & eſblouiſſët les yeux  
de ceux qui les regardent Il me falloit com  
mencer, par la teſte, à vous les deſcrire, mais  
d'autât qu'ils ne l'ont entre les deux eſpaules  
ainſi que l'imaginiez, ie vous la garde ſur la  
fin. Premieremët donc deuez entêdre qu'elle  
leur ſort de la poiçtrine avec vn lôg col, & iu  
geriez à les voir ainſi que ſe ſont grues cour  
bees, ou Capuſſins en deuotion, me pardonênt  
les benoiſts peres, & en ceſte ſorte leurs paſſët  
les eſpaules la teſte. Pour le regard de leur re  
preſentatiô, d'autât qu'ils n'ôt les yeux qu'au  
vêtre, ainſi que vous ay iâ dit elle ſe rapporte  
à la façô d'vn gédarme qui a le caſque en teſte  
la viſiere abaïſſee. (S'il vo<sup>9</sup> prêt enuie de voir  
de ces diables, il ne faut qu'aller à Soiffons.)  
Vray eſt, qu'aucuns, à la mode que les voyez  
peints, ont le nez andouilliques, & reſſemb le  
en ceſte ſorte aux pourceaux roſtis, à qui  
le boucher a ja mis la teſte entre les iambes  
pour fendre le lard. Leurs pieds ſont ergotez  
& diriez a voir leurs ergots, que ce ſont eſpe  
rôs. Au lieu de queuë qu'on leur peint au cul,

ils ont vne corne, & signifie cela qu'on leur  
corne au cul, & ne sont point sans chose, ainsi  
que parlent les dames, ains au contraire, peu  
s'en voyent qui n'en ayent pour le moins six  
pieds de Roy, & tels representoient les anti-  
ques Egyptiës à la feste des Damyltiens, ainsi  
que le rapporte le noble historien Plutarque  
en son traité d'Isis & d'Osiris. Les bources  
aussi leur pendent entre les iambes tres-bien  
garnies, outre l'usage commun, car ils sont  
triochite, & en ont trois côme Bulards. Ce  
sont en somme de laides bestes, & hideuses à  
voir, ne vous y fiez si m'en croyez : Car ils  
mordent, & ont les dents tout d'une piece,  
telles que nous lisons qu'auoit Pyrrus le Roi  
des Eperotes. Aulsi ne vous en parleray-ie  
plus, laissant là toute ceste diablerie pour cō-  
tinuer le propos de nostre voyage. Par les  
chemins nous ne rencontraimes rien de nou-  
veau : Seulement vistmes plusieurs dāmez  
foïetez en chiens courtauls, des auaricieux  
tirer la langue comme leuriers qui ont couru  
six heures. Des paillards baisās le cul de Pro-  
ferpine par deuotion, Les coqus tenir hostel-  
lerie pour gens de pied & de cheual: Quant  
à la forme du gouuernemēt entre les diables,  
elle estoit Anarchique, & se faisoit maistre  
qui pouuoit. Les places y estoïēt bien fornies  
& fortes, principalemēt lors que nous y pas-  
sames, car ils auoient entendu que Pantagruel  
y deuoit venir avec main forte, & dont se te-  
noient fort sur leurs gardes, & se pelaudoiēt

à qui auroit la place a cōmandement, afin de piller le plat pays, & faire chere à couuert aux despēs des pauures diables. Quelquefois rencontrions des diables legers qui batoient l'estrade, & soudain par le conseil de nostre guide gaigniōs le couuert, pour n'estre aperceus, nous tenans cachez iollement au cōing des cheminées comme marmousets. Ainsi avec grandes difficultez traucrſasmes l'Enfer tant que paruenus au dessous la montaigne Cagrou, que les bons Catholiques nommēt trou de S. Patrice en Irlande. Bon Temps enuie d'estre si long temps à la fumee parmi ces diables, s'enquit de nostre estafet, S'il y auoit moyen de passer par la cheminée en terre. Ouy deca, respondit le rustre, & plus auant, car par là pouuez aisement, & sans difficulté aucune monter iusques a la Lune. Serroit il vray, repliqua Enguerrand: Et cōment mon petit mignon, de grace, di-le nous, peut estre pourrons nous de là descouuir Fortune que tant auons cherchee? Tenez vous dit le compagnon, certains de ce, dites seulement si auez enuie de visiter ces Regiōs là, & ie vous y enuoyeray droit comme vne ligne, par le moyen d'un petit cercle que ie feray ici. Non dit Roger, n'vies point de charmes mon bel amy, & s'il estoit laid cōme vn chat de goutiere, ie n'ay enuie de voler si haut, ventre S. Quenet parlons de descendre en cufine, non pas de monter à la lune, ou nous n'auons que faire. N'est-ce assez voyagé? Allons nous ma-



rier trestous. Maistre Aliboró au cōtraire avec moy, estoit de l'aduis d'Enguerrád, quoy que il en deust aduenir : Aussi bien n'auions nous trouué en terre ny en Enfer chose qui nous contentast : Pource y fismes condescendre Roger & trouuasmes nos triquehoules en forme de cueilleurs de pommes pour voler. Nous volerons disoit Roger, à l'aïse, aussi bien sommes nous bien legers: Je me recom- mande cependant a nostre Dame de Laurette, & au reuerend S. Diago en Galice. Allons, qu'on me trouffe.

*Comment fusmes transportez sur le Cercle Lu-  
naire & de ce que nous vismes à l'entree.*

CHAP. IIII.

**P**reparez que nous fusmes, nostre petit diable baissant la teste, fit de ses cornes, vn rond parfait sur la place, les contournant a la façon d'vn compas, le cul en haut, nous faisant mettre tous quatre dedans, puis crachant en terre par trois fois noir comme ancre, lacha autant de pets, qui puoient comme cent diables, nous toucha d'vne verge qu'il tenoit, par trois fois, & soudain fit le faut de cheure, commandant d'aller. Il n'eut acheué la derniere syllabe de son commandement, que fusmes transportez au haut de ceste cheminee, & de la tout d'vne tire en l'air ou no<sup>s</sup> sentiós ie ne sçay pourquoy qui nous chatouilloit aux enuiron, beuans de la rosee tout nostre faoul, & chantant a la mode des alouettes, tant que perdismes veüe de la



terre & de la mer. Nous estions ja bien pres  
de la Lune, quand au deuant de nous vint  
vne Dame bien coiffée, ayant vne Lune en te-  
ste, laquelle nous exhorta de prendre coura-  
ge, & que bien tost verrions la Lune. Ladi-  
te Dame s'appelloit comme nous sçeumes  
depuis, Langue Belle, ausi auoit elle du ca-  
quet tant & plus. Dont disoit Rogier, qu'il  
falloit croire qu'elle fust bien fenduë a cause  
du prouerbe qui dit,

*Femme qui a bel oustil*

*N'a pas faute de babil.*

Or ayant mis le pied sur le Cercle Lunai-  
re, nos yeux furent esblouis, & ne peusmes  
plus rien voir fors que ladite Dame, laquel-  
le priaismes tous d'une voix, de faire en sor-  
te, que vissons en quel pays nous estions, ce  
qu'elle nous octroya, & vismes merueilles,  
avec plusieurs choses diuerses comme au  
monde: Car suyuant l'opinion de Xenopha-  
nes, tout y estoit habitè. Vray est, que nous  
n'apperceuions pas ce que nous voyons, car  
nous ne sçauions que c'estoit que nous vo-  
yons, d'autant ausi qu'au lieu d'aller droit,  
nous allions en reculon. Au lieu d'arbres &  
de verdure, nous n'auions la veuë que de fa-  
lots par tout, & de phares. Au lieu d'animaux  
nous ne voyons que phantosmes passans &  
taruersans. Ce qui nous donna quelque fra-  
yeur du commencement, principalement à  
Roger, qui à cause de son nez de gruë en  
voyoit des plus effroyables: Car à dire vray,

Us n'apparoissoient à tous de mesme façon. L'un cuidoit voir vn bouc, que l'autre voyoit la forme d'un graue Docteur. L'un disoit, voilà vn pourceau, & l'autre, voilà vn caphard. L'un, j'apperçois vn asne, & moy disoit l'autre vn personnage de longue robbe. Enguerand s'escria a haute voix, qu'il voyoit vne trainee de serpens volans en l'air. C'est, repliqua maistre Aliboron, vne procesion de pœnitens tels que j'ay veu en Frâce au temps que j'en partis. O la belle assemblee, dit Roger, de gens d'honneur, Euesques, Cardinaux, Ieluites, & Mendians. C'est luy di-ie, bien veu pour vn aueugle. Ce sont, par la vertu de ma Gibeciere, les Espagnols qui sortent de Paris, cõduis par le Duc de Feria, leur chef. Voyez vn François Espagnolise qui presente ces nouvelles au Roy d'Espagne. Voyez vous dit maistre Aliboron, vne compagnie de gendarmes avec l'escharpe noire, ce sõt Ligueurs sur mon honneur. Nous regardions attentiuemēt, & ne les voyons point: Mais bien vne trainee de cerfs fuiās, entremeslez de tygres, de lions, & de loups. Ainsi estions tous ravis en admiration de contradictions, tant que la Dame qui nous menoit nous dit. Mes bons amis, ce sont icy les premieres Regions de la Lune, d'ou ie suis maistresse & souueraine, vous n'y cognoissez rien, & n'avez la veuë capable pour discerner ce qui est: mais regardez en terre, & contemplez avec moy toutes les aduēues dici. Quelle terre? respondismes

nous. Rien au tour de nous, & sous nous ne voyons que feu. Dame de grace, que remarquions a nostre aise ce qui est digne de memoire en ce pays cy, pour en conter en assurance a nos amis. C'est bien aduisé, dit elle, allons, vous verrez premierement mon Palais, puis vous meneray pre mener sur mes possessions. En allant, Roger apperceut de belles & gentilles Damoilles, prestes a marier, a ce qu'il disoit, mais come il les vouloit embrasser, il trouua que c'estoient chemineres. Vne aut:efois pensions ouir des Philotophes disputans, c'estoient coquefigures de mer. Il nous sembloit voir le triomphe de quelque grand, & trouuastmes des fanfares de Rome. Tel pensoit sentir des roses, que cestoit bran a vostre nez. Nous estimions taster du miel, que c'estoit fiel, voire du vray poison. Nous apperceustmes plusieurs qu'on fouiettoit a grands coups d'escourgees, & prenoient plaisir a estre ainsi fouiettez, d'autant qu'ils disoient que cela leur faisoit reuenir la pear, & seruoit a la digestion. De fait, approchans de bien pres, pour les voir, ils nous dirent, qu'on ne les fouiettoit mie, mais qu'on leur graissoit le vêtre. Il y eut bie pis, car les voulans manier, ne trouuastmes que des vessies. L'vn des fouietteurs haussa le bras a mo aduis pour nous toucher, & nous toucha Enguerrand, s'en plaignoit. Roger en rioit. Je, disoit Enguerrand, pensois estre charouillé, que ce vilain m'a donné vn grand coup de son fouiet

au trauers les iambes. Je disoit Roger, péfois  
que ce bon homme me voulut donner de son  
fouet sur les greues, mais il m'a seulemēt cha-  
touillé le costé. En sorte que tous nos sens  
estoiēt deualisez en ces contrees: & tel d'en-  
tre nous cuidoit auoir l'esprit à la teste, qu'il  
l'auoit au talon, comme vous diriez ceux qui  
ont bonne enuie de courir. En fin, tant che-  
minames par ci, par là, en retrogradant, que  
les talons de nos fouliers en estoïēt tout vlez.  
Paruenus que fusmes au Palais, la premiere  
Dame nous laissa, & en vint vne autre, à qui  
elle commanda nous faire voir ledit Palais,  
qui me sembla au frontispice grand & sum-  
ptueux. Ia ne serons, dis-ie, deceus ceste fois,  
car realemēt nous apperceuons tous la beau-  
té de cest edifice. Voyez si vn auant portail  
d'ouurage Tuscan, & Dorique, ou la Lune  
en son globe spherisque est richement entail-  
lée. Obseruez ces deux Stilobates, ou Piede-  
stats, de proportion diagonnee, sur lesquels  
sont posees deux vieilles Mangonnes, tenan-  
tes en main leurs lanternes, & portantes au-  
nez doubles lunettes, pour mieux considerer  
ceux qui entrent & sortent. L'vne ce sem-  
ble regarde vers nous, l'autre au dedās dudit  
portail, ouurage certes exquis, & naif, autāt  
qu'en sceut iamais faire le noble Pillon à Pa-  
ris. Cōtemplez en apres par deffous les pan-  
neaux, terminans la circonferece de l'arc pas-  
ser l'architraue, la frize, & la cornice dont  
les extremittez se voïēt deffus les chapiteaux.



Remarquez dedans le plat-fons du frontif-  
pice, le bon vieillard Saturne, tenant en main  
sa faux : Ne voyez-vous derriere luy force  
villes ruinees & medalles vſees, & au deuant  
dancer Jeunesse, cointe & iolie, qui ne fait  
semblât de le regarder? Prenez garde sur tout  
a ces oiseaux de diuers plumages, faits d'ad-  
mirables chef-d'œuure, car les regardans il  
seublét mesmes en la pierre changer de cou-  
leurs, voire de forme. J'auois l'œil tâtoſt sur  
vn corbeau en cest endroit, & maintenant i'y  
apperçois vn ſigne. Dessus le fer de sa faux  
i'y lits ces vers,

*Le temps suruient, & rien n'eschape*

*La main du temps qui tout attrape.*

Plusieurs sortes de gens sont representez  
autour, crians apres. Les vns souhaitent qu'il  
viene, les autres qu'il retourne, mais le pau-  
vre las d'aller ne se haste pour ceux-ci d'vn  
pas, & semble pour ceux-la faire la sourde  
oreille. Voyons, de grace, le berceau de cest  
auant portail, continuât mô propos: O beau  
spectacle. Que de pointes de diamâs de tous  
coustez. Quel est ce tableau qui paroist au  
fonds du berceau, droitement sur l'entree du  
Palais? C'est Mercure, ie le recognois a ses ta-  
lonniers, a son pennache, & a son caducee.  
Deux vierges de relief aux deux costez pa-  
roissent qui font l'enchasseure dudit tableau  
& representent leſdites deux vierges la bône  
occasion & la mauuaise: denotans qu'il faut  
parler & se taire, quand le temps le requiert.



Cela dit, mes cōpagnons, qui m'auoient quis  
sans perdre vn mot, se prindrent tout trois a  
rire si fort, que l'haleine presques leur faillit,  
& estoient les paroles que i'auois dites cause  
de leur ris, d'autant qu'ils ne voyoient rien de  
semblable a ce que i'auois dit, dont fort estō-  
né & confus, fut long tēps apres sans parler:  
Et prist maistre Aliboron la parole, disant, &  
afferimant que tout ce qu'il voïoit n'estoit  
pour tout qu'une vieille case de pescheur,  
dont les aboutiffans estoïēt de deux masures  
creuees par le milieu. Et lois de rire plus que  
deuant. Puis dit Roger, vous auez tous la ber-  
luë, ne voyez vous pas que c'est vn ioly cabar-  
ret, allons nous y rafraichir, aussi bien y a il  
long temps que sommes a ieun. Allons, de  
grace, nous beurons, & du meilleur. Voyez  
ci l'enseigne, lisez:

*Qui voudra boire qu'il s'arreste,*

*Ceans on donne du meilleur*

*A tous venans, car c'est la feste*

*D'un vaillant & noble beueur.*

Il sont par la vertu-bleu de nopces leans,  
a la bonne heure, entrons mes amis. Il vou-  
loit entrer, quand Enguerrand le tira par la  
cape, tout couroucé, Hé ou cours-tu, pauvre  
homme de bien, disoit-il, prens-tu prison  
pour cabaret? Ne vois-tu les gros treilles de  
fer? noi-tu le cri des prisonniers? La Dame  
nous auon regardé en silence iusques icy,  
mais nous ayant ouy tant parler sur les diuer-  
ses perspectiues de son palais, vfa en fin de

uels propos. Compagnons, il est temps qu'ostiez ces masques & faux visages qu'avez si longuement portez, lesquels vous empêchent de voir appertement les choses qui sont ici. Ce disant, nous porta la main aux yeux, comme si elle nous les eut voulu arracher, & nous tira à chacun vn masque du visage, dont eusmes tel horreur, que ne pouuions assurément ietter la veuë dessus. C'est disoit, Roger, ce meschant diable aux Enfers, qui nous auoit ainsi chafourez. Qu'au diable soit donné le vilain. Lors dit la Dame, regardez maintenant ce Palais: le ne vous dis point voyez, mais contemplez ce Portique à la mode Ionique, garni d'aïles, ou double reng de colonnes, tant en sa principale rencontre, qu'en son fonds, dont l'estenduë est de six vingts toises & demie de haut. Observez lesdites colonnes, glacees de toutes les pierres de mēlange que la nature peut produire, les bases & chapiteaux composez de fines escharboucles, avec l'architrane, la frize, & la cornice de pareille estoffe, & proportion bien gardee. Dessus le plan de ce Portique est la Verité depeinte, rayonnant de toutes parts. Meditez ces vers escrits en ce marbre orné en sa circonference de gros bouillōs de fleurs & defruicts, qu'elle tient en sa main dextre. Nous les leusmes tous auidentement à son commandement, ainsi comme il s'enfuit.

*Tout ce que voit, tout ce qu'admire,*

Tout ce que le monde desire  
N'est qu'un faux lustre, ou les malheurs  
Se deguisent par des couleurs.

L'homme se fraude de la ioye  
Tant plus à la ioye ils employe:  
La ioye se tourne en tourment  
Si elle n'a du changement.

Toute chose au change est suiette,  
Par labour le repos s'achepte,  
Et qui n'à point d'amer au cœur  
Ne sçait que c'est que de douceur.

La plus grand' part de vostre vie.  
Pauues humains, vous est rauie  
Par la loy de necessité  
Qui vous nourrit d'aduersité.

Et bien souuent celuy qui pense  
Fuyr vne iuste vengeance  
S'enferme, & luy mesme se prend  
Au fil, ou son malheur l'attend.

Il n'est rien tel que l'homme sage  
Pour emporter un aduantage  
Sur le deslin, car il se rit  
Des craintes qui sarcent l'esprit.

Aduienne que le ciel se rompe  
Son assurance ne le trompe,  
Car elle a un fondement  
Qui n'est suiet au branslement.

L'homme ignorant se passionne,  
Et luy-mesmes le mal se donne:  
En somme la ioye & l'ennuy  
Ne vient à l'homme que par luy.

*Comment nous entraſmes au Palais Lunatique, & de ce que nous y viſmes & ouymes.*

C H A P. V.

**L**A lecture paracheuee, fuſmes introduits par ladite Dame dedans le Palais par vne petite porte à l'entree de laquelle eſtoit vne fontaine, où il nous conuint lauer bouches & mains, à la forme des anciens Iuifs. L'eau paroifſoit comme du feu, & n'oſions du commencement y mettre les doigts, mais aſſeurez de noſtre conduite, en lauafmes non ſeulement ces parties là, mais tout le viſage, retrouſſans nos bras iuſques aux coudes. La vertu de ceſte eau eſtoit telle, que beüe, elle faiſoit entrer chacun en amour de ſon compagnon; & regardée, au cōtraire nuifſoit à l'amitié: Car nous mirans ſeulement dedans nous nous apparoiſſons plus beaux que n'eſtions pas, & noſtre voiſin no<sup>9</sup> ſembloit toujours plus laid que nous meſmes, pource en beumes chacun à plein gaudet, claignans les yeux, afin de nous aimer tant plus l'vn l'autre. Mais vne choſe aduint auſſi contre noſtre eſperance, que chacun de nous depuis en deuint grand ſonge creux. L'vn parloit demander melons en hyuer, l'autre de multiplication ſur vn à deux, l'vn de l'eſprit vniuerſel, l'autre de la premiere matiere. Vrayement, dit lors Roger bon Temps, ceſte fontaine eſt bien lunatique, elle nous a bien operé au cerueau, Je croy que les Alkemiftes en ont tiré leur borax & leur Mercure. De l'autre coſté,



de la porte estoit vn Lyon, vray & naturel, tirant la langue de grande foif, mais qui pour estre lié ne pouuoit boire, non plus que mordre: dont nous fut dit par la Dame, qu'il estoit là pour vn certain temps, & qu'vn iour viendrait, qu'il seroit lasché pour boire, afin qu'il deuint Lyon fort & puissant pour la garde du Palais. A ce que ie voy, dit maistre Aliboron, l'histoire ne fut fausse du Lyon qui tomba du Cercle Lunaire dans la ville d'Athenes, puis que cestui-ci est si bien lié, afin qu'il ne tombe. Vous voirrez dit la Dame, tantost choses bien plus estranges, entrons de dás, & me suivez. Nous la suiuismes bien deliberez, & fumes par elle introduits en vne grande & spatieuse sale, où nos yeux eurent tous les contemtemens qu'ils sçauoient souhaiter par la contemplatio de tout ce que l'esprit peut excogiter. C'estoit des idees, lesquelles Platon appelle immuables, immortelles, infatigables. Nous y vismes en idee les machines du Roy d'Espagne, & de son Lieutenant l'Archiduc Erneste au gros ventre, qui faisoient fuyr les petits enfans. Et à vne tapisserie de foire, les triumphes de feu Iean de Lagny, Roy de Brie, Duc pretendu de Corbeil, & Vicomte de Neuf chasteil, leur predecesseur, lequel, comme vn Metellus, se faisoit dresser des autels, mettre des chappeaux de fleurs sur la teste, & rouller des images de victoire, quand il estoit à table, avec engins, & mouuemens secrets. Sur les



pieds estoit escrit ce mot, *Paliocretes*, comme  
qui diroit, forceur, & preneur de villes, vou-  
lant signifier par là, qu'il en auoit bien abatu,  
en son temps. De là fusmes menez en vn lieu  
d'où s'entendoient tous les vœux & prieres  
qui se faisoient sur terre. Nous en oyons qui  
prioient à grands cris, que la Couronne tom-  
bast en leur maison : Autres qui desiroient la  
mort de leurs peres, pour faire grand chere &  
boire du meilleur. Pleust à Dieu, disoit l'au-  
tre, que ma femme fust bien morte, & que la  
Cour me donnast cause gaignee contre ces  
bonnes gens que i'ay pillez. Cestui-ci souhai-  
roit prendre vne ville d'assaut, cestui la forcer  
sa voisine. Cest autre demandoit d'estre admi-  
ré du peuple, & estre môstré au doigt, comme  
vn grad Docteur. Sur mer l'vn appelloit le Su,  
l'autre le Nord. Le laboureur desiroit la pluie  
& le tainturier le Soleil, chacun diuersement.  
Certainement, dit lors maistre Aliboró, voilz  
des importuns demandeurs, que ne suis-ie  
Roy de ces pays pour quinze iours, ie les gal-  
lerois bien. Nous en auous, respondit la Da-  
me, ici les oreilles rompues. Quand vous re-  
tournez là-bas, aduertissez les de la male  
bosse qui leur viendra bien tost, & sur tous ces  
hypocrites, qui cheminent avec vne si grande  
ostentatió de vertu. Qn les voit tousiours avec  
leurs habits desguisez, leurs grandes barbes,  
leurs sourcils replissez, cuidans ainsi tromper  
Dieu côme ils trompent le môde. Mais quant  
à vous, n'en faites cas nō plus q̄ de iours de

farces & tragédies, aufquels si vo<sup>9</sup> ostez la robe & le chapeau Royal, vous ne trouuez q<sup>z</sup> des belistres louéz à gages, pour faire rire, & estonner le sot peuple qui les regarde.

*D'une trape qui nous fut ouuerte, par laquelle voyons ce qui se faisoit en terre.*

C H A P. V I.

**D**E ces escoutes fusmes menez, aubeau milieu de la sale, où ladite Dame du petit doigt sans peine quelconque ouurit vne grande porte qui estoit à plate forme, telle que voyez en plusieurs endroits estre és b<sup>9</sup>s cabarets, afin que par la visions tout ce qui se faisoit en terre, ainsi qu'auions ouy les voeux qui s'y pronçoient. Lors pensay à part moy, q<sup>z</sup> vrayemét ceste porte estoit l'un des yeux que cuidi<sup>9</sup>s voir à la Lune, d'ici, ce qui est neãmo<sup>9</sup>s faux. Car comme dit est, autre chose ne sont ces yeux susposez que portes, d<sup>9</sup>t no<sup>9</sup> fut ceste-ci ouuerte, en sorte q<sup>z</sup> voy<sup>9</sup>s la terre sous nos pieds, estendre sur la mer, non plus ne moins qu'une petite basse ou esteuf qui flotteroit au milieu d'un grand estang. Le noble Philosophe Seneque n'en mentit iamais, ayant fait ce voyage comme nous, sans doute, & regardé par la trape en la Lune, quand il s'escria en si grande perplexité. *Hoc est punctum quod inter tot gentes, ferro, & ignidiuiditur.* Et apres regardant les hommes, luy semblants, comme certainement ils nous sembloient de petits rats de montagne, & foutmis fourmillants, vsant de ces ter-

mes. *Cum te in illa vere magna susuleris;*  
*quoties videbis exercitus sub rectu ire vexil-*  
*lis libebit dicere, it nigrum campis agmen,*  
*formicarum iste d'scursus est in angusto labo-*  
*rantium.* Défait, à ceste heure là mesme  
de bonne encontre, perissoit ceste grande ar-  
made d'Espagne sur mer, dont auez tant ouy  
parler, laquelle, disoient les bons Catholi-  
ques, principalement les plus zelez, & ama-  
teurs de doublons, deuoir bien tost faire vn  
pour sur mer, pour la commodité des mar-  
chands allans & venans de France en Angle-  
terre: Mais par nostre Dame de Clery, qui  
fut la bonne Dame du Roy Loys vnième,  
iamais ne fut tant ry que nous riasmes à ceste  
fois. Car voyans ainsi toutes ces galeaces &  
gallions, carraques & carraquillons, flabarts  
& flambillons esparts deçà & là sur l'Océan,  
croyons fermement que ce fuisse, non-armée  
de l'invincible Philippus, Roy de tous les  
Diables, mais vne rangee de ces petits papil-  
lons, que les Latins appellent *Pombices*, les-  
quels font leurs œufs sur le papier, prenās les  
voiles pour les aïles, & le corps du vaisseau  
pour le corps du vermisseau, les masts pour  
les cornes, & les Espagnols, se iettās en mer,  
pour les œufs ou crottes qui leur sortent du  
cul. Lors dit Roger,  
*Nul tant soit fort & puissant Empereur*  
*N'evitera du grand Dieu la fureur.*  
Nous demandāmes à voir la France, ne la  
pouans gueres bien reconnoistre depuis la

temps qu'en estions partis, (cōme certes elle estoit bien chāgée) nous n'y voyons que cha-temites, hypocrites, cagots, brifaux, & farfa-dets trotter: Si auoit il presse à qui y feroit Roy Et iouioient les Rodomonds de Castille, gros couillards de Lorraine. Clabaudiers de Sa-uoie au trois dez pour cest effet, à qui feroit plus belle rasse. Chacun y predendoit. Cha-cun beelloit apres. Cependant le plaisir estoit de voir dans Rome le Conclau qui se tenoit à la creation d'un nouveau Pape; car c'estoit du S. Pere de qui dependoit l'heur du dez: dōt fut pour lors la difference des escarlates gran-des. Les ambitieux estoient aux escoutes pre-noient les voix à la pipee, donnoient bo-s iours à qui en vouloit, souffloient au cul d'un chacun, trottoient de iour, consultoient de nuict, pissoient quelquesfois d'aïse en leurs brayes, comme petits chiens à qui on cha-toüille le ventre, s'entretenoient de persuasïōs se sustentoient de billeuzzees. Mais apres qu'ils eurent bien sué, le plus morfondu fut esleu, & n'en peumes apperceuoir la cause, si-non qu'il sçauoit tresbien braquer le canon, & fulminer. Lors dit Roger bon Temps, ià ne m'estois aduisé là bas de lire mon breuiare comme cestui-ci pour estre Pape, & trouuer Fortune si magnifique: Si i'y retourne vne fois i'en acheteray vn beau gras à ceste fin, & feray Roger premier du nom. Puis Dieu sçait combien ie feray de Cardinaux, combien de nouveaux ordres. Il me fera moult beau voir



equipé avec vn domino de veloux cramoisy,  
vn thiarrhe à la Perfique, & des gans en mes  
mains, bien brodez, faisant la croix à tous  
passans, porté sur les espaules de quatre  
Barons, & excommuniant tous Roys, Prin-  
ces, & Potentats, qui ne voudront venir bou-  
quer à ma pantoufle. Or comme nous estions  
attentifs à regarder d'autre part l'assiette &  
disposition des villes, fut apperceu de cha-  
cun de nous plusieurs confesseurs, qui con-  
fessoient filles la main bas, & iugions à les  
voir en ceste contenance qu'ils la leur met-  
toient sous la cote: Toutesfois n'en ofi-  
ons assureur a cause de la distance du lieu. Bien  
nous fut-il dit par la Dame qui nous con-  
duisoit, qu'ainsi bailloient ils l'absolution,  
Encore n'estoit-ce rien au prix des bougres &  
bougerons, que voyons par tout faire leçon  
publique, outre ceux qui estoient couchez  
avec leurs soeurs, leurs meres, & leurs filles.  
Par toutes les places & quarrefours ne voyés  
q̄ trompeurs & vsuriers. Dans les Palais que  
chicaneurs. Es escholes & colleges que pe-  
dants, asniers, corrompans la ieunesse. A la  
Cour des grands rien que flateurs, & de tous  
costez poètes hupez, philosophes morueux,  
faisans monstre de leur Latin. Plusieurs cho-  
ses aussi nous furent claires la haut, que nous  
estimions ici bien cachees. Entre autres, nous  
fut ouuert le conseil d'Espagne, qui se tenoit  
lors a Nancy en Lorraine, où fut conferé du  
bien de la France fort secrettement, & signee



d'un chacun vne belle Ligue, pour la conser-  
uer enuers tous, & contre tous. A cela plu-  
sieurs Badaux en Badlauri s'accordoient,  
louans publiquement ces bons pilleurs de la  
Couronne, pilliers, vouloy-ie dire, mais la  
langue m'a fourché, pardonnate-mi. D'autre  
costé furent vetüs par nous les grandes ar-  
mees que les heritiers de Raoul, fils d'Abert,  
Comte d'Asbourg ( lesquels sortirent inuifi-  
blement par vn trou de la race du petit fils de  
Childebert Roy de Mets ou d'Austrasie ) en-  
uoyoient au secours des zeellez, & estoiet ces  
zeellez gens d'vnion, aimans fort d'vnir le bié  
d'autruy avec le leur, afin de descharger le  
peuple, & viure en repos d'oresnauant : Mais  
ne sçay comment, par parmision diuine, &  
aux hommes occultes, vismes incontinent ces  
armees, & zeellez fondre au soleil, comme si  
ce fussent esté marmousets faits de neige ou  
de beurne. En vn mesme moment iettions no-  
stre veü sur l'Estat du grand Seigneur, que  
voyons, ie vous l'asie, de belle estenduë, &  
prest de bien tailler de la besongne aux Ca-  
tholiques d'Austriche, voire au S Pere de Ro-  
me, cependant qu'ainsi entretenoit les diui-  
sions des Princes Chrestiens: Et pource faire  
traitoit avec le Sophi & le Tartare, les voisins.  
Las, m'escriay-ie lors, quand auront cué leur  
vin nos Princes enyurez? Iusques a quand ne  
cognoistront les peuples ce qui leur est pro-  
pre? Ne voyons-nous ici les vns cauton-  
nez, faisans vn corps Anarchique? les au-

tres rengez en vne Aristocrasie d'ambition?  
Ceux-ci en Democratie turbulante? Ceux-la  
en Monarchie tyrannique? O pauvre France,  
que tu as d'enuieux, que de loups guettent  
apres ta peau! He, te faut-il tant de Roys? Vn  
seul ne te suffit-il pas? Tes Prouinces sont au-  
tant de Royaumes, Que di-ie tes Prouinces?  
mais tes villes plustost sont autant de retraites  
de Roitelets. Tu n'è peux souffrir vn, & pour  
vn t'en naissent mille. Tu n'estoy fouëttee que  
d'escourgees, & tu les ores de scorpions. Je  
n'eux pas acheué ma plainte, qu'aussi tost ap-  
perceumes vn petit Diable noir, tirant le cou-  
steau de sa manche & frappant le bon Roy  
Henry troisième du nom: Plusieurs autres en-  
fumez esguisoient les leurs, pour enferir son  
valcureux successeur à present regnant. Mais  
comme iceumes de nostre conduite, à ceux-là  
ne seroit donné pouuoir de mettre en execu-  
tion leur damnable & maudite entreprise: Bié  
d'estre hapez, rostis tous vifs, estrippez, & em-  
palez comme cochons de feste. Amen, amen,  
respondimes nous tous, les bonnes gens ne  
s'en porterót que mieux. Passons plus outre.  
*Du second quartier de la Lune, d'où nous furent  
monstrez le pays des gens de là l'eau.*

C H A P. V I.

**R**ien ne fut obmis de l'estat de la terre cõ-  
me dit est, qui ne fust par nous bien con-  
sideré de ceste trape, & remarquee en gros la  
miserable condition des hommes qui y habi-  
toient, de la fusmes soudain menés au second

quartier de la Lune, car elle a quatre quartiers  
comme sçauéz. Vous me demanderez peut  
estre de quelle matiere est la Lune, & q̄ c'est.  
Certainemēt, mes bons amis ie n'en sçay que  
dire, ie l'ay oublié, tant auions les esprits oc-  
cupez a la consideration des choses qui s'y-  
oyent. Si n'estes satisfaits, allez y voir, & ne  
laissez pourtant a contenter vos femmes, de  
peur de melancolie, & du mal commun aux  
veaux qui commencent a croistre, arriuez dōc  
que fusmes a ce second quartier, rencontra-  
mes en chemin plusieurs personnes soy pro-  
menant la face bas, qui la, qui la, tous par di-  
uerfes voyes escartees les vnes des autres, &  
sçeumes que cestoit le quartier des Philoso-  
phes, lesquels ainsi cheminoyent rumināts,  
& marmotans des leures comme guenons.  
Comment, dit lors Roger, ceux-cy sont-ils  
sages iusques a la haute gamme? Ils en ont la  
mine, ie le voy, De grace, oyons-les vn peu  
parler, il fait bon tousiours apprendre, Non,  
non, dit lors nostre conduite, ne vous atten-  
dez a ceux-cy que voyez ainsi metagrabouli-  
sez, ils n'ont de philosophes que barbe & le  
sourcil, mais tournez leur le dos, & voyez ces  
gentils falots qui dansent icy au soleil, le bou-  
quet sur l'oreille: C'estoient compagnons de  
la bouteille, tous bons alterez, & triuqueurs.  
Si tost qu'aperçeus il nous eurent, ils rompi-  
rent leur dance pour nous accolér, nous fai-  
sant tout l'honneste recueil qu'eussions sçeu  
desirer, monstrant tousiours vne chere ioyeu-  
te, au

se, au contraire des fufdits pales, defaits, & contrefaits. Nous leur demandames à quoy ils passoyent le temps, à bien faire, respondirent-ils tous, & à nous resjouir. Hé bien, quoy, leur dit Roger, depuis quand est la venue en ces quartiers ? Nous ne sçavons, respondirent-ils, nous ne contons, ny n'observons point le temps & faisons ici, c'est à faire à gens de la l'eau. Quels gens de la l'eau: repliquames nous? Ne les vites vous onques demanda l'un d'entre eux. Non que sçachions respondit maistre Aliboron: mais, à la pareille, faites-nous les voir. Je le veux, dit le compagnon, regardez par ce trou en terre. Ce disant ouurit vn guichet qui estoit sur ses pieds, par lequel regardans ensemble, aperçumes le pays ou ils demouroient. Je vous diray premierement vne chose de ceste contrée-la, presque incroyable, & neantmoins aussi certaine, que vous estes tous des vidazes. C'est qu'encore qu'aucun Cosmographe n'en ait parlé, & que personne ne l'ait veüe, non pas mesme Theuet qui a veu les choses inuisibles, toutesfois le plan en est tel, que de quatre coings qui le font quarré, il touche aux quatre parties du monde, & qui plus est, participe à tous les climats, nourrissant des hommes de toutes sortes: Lesquels ont ceste façon entre eux, que le plus sot est le plus heureux faisant d'une buse vn Elefant, & d'un mâche de balet vn couffier de Naples, & d'un festu vn thresor. Leurs maiôs sont de bourre & de



crachar, où ils font la meilleure part du téps  
enfermez à resuer & syllogiser combien du-  
reront leurs habits employât l'autre a dormir  
le nez cõtre terre. Que si à quelque beau iour  
de l'an il leur aduenoit de fortir hors, c'estoit  
pour s'eplucher au soleil comme chapons du  
Mans, où a escrire contre vn mur avec les on-  
gles Cela fait aussi tost se renfermēt, le regard-  
ant les vns les autres par les fenestres. Cela  
nous contoit le compaignon suldit, ainsi que  
les regardions & contemplions. Quant à leur  
viure il estoit, sçeumes nous aussi, si referré, q̄  
c'estoit pitié, car ils ne mangent qu'vne fois le  
iour, encore vn peu de souppe rechaufée, avec  
vn demy traict de Piscantine trouble, qu'ils  
hument tousiours en groignant par l'ordon-  
nance de leurs chiches prouiseurs, & si font, à  
ce qu'ils se plaignent, de grands despens en  
meſnage: & mettās pour ceste cause tout leur  
soia & contentement à faire amas de vieux  
drapeaux, & d'escus, tant qu'ils peuuent, les-  
quels quand ils peuuent auoir, si otent perpe-  
tuellement, peur que la rouillure ne s'y mette  
contant, repregnent, remettent, retirent, refer-  
rent en leurs tirel res, clouees à double ban-  
des de fer, avec autant de ferrures, enfermāt  
souuent l'vne dans l'autre, outre le coffie biē  
garny de bonnes ferrures à cent ressorts, bien  
encheiné, & cadencé contre la parroy, où  
ils le tiennent, comme j'ay ia dit, faisant le  
guet iournellement, crainte des bien-veil-  
lans.



*Miserables humains, qui à choses si vile,  
Rendent & leur raison & leur ame seruite.*

Au reste, c'est vne coustume fort obseruee entre eux, qui veulent tousiours faire croire à ceux qui les vont voir, qu'ils sont les plus habiles, accomplis de tout le monde, cuidant par ce moyen gagner la monarchie en matiere de rauauderie, & periuader à leurs creanciers, qu'ils sont quittes & francs de toutes debtes. Comme autresfois i'en ay veu qui par subtile inuention faisoient d'vne cedula, vne quitance, ainsi que les pastisiers de deça, d'vn regimét de mouches vn pasté d'assiette. Enquoy vous aprenez que c'est de la Iurisprudence, & des sumptuositez de ces guilmins. Quant à leur police, elle estoit prise sur le modelle des Maturins a Paris, où mesieurs les maistres inertes se bourrent *in modo & figura*, a grands coups de bobelins, & chaperons. Car premierement ils sont fourrez de mesme, & s'assemblent par Procureurs nationaux, tous en belle ordonnâce, bedeaux deça, bedeaux dela, Puis loudainemét, côme si quel que arreste les tenoit au gosier, faisans premierement chacun trois tours en depit du loup, criét tous d'vne voix, *viuat, viuat, viuat*, chacun troisfois seulement, differens en ce point a nos grimaux, qui n'ont aucune cesse iusques a tât qu'on leur iette vne benedictiõ en gueule. Cela faits retirent chacun en leur chaudiere, verrouët leurs portes comme deuât, & sont le guet aux fenestres. Entre leurs cousta-

mes, celle est la plus mal plaisante, qu'on ne voit leurs femmes qu'au trauers des vitres, cõ me si se feussent reliques, n'osant les pauuertes estaller leur marchandise ainsi que nos Dames, non crainte qu'elles ayent d'estre batuës mais plustost de ne l'estre point : Car cest religion entre elles; cõme en Moscouye, quand leurs maris les battèt tres-bien & s'estime celle-là mieux mariee qui a plus de coups. Ce q' i'estime croyez diuicillemét. Si ne forgeay-rien du mien, cõme ces affronteurs, menteurs, & imposteurs Docteurs. Et a propos de Docteurs, les gës de de-là l'eau, nous disoit on, en ont bonne quantité, lesquels en tout temps tirent au court festu à qui le fera, il n'importe qu'ils ayent sçauoir ou non, pourueu qu'ils ayent bonne trongne: Mesme s'il est trop sçauant ils en font vn heretique, & le chassent d'être-eux, ainsi n'ont-ils garde de deuenir fols de studier, comme plusieurs. S'il arriue quelquefois qu'ils ne soient bien saouls & repenz, ils prendront plaisir de sermonner de continence & estant à table de discourir de la guerre: ainsi que souuét on voit entre nous des mirolorets : qui couchez sur la plume à leur aise, maintiennent que le dormir sur la dure n'est pas vn si grand mal qu'on le fait. Cõme d'autres, qui en santé gaillards, & refaits donnent avec si grande confiance consolation aux malades où qui assis aupres du feu, le verre à la main en temps d'hyuer, soustiennent que le froid est salutaire pour corroborer les parties

vitales. De belles. Ce n'est pas tout, il fait bõ  
courir la poule en ce pays-la, car les hommes  
y sont si coyons, & craintifs, qu'ils se cachent  
en l'eau & sous terre, de peur des fueilles.  
Vray est qu'ils ont assez bon geste derriere vn  
pourpoint de muraille, & sçauent faire les pe-  
rits moulinets avec les deux espees au temps  
de debauche, qu'il faut aller empescher le pas-  
sage aux hanetons, qui s'assemblent pour ron-  
ger leurs vignes, & sur tout ont bonne grace à  
porter le pennache au bonnet, pour effrayer  
les mouches. Cest la cause pour laquelle Jean  
de Lagni les prit tous sous sa protection, &  
s'en disoit Roy, cõme le heron des grenouil-  
les: Dont depuis ont esté quelque peu deniai-  
fez, n'osant monstrier le nez hors leur gilet,  
ny porter oreilles a descouuert de peur des  
mauuais vents, se tenât iour & nuict en senti-  
nelle, pour ouyr nouvelles des terres neufues,  
d'où secours ils attèdent. Que si ainsi aduient,  
il n'y aura belistre qui n'ait liberté, ny femme  
qui n'ait son congé. Mais c'est en vain, les  
neffes seront moles auant ce temps-la. Ce-  
pendant les plus esueillez d'entre eux se tien-  
nent mignõs, propelets, fraizez, dechiquetez,  
testonnez qui se peut. Lors que nous les con-  
templions de la haut, ils faisoient leur mon-  
stre, par fortune, habillez à l'esfragnolle, mar-  
chant le col leué comme oysons bridez, vn  
pied ici, l'autre la. S'ils se vouloient moucher,  
c'estoit par ceremonie. S'ils se tournoient,  
chacun se reculoit, de peur d'endommager

leurs fraizes. S'ils mangeoyent, on leur portoit avec petites fourchettes les morceaux tous maschez iusques au gosier, pour ne leur gaster les dents, & ainsi n'auoyent qu'à aualer tout doucement. En somme, cestoit vn peuple, comme nous en peusmes aprendre, & à ce qu'en remarquasmes en ce peu de temps que fusmes à les contempler de la haut, bien maussade, ennuyeux, & faineât. Aussi ne vous en diray-je plus mot, pour ne demancher vostre patience. Je viens au reste.

*De la seconde sale Lunatique où nous furent mô-  
strées toutes sortes de manouuriers, &  
principalement des Alchemistes.*

CHAP. VIII.

**E**NGUERRAND, qui s'estoit iusques icy veu, ne se peut tenir de demander au compagnon, s'il luy pouuoit monstrier sa Fortune de ceste trape, comme il nous auoit monstredit pays. A quoy ayant fait respôce qu'ouy bien, si tant estoit qu'il la voulust prendre en la façon qu'il la luy monstroit. De cela, dit Enguerrand, ne me chaut, pourueu que ie l'attrape. Voire mais, repliqua l'autre, elle est souuent de mauuaise prise, dont s'ensuit vn repentir, qui se fait de loing sentir. Non, non, dis-je lors, telle ne voulons nous voir ny auoir. Mais, oubliant toute allegorie en paroles enseignez nous beau sire, les moyés de deuenir riches bien tost, car ceste est la Fortune que demâdons, Les richesses, respondit-il, qui viennent à la haste, s'en vont à la haste ausi.



Il faut pour les acquerir, trauailler & estre diligant Or plusieurs sortes sont entre les hommes, de labeurs, & de ce maintenât en uoi rez les Idees dans la seconde sale de la Lune icy pres : Ce disant, nous-mena tout quatre audit lieu, prenât deuant cõgé de la Dame qui nous auoit amenez. Deuant la porte, droitemét sur le plan du perron estoit posee vne pyramide d'excessiue hauteur, laquelle estoit en toutes ses trois faces enrichie de cõpartimés, lesquels contenoient les vœux de chacunes personnes. Et de fait v remarquasmes chacun les nostres & de plusieurs de nostre cognoissance, qui estoient bien difficiles à comprédre, pour estre notez en lettres Hierogliphiques. Vous n'y entendriez note qui vous les diroit. Aussi ne voulumes nous tarder long temps à ceste entree. Le lieu n'estoit gueres different du premier, sinon qu'il s'y oyoit plus de bruit, car routes sortes de manouuriens y trauailloient, & les voyôs chacun à part faisant leur besogne. Les orfeuures sur tous, mareschaux, serruriers, quinqualliers, & batteurs d'or. Entre lesquels remarquions en idee des Alkemistes, soufflé en culs, (ie n'entends ceux qui par vne honneste estude s'emploient a la sciẽce) mais seulement ces albrenéz, qui tousiours sont au cul d'vn alembic, cuidant qu'il n'y a qu'a souffler pour deuenir riches.

*- Ce sont des inuentions,*

*Des folles conceptions,*

*Qui par vn soupçon humees*



Ne produisent que fumées.

Leur raison est de vapeur,

De vapeur est leur bon-heur,

Et tout leur honneur encore

Avec le vent s'euapore.

Ils auoient autour d'eux bonne prouision de drogues conuenables, a ce qu'ils disoient, pour la composition du parfait Elixir, principalement de la Ceruse, qui se fait de plomb bouilly en vinaigre: De la Calchâte, qui est vn a rament plus noir qu'aucun noir, De l'Alun blanc & noir, Du Soulfhre, avec du Bitû, qui aproche de la nature du Soulfhre. Du Naphté, qui est vne sorte de Bitû, ou pour mieux dire, vne liqueur qui cõçoit feu, incontinent que la persõne en est frottee. C'est la drogue mesme dont Medee frotta la couronne & le voile qu'elle donna a la fille de Creon. Puis du Sandaraca & del'Arcenic, qui se trouuent es mines d'or & d'argent Le Sandaraca se fait aussi par art avec la resine de Cedre. Item du sel Armoniac qui se trouue dans les sablons. De l'Orpin, duquel, selon Pline, vn des Cæsars tira du fin or a force de feu. Du Vyncope, qui est rougeaustre, & duquel Homere fait tant de cas, quand il dit que les nauires des Troyens en estoient peintes. Du Cinnabre, qui est tiré du sang de Dragon. Du Minium, qui se trouue es mines du plomb. Du Vitriol, qui tire sur le bleu. Du Leton, que les anciens appelloient *Auricalcum*. Du sel, & du Nitre, qui cuits en Solfre, s'endurcissent comme fer. En

comme, toutes ces matieres assemblees avec  
le charbon, vous les eussiez prins propre-  
ment pour des faux monnoyeurs, neantmoins  
ils s'asseuroient de quelque bonne fortune  
sans tresbucher, d'autant, disoient ils, qu'en  
la transubstantiation de quatre Elemens,  
toutes choses se faisoient. Voire mais, leur  
dit nostre maitre Aliboron, qui estoit verité  
en sine Philosophie, estimez-vous pauvres  
aveugles, par force d'ainsi sublimer & calci-  
ner, que les Elemens se rendent a vous? Ce-  
sont bayes. Vous n'engrosserez, croyez moy,  
jamais vos femmes que de caqueroles, puis  
que ne leur soufflez au cul que du vent. Ils  
ressemblent, dit Roger, aux perdrix, lesquelles  
conçoient si tost que le masle chante, & aux  
iუმens d'Espagne, qui n'ont qu'a ouvrir  
leurs fentes, quand le Zephire est par pays. A  
ce mot vn de la troupe se leua, & nous tira  
a l'escart, nous mōltra dans vn papier la pier-  
re Philosophale: qu'il auoit faite, de laquelle  
en nostre presence il fit la dissolution avec  
vne liure de plomb, qu'il transmua en fin or.  
Et de ce nous aprint le secret, nous disant: Bōs  
amis, ie suis l'Idée du grand Theophrastre Pa-  
racelse, ne vous estonnez, tous ces calcineurs  
que voyez, sont des imposteurs, moy suis en-  
tre eux, & si ne me voyent point, bien que ie  
les voye tous. Allez, & tenez le secret cache.  
Lors soudain disparut de nous. Vous me de-  
manderez de quelle couleur estoit ladite pier-  
re, de quelle grandeur, de quel goust. Si vous

le sçauiez, vous periez bien des vostres, le  
 Roy ne seroit pas vostre amy. Vous auriez  
 tousiours la grace à commandement, le bon  
 vin en caue, la table bien garnie, force faueurs  
 belles maisons, habits de toutes sortes, force  
 musiciens, bref, tout ce qu'on sçauroit souhai-  
 ter pour viure à l'aïse, & ne rien faire. Mais  
 vous ne le sçauerez pas, car vous ne valez rien.  
 Seulement diray-ie en faueur de mes amis,  
 que c'est vne alliance del'esprit avec le corps,  
 comme vous direz vn coup de fourche sur  
 vos oreilles: Et en cela sont fort trompez les  
 extracteurs de quinte-essence, car ils prennent  
 le bran pour la farine. Si vous di-ie encore  
 apertement & manifestement, qu'au cas que  
 le plus braue foiteux des Antipodes vint à en-  
 traler aussi gros que la teste d'vn camion de  
 Damoiselle, par le ferment de la vigne il ne  
 seroit qu'or à vostre gorge. Pource, ne vous  
 esbahissez si les Espagnols ont tant de dou-  
 blons, ils vont lecher le cul aux femmes du  
 Bresil, dont aduient que souuent les Anglois  
 en ont la quinte par attraction. Voulez vous  
 la chose plus claire? Je vay la vous dire.

*Car que sert tant de langages,  
 Entremeslez d'obscurité,  
 Qui veut dire la verité  
 Ne doit point chercher d'ambages,  
 Et qui veut cacher le fait,  
 Doit se taire tout à fait.*

*Ouurez donc les oreilles.  
 Quatre chopines font vn pot,*

*Qui ne le croist est un gros sot.*

Pour conclusion, & fin, & le principal, c'est la projection qui doit estre faite au signe de Gemini, lors qu'il fait beau rapporter les pieces, & iouer de la chalemise à trois parties. Gebei en a touché pertinemment au chapitre de Venus & de Mars: Voyez le passage. Si le destin veut qu'y puissiez comprédre quelque chose, tout ira bien pour vous. Mais gardez bien, à force de refuer, que n'entriez en des fausses imaginations, qui sont sans substance: Car vous vous trouueriez en l'estat de ces poursuiuans de Cour, qui songent toute nuit des monceaux d'or, & quand le iour est venu n'empoignét que du vent: De sorte qu'au lieu de Iunon n'aurez que nuees, & au lieu d'enfans que des Cétaures. Ou comme celuy qui iouoit à Colin-maillard, les yeux bandez, cuidant tenir M. Boucher, Docteur de la Ligue, se trouua les mains sur vn veau. Ainsi seriez vous deceus, à mon grand regret, & pour la cape de broderie porteriez la beface de gueuserie.

*Discours qui nous fut fait par vn compagno, des manieres diuerses pour faire son profit.*

C H A P. I X.

**O**VLTRE le moyen susdit trouué par les auanturiers de Philosophie, nous furent monstrés plusieurs sortes de personnes, gagnans cahin caha leur cherue & paillarde vie. Lors nous fut fait vn magnifique discours par le compagno qui nous conduisoit, tou-



chant la maniere de trouuer argent entre les  
hommes, commençant en ceste façon. Vous  
sçauiez assez, gens de bié, que telle est la fatale  
influence de tout temps dominatrice en la  
ceruelle humaine, que chacun ne pense, ne  
uise, ne tafche, ne songe, & ne traueille qu'a son  
profit particulier, c'est a dire, a viure a son ai-  
se, sans incommodité s'il est possible: En sorte  
qu'il n'y a raison qui puisse persuader le con-  
traire, ny discours Theologal qui soit maistre  
contre cela: Et ceux la mesmes qui preschent  
le mespris des richesses, ne disent pas ce  
qui leur en semble, les bonnes gens qu'ils  
sont. Il n'est besoin d'vser de preuues pour  
cela confirmer. Il ne faut que faire sonner la  
piece, lors. Aduocats de bout gendarmes a  
cheual, artisans en besongne, prestres tous  
prests, menetriers a la danse, tauerniers a la  
caue, pour vous tirer a boire: bref, gens de  
toutes qualitez a vostre seruice iusques aux  
Papes, & potentats. Que si d'auenture quel-  
qu'vn, faute de pratique, & d'auoir hanté les  
Lansquenets, ignoroit encores cela, qu'il aille  
à l'audience, qu'il face tour & demy a la foire  
de Francfort, qu'il visite les boutiques, qu'il  
hâte les cabarets ou pour le mieux, qu'il s'aille  
esbatre vn an ou deux en Italie, ainsi que la  
coustume est d'y enuoyer messieurs les enfans  
de maïso. Qui pour auoir esté tousiours nour-  
ris en caillettes cuidét que les pastez se soient  
liguez avec les alouettes, & qu'il ne faut qu'a-  
uoir appetit, quand il faut māger, dont la plus



part meurent de la foire, qu'on appelle en Bad-  
lory, la va-toft. Et pour y remedier, seroit be-  
toin de les laisser seulement vn demy an au  
seruice du magnifique Seigneur, faute d'ar-  
gent, & autant à la suite d'un cauaillet  
d'Espagne, pour apprendre à cognoistre les  
orenges, & à s'escurer les dents deuât disner,  
car c'est la seule metode pour faire aller am-  
ble tels guildins. Et pour ceste cause ie trou-  
ue par nos papiers originaux, que faire de  
necessité vertu n'est chose si impossible qu'on  
dit coustumierement, car la vertu ne scauroit  
estre ny paroistre sans la necessité. Necessi-  
té est inuentrice de tous arts. C'est le point  
plus certain pour gagner sa fortune. A ce  
mot Enguerrand leua les oreilles, & luy de-  
manda comment il ne l'auoit trouuee, puis  
qu'il estoit deuenu necesiteux iusques aux  
fesses. Vous ne l'estiez encores assez, respon-  
dit-il, il le falloit estre iusques au dos, voire  
iusques aux os. Qu'ainsi ne soit, demandez  
à quel ieu ont gagné tant d'escus ces Capus-  
sins de Bear. Par nostre dame, qui est la Lune,  
ils vous respondront valeureusement, avec  
vn leue nez, qu'ils n'auoient rien à per-  
dre, mais beaucoup à gagner, & que tout  
bien conté, & rabatu, ils ne doyuent rien à  
personne: Ce qu'ils s'offriront de prouuer  
quand voudrez, la raison au poing, & la  
main à la gorge. Le conte qu'on nous fait  
du Soldat d'Antigonus n'est pas mal à pro-  
pos, non plus que les andouilles de Troyes

en Carefme. Ce soldat estoit deuenu mala-  
dif , & degouté du bon vin , de sorte qu'e-  
stant ennuyé de viure sans boire , il cher-  
cha par plusieurs fois, & en diuerfes rencon-  
tres , l'occasion de s'enfeuelir honorable-  
ment dans les armes , comme sçauuez que  
parlent nos desesperez. Ce qu'ayant son Roy  
reçogneu , sans sçauoir pourtant la cause,  
marry de son indisposition , fit faire assem-  
blée de ses plus experimentez & fameux me-  
decins. La consultation faire , les receptes  
ordonnees & prises, le soldat reprit sa san-  
té, recouura son appetit , fit de là en auant  
bonne chere, beuuoit du meilleur, carestoit  
la grace , estoit tousiours de nopces : mais  
le pis fut, qu'il deuint faineant , fuyart , &  
las d'aller , ne voulant plus aller, aux coups.  
Ainsi perdit son renom , & l'occasion de sa  
fortune, qui estoit preste. Voila le premier  
point par lequel vous apprenez , que ne-  
cessité fait tout. Et pource facent les Espa-  
gnols en France, diables , tant qu'ils vou-  
dront auéc leurs lingots , les Gascons valent  
mieux qu'eux aux coups , aussi sont ce gens  
qui gagnent leur vie en vne heure , au lieu  
que la plus part vsent l'esprit & les mains,  
pour neant. Quand au second moyen , par  
lequel on peut faire son profit aisément , c'est  
de n'aller iamais en Court, car on ne rapporte  
de ces pays là que des bons iours enfiléz , &  
quelques especes de faueurs en graine qui ne  
viennent qu'en terre bien fumeé, & en temps

bien serain, ainsi que les melons aux oreades,  
Mieux vaudroit courtiser les vieilles, & estre  
adopté de quelque gros Abé, pour danser à  
l'ombre de la mitre, en esperance d'en estre  
coiffé quelque iour: Pource faut estre verse  
au droit Canon, auoir leu la legende saint  
François, & sçauoir faire vne fricassée d'here-  
tiques. Mais encore n'est ce pas là que ie vou-  
drois que cherchissiez vostre Fortune, & sçay  
tres-bien, que les coyons aujourd huy sça-  
uent de plus cours chemins pour l'atteindre.  
Car pour bien dire entre eux.

*Il faut flater, mentir, rompre sa foy,*

*Faire vne ligue à l'encontre son Roy,*

*Voter, piller, n'observer droit, ne loy*

*En ce dur temps, qui veut auoir dequoy.*

C'est la raison pourquoy les belistres tiènet  
leurs grâds iours en vostre miserable Royau-  
me de France. Mais viue ceux qui ont bon  
courage, ja ne vous conseilleray ie d'estre bri-  
gands, encore que la plus-part du monde en  
suyue la reigle. Non pas melmes d'estre hon-  
nestes larrons, comme se disent aucuns, qui  
en iugement ne prennent rien que par hon-  
nestete, qu'ils nomment. Encore moins de  
vous enrichir à la façon des Financiers, par  
substraction, car ils ont les griphes dange-  
reuses, & n'est pas sans cause qu'ô les accom-  
pare aux Espreuiers: car nous sçauons que les  
os des patés de tels oyseaux attirét l'or. Que  
plieust à Dieu qu'ils fussent tous bien escouil-  
lez, ainsi qu'estoit l'aciene coustume des Ma-

ce doniens, de ne commettre la garde de leurs  
thresors qu'à ceux qui estoient tels. Par ce  
moyen ils n'auoient tant de soin d'acquerir  
pour leur posterité, & ne seroit mention en-  
tre eux du tout de baston, que quand il vien-  
droit à propos sur leurs oreilles mydeanes,  
suyuant la taxe instituee de tout temps aux  
bestes qui ne vont pas droit. Et c'est dequoy  
on se doit pener, pour restablir en nature la  
disposition des hommes, qui par coustumes  
illicites creuent les yeux à qui n'y pense mie.  
D'où vient, que plusieurs ne pouuans mordre  
de ce costé là, se sont engaigez au Roy des  
Lipus, pour porter la pistole au nez de qui  
bon luy semble, apres auoir touché deuant  
mourir somme suffisante de doublons, qui est  
en Espagne la plus suprême relique, pour  
faire de miracles en poste: Aussi bien qu'en  
Italie le gobelet medecinal, qui fut trou-  
ué premierement à Florence, & depuis tran-  
sporté par procession generale en France  
dans l'Eglise Sainte Catherine la Cousture,  
qu'on le voit encore par deuotion, avec in-  
dulces pour mille tant d'annees, octroyees  
par le Pape Iules. A la charge & condition,  
que les benoits religieux de l'ordre auroient  
leurs repues franches, qui est vne obser-  
uation que plusieurs ne scauent pas, & de la-  
quelle ie vous fay expresse mention pour vo<sup>s</sup>  
apprêdre qu'il faut peu de chole pour mettre  
en teste aux jaloux, que leurs femmes iouent à  
cachemi-tula, moyé aussi par lequel plusieurs



maisons se font agrādies, car les femmes d'esprit ont tousiours leur mesnage en recommandation. Le dits d'esprit, au tesmonage de Bodin, qui maintient que les esprits couchent avec les femelles, tout cōme ils peuuēt sans lesion des parties, vuidier l'argēt d'vne bourse, dont ne trouuent plusieurs que les pendans au costé, quand se vient au payement. Et de tels s'en voyent les exemples par tout. Quant à ceux qui se seruent de la poudre d'oribus, ils ne sont que trop communs. Mais il y en a de rares, lesquels vsent de miroirs ardans, brulans par reflexion du soleil toutes sortes de laines. D'autres, qui sans bouger de leurs places, font en leurs coffres venir la bourse d'autruy, & quelquefois par termes significatifs coniuertent chacun à leur apporter. Dont aduient, que tant s'en faut qu'ils en soient obligez à nul, que chacun à teste baiffée leur conte argent, encore bien heureux qui peut gagner vn traiēt de leurs faueurs, donnant tout son bien. La cause de ce, comme nous l'auons apperceuē d'ici, n'est autre, que leur geste graue, & contenance fiere depend plus de l'opinion vulgaire, que de leur vertu propre, au contraire des quemands & belistres, qui pour abuser le monde, mettent de la paille en leurs souliers, se saulpoudrans les iambes pour mieux trembler le grelot. D'iceux se voit la genealogie auxquinze vingts de Paris, lieu où les hommes gagnent leur vie à ne voir goutte, comme aussi en plusieurs autres lieux. Cō-



tre quey les muets voudroient bien intenter  
procez, s'ils pouuoient parler, & les larrons  
voudroient que chacun, fors eux, fussent de  
cette confrairie, afin de n'estre plus contrains  
d'aller si bellement, ni de se cacher. I'entends  
aussi les coupebourses, lesquels, à la façõ des  
bons chirurgiens, endorment le nerf, faisans  
ainsi passer le rasoir par où ils veulent, sans  
donner aucune esmotiõ au patient. Voire leur  
fallut-il couper les couilles au pl<sup>us</sup> braue Lor-  
rain de Nancy. Ce sera tout en riant. Ie croy  
bien que les femmes du pays s'en fascheroiẽt.  
Mais baste. Il n'y en a que trop à leur com-  
mandement. Au defaut de ceux-ci on leur dô-  
neroit ces amoureux de Bretagne, afin d'en-  
gendrer de nouveaux conquereurs. Or deuez  
vous, gens de bien, disoit-il parlant à nous,  
suiure vn chemin contraire à ceux-ci pour ac-  
querir. Retenez le beau secret qu'auẽz iã appris  
& ne laissez de trauailler, aller, venir, courir,  
tracasser, car c'est la loy donnée du commen-  
cement par l'Auther de Nature. Qui ne l'ob-  
seruera aura beau crier les mules en temps  
d'hyuer. Le monde est deuenu sourd, il ne res-  
pond plus. De cela souuenez-vous tousiours,  
& faites bien. Vray est que plusieurs espions  
de Fortune ne s'arrestẽt là, ains disent ordina-  
irement, qu'il en faut auoir en quelque façõ  
que ce soit. Mais aye, aye, ne les ensuiuez,  
car ils prennent le court en montant, pour  
estre apres citoiens de Mont-faucon en bel-  
le apparence.

*Du troisieme quartier de la Lune, ou surèt venës  
les prouesses de Iean de Lagni en peinture.*

C H A P. X.

**L**E compagnon n'auoit du tout acheué de parler, qu'au deuant de nous se presentèrent en idees trois personnages, diuersement vestus, & sembloit l'vn estre Gendarmee, l'autre Marchand, & l'autre Aduocat: Ils nous inuiterent de voir leurs quartiers, car ils tenoiet de la Lune bié fort, ce que ne voulusmes refuser, pour l'enuie qu'auions de voir tout: Lors nous menerent par diuers chemins desolez & ennuyeux. Le premier, qui estoit le Gendarme, nous voulut faire voir ses possessions, comme le plus fort. Mais les deux autres s'y opposerent, disant le Marchand, qu'il estoit bien digne d'estre le premier honoré de nostre venuë, puis que le Gendarme & l'Aduocat ne venoient que de luy. C'est mal côclud, repliquoit l'Aduocat, il faut que i'aille deuant, car c'est moy qui vous fait viure quand estes en differens. Ne pensez gagner vostre cause contre moy. Ne m'attaquez qu'il ne vous en mespreigne: Car ie vous chicaneray & tant, & tant, qu'y perdrez vous monsieur le Gendarme les arsons, & vous monsieur le Marchand, la raison Ventre de bœuf, respondit le Gendarme en courroux, qui m'a amené ce limier de barreau? Si ie prend mon Cimeterre, peu s'en faut que ie ne le vous coupe en deux, couilles, bourlet & tout, Ce disant, mettoit la main à la poignee, escartillant les

Jambes, & tournant l'œil de costé. Mais il tenoit au foureau, & de l'effort qu'il y fit, laissa choir le pennache de son chapeau, qu'un de nous luy rainassa tout doucement. Appaisez vostre cholere beau sire, luy di-ie, nous consentons vous visiter le premier, vous en estes digne, il faut prendre patience par force. Le pauvre Aduocat d'autre costé estoit demeuré tout peneux de cest effroy, & n'osoit plus souffrir que par le congé du Rodomont. Le Marchant auoit tresbien lasché en ses chausses, en core, qu'on n'en voulust à luy, & demanda congé humblement, pour s'aller tenir blanchement. Va, va, foirimardis, luy dit le Gendarme, bouchant son nez, avec no<sup>9</sup>, retire-toy bien loin d'ici, & reuien quand il sera temps, pour montrer de ta marchandise à ses Gentils-hommes ci. Suiuez moy, vous autres Messieurs. Nous le suiuismes, le pauvre Aduocat derriere nous la teste basse, iusques à ce qu'arriuasmes en son Chasteau. Le pont leuis abaissé, lors se presenta à nous vne grâde Dame, qu'il nommoit Escoupeterie, laquelle n'estoit vestue que de bourre & de papillotes. Si pensions bien du commencement que ce fusse grande chose, car elle ne faisoit demarche que tout ne tremblast : mais en effet ce n'estoit qu'une roupie, & son corps estoit imaginaire, sans substance, qualité, ni quantité. Nous entrames sans la regarder, & fusmes droit menez sur le rempart dudit Chasteau, ou à l'instant plusieurs estafiers dudit Seigneur nous

environnerēt, nous donnās à tous l'a colade.  
L'un nous apportoit à voir vn rouēt d'Alle-  
magne, l'autre vn coutelas damascin, cestui-ci  
sa cuirasse, cest autre son casque. Ici les vns  
nous monstroient vne rangee de canons dou-  
bles, simples, moyens: Là les autres vn maga-  
zin de poudres, boulets, grenades, & lances à  
feu. Nous eufmes la teste rompue de leurs for-  
tifications, parapets, cōtre-scarpes, chaussees,  
caualiers, bastions, bouleuerts, retrāchemens,  
mines, contremines, & d'autres mille passe-  
temps qu'ils ont. Ledit Seigneur estoit au mi-  
lieu ayant son chapeau mis perpendiculaire-  
ment sur l'oreille, & se filant la moustache en  
cōtenāce ioyeuse: Aussi auoit-il le pourpoint  
à la nouvelle façon, son haut de chausse à l'E-  
spagnole, demi detaché, sa fraize à la confu-  
sion, & iuroit tref-elegamment quand il par-  
loit. Vn grand pendart de ses gens nous cares-  
soit de sa baguette, & sembloit bié estre Espa-  
gnol Neapolitain à sa façon, car il festoyoit  
les surueuans de nuzardes confites, & ne no-  
traitoit que de brauades, dont le goust ne nous  
plaisoit aucunement, d'autant qu'elles estoiet  
seruies mal à propos. Somme, nous pensames  
perdre contenāce en ce lieu la, & prismes cō-  
gé aussi tost de l'assemblee. Encore au sortir  
nous voulut-il faire voir deux Dames siennes,  
dont la premiere se nommoit Camisade, &  
estoit a ce qu'il disoit, Dame de grand esprit,  
accorte, vigilante, subtile, prestte a remuer mes-  
nage. La seconde, Embuscade qu'on tenoit par



tout le pays pour vne fine mouche: mais nous ne la peumes contépler en face, d'autât qu'elle auoit tousiours son cache nez, & ne se decouuroit que bien à propos. Son mary s'appelloit Affaut, & son fils Pillage tous deux grands remueurs de paillasse. Ils n'estoient pour lors presens, mais estoient allez au seruice du Turc en Autriche, pour faire leurs besongnes, & deuoient bien tost aller en Flandres, puis en Espagne à la suite des Gascons, pour mesme effet. Or ne fut nostre sortie dudit chasteau par la porte mesme qu'estiôs entrez, mais par vne fausse porte, hors de laquelle, à la portee du canon, enuion du plus ou moins, vismes vne grande place couuerte, de laquelle nous estans enquis, sçeumes que c'estoit l'endroit où se voyoit la presentation de plusieurs viancuz & victorieux, au naturel. Vrayement, dit lors Roger, ie verrois volontiers ce lieu-là, pour sçauoir auquel iang on a mis Jean de Lagni, n'agueres decedé d'un mal de ventre. Il y est, respôdit vn soldat, venez, ie vous le montreray, & tous les exploits qu'il fit dernièrement en France. A sa parole tirasmes vers ledit lieu, qui estoit tout rempli de tableaux, & diuerses hiltories des choses passees: Ce seroit chose trop longue à vous les raconter, vous suiffise que ie vo<sup>z</sup> déclaré quelles prouesses estoient-là attribuees audit Jean de Lagni. Premierement se voyoit la venue du pays de veloux, en grand appareil, force Lombards, Maranes, & Putains avec luy, car



il vouloit que celles-ci fissent la queuë, à la mode des Perſes : Ainſi reſſembloit proprement ſon armee a vn ſerpent, qui a belle teſte & laide queuë. Vn peu deuant eſtoit ledit Seigneur en l'assemblée de ſes Deuins, qui luy diſoient ſa bonne aduerture, car il ne vouloit point qu'on luy en diſt de mauuaile : Et faiſoit a vne place deſtinee iouſter des coqs & des cailles, pour ſçauoir, ainſi que Marc Anthoine, a qui demeureroit la victoire, de ſes ennemis ou de luy. En vn autre tableau, ioignant le premier, eſtoit paint vn paviillon, ou il eſtoit couché entre deux belles Flamandes, leſquelles, comme porte l'hiſtoire, luy donnerent la verole pour la ſeptième fois: Ainſi fut il paſſé maistre au ieu de trou-madame pour ce coup. Ses gens eſtoiët autour dudit paviillon tepreſentez, faiſans le guet, toutesfois a l'eſcart, afin ce croy-ie, d'imiter encore en cela leſdits Roys de Perſe, leſquels faiſoiët punir de mort non ſeulement celuy qui oſoit tâter, que de parler, ou toucher en paſſant a leurs concubines, mais auſſi qui par indiſcretion approchoit en allant des chariots où elles eſtoient. Au tiers ſe voyoit toute ſon armee cômelaſſée, a vn plain châp, autour de laquelle ſe faiſoient fosſez & baſtions, côme ſi elle y euſt deu demeurer long tēps, mais c'eſtoit crainte de la ſurpriſe, & ſuoiët a groſſes gouttes ſes gédarmes, non du travail des chemins, mais de peur. Car e ment ſe fuſſent-ils laſſez, qu'ils eſtoient encorés ſur la frontière de leur pays, qu'il auoiët

atteint en vn mois, ce que feroit vn de nos Basques en vn iour, Nō, nō, ne le croyez Badaults pour vostre salut. Tel n'estoit ce Iean de Lagny dont ie vous parle. O qu'il se donnoit bien garde, le paillard, de ce trop auancer. Auez vous ouy iamais parler de la machine de batterie qu'auoit le Roy Demetrius, appellee Elepolis dans Plutarque, laquelle se pouffoit avec si grande difficulté, qu'on ne la pouuoit auancer que d'un demi quart de lieuë en deux mois. Telle estoit l'armee du Champion & ainsi marchoit elle: Combien que ne la visions marcher dans ses tableaux, si estoit elle representee en telle façon, que la veuë se rapportoit a ce qu'en auions autresfois ouy dire, & apperceus, nous presens. Les champs aux environs estoient en feu, non de villes prises & bruslees, mais de gerbes des pauures gens. En vn endroit, on le voyoit assis a table engoulant des petits oiseaux tous vifs, pour le guerir de son mal, ressemblant ainsi a vn Bacchus Omestez, lequel les faisoit en ceste sorte iargonner dans son ventre, car il auoit le gosier enormement large a telle volée, & y en pouuoit bien ietter trois ou quatre douzaines a coups perdus, le tout a la plume. Il me faut pas demander, s'il beuuoit la dessus a tōneau defoucé, encore que le peintre eust oublié cest article. Au cinquième tableau se voyoit la cōqueste qu'il fit de Lagny sur Marne, dont il a retenu le nom, & estoit moult grand plaisir, de voir nos gens qui luy venoiēt  
donner

donner sur le derriere. Car ainsi qu'un limaf-  
son, si tost qu'on touche l'une de ses cornes se  
retire & se recoibile en sa coquille, ainsi fai-  
foient ces Lôbards dans leurs trachees, qu'ils  
auoient tousiours doubles, craignâs merueil-  
leusement les dents de nos limiers, & n'estoit  
iamais assurez leur Capitaine cōquereur, qu'il  
ne viit trois rangs de fossez deuant & derrie-  
re luy, tous bien herissez de piques & hani-  
croches, tant il estoit de sa nature suiet a estre  
effraye. Ce qui me fait croire le prouerbe, qui  
dit en substance,

*Gens cruels ont tousiours peur  
- Et iamais n'ont rien de peur.*

Quoy que quelques vns ayent voulu mainte-  
nir estre prudēce militaire à luy d'ainsi bien  
garder sa queuë. Si ainsi est, les moineaux gai-  
gneront dorefnauant la monarchie sur les ai-  
gles, & fera beau voir les regnards avec leur  
queuë en plaine campagne. Mais laissons ce-  
ste dispute à Machiauel. En fin, Jean prist  
Lagny, & Lagny Jean, l'un vaut l'autre. En  
c'est assaut rien ny estoit epargné, autant le  
maigre que le gras, tout estoit mis en broche.  
O belle conqueste. Il ne falloit plus qu'Ho-  
mere avec sa vieille, pour en chanter les lou-  
anges. Cependant estoit au sixiesme tableu  
ledit conqueur, peint sur un courfier de Na-  
ples, faisant la ronde autour du village con-  
quis, la plume au bonnet, si bien qu'on abba-  
toit toutes les maisons d'autour, afin qu'il se  
promenast plus à son aise. Et ce fut lors, qu'il  
parloit de rompre la caweché à tout le monde

Luy promettās les Almanachs de ceste annee  
là a Louvain, que le grand Seigneur luy vien-  
droit faire hommage tout botté, le baissant au  
cul. Bref, estoit si hagard, qu'on ne le pouuoit  
tenir: Et de ceste gloire s'engēdra en luy l'ēuie  
de manger des pesches de Corbeil, mais il luy  
cousta bon. Et se voyoit en vn mesme tableau  
la prise de ladite ville, cōme il fit des pesche, &  
furent ces gens des peschez, cōme chacun des  
siens portoit la hotte, & luy demouroit seul,  
pensif, se mordant furieusement la leure infe-  
rieure. Ores s'acoudāt en vn autre endroit sur  
l'espaule de quelqu'vn qui estoit-là a propos  
pour le destacher, si d'auēture force de se pro-  
mener, il luy prenoit enuie de faire matiere  
cuite. Ores frapant le pied cōtre terre, pour  
faire sortir si grande quantité de taupes qu'en  
vn instant les trenchees en fussent parfaitemēt  
esleues. Ou cōme se promettoit le grand Pō-  
pee, faire soudre des gēs tous armez en cāpa-  
gne, prests & defrayez à son seruice. En vn pe-  
tit quartier du tableu se voyoit vn lieu clos  
où personne n'entroit que ses plus fauoris. Là  
faisoit il vn grand amas de cordes, en inten-  
tion de garotter ladite ville tout autōur, pour  
puis apres la mener en lesse, ou la renuerier a-  
uec ses habitans sans sus-dessous, & en faire  
cōme d'vn coche versé, torque, lorgne, cōbien  
que quelques vns ayēt voulu dire, que c'estoit  
plustost pour l'enleuer en Espagne, en quelque  
lieu, à remotis. Mais pour quoy que ce fust, il  
y eut biē du ieu, car la corde rompit, & la plus  
pard de ceux qui estoiet destineez pour faire ce



garrotage, furent pris au pied du mur, & pendus, à la barbe de Iean de Lagny, qui de facherie qu'il en eut, cōme sçauōns tresbien, assomma ce iour plusieurs des siens, tāt il estoit vaillāt cholere, & fit cheuroter toutes les cheures de dix lieuēs à la ronde à force de crier. Ses plus priuez amis n'osoient pas mesme l'acoster ce iour-là, ains se tenoient tous loing de luy muets comme poissons, attendans qu'il eust a deschargé son Thomas. Mais ils ne gagnerent rien, car le mal luy tint tousiours depuis, & quelque part qu'il passoit personne n'osoit paroistre deuant luy, & escarteloit luy-mesmes les arbres, pour se faire place, s'y prenant aussi les doigts quelquefois iolietēt comme vn Milo Crētōniate. Ce que le peintre n'auoit oublié de bien représenter, aussi bien que ceste tragicomedie qu'il iouā, quand ses amis furent d'auis de luy enuoyer vn menestrier pour iouer lā Pauāne: car il vous print incontinent le violon, & le fit sonner sur la teste du pauvre haire tant qu'il fut en pieces. Et fut lors qu'il fit sommer la ville, & qu'il menassoit ceux de dedās, qu'il les escacheroit cōme grenouilles: Car il auoit, disoit il, pouuoir de tonner comme Dieu. Mais vn gentil cōpagnon qui estoit sur la muraille, luy mētra son derriere, luy faisant signe de mettre le nez dedās. Ce qui le mit en cholere. Et voyoit on au tableau, cōme il entroit à la breche, où furent neātmoins vne grāde partie des siēs tuez, & atterrez tant que fust faite la cōposition. à cause du braue Capitaine Rigault, qui y mourut sur



Le haut de ladite breche: Dont fut faite son Epitaphe, attachee contre la muraille de la ville, en la forte qu'il s'enluit, & qu'elle fut leue par nous audit tableau.

*Branne Rigault, que la vertu fit uaiſtre  
Pour noſtre bien, & pour ſauuer l'honneur  
De nos François, à qui deſia le cœur  
Vouloit flechir a eſſous vn nouueau maiſtre.*

*Que puiſſes-tu entre les Dieux paroifſtre,  
Et ouuel aſtre au Ciel pour ta valeur,  
Comme vn Caſtor nous predire bon heur,  
Puis que tu as aux Dieux changé ton eſtre.*

*Quand tu uinois peſte meſle parmy  
Les gens ça bas, tu n'eſtois à demy  
Recoigneu tel, que portoit ta Fortune.*

*Mais maintenant qu'absent tu es la haut,  
Noſtre air ne bruit que ton nom de Rigault,  
Et de clameur la France t'importune.*

Après ceste piece de peinture de la prise & reprise de Corbeil, le voioit en vne septiesme la retraite de Jean de Lagny. & premieremēt comme il assembloit son conseil, pour ſçauoir les moyens de retourner ſeulement, car les chemins estoient dangereux pour luy: Et puis estant ſuiet à ceste maladie chancreuse d'abition, il se fachoit de s'en retourner, ayāt si peu de chose fait. Je ne ſçay pas ce qu'ils diſoient en ce tableau: Bien ay-ie maintes fois ouy cōter, que plusieurs à l'inſtant furent de ceste opinion, qu'il s'en fuit auſſi viſtē qu'il estoit venu bellement. Allegans, pour le consoler de sa colique paſſion, que ce n'estoit en cela qu'imiter son predeceſſeur Alexandre, lequel

autresfois, contraint par Ariobazanes, s'alla  
cacher dans les rochers de Suze, ainsi que tes-  
moignoit Diodoré en se vie, lib. 6. Et d'abon-  
dant, s'efforçoyent de luy prouuer que pour  
cela il ne dérogoit aucunement au tiltre de  
vaillant, ains auroit toute sa vie la reputation  
d'homme de bonne conscience, attendu que  
e'estoit vn signe infailible d'un bon cœur que  
de fuir les coups: Et de ce en auoient, disoient  
ils tesmoignage dans Pline, cha. 28. li. 7. là ou  
est escrit, qu'en la célèbre bataille des Cānes,  
les plus gens de bien gaignerent au pied: Et  
que Plutarque, en la vie d'Alexandre recitoit  
aussi, que Darius fuyoit sans melancholie mō-  
té sur sa iument borgne. Bref, vouloient main-  
tenir les nobles fuyars, que les plus braues  
capitainés, à commencer depuis Nembroth  
le Cocodrille iusques à luy, auoient fuy sans  
aucun interest, & qu'il deuoit à leur exemple  
prendre le galop. A quoy en fin il consentit,  
à cause de l'abitude de sa nature comme ie  
vous ay ja dit, beaucoup subiete aux friffos, &  
palpitations de cœur. Aussi estoit il gaillar-  
dement représenté au tableau, fuyant, c'est à  
dire passé, desfait serrant les iambes, sans re-  
gardes derrière luy, laissant par tout où il pas-  
soit du bagage & des cheuaux, avec leurs mai-  
stres, vous pouuez penser que les brides y de-  
mouroiét aussi, non à la façon que les laissoit  
le grād Alexādre aux Indes, à scauoir plus grā-  
des que ne porté la coustume, & faites expres  
pour dōner au peuple du pays plus grāde opi-  
nion de luy. Iean de Lagny, di-ie ne laissoit les

brides de ses cheuaux à ceste intentiõ, mais de  
belle peur qu'il auoit, de par tous les diables.  
Encore disoit il quãd il fut arriué en son pays  
de beurre, que le monde n'estoit pas digne de  
le voir. Et pource afin que le peuple aussi ne se  
soulait de luy s'il le voyoit cõtinuellement, il  
ne se presentoit q̃ par interuales, & ne sortoit  
que bié peu en public, se reseruât non plus ne  
moins qu'on faisoit à Athenes la Galere Sala-  
mienne: Et comme ce Roy de Merde Deioces  
Mede, vouloy - ie dire, qui ne vouloit permet-  
tre, dit Herodote, que on le regarda, de peur q̃  
les siens voyãt qu'il estoit pareil à eux, n'entre-  
prinsent sur luy, pour le destrõfner. Avec ce  
qu'il estoit deuenu merueilleusement laid, à  
cause d'vne courtoisie de sa Dame, qu'il auoit  
entre les iãbes, c'est a dire, d'vn beau poulain  
de 15. iours, duquel aussi tõt qu'il fut guery,  
& ne se souenant plus de sa premiere peur, il  
reprit ses esprits comme deuant à faire quel-  
que nouvelle conqueste. La conqueste qu'il  
vouloit faire estoit du Royaume d'Yuetot, la-  
quelle auoit aussi les tableaux comme la pre-  
cedente. Au premier se voyoit son arriuee, dif-  
ferente de la premiere seulement en cela, qu'il  
auança pour reculer, puis recula pour auancer  
ainsi comme font les nouveaux mariez. Au se-  
cond se remarquoit cõment il fut aculé dans  
vn bois avec les siens par les Capitaines Tire-  
auant & Tailletout, dont il perdit bonne par-  
tie de ses gens, & y fut demouré sans la nuit  
qui suruint, laquelle estoit naïfement repre-  
sentee, avec les fuyarts, & leur Duc, qui pleu-

roit cōme vne vache. Ce fut lors que cōmença  
la chaleur de ce beau conquerant à refroidir  
avec ses amours: car il perdit de bōne encon-  
tre la moitié du membre à ceste charge, & de-  
moura long tēps dans ce bois à se faire penser  
Cependant on le voyoit environner de tous  
costez au troisieme tableau, & la famine fut  
meslee parmy son camp, qui affama tous ses  
soldats: Si bien que ne parloient plus d'aque-  
rir honneur, & coquester pays, mais tous  
comme Troglodites, s'entrefrotoyent à qui  
auroit le lopin. Ce que nous obseruions en la  
peinture aussi bien que si nous y eussions esté  
presens en effet: Car nous les voyōs represen-  
tez Acridophages, mangeāt les saultereaux &  
hannetons. Ains la rencontre de Titus Quin-  
tius & Philopoemen ne cōuenoit pas mal lors  
à Iean de Lagny, quād il luy disoit, en se moc-  
quāt de son armee, tu as de belles mains & de  
belles iābes mais tu n'as point de vêtre. Aussi  
fut l'eau si chere en son camp, que plusieurs  
beuuoient l'vrine. Ce que le peintre signifioit  
par ceux qu'ils auoit peints tirās la lāgue cōme  
corbillars, & de mousches qui s'attachioient  
dessus. L'eau dubourbier, cōme on sçait, s'y vé  
doit autāt que le plus cher vin de Cādie, mais  
n'y auoit que les Capitaines qui y peussent a-  
uoir part, & ne leur faloit pas cligner les yeux  
ny vsfer du gobelet que les Laconistes appel-  
loient Dothon, pour ne point voir les ordures  
qui estoiet au fonds, car il y auoit presse à qui  
en humeroit: Et l'alteration estoit si grāds par  
tout son camp, que plusieurs en mouroient de



mort subite, non plus ne moins qu'entre cer-  
tains peuples d'Egypte ceux qui pour estre en  
vn pays continuellement chaut meurent tout  
soudain, s'ils ne boyuēt tout soudain. Ce vous  
est vne belle exēple, à vous autres petits beu-  
uereaux, qui faites tant des scrupuleux quand  
il faut payer chopine, & qui ne daignēz seule-  
ment penser a vostre salut, mais laissez vne in-  
finité de vos amis en langueur sans leur don-  
ner en toute vostre vie vne seule occasion de  
boire à vostre santé : Aussi voyez cōme les  
catherres vous surprennent encore n'en fe-  
rez vous rien: Et bien tenez vous y, a vostre  
damnōie retourne a mon discours. La famine  
donc estoit si grande au cāp de Iean de Lagny,  
qu'il n'en fut iamais de pareille : Et ce nous  
fut monstré au 4. tableau, qu'on diuisoit les  
soldats par dizaine, pour renouveler l'antique  
Decimatiō, & punir de dix l'vn, que di-ie pu-  
nir? mais esgorger, embrocher, larder, carbo-  
nader, fricasser, étouuer & mager de broche en  
bouche: Et de fait mangea sa part ledit Iean  
de Lagny de la fesse d'vn Suisse qui estoit a son  
seruice. Peu le voudrōt croire, mais que m'en  
chaut il? Au 5. se voit le bastimēt du pont qu'il  
fit sur seine où plusieurs furēt noyez, & mains  
beurent de l'eau, mais elle estoit salee à cause  
de la mer proche de la: Ce qui les faisoit touf-  
fer cōme brebis morfonduēs, ientens les plus  
delicats : Car ceux qui auoiēt esté long tēps  
sans boire la trouuoient fort bōne & en beu-  
uoient cōme du vin Marin, que les Grecs ap-  
pellēt Thalassite. D'vne part, plusieurs s'amu-



soient a l'exemple des Lydiens en pareil fait, a iouer aux dez & aux cartes, pour passer leur bonne entie de souper. Mais que ne se pensoient ils, pour le plus court? Le ne sçay, pour le moins n'amenderent gueres de leur fortune plusieurs, car ils furent presque to' assommez a ce passage: Ce qui ne fut pas oublie au sixieme tableau. Quant au septiesme & dernier, c'estoit leur voyage de la en Brie, & de Brie en leur pays, avec la mort de leur breneux Duc? Où le peintre n'oublia pas d'en représenter plusieurs boiteux, & crochus, pour les diffcultez qu'ils eurent par les chemins. Ce qui est aueré aussi par bons tesmoins, qui les ont veuz sur les lieux ainsi crochus cōme Bretons, en danger, que s'ils ont de la race pour l'auenir qu'ils ne baillent les crochets a vos femmes. Tenez y l'œil vous autres speculatifs, car la Lune nouvelle vous en menace. Or escoutez l'epitaphe de Iean de Lagny, telle quelle estoit escrite au susdit tableau dernier, apres qu'il fut mort, la vessie du cul tournée:

*Cy gist Iean de Lagny, qui s'en fit trop acroire,  
Qui fut grand conquerueur, & perdit tout le sien,  
Qui se nomma vaillant, & iamaïs ne fit rien,  
Qui pensoit estre Dieu, & mourut de la foïre.  
Comment fusmes visiter les logis de l'Aduocat &  
du Marchand au dernier quartier de la  
Lune & de nostre descente en terre.*

C H A P. X I.

**C**EST Aduocat duquel ie vous ay tantost parlé nous auoit tousiours suiuis pour nous faire voir ces singularitez, & eusmes pi-

tié de l'auoir fait tant attendre , mais si tost  
qu'usmes prins congé du Seigneur de la forte-  
resse, & de tous ses soldats, nous nous mismes  
d'vn consentement à le suiure. Il sembloit bõ  
compagnon à voir, sinon qu'il estoit vn peu  
fantasque, & parloit quelquesfois tant qu'en  
auions les oreilles estourdies, pour ce n'en de-  
mandions que la depeche, attendu que nostre  
descente en terre approchoit, afin d'y estre au  
decours de la Lune. Arriuez donc que fusmes  
au quartier de ce penart, soudain, estans enco-  
re bien loin du lieu où il se retiroit, ouysmes  
vn grand murmure, dequoy estant interrogé,  
pour sçauoir que c'estoit, respondit en riant.  
Hé ne sçavez vous pas, gens du monde, que  
l'on plaide seans ? Comment di-ie y a-il des  
plaideurs en ces lieux-cy comme entre nous ?  
Ouy dea respondit il, mais c'est en Idee, com-  
me auez veu des gendarmes & des tableaux,  
& moy mesmes ne suis qu'une Idee, quoy que  
je parle à vous, & que me voyez. De cela ne  
fusmes esbahis, ja auions veu telles Idees:  
toutesfois le grand bruit de voix qu'oyons  
nous estonnoit aucunement & destournoit  
d'entrer en celieu-là. D'entree voyons des  
Idees de Procureurs attendâs aux bancs pra-  
tique, & des Idees de Messieurs assis, en pa-  
reille contenance qu'ils furent à Rome quand  
les Gaulois y entrerent, sans mouuoir, ny par-  
ler. Je ferois d'aduis dit lors Roger, que ceux  
cy fussent payez en Idee aussi puis qu'il font  
des Idees. A cela ne respõdit rié nostre Aduo-  
cat, & sembloit bien auoir honte de dire ouy.

Lors me doutay de quelque ruse, & demāday  
à voir le Greffe. Il nous le monstra, mais  
au lieu de Greffe y lisions Griffe, & n'y auoit  
à dire que d'une e, changé en i, ce qui est peu  
de chose, ie ne men rompray ià la teste, pour  
sçauoir qui est le mieux escrit. Cela veu, nous  
furent montrez sur vne grande table force  
volumes reliez en diuerses sortes, grans &  
petits, avec des boetes & vaz es, sur lesquels  
estoit escrit, *Paroles de conserue*. Nous cuidiōs  
que ce fust conserue, mais ce n'estoit que  
beaux mots & puis c'est tout. Nous goustā-  
mes quelque peu de paroles sucree, qui nous  
reuindrent incontinent au cœur: car elles  
estoyent ameres en l'estomac, & de mauuaise  
digestion: Ce qui nous fit abandonner incontin-  
ent le lieu: Considerans aussi, quainſi se  
repaistre de paroles estoit à faire aux Aduo-  
cats, non à Gentilshommes. Sur ce propos  
arriua le Marchand, qui nous auoit fait sen-  
tir en Idee les fons de ses chausses, pour nous  
mener à la foire, qui estoit à trois pas de là,  
car le Palais & la marchandise s'entendoient  
fort bien & n'est quasi qu'une mesme chose.  
Rien ne fut veu par nous de remarquable en  
ces deux lieux là que ne sçachiez tresbien,  
fors les coupe-bources que vismes en grand  
nombre, & des plus apparens. Chacun y tenoit  
pour ceste cause la sienne à deux belles  
mains, & ne s'entresaluoient les personnes qu'à  
la Juday que, avec baiffement de teste & leue-  
ment de cul. Qui vouloit auoir marchandise  
bonne, il falloit estre mauuais marchand: Car

i'ouy dire a vn qui marchandoit, vous estes vn bon marchand, comme par rifee voulant dire, vous ne valez gueres. Nous eussions volontiers souhaité d'achepter quelque chose en ces côtrees la, mais nous n'auions argent ny monoye d'Idée, & quand eussions eu la marchandise pour vous l'apporter, vous n'en eussiez donné vn festu. I'entens bien que me demanderez si le caquet des femmes s'y oyoit aussi, & quoy donc? Toutes parloient du bas mestier, car c'estoit franchise que ceste foire. Mammie disoit l'vné, mon mary est vn gras oison, il me luy faut acheter vne bride pour sa foire, & sera oison bridé. Ne scauez vous disoit l'autre, où on vend de bon drap de seau, pour faire vn bonnet cornu au mien, ie luy ay desfachépté vne cornette. O qu'il me couste, le bon Ican, encore me tanse-il: Si encore il y retourne, qu'il s'assure d'vne corne. voire, voire disoit vne affétee, mon mary fait ce que ie veux, i'ay la bource a commandement, il n'a rien si ie ne luy donne, encore s'estime-il bien heureux. Nous ne voulions nous amuser a ouyr toutes leurs parloires. Aussi qui eut esté si sot? Mais craignans de demourer trop long temps en ces pays la, & ne sachâs a qui nous adresser pour retourner d'où estions venus, nostre plus grand soin estoit de nous enquerir de nostre marchand, des moyés que deuions obseruer, pour no<sup>r</sup> retirer, estans fort enuuyez, & l'appetit commençant a nous reuenir, qui nous auoit laissé depuis le temps qu'entraimes en la cauerue. Mais comme



nous estions en ceste peine , la Dame dont ie vous ay ia parlé, se presenta à nous , en nous donnant courage. Lors nous bien aises, la saluâmes courtoisement, & quittans ceste foire, la suiuismes bien deliberez: Lors nous vîs de tels ou semblables propos à l'escart. Enfans, vous sçavez , que par mon adresse vous n'avez eu mal encontre aucune en ces Regions , ains sans peine avez tousiours trouué qui vous conduise, d'autant que i'y auois donné ordre, & ne vous mettez en peine de vostre retour , car ie feray en sorte que descendrez avec beaucoup moins de difficultez que n'avez monté. Considerez, qu'encore qu'o n'apperçoie rien icy qu'en Idee, toutesfois tout ce qu'avez veu est veritable , & n'y a rien à voir d'auantage pour ceste fois. Vray est que les choses futures sont aussi icy cachees, mais nul n'en a la veuë, s'il n'est dū tout esprit comme sont les Ideas. Bien vous veux-je monstrier, pour le regard de la France où deuez retourner, ce qui a esté, est encore, & sera. Ce disant nous ouurit vn papier escrit des deux costez où estoient sommairement les vers qui s'ensuiuent.

*En l'an de pleurs, que la France impudique  
Aura foulé au pied ses vieilles Loix,  
En peu de temps luy naistront plusieurs Roys  
Qui rauront son ornement antique.*

*En ce temps là, sous vne peau de laine,  
Vn monstre afreux d'une Louue conçu  
Sera pour Dieu entre les gens reçu,  
Et infectra le Ciel de son haleine.*



Le throsne mesme où se sied la Justice  
Serap par tout souillé de son veain:  
Il n'y aura ny sentier ny chemin,  
Ny lieu plus saint ou soudain il ne glisse.

Lors les amis par vn desir auare,  
Se guigneront l'un l'autre des trauers,  
La foy sera par tout prise à l'enuers,  
Et sera mesme entre les freres rare.

La pieté qui sur tout nous oblige  
A Dieu premier, & puis à nos prochains.  
S'enuolera aux peuples plus hautains,  
Et nul sera qui lors ne la neglige.

De fer, de feu, de meurtre, de rauage,  
D'erreur, d'horreur, de fureur, de terreur,  
Tout sera plain, & pour dernier malheur  
Sera changé l'homme en beste sauuage.

Et à l'autre costé du papier, separément ce  
que dessus, en grosse lettre.

Voicy le beau Soleil que le iour nous rameine  
Ce triomphant Henry, reietton du bon temps,  
Sous le Regne duquel tous les pauvres contens  
En repos & santé auront la bource pleine.

Ie voy desia, ie voy marcher en la campagne  
Vne suite de gens fideles & guerriers,  
Qui s'assemblas en vn des trois diuers quartiers  
S'en vôt plâter le Lys au beau milieu d'Espagne.

Flamâs aux blöds cheueux preparez vne entree  
A vostre liberte qui s'appresse au retour,  
Et vo<sup>s</sup>, Ligueurs, pleurez, car voicy vostre tour  
Qu'il faut prédre le frain & le ioug de seruage.

Dy ton Confitcor, Sauoyard, de bonne heure,  
Tes pechez sont cogneus, tu ne peux eschapper,  
Quand tu seras bien las de rire, & de tromper,

*Encore faudra-il à la fin que tu pleure.*

Je les retiray tels que ie vous les baillay, de la main de ladite Dame, qui apres que les eufmes leus, & receus, nous toucha tous quatre d'une verge qu'elle tenoit, lors fusmes assoupis de sommeil profond, & en ce poinct nous fit descendre en terre, sans nous blesser. De quelle façon que ce fut, ie ne vous en sçauroy que dire, car ie dormois, & n'en sçeusmes rien ny l'un ny l'autre tât que nous fuimes reueillez. C'estoit enuiron sur les dix heures de nuict, que les larrons faisoient leur trafic, au premier coup de la messe de minuiet, la veille de Noël passé. Je vous laisse à penser comment nous fusmes estonnez, de nous voir ainsi tous le cul à terre. Et ce qui nous donnoit encore plus d'occasion, c'est que ne pensions tous quatre, auoir seulement fait qu'un songe, de tout ce qu'auions veu, & dormy vne seule nuict depuis qu'auions eouru ces pays Lunatiques. Voulez vous sçauoir aussi le propre lieu où fusmes ainsi placquez de la haut? Ce fut droitement contre la porte d'un beau & noble Cabaret à Tours, à l'enseigne de la Mitre & de la Crosse. Par bonne rencontre, chacun estoit couché: Mais l'hostesse qui nous cognoissoit à nostre voix, nous ouurit sa porte: Et entrans dedans avec son congé, trouuasmes encore à table Dandin & Perrin, qui estoient sur leur gageure à qui beuroit le mieux. La sermonce auoit esté faite de Perrin à Dandin, dès le poinct du iour. Il ne fut refusé. Dandin s'y trouua avec deux tesmoins, &

Perrin aussi avec les siens. Voulez-vous sçavoir qui l'emporta? Je vous le diray, ainsi qu'il nous fut rapporté, & qu'en peulmes voir la fin. Car nous fusmes les opineurs de ceste cause avec l'hostesse, & Roger le President qui prononça l'arrest diffinitif. Il auoit esté conuenu premierement entre eux deux, que les saulcisses ne manqueroient point, non plus que les andouilles, car ce sont les cordes dont on deualle le vin aux bonnes maisons. Dandin à son arriuee demande à taster du vin du logis. On luy apporte vn pot, il n'en fit qu'un petit trait, pour gouster. Perrin s'esmerueilloit d'une telle gorge. Comment, disoit-il, tu ne puras mie tantost plus bere, men bon feul, mange de ceste tranche de salé, elle te desseichera, Hure, hure, reliqua Dandin, par la mort-gueine, tu as bié trouué ton homme, ie t'en humeray bien tantost d'autre. Hé, hé, tu te mesles donc de festoyer les gens. Apporte, apporte garçon crioit-il, ceste mesure d'escumage, que ie te la rinfse. Ha, dit Perrin, tu fais du compagnon, mais ie gage encóre le dîner, qu'en présence du venerable Docteur Mouche, que beuray mieux que toy. A ce mot Martin s'eschauffa en ses brayes, enuoya querir le Pere susnommé, fit mettre l'argent sur la sialiere. Mais qui gagna à vostre aduis? Dandin mit à sec vn demy poinçon, Perrin ne beut tât soit plus que ses trois chopines. Le Juge se trouua fort perplex à donner sentence. En fin Roger fut receu à la donner. Nous opinames tous pour Perrin. Il prononça l'arrest,

que Perrin auoit mieux beu que Dandin. Et voicy ce que nous alleguions par nos raisons. La gageure ayant esté faite à qui beuroit le mieux, non à qui beuroit le plus, c'estoit vne conséquence infallible que Dandin l'auoit perduë, & Perrin gaignee: *Nam habenda est ratio verb. in contract. l. si. 15. qui. ff. ad leg. falc. in c.* Aussi ne se pouuoit soustenir le pauvre Dandin, & alloit par la chambre en dandinant baillant & rendant sa gorge, ne sçachant la perte de sa cause qu'au lendemain: Encore m'a on dit depuis qu'il s'est fait de la Ligue, pour ne rien payer, & que le borgne Boucher, avec vn d'lingo qu'il a trouué, luy promet cause gaignee. Mais laissons escorcher ce veau à ce Boucher. Ce petit conte vo<sup>9</sup> est fait seulement pour vous apprendre la vraye methode de boire, à vous autres qui ne sçauriez entendre les choses qu'à coups de bourets, vous me direz que c'est signe d'vne forte nature que de beaucoup porter de vin. Je ne le croy pas. Bien trouue je qu'entre les vertus qui faisoient estimer vn Roy de Perse, le bien boire en estoit l'vne, comme bien entendre la Magie. Et le grand Alexandre propoisoit vne couronne de prix à celuy qui beuroit le mieux, Mais que prouue cela sinon ce qui est ia dit.

*Le bien entre le trop, & le trop peu se treuve,  
Le grain au centre gist, la force gist au cœur,  
L'arbre ne produit rien, s'il a fault d'humeur,  
Et ne peut croistre aussi si par trop on l'ab-  
breue.*

E I N.



LE TESTAMENT  
de l'Union.

Fille de Lucifer és tenebres conceüe,  
Du plus profond d'enfer au monde suis  
venue,

Nee entre les destroits des rudes Appennins  
Et des Alpes cornus, où les mauuais deuins  
Ayant preueu le sort de ma future Altesse  
Proche de Majesté, firent ma petiteffe  
Nourrir & esleuer en France finement,  
Si que l'on n'eut de moy presque aucun senti-  
ment,

Et gousta on du fruit de mon adolescence  
Auat qu'on s'apperçeut de ma fiere naissance.  
Lors comme aux plus legers plaisent les nou-  
ueautez

D'honneurs, de biens, grandeurs, & de princi-  
pautez,

Recogneuë soudain ie dame & maistresse,  
Vn chacun me venoit offrir à grand'largesse  
Son seruice, son cœur, ses thresors & moyés,  
A l'enuy, l'on courroit, qui se rendroit des miés.  
Les villes, les chasteaux, & les places plus  
fortes

M'ouuroient & sans refus, à toute heure leurs  
portes.

Ie foisonnois en biens, & rien ne me man-  
quoit,

Mon los & ma grandeur de tous costez flan-  
quoit:

Des estats, des honneurs & des magistratures  
Librement dispois: l'auois des creatures



Lesquels à vn clin d'œil sous mes comman-  
demens

Ployoient sans s'informer d'aucuns euenemens  
I'auois le Dieu du ciel, ce sembloit fauorable.  
Par tout ie me rendois & à tous redoutable.

De mes soldats armez les plaines noircissoient,  
Au seul bruit de mon nom les peuples fremis-  
soient:

I'auois pour mes supposts les plus grands de  
la terre,

L'vn m'auidoit de conseil, l'autre de gens de  
guerre:

Cestuy-cy fournissoit de l'or & de l'argent,

Cestuy-là des amis gaignoit par son Agent:

Somme, quel plus grand heur pouuois-ie me  
promettre,

Que de fouler aux pieds la couronne & le  
sceptre:

Mais hélas ! ce grand heur n'a pas long temps  
duré,

Ains le destin fatal contré moy coniuéré, (ce,

Ou plustost du grâd Dieu la sainte prouiden-

Qui se mocque & se rit de la fresse puissance

Des choses d'ici bas, & des pl<sup>o</sup> hauts desseins

Que bastissent sâs luy les mal fages humains,

Ce grand Dieu, dis ie, hélas, d'vne tranchante  
lame,

A coupé le filet de ceste belle trame,

Et de mon tribunal minant le fondement,

A renuerfé soudain tout ce grand bastiment

D'empire & Royauté, & brisé les collonnes

Du sceptre imaginaire & fictiues coronnes.

Si que ce grand ouurier par le puissant effort,

D'un Henry de Bourbon courageux, braue &  
fort,

Au tēps que ie tenois & vallons & montagne,  
Peu à peu m'a contraint de quitter la campagne:  
Lors chacun commença és forts se retirer,  
Et aux grandes citez foule à foule tirer,  
Sur le malheur publicq & misere commune,  
Chacun à part voulut établir sa fortune.

Le desastre fut tel que la diuision  
S'empara des plus grands de la sainte Vnion,  
Par eux auparauant si fierement iuree.  
Dessors on commença sous main à pratiquer,  
La Noblesse & Clergé, voire à communiquer  
Mes plus profonds desseins, lors ma rage allumee

Et mes premiers conseils sont allez en fumee:  
Mes partisans changez, & du tout refroidis,  
Les villes regrettant le repos qui iadis  
Les souloit bien heurer, des maux passez lassees,

Dressent ores ailleurs le vol de leurs pensees.  
Chacun iettât les yeux sur vn nouueau Soleil,  
Quitte ma court, ma suinte, & tout mon appareil.

Le peuple se distrait de mon obeyssance,  
Et ne veut plus fournir aux frais de ma despense.  
Brief, tel qui m'a perché & monté à l'estat (ce:  
Maintenant dit que c'est vn felon attentat,  
Si que comme ie suis en la France venue,  
Mē voilà ridicule à present toute nuë,  
Dont j'ay eu si grād dueil, & tāt de creue-cœur  
Que depuis n'ay vescu qu'en regrets & languueur.

Et petit à petit telle melancholie,  
Mortelle m'a plongé en ceste maladie,  
Qui me rendra bien tost aux riués d'Acheron,  
Pour apres m'enbarquer au vaisseau de Charon.

C'est pourquoy en mô liét moribõde gifante,  
Quoy que saine d'esprit d'une bouche mourã-  
Ne voulât deceder sans de mes biés tester, (te,  
Et disposer de tout ce qui me peut rester,  
Auãt que de mon corps ma triste ame desloge  
Publiquement ie fais ce mien dernier eloge.

En premier lieu mon ame à tous les noirs dé-  
mons,

Qui voltigent sans cesse, & par vaux & par  
monts,

Pour têter les mortels, & les meilleurs seduire  
Demons enfans d'horreur, d'indignatiõ, d'ire,  
Mon ame a ces demons ie recommanderay.

Mon corps entre les bras des miés ie laisseray  
Pour en faire par eux selon leur fantafie,

Ce n'est rien de ce corps apres l'ame rauie.

Plus suiuant la coustume, & anciennés loix.

Ie fais mon heritier tout le peuple François,

Ie luy laisse les pleurs, le sang, les pilleries,

Les meurtres, assalsins, insignés vrolleries,

Les vesues, orphelins, & les violemens,

Les larmes, les regrets, & les rançonnemens,

Les ruines des bourgs, des villes, des villages,

Des chateaux, des maisons, & tant de brigandages.

Les ennuis & douleurs, & to<sup>o</sup> les maux receus

Par surprise ou assauts, par les flãmes & feux,

Bref de son cher pays les cendreuses reliques,

Reste de mes labours & secrètes pratiques,  
La cherté, la famine, & la mendicité,  
La bezace, soulas seul de nécessité.  
Plus par forme de lay, au saint Pere ie donne  
Les terribles effrois de sa triple couronne,  
Mesme la tyrannie & l'vsurpation  
Sous le masque & manteau de la religion.  
Dessus les plus grands Roys & Princes de la  
terre,  
En vertu de son foudre & esclatant tonnerre.  
Item à l'Espagnol ie legue mes desseins,  
Ma creance & ma foy, mes proiets plus hau-  
rains,  
Mes conseils plus secrets, & mon intelligéce,  
Tât dehors que dedás le Royaume de France,  
Vne guerre future, & l'vsurpation  
De ses pays, loyer de son ambition.  
Ie laisse d'abondant à ce Duc de Mayenne  
Mes frayeurs & mes peurs, mes traux &  
mes peines,  
Les tourmens, les chagrins, les mescontente-  
mens,  
Qu'apportent des mutins les diuers mouue-  
mens,  
Et du cant Bazané la trompeuse aliance,  
De son ambition la iuste recompense,  
Le desespoir final, les male dictions,  
Du peuple, sur l'authéur de tant afflictions,  
L'ire du ciel vengeur, le remords de l'offence,  
Bourreau perpetuel de l'ame & conscience:  
Somme pour tout loyer, ie luy laisse le pris  
D'un tardif repentir, d'auoir trop entrepris.  
I'ordonne outre cela que ceste bonne dame

Qui le nom sacré-saint de Montpensier dif-  
fame,

Auant tout autre lay de ce mien Testament,  
Aye apres mon decez le cousteau de Clemét.

Au Guifard Phaëton l'ombre de la couronne,

Qu'il s'est imaginé, ie laisse ligue, & donne

L'espoir de paruenir à l'Hymen aspiré,

Et le fruit du penser au grade désiré,

Vn torne dos de peuple, vn reuire-fortune,

Contre cil qui despéd d'vne sottie commune,

L'estat mal asseuré, la risque d'vn vaisseau

Qui sans voile & patron bransle & flotte sur

l'eau.

Le souci d'acquiter les dettes de son pere,

L'extreme ingratitude, & le grand vitupere

Qui ganelonnera de Ferry le surnom,

Et de siens à jamais soüillera le renom.

Je legue au Sauoyard la ruine totale

Des siens, & vne fuite en la terre Papale,

Ou bien vers l'Espagnol sur l'arriere saison,

Et au Duc de Nemours vne estroite prison,

A cest ingrat Mercure, & d'Aumale ie legue

La reputation des fuyars de la legue,

Je laisse au Duc Lorrain, & au Marquis du

Pont

Pour fruits de leurs labeurs la honte sur le

front.

Et en outre sans plus ceste belle esperance

Qu'ils ont eu de porter la couronne de Frâce,

D'auantage ie done au bon Bacchus Lorrain,

Qui est des moins mauuais deux flascons de

bon vin.

(stre,

Et parce que ie suis mere, & non point mara-



Te legue & laisse en propre à mon fils de la  
Chastre,

Tout l'argent monnoyé, lequel à mon adueu  
Pour moy, & en mon nom receuoir il a peu,  
Pour luy les hoirs, à quoy que la somme se  
monte,

Et sans qu'il soit tenu d'en rendre iamais côte,  
Pourueu que toutesfois il garde mieux sa foy  
Qu'il n'a fait ci deuât à s<sup>on</sup> Prince & son Roy.  
Plus ie donne au Legat les cédres de sa Bulle,  
Et pour s'en retourner quelque chetive Mulle.  
Et aux Prelats qui vont les peuples deceuant,  
Vn esperé chapeau de fumée & de vét (ge,  
Quant aux Predicateurs, qui chantés ma loüä-  
Au vulgaire ignorant faisoient d'un diable un  
Ange,

Preschans le feu, le sang, & la rebellion  
Pour les points principaux de ma religion,  
Athees malheureux, ministres de feintite,  
Bacchantes forcenez, maquignons de l'Eglise,  
Seducateurs, Apostats, ie veux que de mon bien  
Egalement parti on ne leur donne rien,  
Sinon la faim, la soif, le froid, & la famine  
Qu'ils preschoient dans Paris saoullez en ma  
cuisine

Et parce que i'entens & veux mon Testament  
Sortir son plein effet tout haut presentement  
Les Alemans ie nomme, & Cantons de Suisse  
Pour les executeurs, comme aimäs la Iustice.  
Et pour plus grande foy, i'ay signé cest escrit,  
De plusieurs bons tesmoins & Notaires souf-  
crit.

F I N.

81-28

10/22/80

5060



20  
E600  
5253m

